

唐 李延壽 撰





中

華

書

局

第

卷三六至

_至 卷 五 四

四 (傳)

册

北史卷三十六

列傳第二十四

薛辯五世孫端 端子胄 端從子濬 辯孫湖 湖子聰 聰子孝通 孝通子道衡

聰弟子善 善弟慎 薛實 薛燈

襲爵,位梁州刺史,諡曰忠惠。京都傾覆,皆以義烈落閒。 薛辯字允白,河東汾陰人也。 會祖興,晉尚書右僕射、冀州刺史、安邑公,諡曰莊。祖濤

福謁之。溫曰:「江東無卿比也,秦國定多奇士,如生輩尚有幾人。 吾欲與之俱南。」猛曰: 山來謁,與猛皆署軍謀祭酒。强察溫有大志而無成功,乃勸猛止。 「公求可與撥亂濟時者,友人薛威明其人也。」溫曰:「聞之久矣。」方致朝命。强聞之,自商 見委任。其平陽公融爲書,將以車馬聘强,猛以爲不可屈,乃止。及堅如河東伐張平,自與 父强,字威明,幼有大志,懷軍國籌略。與北海王猛,同志友善。及桓溫入關中,猛以巾 俄而溫敗。及苻堅立,猛

四薛辯

列

傳第二十

死節 右光 諡 軍 敗 日 禄大 之將 騎 强 馳 逐 至强 夫、七兵尚書,封馮 耳。」堅諸 總宗室强兵,威振 壘下 ,求與相見。 將請攻之,堅曰:「須吾平晉, 翊 河輔、破慕容永 郡 强使主簿責之,因慷慨宣言曰:「此城終 公,轉 左戶 尚 於 陳川。 書。 自當 年九十八,卒。 面縛。 姚興 聞 捨 而憚之, 之以勸 贈輔國大將軍、司 遣 事 使 君 無生降之臣,但有 重 者 __ 加 禮 後堅 命, 伐晉, 徒公, 徴拜

史,賜 平陽 帝甚 關 庶子 右 辯幼而 褒 太守, 河 餌 卿宜克終 獎 北 汾陰侯。 之。 委 太守 **儁爽,俶儻多大略,由是豪傑多歸慕之。** 以 又除 良算,與股 北 辯知 其 道 好州 年 鎭 · 語 闕 姚氏 捍。 刺 史,徵授大羽眞。 爲 明元 及長安失守,辯 運衰,遂棄歸家 長安主 深 一人。」辯 加器 重 遂 保 既還任,務農教戰,恒以 明 泰常七年,卒於官。 歸 鄉邑。 年方 魏。 得旋鎭。 及晉將 仍立 强卒,復襲統其營。 功 劉裕 於河際,位 帝謂之曰:「朕 帝以所 平姚泓 數千之衆,摧 平 (圖未遂,深悼惜之。 西 卽 仕姚興,歷太子 委卿 將軍 署 相 抗 東雍 西蕃 國掾 赫 方志 連 尋除 州 氏。 中 刺

謹 謹遂亦來奔。 子 謹 字 法順 授河東太守,後襲爵汾陰侯。 容 貌 魁偉 ··, 高 才 博 學。 隨劉裕 始光三年,與宜都王 度江 一,位 府 記 室 參 奚斤共討赫連昌 軍 . ([] 辯將 歸 魏 「禽其 密

贈弁、確

州

刺

史。

節、秦州刺史。山胡白龍憑險作逆,太武詔南陽公奚眷與謹並爲都將,討平之,封涪陵郡公。 東平公乙兜,剋蒲坂。 太延初,征 L吐沒骨, 平之。 謹自郡遷州, 威恩兼被, 風化大行。 遂以新舊百姓幷爲一郡,除平西將軍,復爲太守。 時兵荒之後,儒雅道息,謹命 神麍三年,除使持

從駕 立庠序,敎以詩書,三農之暇,悉令受業,躬巡邑里,親加考試,河汾之地,儒道 北討,與中山王辰等後期,見殺。尋贈鎭西將軍、秦雍二州刺史,諡曰元公。 眞 君元年,徵授內都坐大官,輔政。深見賞重,每訪以政道,車駕臨幸者前後數四。 更興。

二寇往來之路。 眞君 長子初古拔,一曰車轂拔,本名洪祚,太武賜名焉。沈毅有器識,弱冠,司徒崔浩見而奇 中,蓋吳擾動關右,薛永宗屯據河側,太武親討之。詔拔糾合宗鄉,壁於河際,斷 事平,除中散,賜爵永康侯。 太武南討,以拔爲都將,從駕臨江而還。 叉共

陸眞討反氐仇傉檀、强免生,平之。

都 勉,復令還州。 平陽公。 據 城 皇興 歸順,敕拔詣彭城勞迎,除南豫州 (三年,除散騎常侍,尚文成女西河長公主,拜駙馬都尉。 其年,拔族叔徐州刺史安 三年,拔 太和六年,改爵河東公。 與南兗州刺史游明根、南平太守許含等,以善政徵詣京師。 卒,贈左光祿大夫,諡曰康。 刺史。延興二年,除鎭西大將軍、開府儀同,進爵 獻文親自勞

列

葬授持節、義陽道都將。後除立忠將軍、河北太守。 郡帶山河,俗多盜賊。 二千餘家,恃强憑險,最爲狡害,劫掠道路,侵暴鄕閭。 胤至郡,卽收其姦魁二十餘人,一時 長子胤,字寧宗。少有父風。弱冠,拜中散。襲爵鎭西大將軍、河東公,除懸瓠鎭將。 有韓、馬兩姓各

襲爵,位太中大夫。孝紳立行險薄,坐事爲河南尹元世儁所劾,死。 子裔,字豫孫,襲爵。性豪爽,盛營園宅,賓客聲伎,以恣嬉游。 後贈華州刺史。 卒於洛州刺史。子孝紳 戮之。於是羣盜懾氣,郡中淸肅。卒於郡,諡曰敬。

拔弟洪隆,字菩提,位河東太守。

太守,諡曰宣。始拔尙西河主,有賜田在馮翊,驎駒徙居之,遂家於馮翊之夏陽。 長子麟駒,好讀書,舉秀才,除中書博士。齊使至,詔麟駒衆主客郞以接之。卒,贈河東

丘子,行滄州刺史。爲萬榮攻圍,城陷,尋患,卒,贈華州刺史。 延儁、袁翻,互有同異。雖曰戲謔,詞義可觀,事傳於世。後兼左丞,爲幷、肆行臺,賜爵龍 狐,慶之與廷尉正博陵崔纂,或以城狐狡害,宜速殺之,或以長育之月,宜待秋分。二卿裴 長子慶之,字慶集。頗有學業,閑解几案,位廷尉丞。廷尉寺鄰北城,曾夏日寺傍得一

慶之弟英集,性通率。隨舅李崇在揚州,以軍功累至書侍御史、通直散騎常侍,卒。英

司空高乾邕辟爲參軍,賜爵汾陰男。三端以天下擾亂,遂棄官歸鄉里。 端字仁直,本名沙陁。 有志操,遭父憂,居喪合禮。與弟裕勵精篤學,不交人事。年十

州刺史蘇景恕鎭之。 東魏又遣其將賀蘭懿、南汾州刺史薛琰達守楊氏壁。端率其屬,幷招喻村人,多設奇兵以臨 等東度。 石城栅,得觅。 一薛脩義督乙干貴西度,據楊氏壁。端與宗親及家僮等先在壁中,〔三〕脩義乃令其兵逼端 懿等疑有大軍,便東遁,赴船溺死者數千人。端收其器械,復還楊氏壁。 魏孝武西遷,周文令大都督薛崇禮據龍門,引端同行。崇禮尋失守,降東魏。東魏遣行 方欲濟河,會日暮,端密與宗室及家僮等叛之。脩義亦遣騎追,端且戰且馳,遂入 棚中先有百家,端與幷力固守。貴等數來慰喻,知端無降意,遂拔還河東。 降書勞問,徵端赴闕,以爲大丞相府戶曹參軍。 周文遣南汾

不如曠職。」周文深然之。 能 端性强直,每有奏請,不避權貴。 了雖貴游子弟,才劣行薄者,未嘗升擢之。 每啓周文云:「設官分職,本康時務,苟非其人, 從禽竇泰,復弘農,戰沙苑,並有功,進爵爲伯。後改封文城縣伯,四累遷吏部郎中。 大統十六年,大軍東討,至社國李弼爲別道元帥,妙簡英僚,數 周文嘉之,故賜名端,欲令名質相副。 自居選曹,先盡賢

日不定。 周文謂弼曰:「爲公思得一長史,無過薛端。」弼對曰:「眞才也。」乃遣之。轉尙書右

丞,仍掌選事。

不得。 梁主蕭營會獻馬瑙鍾,周文帝執之顧丞郎曰:「能擲摴蒱頭得盧者,便與鍾。」已經數人 頃至端,乃執摴蒱頭而言曰:[k]「非爲此鍾可貴,但思露其誠耳。」便擲之,五子皆

之鑒,其所擢用,咸得其才。六官建,拜軍司馬,加侍中、驃騎大將軍、開府儀同三司,進 我異。」遂脫所著冠帶袍袴並以賜之。進授吏部尚書,賜姓宇文氏。 文帝大悦,即以賜之。 請待龕翦僭偽,然後俯順樂推。文帝撫端背曰:「成我者卿也。 魏帝廢,近臣有勸文帝踐極,文帝召端告之。端以爲三方未一,遽正名號,示天下以不 端久處選曹,雅有人倫 卿心旣與我同,身豈與

薄葬,府州贈遺,勿有所受。贈本官,加大將軍,進封文城郡公,諡曰質。子胄嗣。, |護 總管史寧遣司馬梁榮催令赴任。蔡州父老訴榮,請留端者千餘人。至基州未幾,卒。 不悅,出爲蔡州刺史。爲政寬惠,人吏愛之。轉基州刺史。基州地接梁、陳,事藉鎭撫, 周孝閔帝踐阼,再遷戶部中大夫,進爵爲公。晉公護將廢帝,召羣臣議之。端頗具同異, 儒莫不稱善。 **青字紹玄,少聰明,每覽異書,便曉其義。** 性慷慨,志立功名。 周明帝時,襲爵文城郡公。 常歎訓注者不會聖人深旨,輒以意辯之,諸 累遷上儀同,尋拜司金大夫,

後加開府。

所 澤 謂 此 詣 人 陳, 向 盡 爲 至 郡。 爲 神 秩滿,公私不悟。 道力僞作高平郡守,將之官。 隋文帝受禪,三遷爲兗州刺史。 又固請胄。 良田,又通轉運,利盡淮海,百姓賴之,號爲薛公豐兗渠。 明。先是,兗州城東沂、泗二水合而南流,汎濫大澤中。 旣 而 一悔之,卽遣主簿追道力。 **青呵,君馥乃止。** 俱羅遂語君馥曰:「向道力經賜代爲郡,使君豈容疑之。」君馥以俱羅 **胄遇諸塗,察其有異,將留詰之。司馬王君馥固諫,乃聽** 遂收之,道力懼而引係。 有部人徐俱羅嘗任海陵郡守,先是已爲道力係 到官,繫囚數百,胄剖斷旬日便了,囹圄空虚。 其發姦擿伏,皆此類也。 **胄遂積石堰之,決令西注,陂** 有陳州 代之。 時人

繫之,久而 被疏忌,及王 史,有惠 胄 以天 政。 得発。 下太平,遂遣博士登泰山觀古迹,撰封禪圖 一世積 徴拜衛: 檢校相州 誅,類事 尉卿,轉大理 與相 事,甚 連,上因此 卿,持法 有能名。 欲成類罪。 寬平,名爲 稱職。 **冑明雪之**,正 及儀上之。 遷刑 部尚書。 帝謙讓不許。轉郢州刺 議其獄。 時左僕射高頻稍 由 [是忤旨,械

漢王諒作 亂 遣其將綦良東略地,攻逼慈州。 刺史上官政請援於胄,胄畏諒兵鋒,

不敢 **青懷貳心,鎖詣大理。** 去就須得其所,何遽相攻也。」良乃釋去,進圍黎陽。 拒。 子筠、獻知名。 良又引兵攻胄, 胄欲以計却之, 遣親人魯世範說良曰: 「天下事未可知。 胄爲人臣, 相州吏人素懷其恩,詣闕理胄者百餘人。 及良爲史祥所攻,棄軍歸 **冑竟坐除名,配防橫南,道** 冑。 朝廷以

干世務。俗慕其恬靜,數載酒肴候之,談宴終日。 丘壑,進不市朝,怡然守道,榮辱弗及,何其樂也。」 丈夫當聖明之運,而無灼然文武之用爲世所知,雖復栖遑,徒爲勞苦耳。至如韋居士,退不 端弟裕,字仁友。少以孝悌聞於州里。 弱冠,丞相參軍事。時京兆韋夐志安放逸, **敻遂以從孫女妻之。** 裕嘗謂親友曰:「大

共出之,因勸裕酒曰:「向慮卿不測憂,幸得無他,宜盡此爵。」俗曰:「墜井蓋小小耳,方當逾 於此也。」人問其故,俗曰:「近夢,恐有兩楹之憂。」尋卒,文章之士誄之者數人。周文傷惜 **裕曾宿宴于敻之廬,後庭有井,裕夜出戶,若有人欲牽其手,裕便却行,遂落** 井。 同坐

之,追贈洛州刺史。

青從祖弟濬,字道賾。父琰,周渭南太守。濬少孤,養母以孝聞。 幼好學,有志行。 周

艱,詔鴻臚監護喪事,歸葬夏陽。時隆冬極寒,濬衰絰徒跣,冒犯霜雪,自京及鄉,五百餘 天和中,襲爵虞城侯,位新豐令。隋開皇中,歷尚書虞部、考功侍郎。帝聞濬事母孝,以其 里,足凍墮指,創血流離,朝野爲之傷痛。州里賵助,一無所受。尋起令視事,上見其毁瘠 母老,賜輿服几杖、四時珍味,當世榮之。後其母疾病,濬貌甚憂瘁,親故弗之識。 **暨丁母**

過甚,爲之改容,顧羣臣曰:「吾見醉濬哀毀,不覺悲感傷懷。」嗟異久之。

永 濬竟不勝喪,病且卒。 其弟謨時爲晉王府兵曹參軍事,在揚州。 濬遺書於謨曰: 何可言!適已有書,冀得與汝面訣,忍死待汝,已歷一旬。汝旣未來,便成今古,緬然 而 親,庶保期頤,得終色養。 用叩心泣血,實氣摧魂者也。 m 別 有 爾篇,服膺教義,爰至長成。自釋耒登朝,于茲二十三年矣。雖官非聞達,而祿喜逮 知,得從先人於地下矣,豈非至願哉?但念爾伶傳孤宦,遠在邊服,顧此悢悢,如 ,爲恨何言! ,獲禀母氏聖善之規。 吾以不造,幼丁艱酷,窮游約處,屢絕簞瓢。晚生早孤,不聞詩禮。賴奉先人貽厥 勉之哉 ! 勉之哉! 何圖精誠無感,禍酷薦臻,兄弟俱被奪情,苦廬靡申哀訴,是 負笈裹糧,不憚艱遠,從師就業,欲罷不能。**砥行礪心**,困 旣而創鉅釁深,不勝荼毒,啓手啓足,幸及全歸。使夫死

書 成 而絕。 列 僔 剱 有司 + 以聞,文帝為之屑涕,降使齎册書弔祭。濬性淸儉,死日家無遺財。 四 鞜 癖

此兒早有名位,然壽不過六七耳。」言終而出,忽然不見。後終於四十二,六七之言驗矣。 祥,歸大憂悴。母問之,以實對。 時有胡僧詣宅乞食,母以告之。僧曰:「此兒之吉應。且 濬初爲兒時,與宗中兒戲澗濱,見一黃蛇,有角及足。召羣童共視,了無見者。以爲不

子乾福,武安郡司倉書佐。

兄弟並爲本郡,當世榮之。復受詔爲仇池都將。後罷郡,終於家。有八子,長子聰知名。 三召州都,再辟主簿,州將傾心致禮,並不獲己而應之。爲本州中從事、別駕,除河東太守。 人。或有兄弟忿閱,鄰里爭訟者,恐湖聞之,皆內自改悔。鄉閭化其風教,咸以敬讓爲先。 洪隆弟湖,字破胡。少有節操,篤志於學,專精講習,不干時務,與物無競,好以德義服

墓側,哭泣之聲,酸感行路。友于篤睦,而家教甚嚴,諸弟雖昏宦,恒不免杖罰,對之肅如也。 博覽墳籍,精力過人,至於前言往行,多所究悉。詞辯占對,尤是所長。遭父憂,廬於 聰字延智。方正有理識,善自標致,不妄游處。雖在闇室,終日矜莊,見者莫不懍然加

太和十五年,釋褐著作佐郎。于時,孝文留心氏族,正定官品,士大夫解巾,優者不過

未弱冠,州辟主簿。

奉朝請,聰起家便佐著作,時論美之。 者,聰輒 爭之。 帝每云:「朕見薛聰,不能不憚,何況諸人也。」自是貴戚歛手。 後遷書侍御史,凡所彈劾, 不避强禦, 孝文或欲寬貸 累遷直閣將

軍,兼給事黃門侍郎、散騎常侍,直閤如故。

之世 謂之曰:「卿天爵自高,固非人爵之所榮也。」又除羽林監。 匡諫,事多聽允,而重厚沈密,外莫窺其際。 ·,恒帶直閤將軍。 聰深爲孝文所知,外以德器遇之,內以心膂爲寄。 羣臣罷朝之後,聰恒陪侍帷幄,言兼晝夜,時政得失,預以謀謨,動輒 帝欲進以名位,輒苦讓不受。 親衞禁兵,委總管領,「智」 帝亦雅相體悉, 故終太和

陛下,是虜 薛監醉耳。」其 臣遠祖 帝曾與朝 非 廣德,世仕漢朝,時人呼爲漢。 蜀也。」帝撫掌笑曰:「卿幸可自明非蜀,何乃遂復苦朕。」聰因投戟而出。帝曰: 臣 見 [論海內姓地人物,戲謂聰 曰:「世 人 謂 卿 諸 薜 是蜀人,定是蜀人不。」聰對 知 如 此。 臣九世祖永,隨劉備入蜀,時人呼爲蜀。 臣今事

贈車騎大將軍、儀同三司、延州刺史。 州,吏人追思,留其所 二十三年,從駕南 坐榻 征 ,兼御史中尉。及宣武卽位,除都督、齊州刺史,政存簡靜。 以存遺愛。 贈征 子孝通最知名。 廣將軍、華州刺史, 諡曰簡懿侯。 魏前二年,重 卒於

有異志,孝通悟其萌,託以拜掃求歸,乃見許。同僚咸怪,止之,但笑而不答,遽還鄕里。 孝通字士達。 博學有儁才,蕭寶夤征關中,引參驃騎大將軍府事,禮遇甚隆。及寶夤將 寶

夤後果逆命。 康太守元襲嬰城固守。及寶夤平定,元顥退走,預其事者咸罹禍,唯同孝通者皆免。事寧, 海乘虛遠入,吳兵不能久住,事必無成。今若與永宗等同舉,滅族道也。」乃率其近親,與河 入洛,除員外散騎侍郎。。今朱天光鎭關右,表爲關西大行臺郎中,深見任遇。關中平定,預 有其力,以功賜爵汾陰侯。 北海王元顥入洛、宗人薛永宗、脩義等又聚徒作亂,欲以應之。孝通與所親計曰:「北

常侍,無中書舍人,封藍田縣子。孝通求以官贈亡兄景懋,又言已有侯爵,請轉授兄息子 之。廣陵王曰:「天何言哉。」於是定册,卽節閔帝也。以首創大議,拜銀靑光祿大夫、散騎 有令望。不言多載,理必陽瘖。奉以爲主,天人允叶。世隆等並以爲疑。孝通密贊天光察 節閱覽啓傷感,以侯爵旣重,不容轉授,乃下詔褒美。特贈景懋撫軍、北雍州刺史。 莊帝旣幽崩,元曄地又疏遠,更議主社稷。孝通以廣陵王恭,高祖猶子,又在茂親,夙

與元翌及孝通等宴,無奏絃管,命翽吹笛,帝亦親以和之。因使元翌等嘲,以酒爲韻。孝通 孝通尋遷中書郎,深爲節閔所知重。普泰二年正月乙酉,中書舍人元翽獻酒肴,帝因

嵩二于 徒然 濟濟, 心 :「旣逢堯舜君,願上萬年壽。」帝曰:「平生好玄默,慚爲萬國首。」帝曰:「卿所謂壽, 」便 翽 野苗又芃芃。」帝曰:「君臣體魚水,書軌一華戎。」孝通曰:「微臣信慶渥,何 時,孝通內典機密,外參朝政,軍國動靜,預以謀謨。 曰 :「聖主臨萬機,享世永無窮。」孝通曰:「豈唯被草木,方亦及昆蟲。」|翌日:「朝賢旣 命酌酒賜孝通,仍命更嘲,不得中絕。 孝通卽豎忠爲韻。 加以汲引人物,知名之士,多見 帝曰:「卿不忘忠臣之 以答 豊容 華

自若。 毎 謂之曰:「兄以阮籍、嵇康何如管仲、樂毅?」蓋自許經綸,抑裴傲也。 外 兄裴伯茂性豪俊,多所輕忽,唯欽賞孝通,每有著述,共參同異。孝通以裴宏放過甚, 裴笑 而不答,宏放

推

薦。

節閔 秦 漢舊都,須預謀鎭遏,以爲後計。 通 同鎭長安。 與賀 、雍諸軍 遂不得入關,爲 屬 拔岳 齊神武起兵河朔,攻陷相州刺史劉誕。 事,關 岳深 同 事天光,又與周文帝有舊,二人並先在關右, 相器重,待以 西大行臺,雍州牧,周文帝爲左丞,孝通爲 齊神武 幽廢。 師友 縱河北失利,猶足據之。 之禮。 與周文帝結爲兄弟,情寄特隆。後天光敗於韓陵, 余朱天光自關中討之。 孝通以關中險固,秦、 石丞。 節閔深以爲然,問 因並 推薦之。 齎詔書馳驛 乃超 誰 入關 授 可 岳岐、 任者。 授岳等,

孝武

執孝通 黄河 輔禮 不能 今或在京師,或據州鎭,除之又失人望,留之腹心之疾。 韓陵之役,此輩前後降附,皆由事勢危逼,非其本心。 深、樊子鵠、賈智、云則斯椿、大野胡也杖、云、吒呂延慶口立之徒,於尒朱之世,皆其夷等。 須平殄。 「高王以數千鮮卑破尒朱百萬之衆,其鋒誠亦難敵。 議之人,踰幽、幷之驍騎,勝汝、願之奇士,皆係仰於公,效其智力。據華山 而 如建安之時,明矣。 爲 手曰:「君言是也。」乃遜辭爲啓,而不就徵。 今方綏撫羣雄,安置內外,何能去其巢穴,與公事關中地也。且六郡良家之子,三 池壍,退守不失封泥,進兵同於建水。乃欲束手受制於人,不亦鄙乎。」言未卒,岳 以今觀之,隙難未已。 吐萬仁雖復退逸,猶在幷州,高王之計,先 在於高王,曹操之孔融,馬懿之葛誕。 雖令孫騰在 然公兩兄太師、領軍,宿在其上。侯 闕 下,婁昭處鈎陳,必 以爲 城雉,因

守,仍以經節閔任遇故也。及孝武西遷,或稱孝通與周文友密,及樹置賀拔岳鎭關中之計 **猶使爲文。** 逐見拘執,將赴晉陽。 日原発。 太昌元年,孝通因使入朝,仍被留京師,重除中 然猶致疑忌,不加位秩,但引爲坐客,時訪文典大事而 曾與諸人同詣晉祠,皆屈膝盡禮,孝通獨捧手不拜,顧而言曰:「此乃諸侯之國, 及引見,咸爲之憂。孝通 神氣從容,辭理切正,齊神武更相欽歎,卽 書侍郎。 永熙三年三月,出爲 已。 齊神武讓劍履上殿表, 常山太

去吾何遠,恭而 非禮,將爲神笑。」拜者慚焉

興 和 二年,卒於鄴。 魏前二年,周文帝追軫舊好,奏贈車騎將軍、儀同三司、靑州刺史。

齊武 平初,又贈鄭州刺史。江江文集八十卷,行於時。

悟見而嗟賞,授奉朝請。吏部尚書隴西辛術與語,歎曰:「鄭公業不亡矣」河東裴藏目之曰: 頗 有詞致,見者奇之。其後才名益著。齊司州牧、彭城王敞引爲兵曹從事。 子道衡,字玄卿。 六歲而孤,專精好學。年十歲,講<u>左傳,見子產相鄭之功,作國</u>僑贊, 尚書 左 僕

鼎遷 河朔,吾謂『關西孔子』,罕遇其人,今復遇薜君矣!」

日一 鄎。 直 一中書省,尋拜中書侍郎,仍參太子侍讀。 傅粹所謂以蚓投魚耳。」待詔文林館,與范陽盧思道、安平李德林齊名友善。 陳使傅辉聘齊,以道衡兼主客郎接對之。 武成即位,兼散騎常侍,接對周、陳二使。 齊後主之世,漸見親用,與侍中斛律孝卿 武平初,詔與諸儒修定五禮,除尚書左外兵 |絳贈詩五 一十韻,道衡和之,南北稱美。 復以本官 參預政 魏收

道衡 具陳備周之策,孝卿不能用。

帥 梁睿擊王謙 及 齊亡,周武帝引爲御史二命士。 ,攝陵州刺史。 大定中,授儀同,守邛州刺史。 後歸鄉里,自州主簿入爲司祿上士。隋文作相,從元

列 傳 第 = 十 四 薛 辯

常侍,聘陳使主。道衡因奏曰:「陛下比隆三代,平一九州,豈容區區之陳,久在天網之外? 臣今奉使,請責以稱蕃。」帝曰:「朕且含養,致之度外,勿以言辭相折。」江東雅好篇什,陳主 文帝受禪,坐事除名。河間王弘北征突厥,召典軍書。還,除內史舍人。其年,兼散騎

耳。 尤愛彫蟲,道衡每有所作,南人無不吟誦焉。 文慶,委以政事,尚書令江總唯事詩酒,本非經略之才,蕭摩訶、任蠻奴是其大將,一夫之用 峻宇彫牆,酣酒荒色。 言,其必剋一也。有德者昌,無德者亡,自古興滅,皆由此道。主上躬履恭儉,憂勞庶政,叔寶 九州,本是王者封域。 分之則勢懸 「今段定克江東以不?君試言之。」道衡答曰:「凡論大事成敗,先須以至理斷之。 「君言成敗,理甚分明。 其必剋三也。 及八年伐陳,拜淮南道行臺尚書吏部郎,兼掌文翰。王師臨江,高頗夜坐幕中,謂曰: 而 力弱,聚之則守此而失彼。其必剋四也。席卷之勢,其在不疑。」 頗忻然曰: 我有道而大,彼無德而小。量其甲士,不過十萬,西自巫峽,東極滄海, 其必剋二也。爲國之體,在於任寄。彼之公卿,備員而已。拔小人施 郭璞有云:『江東偏王三百年,還與中國合。』今數將滿矣。 本以才學相期,不意籌略乃爾。」還除吏部侍郎。 禹貢所載 以運敷而

人諷道衡,遣從揚州路,將奏留之。道衡不樂王府,用漢王諒之計,遂出江陵道而去。尋詔 後坐抽擢 人物,有言其黨蘇威,任人有意故,除名,配防嶺表。晉王廣時在揚州,陰令

徵還,直內史省。晉王由是銜之。 然愛其才,猶頗見禮。

人便怒,其沈思如此。 「道衡老矣,驅使勤勞,宜使朱門陳戟。」於是進上開府,賜物百段。 後數歲,授內史侍郎,加上儀同三司。 帝每日:「道衡作文書稱我意。」然誠之以迂誕。後帝謂楊素、牛弘曰: 道衡每搆文,必隱坐空齋,蹋壁而臥,聞戶外有 道衡辭以無功。帝曰:

「爾久勞階陛,國家大事,皆爾宣行,豈非爾功也?」

攝。 道衡 時。 |淸簡,吏人懷其惠 今爾之去,朕如斷一臂。」於是賚物三百段,九環金帶幷時服一襲,馬十匹,慰勉遣之。 道衡 一旦見出,不勝悲戀,言之哽咽。 仁壽中,楊素專掌朝政。 **人當樞要,才名益顯。** 太子、諸王爭與交好,高類、楊素雅相推重,聲名籍甚,無競 道衡旣與素善,上不欲道衡久知機密,因出檢校襄川總管。 帝愴然改容曰:「爾光陰晚暮,侍奉誠勞,殷欲令爾將

當 使高類不死,令當久行。」有人奏之。 及禍,勸之杜絕賓客,卑辭下氣,而道衡不能用。 此 在任 魚藻之義也。」於是拜司隸大夫,將置之罪。 以秘書監待之。」道衡旣至,上高祖文皇帝頌。帝覽之不悅,顧謂蘇威曰:「道衡致美先朝, 煬帝嗣位,轉潘州刺史。自己歲餘,上表求致仕。帝謂內史侍郎虞世基曰:「道衡將至, 帝怒曰:「汝憶頗乎?」付執法者推 道衡不悟,司 會議新令, 隸刺史房彥謙素與相 **外不能決**, 之。 道衡謂朝 道衡自以非大 廿日"「向 善知必

列傅

第

1 三回〇

過,促憲司早解。 意,未能引訣。 憲司重奏,縊而殺之。 奏日,冀帝赦之,敕家人具饌以備客來候者。 妻子徙且末。 時年七十。 天下寃之。 有集七十卷, 及奏,帝令自盡。 道衡殊不

有子五人,收最知名,出後族父孺。

行於世。

常丞胡仲操會在朝堂就孺借刀子割爪甲。 官皆有能名。 獨行,皆此類也。 中,爲侍御史、揚州總管司功參軍。 孺清貞孤介,不交流俗。涉歷經史,有才思,雖不爲大文,所有詩詠,大致淸遠。 道衡偏相友愛,收初生,即與孺爲後。 每以方直自處,府僚多不便之。卒於襄城郡 孺以仲操非雅士,竟不與之。 養於孺宅,至於成長,殆不識本生。 其不肯妄交,清介 掾。 所涖 開皇 太

燕郡太守,以簡惠稱。宣政元年,賜爵齊安縣子。卒於郡。 道衡兄溫,字尼卿。 沈敏有器局,博覽墳典,尤善隸書。 子邁嗣 仕周爲上黃郡守。 周平齊,徙

邁字弘仁。性寡言,長於詞辯。 開皇初,襲爵齊安子,改封鍾山。 歷位太子舍人。大業

中,爲刑部、選部二侍郎。

道衡從父弟道實,位禮部侍郎、離石郡太守,知名於世。

從子德音,有儁才,起家游騎尉。佐魏澹修魏史,史成,遷著作佐郎。 及越王侗稱制東

,王世充之僭號,軍書羽檄,皆出其手。 世充平,以罪誅。 其文筆多行於世。

聰弟和,南青州刺史。和子善。

善家素富,僮僕數百人。兄元信,仗氣豪侈,每食方丈,坐客恒滿,絃歌不絕,而善獨恭 善字仲良。 少爲司空府參軍,再遷鹽池都將。 孝武西遷,魏改河東爲秦州, 以善爲別

己率素,愛樂閑靜。

督六縣 並 大。 善,云:「意欲 固 辭 |善密說||崇禮,猶持疑不決。 時預謀者並賞五等館。 大統三年,齊神武敗於沙苑,留善族兄崇禮守河東。 事 不受。 尋 應接西軍,但恐力所不制。」善卽令弟濟將門生數十人,與信、馥等斬關引鹇軍 爲 周文嘉之,以善爲汾陰令。 於 行臺郎· 中。 善以背逆歸順,臣子常情,豈容闔門大小俱叨封邑,遂與弟愼 會善從弟馥妹夫高子信爲防城都督,守城南面,遣馥來詣 善幹用强明,一郡稱最。 周文帝遣李鹏圍之,崇禮固守不 太守王羆美之,令善棄

冶,復令善爲監 遷 大丞相府從 時 欲廣置 事 屯 ,每月役八千人,營造軍器。 田 中 郎 以 供 追論 、軍費,乃除司農少卿,領同州夏陽縣二十屯監。 又於夏陽諸山置鐵 屯田 功,賜爵龍門縣子。 善自督課,兼加 遷黃門侍郎,除河東郡守,進驃騎大 慰撫,甲兵精利而皆忘其苦焉。

列

傳第

+

四

薛辯

將軍、開府儀同三司、賜姓字文氏。六官建、拜工部中大夫,進爵博平縣公。 再遷戶部中

大夫。

殺帆。 出 「為隆州 時晉公護執政,儀同齊軌語善云:「兵馬萬機,須歸天子,何因猶在權門。」善白之,護乃 以善忠於己、引爲中外府司馬、遷司會中大夫、副總六府事。加授京兆尹、仍行司會。 刺 史,兼益州總管府長史。 徵拜武威少府。[1三卒,贈三州刺史。帝以善告齊軌事,

子褒嗣,官至高陽郡守。

諡

日

繆公

李璨 生。 競爲大乘學。 名僧深識玄宗者一百人,於第內講說,又命慎等十二人無學佛義,使內外俱通。 西李璨並 、滎陽 及隴西李伯良、辛韶、武功蘇衡、譙郡夏侯裕、安定梁曠、梁禮、河南長孫璋、河東裴舉、 悉令 善弟愼,字伯護。 友善。 旦理公務,晚就講習,先六經,後子史。又於諸生中簡德行淳懿者侍 鄭朝等十二人,並應其選。 在學數年,復以愼爲宜都公侍讀。 起家丞相府墨曹參軍。 好學,能屬文,善草書。 又以愼爲學師,以知諸生課業。 周文於行臺省置學,取丞郎及府佐德行明 與同郡裴叔逸、裴諏之、柳蚪、范陽盧柔、隴 累遷禮部郎中。六官建,拜膳部下大夫。愼 周文雅好談論,并簡 讀 由 書。 敏者充 是 |恒與 四

兄善又任工部,並居淸顯,時人榮之。

唯萌 雖在, 刺史。 於是風化大行,有同華俗。 別 事者,不限時節。 居數 俗 周 始 卽 一年,遂還侍養,及行得果膳,歸奉父母。 之失,亦是牧守之罪。」慎乃親自誘導,示以孝慈,幷遣守令,各喩所部。 界旣雜蠻夷,恒以劫掠爲務。 孝閔帝 與別 知刺史真 居。 踐阼,除御正下大夫,封淮南縣子。 慎謂守令曰:「牧守令長是化人者也,豈有其子娶妻,便與父母離析?非 人父母也。」莫不欣悅。 慎每見,必殷勤勸 尋爲蕃部中大夫。 誠,及賜酒食。 **愼乃集諸豪帥,具宣朝旨,仍令首領每月一參,或須言** 自是襁負而至者千餘戶。 [[以其從善之速,具以狀聞,有詔 以疾去職,卒於家。 歷師氏、御伯中大夫。 一年之間,翕然從化。 有文集、頗爲世所傳。 **蠻俗,婚娶之後,父母** 保定初,出爲湖州 諸蠻乃相 C 獨其賦役。 有數戶蠻,

郎,修 略,寘並參之。 **匵幼覽篇籍,好屬文,起家奉朝** 薛寘,河東汾陰 國 史。 尋拜中書侍郎,修起居注。 江陵平,進爵爲伯。 人也。 祖遵顏,魏河東郡守、安邑侯。 請。 朝廷方改物創制,欲行周禮,乃令寘與小宗伯盧辯斟酌 遷中 從魏 孝武 書令。 西遷,封郃陽 燕公于謹征 父义,清河 縣子。 江陵,以寘 、廣平二郡守。 廢帝 爲 元 年,領著 司 錄,軍 作佐 中謀

古今,共詳定之。六官建,授內史下大夫。

寘與之方駕,故世號曰盧、薛焉。久之,進位驃騎大將軍、開府儀同三司,出爲淅州刺史。 周孝閔帝踐阼,進爵爲侯,轉御正中大夫。時前中書監盧承,學業優深,文藻華贍,而

於位,吏人哀惜之。贈虞州刺史,諡曰理。

雖年齒已衰,職務繁廣,至於溫凊之禮,朝夕無違。 所著文筆二十餘卷,行於世。又撰西京記三卷,引據該洽,世稱其博聞焉。 當時以此稱之。 寘性至孝,

子明嗣。大象末,儀同大將軍、淸水郡守。

薛憕字景猷,河東汾陰人也。曾祖弘敞,逢赫連之亂,率宗人避地襄陽。

嘗趨世祿之門。 死一校尉,低頭傾首,俯仰而向人也!」常鬱鬱不得志,每在人間,輒陵架勝達,負才使氣,未 多以世族。 燈早喪父,家貧,躬耕以養祖母,有暇則覽文籍。 燈世無貴仕,解褐不過侍郎。 左中郎將京兆韋潛度謂曰:「君門地非下,身材不劣,何不幾裾數參吏部。」 旣羇旅,不被擢用。 疏宕不拘,時人未之奇也。江表取人, 常歎曰:「豈能五十年戴幘,

瞪曰:「『世胄躡高位,英俊沈下僚』,古人以爲歎息,竊所未能也。」潛度告人曰:「此年少實

慷慨,但不遭時耳。」

乎。」憕亦不介意。普泰中,拜給事中,加伏波將軍。 唯郡守元襲時相要屈,與之抗禮。 親善。 孝昌中,杖策還洛陽。先是燈從祖眞度與族祖安都擁徐、兗歸魏,其子懷儁見憕,甚相 屬介朱榮廢立,燈遂還河東,止懷儁家。不交人物,終日讀書,手自抄略,將二百卷。 懷儁每謂曰:「汝還鄉里,不營產業,不肯取妻,豈復欲南

拜中書侍郎,加安東將軍,進爵爲伯。 敗亡之事,其則不遠。吾屬今卽爲人所虜,何慶之有乎。」長高以憕言爲然,並有憂色。 勝之地,必有霸王據之。」乃與孝通俱游長安。侯莫陳悅聞之,召爲行臺郎,除鎭遠將軍、步 而周文平脫,引燈爲記室參軍。 兵校尉。及悅害賀拔岳,軍人咸相慶慰。憕獨謂軍司傅長高曰:「四」「悅才略本寡,輒害良將, 及齊神武起兵,燈乃東游陳、梁間,謂族人孝通曰:「高歡阻兵陵上,喪亂方始。 武帝西遷、授征虜將軍、中散大夫、封夏陽縣男。文帝即位, 關中形

器,自己煙氣通發山中,謂之仙人欹器,一爲二荷同處一盤,相去盈尺,中有蓮,下垂器上,以 處一盤,鉢蓋有山,山有香氣,一仙人又持金缾以臨器上,傾水灌山,則出於餅而注乎 水注荷,則出於蓮而盈乎器,爲鳧雁蟾蜍以飾之,CIKJ謂之水芝欹器。二盤各處一牀,鉢圓 大統四年,宣光、淸徽殿初成,憕爲之頌。 文帝又造二欹器:一爲二仙人共持一鉢,同

列

1 三四六

而牀方,中有人,三才之象也。 皆置淸徽殿前。 器形似觥而方,自己滿而平,溢則傾。 憕各

爲頌。

大統初,儀制多闕,周文令憕與盧辯、檀翥等參定之。 以流離世故,不聽音樂,雖幽室

獨處,常有戚容。後坐事死。

子舒嗣,官至禮部下大夫、儀同大將軍、聘陳使副。

惭後生之可畏,論其任遇,實當時之良選也。 寘、憕並學稱該博,文擅彫龍,或揮翰鳳池,或著書麟閣,咸居祿位,各逞琳琅。 濟之孝悌,素緒之所得也。 蹈誅戮,痛乎!仲良任惟繁劇,弘益流譽,而陷齊諂護,以要權寵,易名爲繆,斯豈虛哉! 論曰:薛辯有魏之初,功業早樹,門膺人爵,無替榮名。 道衡雅道弈葉,世擅文宗,令望攸歸,豈徒然矣,而運逢季叔,卒 端以謙直見知。胄以公平自命。 擬彼徐、陳,

校勘記

位府記室參軍 魏書卷四二群謹傳云:劉裕擒泓, 辟相府行參軍。 隨裕渡江,

尋轉記室參

軍。」這裏「府」上當脫「相」字、不然不知是何府。

賜爵汾陰男 諸本「汾」作「平」, 周書卷三五醉端傳作「汾」。 按「汾陰」爲薛氏鄉望,當時慣例,

以本郡、本縣爲封號以籠絡各地大族。作「汾」是,今據改。

== 端與宗親及家僮等先在壁中 諸本脫「端」字、據周書、通志卷一五七群端傳補。

29 後改封文城縣伯一諸本「文」作「交」、周書作「文」。 按文城縣屬文城郡 後魏置, 地鄰汾陰見隋曹

卷三〇姓興志中。交城縣屬太原郡,隋開皇十六年置見同上。 薛端不得於西魏時封交城伯。今據周

(云)大軍東討 諸本「軍」上脫「大」字、據周書補。

乃執摴蒱頭 而 言日 通志無「頭」字。 按疑是涉上文而行。 上文「頭」字意爲「第一個」,這裏着

「頭」字無義。

C+J 委總管領 通志卷一四九薛聰傳「總」作「聰」,疑是。

[八] 賈智 諸本作「知」、據本書卷四九本傳改。

た 大野胡 疑「杖」是「拔」之訛。 也杖 按其時有大野拔、 「胡也拔」是其本名,單作「拔」是省稱,或漢名。 見魏書卷 一孝靜紀天平二年二月,及本書卷四九樊子鵠傳。

0〕 吒呂延慶 按本書卷四九作「叱列延慶」。

列傳第二十四 校勘記

- 齊武平初又贈鄭州刺史 東魏武定中,張森楷因以爲「武平」是「武定」之誤。但高歡未曾稱帝,武定是魏孝靜帝 「神武武定」也不對。 武平是齊後主年號。其時孝通子道衡「漸見親用」,追贈其父,情事正符。 諸本「齊」下有「神武」二字,通志卷一四九薛孝通傳無。 按高歡死於 年 一號,作
- 煬帝嗣位轉潘 南海郡,仁壽元年置番州。」按岑仲勉隋書求是亦以爲「潘」當作「番」。 州刺史 洪頤煊云:「房彥謙傳本書卷三九,煬帝嗣位,道衡轉牧番州。 隋書地理志

今從通志删「神武」二字。

- 徵拜武威少府 作「少傅」是。但「武威」二字不知從何衍出,疑尙有訛脫,今不改。 周書卷三五蘚善傳,「武威少府」作「少傅」二字。 按周行六官,無少府官名。疑
- 憕獨謂軍司傅長高日 北史本有「軍司傅長高」五字,後「軍」字脫,大德本以下遂改從周書。 本作「司傅長高」四字, 通志卷一五七作「軍司傅長高」五字。按下文云:「長高以憕言爲然。」則 各本「軍司傅長高」五字作「所親」二字,與周書卷三八薛燈傳同, 今據宋本及通志補改。 獨宋
- 二吾 傾水灌 山則出於餅而注乎器 諸本脱「則出於餅」四字,據周書、通志補。
- [1六] 為鳧雁蟾蜍以飾之 諸本脫「蜍」字、據周書、通志補。
- [1十] 器形似觥而方 諸本脱「器」字、據周書、通志補。

北史卷三十七

列傳第二十五

韓茂 皮豹子 封敕文 呂羅漢 孔伯恭 田益宗

孟表 奚康生 楊大眼 崔延伯 李叔仁

韓茂字元興,安定安武人也。 父耆字黃耆,永興中,自赫連屈丐來降,位常山太守,假

安武侯,仍居常山之九門。卒,贈涇州刺史,諡曰成。

|茂年十七,膂力過人, 尤善騎射。 明元會親征丁零翟猛,茂爲中軍執幢,時大風,諸

軍

旗皆偃仆,茂於馬上持幢,初不傾倒。 帝異而問之,謂左右曰:「記之。」尋徵詣行在所,以

爲武賁郎將。

旌

所 衝,莫不應弦 後從太武討赫連昌,大破之,以功賜爵庸陰子,遷侍輦郎。 而 殪。 拜 內侍長,進爵九門侯。 後從征蠕蠕, 頻戰大捷。 又從破統萬,平平涼,當茂 與樂平王丕等伐

列傳第二十五 韓茂

一三五〇

和龍 定公。 射。 ,茂爲前鋒都將,曰戰功居多。 從破薛永宗、蓋吳,轉都官尚書。 遷司衞監,錄前後功,拜散騎常侍、殿中尚書,進爵安 從車駕南征,拜徐州刺史。 還, 拜侍中、尚書左僕

善於撫衆,勇冠當世,爲朝廷所稱。 文成踐阼,拜尙書令,加侍中、征南大將軍。 太安二年,領太子少師。 茂沈毅篤實,雖無文學,每議論合理 卒,贈涇州刺史,安定王,諡 一,爲將

桓。

定公、征南大將軍。卒,贈雍州刺史,諡曰簡 長子備,字延德,賜爵行唐侯,歷太子庶子、寧西將軍,典遊獵曹,加散騎常侍。 襲爵安

兄備卒,無子,均襲爵安定公、征南大將軍,歷定、青、冀三州刺史,甚有譽。 備 弟均,字天德,少善射,有將略。 初爲中散,賜爵范陽子,遷金部尚書, 加散騎常侍。

息, 西山 除大將軍、廣阿鎭大將、四加都督三州諸軍事。 故權立東靑州,爲招懷之本。新附人咸受優復,然舊人奸逃者,多往投焉。均表陳非 廣阿澤在定、冀、相三州界,土曠人稀,多有寇盜,乃置鎭以靜之。以均在冀州,劫盜止 丁零聚黨山澤以劫害爲業者,均皆誘慰追捕,遠近震跼。 均清身率下,禁斷奸邪,於是趙郡居 先是,河外未賓,人多去

便,朝議罷之。

餘萬戶。復授定州刺史,百姓安之。卒,諡康公。 後均所統,劫盜頗起,獻文詔書讓之。又以五州人戶殷多,編籍不實,詔均檢括,出十

皮豹子,漁陽人也。少有武略。 泰常中,爲中散。太武時,爲散騎常侍,賜爵新安侯,

又拜選部尚書。後除開府儀同三司,進爵淮陽公,鎭長安,坐盜官財,徙於統萬

楚之至濁水,擊禽崇之,盡虜其衆。 仇池平。 鄉,大破之。朱使其秦州刺史胡崇之鎭仇池,至漢中,聞官軍已西,懼不敢進。 持節、仇池鎮將、督關中諸軍與建興公古酮等分命諸將、十道並進。四年正月、豹子進擊樂 眞君三年,宋將裴方明等侵南秦王楊難當,遂陷仇池。太武徵豹子,復其爵位,尋拜使 豹子與司馬

荆、梁、盆 使謂豹子曰:「賊恥其負敗,必求報復,不如陳兵以待之。」豹子以爲然。 道盛寇濁水, 未幾,諸氐復推楊文德爲主以圍仇池,古弼討平之。時豹子次下辨,聞圍解,欲還。 五州諸軍事,進號征西大將軍、開府,仇池鎭將、持節、公如故。 別遣將靑陽顯伯守斧山,以拒豹子。 濁水城兵射殺道盛。 豹子至斧山,斬顯 宋復遣楊文德、姜 尋除都督秦、

列

| 宋以文德爲武都王,守|| 葭蘆城,招誘|| 氐羌。於是|| 武都陰平五部|| 氐人叛應|| 文德,詔豹子討之。 伯,悉俘其衆。 宗妻公主送京師。宋白水太守郭啓玄率衆救文德,豹子大破之,啓玄、文德走還漢中。 文德阻兵固險,以拒豹子。文德將楊高來降,文德棄城南走,收其妻子僚屬及故武都王保 初,南秦王楊難當歸命,詔送楊氏子弟詣京師,文德以行賂得留,出奔漢中。

明襲。 還,又坐免官。尋以前後戰功復擢爲內都大官。卒,文成追惜之,贈淮陽王,諡曰襄。子道 擊之,不剋。 豹子爲尙書,出爲內都大官。宋遣其將殷孝祖修兩當城於淸東,以逼南境。天水公封敕文 之,聞宋人增兵益將,表狀求助。詔高平鎭將荷莫干率突騎二千以赴之,道成等乃退。徵 之,追至城下,其觅者千餘人而已。旣而班師。 興安二年,宋遣蕭道成等入漢中,別令楊文德、楊頭等率氐、羌圍武都。。豹子分兵將救 詔豹子與給事中周丘等助擊之。 宋瑕丘鎭遣步卒五千助戍兩當, 豹子大破 先是河西諸湖亡匿避命,豹子討之,不捷而

夤部落飢窘,侵掠澆河,詔假平西將軍、廣川公,與上黨王長孫觀討拾夤。 又以其父豹子昔 鎭仇池,有威信,拜使持節、侍中、都督秦雍荆梁益五州諸軍事、本將軍、開府、仇池鎭將,假 道明第八弟歡喜,「三文成以其名臣子,擢爲侍御中散,遷侍御長。 孝文初,吐谷渾拾

公 如故。 歡喜至, 申布恩惠, 夷人大悅, 會帥率戶歸附, 置 |廣業、固道二郡以居之。 徴爲南

部尚書,賜爵南康侯。

史,詔讓其在州寬怠,以飮酒廢事,威不禁下,遣使就州,決以杖罰。卒,諡曰恭公。 築,築而不成,成而不固,以軍法繩之。」南天水人柳旃據險不順,歡喜討滅之。 度,傳首京師。 軍於覆津。 太和元年,宋葭蘆戍主楊文度遣弟鼠據仇池,詔歡喜討鼠,鼠棄城南走。 文度將强大黑固守津道,歡喜部分將士,擊大黑走之。 詔慰勉之。 又韶於駱谷築城, 歡喜表求待來年築城。 詔責之曰: 「若不時 追奔,攻拔葭蘆城,斬文 進次濁水、遂 後為豫州 子承宗 刺

封敕文,代人也,本姓是賁。 祖豆,位開府、冀青二州刺史、關內侯。 父湼,侍御長,贈

疋州刺史、章武侯,諡曰隱。

賜爵天水公,鎭上邽。 頭等二軍與敕文會隴右。軍次武始,拾歸夜遁,敕文引軍入枹罕,虜拾歸妻子及其人戶,分 敕文始光初爲中散,稍遷西部尚書,出爲使持節、開府、領護西夷校尉、秦爲二州刺史, 詔敕文征吐谷渾慕利延兄子拾歸於枹罕,衆少不制,詔 廣川公乙鳥

列

徙千家於上邽,留鳥頭守枹罕。

先嚴兵於塹外,拒關,從夜至旦。敕文謀於衆曰:「困獸猶關,而況於人。」乃以白武幡宣告財 衆,若能歸降,原其生命,應時降者六百餘人。會知人心沮壞,於是分遁。 兵大破之,斬冏。 死者太半。 會欲謀逃遁。先是敕文掘重塹於東城之外,幾斷賊走路。夜半,會乃飛梯騰塹而走。 會復攻城,氐、羌一萬屯南嶺,休官、屠各及雜戶二萬餘人屯北嶺,爲冏等形援。 金城邊冏,天水梁會謀反,據上邽東城南城,攻逼西城。敕文先已設備,賊乃退。 衆復推梁會爲主。安豐公閭根率軍助敕文,敕文又表求助,未及報。梁 敕文縱騎騰躡, 敕文設奇 敕文

敕文與臨淮公莫眞討破之。 略陽王元達因梁會之亂,聚黨攻城,招引休官、屠各之衆,推天水休官王官興爲秦地

次興,朝廷義而許之。 天安元年卒,長子萬護讓爵於弟翰。 于時讓者唯萬護及元氏侯趙辟惡子元伯讓其弟

呂羅漢,本東平壽張人也,其先石勒時徙居幽州。

初,以郡降,道武 祖顯,字子明,少好學,性廉直,鄉人有忿爭者皆就質焉。 賜爵魏 昌男。 拜鉅鹿 太守。 清身奉公,妻子不免飢寒,百姓頌之曰:「時惟 慕容垂以爲河間太守。

府君,克凊克明,緝我荒土,人胥樂生,願壽無疆,以享長齡。」卒官。

父溫,字晞陽,善書,好施,有文武才略。位上黨太守,有能名。 卒,贈豫州刺史、野王

侯,諡曰敬

大驚,會太武賜難當 盛,羅漢 郵 ,鎭將元意頭 羅漢仁厚篤愼,弱冠以武幹知名。父溫之爲秦州司馬,羅漢隨侍。 曰:「今不出戰,示敵以弱。」意頭善之,卽簡千餘人,令羅漢出戰, 知羅漢善射,共登西城樓令射,難當隊將及兵二十三人應弦 「璽書,責其跋扈,難當還仇池。 意頭具以狀聞,徵爲羽 隴右氏楊難當寇上 林 衆皆披靡。 郎 而 殪。 賊 難當 衆轉

軍 郎、幢將,賜爵烏程子。 ,仍幢將,進貫野王侯,拜司衞監。 及南安王余立、羅漢猶典宿衞、文成之立、羅漢有力焉。 遷散騎常侍、殿中尚書,進爵 山陽公。 加

上邽

休官

呂豐、屠各王飛鹿等據險爲逆,詔羅漢討禽之。

後從征懸瓠,以功遷羽

林中

郎聚衆千人,州軍討之,不能制,羅漢擊禽之。 於羅漢。 後為鎭 羅漢 西將軍 帥步騎隨 、秦、益二州刺史。 長孫觀,掩擊氐、羌大破之,賊衆退散。 時仇池氏、羌反,逼駱谷,鎮將吳保元走登百頃,請援 仇池氐、羌叛逆,其賊帥蛩廉、苻忻等皆受床 詔書慰勉之。 涇州 人張羌

列

官爵鐵券。 略陽公伏阿奴爲都將,與羅漢赴討,所在破之,禽廉、忻等。

德,土境怗然。。孝文下詔褒美之。徵拜內都大官,聽察多得其情。卒官,諡莊公。 秦、||盆阻遠,南連||仇池,西接||赤水,諸||羌恃險,數爲叛逆,自羅漢莅州,撫以威惠,西戎懷

長子興祖襲爵山陽公,後例降爲侯。

走。至 將孔大恒等南討淮陽,宋太守崔武仲焚城南走,遂據淮陽。 保樊階城 之。 城內附,宋遣將張永、沈攸之等擊安都。 軍焦墟 破 顯達。 永與攸之棄船而走。 伯恭以父任拜給事中,後賜爵濟陽男,進城陽公。四獻文初,宋徐州刺史薛安都以彭 孔伯恭,魏郡鄴人也。父昭,位侍中、幽州刺史、魯郡公。卒,諡曰康。 乘勝 曲 ,去下邳五十餘里。 追奔八十餘里,軍資器械虜獲 宋寧朔將軍陳顯達領衆溯淸而上,以迎攸之,屯于睢、淸合口。 攸之聞顯達軍敗,順流退下,伯恭從清西與攸之合戰,大破之,吳喜公輕騎遁 伯恭以書喻下邳、宿豫城內。時攸之、吳喜公等率衆來援下邳,屯 伯恭密造火車攻其營,水陸 安都請援,獻文進伯恭號鎭東將軍,副尚書尉元救 萬計。 進攻宿豫、宋戍將魯僧遵棄城夜遁。 俱進。 攸之等既聞將戰,引軍退 伯恭率衆度水, 叉遣

大

皇興二年,以伯恭爲散騎常侍、彭城鎭將、都督徐南北兗州諸軍事,假東海公。 卒,贈

鎭東大將軍、東海王、諡曰桓。

伯恭弟伯遜,襲父爵魯郡公,位東萊鎭將、東徐州刺史。坐事殆官,卒于家。

制於齊。太和十七年,遣使張超奉表歸魏。 光城縣伯,食蠻邑一千戶,所統守宰,任其銓置。後以益宗旣度淮北,不可仍爲司州,乃於新 田益宗,光城蠻也。 身長八尺,雄果有將略,貌狀舉止,有異常蠻。 十九年,拜員外散騎常侍、都督、南司州刺史、 世為 四山蠻帥,受

|蔡立東豫州,以益宗爲刺史。 尋改封安昌縣伯。

|蠻太守||梅景秀與||與之掎角擊討,破之,獲其二城。上表陳攻取之術,宣武納之,遣鎭南將軍 司、五千戶郡公,當時安危在益宗去就,而益宗守節不移,郢、豫克平,益宗力也。 口已南,郢、豫二州諸縣皆沒於梁,唯有義陽而已。〔5〕梁招益宗以車騎大將軍、開府儀同三 元英攻義陽。 益宗遣其息魯生斷梁人糧運,破梁戍主趙文興,倉米運舟,焚燒蕩盡。 梁建寧太守黃天賜築城赤亭,[P]復遣其將黃公賞屯於漴城,與長風相 景明初,梁師寇三關,益宗遣光城太守梅興之進至陰山關,於南據長風城,逆擊大破 持。 益宗命安 時樂

列傳

藤大夫,加散騎常侍,改封曲陽縣伯。 引梁兵,光城已南,皆爲梁所保。 其不受代,遣後將軍李世哲與桃符率衆襲之,奄入廣陵。 加任使。」魯生久未至。延昌中,詔以益宗爲使持節、鎭東將軍、濟州刺史,常侍如故。 之曰:「聞卿息魯生在淮南貪暴,橫殺梅伏生,爲爾不已,損卿誠效,可令魯生與使赴闕,當 宣武深亦慮焉,乃遣中書舍人劉桃符宣旨慰喻,庶以安之。 益宗年稍衰老,聚斂無厭,兵人患其侵擾,諸子及孫,競規賄貨,部內苦之,咸言欲叛。 世哲擊破之,復置郡戍,以益宗還。授征南將軍、金紫光 益宗子魯生、魯賢等奔於關南,招 桃符還,啓益宗侵掠之狀。 帝慮 詔

宥,不容方更爲獄。」熙平初,益宗又表乞康豫,以招二子。 益宗生長邊地,不願內樂,雖位秩崇重,猶以爲恨,表陳桃符讒毀之狀。 靈太后令答不許。 詔曰:「旣經大 卒,贈征東大

將軍、郢州刺史、諡曰莊。

益宗長子隨興,位弋陽、東汝南二郡太守。 少子纂襲,位中散大夫,卒,贈<u>東豫州</u>刺史。

孟表字武達,濟北蛇丘人也,自云本屬北地,號索里諸孟。 **青、除內屬後,表因事南度,**

仕齊爲馬頭太守。

固守。 常侍、光祿大夫、齊州刺史。卒,贈兗州刺史,諡曰恭。 攜妻子,並亦假妄,於北門外斬之,人情乃安。 表,未及送闕,會叔業圍城。 其豫州刺史裴叔業攻圍六十餘日,城中食盡,唯以朽革及草木皮葉爲糧。表撫循將士,戮力 太和十八年,表據郡歸魏,除南兗州刺史,領馬頭太守,賜爵譙縣侯,鎭渦陽。 會鎭南將軍王肅救之,叔業乃退。初,有一南人,自云姓邊字叔珍,攜妻息從壽春投 表後察叔珍言色頗有異,卽推覈,乃是叔業姑兒,規爲內應,所 孝文嘉其誠,封汝陽縣伯,歷濟州刺史、散騎 後齊遣

外三都大官,賜爵長進侯,卒,贈幽州刺史,諡曰簡。 奚康生,河南陽翟人也。[5] 本姓達奚,其先居代,世爲部落大人。 祖眞,柔玄鎭將、內

壯氣有聞,由是爲宗子隊主。 破中渚賊者,以爲直閤將軍。 康生少驍武,彎弓十石,矢異常箭,爲當時所服。 從駕征鍾離,駕旋濟淮,五將未度,齊將據渚斷津路。 康生應募,縛栰積柴,因風放火,燒其船艦,依煙直過,飛刀亂 太和初、蠕蠕頻寇、康生爲前驅軍主, 孝文募

列傳第

= +

五

孟表

奚

生

斫 ,投河溺 死者甚衆。 乃假康生直閤將軍。後以勳除太子三校、西臺直後。

獨 全。 吐京胡 率精騎一千追胡至車突谷,詐爲墜馬,胡皆謂死,爭欲取之。康生騰騎奮矛,殺傷數 反,自號辛支王,康生爲軍主,從章武王彬討之。 分為五 軍,四 軍俱敗, 康生軍

十人,射殺辛支。

衆圍 及 征 肅 虜將軍,封安武縣男。 令康生 春 渦 齊置義陽,招誘邊人,康生復為統軍,從王肅討之。 陽,欲解義陽之急,詔遣高聰、元衍等援之,並敗退。 來降,遣康 別之,望樓射窗,犀開 生領羽林千人、給龍廐馬兩匹、馳赴之。 即入,應箭 而斃。 彼人見箭,皆以爲狂弩。 齊將張伏護自昇城樓,言辭不遜。 破走其將桓和、陳伯之。 帝乃遣康生馳往,一 齊將裴叔業率 戰大破之。 以功除

復 用 特 萬 作大 匹。 之平射,猶有 .規 出 寇 弓兩 爲南 梁直閤將軍徐玄明戍郁州,殺其刺史張稷,以城內附,詔康生迎接,賜細御銀纏槊一 出 徐州,韶授康生武 華 張,長八尺,把中圍尺有二寸, 青州刺史。 州 ·餘力。 刺史,頗 觀者以 後梁郁州遺軍主徐濟寇邊,康生破禽之。 有聲績 衞將軍,一 爲絕倫。 轉涇州刺史,以輒 戰敗之。 弓卽表送,置之武庫。 箭粗 殆 還京,召見宴會,賞帛千匹, 如今之長笛,送與康生。 用官炭瓦,為 後梁遣都督臨川 御史所劾,削除 時梁聞康生能引 康生便集文武, 賜 驊 王 蕭宏 官 騮 强弓,故 御 勒甲 胡

張,幷棗柰果。 面敕曰: 「果者果如股心,棗者早遂股意。」未發間,郁州刺史復叛。[10]及大

舉征 蜀 ,假康生安西將軍 ,邪趣綿竹 至隴右、宣武崩 ,班師。

舌。 後除相州刺史,在州,以天旱令人鞭石季龍畫像,復就西門豹祠祈雨,不獲,令吏取豹

未幾,二兒暴喪,身亦遇疾,巫以爲季龍、豹之祟。 徵 拜 光 · 祿勳,領右衞將軍,與元叉同謀廢靈太后。 遷河南尹,仍右衞、領左右。 與子難

娶 左衛 將軍 侯剛女,卽元叉妹夫也。 叉以其通姻,深相 委託,三人多宿禁內,或迭出入。 叉

以康生子難爲千牛備身。

萬歲。 得定。 復訪 殿。 帝 后, 朝 舉手蹈足,嗔目頷首,爲殺縛之勢。 問 侯剛 靈太后于西林園,文武侍坐,酒酣迭舞。 康 生性粗 明帝引前入閤,左右競相排,閣不得閉。 誰 一、羣臣莫敢應。 曰:「至尊已朝訖,嬪御在南,何勞留宿。」 武,言氣高下,叉稍憚之,見于顏色,康生亦微懼不安。 靈太后自起接帝臂,下堂而去, 太后解其意而 次至康生,乃爲力士舞, 康生奪其子難千牛刀,斫直後元思輔, 」康生曰:「至尊陛下兒,隨陛下將東西,更 不敢言。 康生大呼唱萬歲於後,近侍皆唱 日暮,太后欲攜帝宿宣 正光二年三月,二三明 及於折旋, 毎顧 視太 光

明帝 旣 上殿,康生 時有酒勢,將出處分,遂爲叉所執,鎖於門下。 至曉,叉不出,令侍

列

傅

第

_

十五

奚

中、黃門、僕射、尙書等十餘人就康生所,訊其事,處康生斬刑,難處絞刑。又與剛並在內矯 截。咸言禀叉意旨,過至苦痛。嘗食典御奚混與康生同執刀入內,亦就市絞刑。 韶決之,康生如奏,難恕死從流。難哭拜辭父,康生忻子免死,慷慨了不悲泣。語其子云: 「我不反,死,汝何爲哭也。」有司驅逼,奔走赴市,時已昏闇,行刑人注刀數下,不死,於地刻

令殺之。

康生於南山立佛圖三層,先死,忽夢崩壞。沙門有爲解云:「檀越當不吉利,無人 置。 供養佛圖,故崩耳。」康生稱然,竟及於禍。 死時年五十四。子難年十八,以侯剛壻,得停百日,竟徙安州。後尚書盧同爲行臺,叉 康生久爲將,及臨州,多所殺戮。而乃信向佛道,每拾居宅立寺塔,凡歷四州,皆有建

封壽張縣侯。子剛襲。 靈太后反政,贈都督冀瀛滄三州諸軍事、驃騎大將軍、司空、冀州刺史,諡曰武貞,又追

太和 不見知,聽下官出一技。」便出長繩三丈許,繫髻而走,繩直如矢,馬馳不及。見者無不驚 中,起家奉朝請。時將南伐,尚書李沖典選征官,大眼往求焉,沖弗許。大眼曰「尚書 楊大眼,武都氐難當之孫也。少驍捷,跳走如飛。然庶孽,不爲宗親顧待,不免飢寒。

歎。 所謂 九江、鍾離之間,所經戰陣,莫不勇冠六軍。 蛟龍得水之秋,自此一舉,不復與諸君齊列矣。」未幾,遷統軍,從車駕征宛、葉、穰、鄧、 沖因曰:「千載以來,未有逸材若此者也。」 遂用爲軍主。 大眼顧謂同僚曰:「吾之今日,

軍, 坐慕下,對諸僚佐,言笑自得。 出為東荆 妻潘氏,善騎射,自詣軍省大眼,至攻戰遊獵之際,潘亦戎裝,齊鑣並驅。 宣武初,裴叔業以壽春內附,大眼與奚康生等率衆先入,以功封安成縣子。 州刺史。 時蠻會樊秀安等反,詔大眼爲別將,隸都督李崇討平之, 大眼時指謂諸人曰:「此潘將軍也。 及至還營,同 大眼 除直 功尤 層將

符、公孫祉 之。逐與 梁武遣其將張惠紹總率衆 中 兩軍夜中爭橋奔退,大眼 山王英同圍 鍾離。 軍,竊據宿豫。 大眼軍城東,守淮橋 不能禁,相尋而 又假大眼平東將軍爲別將,與都督邢轡討破 走。 東 、西道。 坐徙營州 屬水 爲 汎長,大眼所縮統軍 兵。

尉 還。 勇,喜於 長史、持節、假平南將軍、東征別將、隸都督元遙、遏禦准、肥。 加平東 永平中,追其前勳,起爲試守中山 率諸軍 更用,臺省門巷,觀者 將 鎭荆山 軍 復其封邑。 如市。 後與蕭寶夤俱征淮堰,不能克,遂於堰上流鑿渠決水而 後梁將康絢於浮山遏淮,規浸壽春。 內史。 時高肇征蜀,宣武慮梁 大眼至京師 人侵軼,乃徵大眼 明帝 時 加 大眼 人 思 其雄 光祿 爲

其驍果,以爲關、張弗之過也。 爲性移所致。 見,乃不異於人。」大眼曰:「旗鼓相望,瞋眸奮發,足使君目不能視,何必大如車輪。」當世 至」,無不卽止。 不摧拉。 大眼撫循士卒,呼爲兒子,及見傷痍,爲之流泣。自爲將帥,恒身先兵士,當其鋒者,莫 南 . 賊所遣督將,皆懷畏懼。 時傳言淮、泗、荆、沔之間童兒啼者, 恐之云「楊大眼 王肅弟康之初歸國也,公司謂大眼曰:「在南聞君之名,以爲眼如車輪。 然征潍堰之役,喜怒無常,捶撻過度,軍士頗憾焉。 識者以

年,卒。 曰:「楊公惡人,常作我蠻形以射之。又深山之武,尙所不免。」遂不敢復爲寇盜。 政 如 此相殺也。」 又爲荆州刺史,常縛藁爲人,衣以青布而射之。 又北清郡嘗有武害、江三大眼搏而獲之,斬其頭縣於穰市。 召諸蠻渠,指示之曰:「卿等若作賊,吾 自是荆蠻相 在州二

大眼雖不學,恒遣人讀書而坐聽之,悉皆記識。 令作露布,皆口授之,而竟不多識字

也。

元氏。 頗有失行。 有三子,長甑生,次領軍,次征南,皆潘氏所生,咸有父風。 大眼之死也,甑生等問印綬所在。 及爲 中山,大眼側生女夫趙延寶告之於大眼, 時元始懷孕,自指其腹謂甑生等曰:「開國當我兒 大眼怒,幽潘 初,大眼徙營州,潘在洛陽, 而殺之。 後娶繼室

射之。 夜二更,甑生等開大眼棺,延寶怪而問焉,征南射殺之。 汝等婢子,勿有所望。」甑生等深以爲恨。及大眼喪將還京, 甑 生日:「天下豈有害母之人。」乃止。 遂取大眼屍,令人馬上抱之,左右扶挾以叛。 元怖, 走入水,征 出於城東七里,營車 南叉彎弓將 而

刜

人畏

「甑生等驍武,不敢苦追,遂奔梁。

賜爵定 無敢 口 戍 主。 爲 崔 患。 陵男。 延伯 太和 永平中 ,博陵人也。 中入 荆州 轉幽 魏。 土險,蠻左 常為統 州 祖壽,於彭城陷入江南。 刺 史。 爲寇,每有聚結,延伯 帥,膽 氣絕 一人,無有謀略,積勞稍進,除征虜將軍、荆州 延伯少以武壯聞,仕齊爲緣淮遊軍,帶濠 輒自討之,莫不摧殄。 由 是穰 主 刺史,

令舟 絙,貫 下蔡。 舸 梁 連相 延伯 遣 不 左 通 屬,並 與別 遊 墼 由 將軍 是 十 將 梁軍 餘 伊 趙祖 道,橫水 瓫 生挾淮 不 能 悅 率衆偷據 赴 爲橋 教, 爲營。 祖倪 兩 延伯 硤石, 詔延伯爲別將, 與都督崔亮討之。 頭 合軍 施 大鹿盧,出沒任情,不可燒斫 逐 咸 取 見 車 俘 輪, 房。 去 於軍 輖, 拜征 削銳其 南將軍 輻, 旣 兩 八二巴光 兩 斷 接對, 祖 亮令延伯守 禄 悦 大夫。 走路,又 揉竹

列傳第二十五 崔延伯

延伯

與楊

大

眼

等

至

自

淮陽,靈

太后幸西林園引見,謂曰:「卿等志尙

雄猛

一,皆國

之名將。

假征 給復一年,專習水戰,脫有不虞,召便可用。」靈太后曰:「卿之所言,深是宜要,當敕如請。」 答旨宜實。 比平一破石、公私慶快,此乃卿等之功也。但淮堰仍在,宜須預謀,故引卿等,親共量算,各出 二年,除幷州刺史,在州貪汙,聞於遠近。還爲金紫光祿大夫,出爲鎭南將軍,行岐州刺史, 圖,以爲後計。」大腿對曰:「臣輒謂水陸二道一時俱下,往無不剋。」延伯曰:「旣對聖顏, 西將軍,賜驊騮馬一匹。 水南水北,各有溝瀆,陸地之計,如何可前。愚臣短見,願聖心思水兵之勤,若

後繼。 看。」後日,延伯勒衆而出,寶夤爲後拒。 西道 曰:[1吾[崔公,古之關、張也,今年何患不制賊。]延伯馳見寶夤曰:「此賊非老奴敵, 勇怯。」延伯選精兵數千,下度黑水,列陣而進,以向賊營。寶夤率騎於水東尋原西北,以示 衆 隴 都督。 少, 東寇,征西將軍元志爲天生所禽,賊衆甚盛,進屯黑水。 正 於時賊衆大盛,水西一里,營營連接。延伯徑至賊壘,揚威脅之,徐而還退。賊以延 光五年秋,以往在揚州,建淮橋之勳,封當利縣男,改封新豐子。時莫折念生兄天生 東度,轉運 開營競追, 行臺蕭寶夤與延伯結壘馬嵬,南北相去百餘步。延伯曰:「今當仰爲明公參賊 如 衆過十倍,臨水逼蹙。 神,須臾濟盡,徐乃自度。 天生悉衆來戰,延伯身先士卒,陷其前鋒, 寶夤親觀之,懼有 賊徒奪氣, 相率還營。 ·虧損。 韶延伯爲使持節、征西將軍、 延伯 寶夤大悅,謂官屬 不與其戰,身自殿 於是驍 公但坐

伯

下

銳競進,大破之,俘斬十餘萬,追奔及於小隴。 秦賊勁强,諸將所憚,初議遣將,咸云非延伯

無以定之,果能克敵。詔授左衞將軍,餘如故。

甲卒十二萬,鐵馬八千匹,軍威甚盛。 挑戰,大兵未交,便示奔北。 迸,見兵人采掠,散亂不整,還來衝突,遂大奔敗。 **阬谷栅七里結營。** 逐北,徑造其營。 明達 間,有賊數百騎詐持文書,云是降簿,乞緩師。 强兵,負而趨走,號爲排城,戰士在外,輜重居中,自涇州緣原北上。 同時發瘫,從六陌道將取高平。 死傷者將有二萬。 率衆自東北而至,乞降之賊從西競下,諸軍前後受敵。延伯上馬突陣,賊勢摧挫,便爾 於時万俟醜奴、宿勤明達等寇掠涇州。 賊本輕騎,延伯軍兼步卒,兵力疲怠,賊乃乘間得入排城。 延伯 寶夤斂軍退保涇州。 恥前挫辱,不報 延伯矜功負勝,遂唱議先驅。 志敗,仍停涇部。 時醜奴置營涇州西北七十里當原城,時或輕騎暫來 寶夤,獨出襲賊,大破之,俄頃間平其數栅。 延伯修繕器械,購募驍勇,復從涇州 先是盧祖遷、伊瓫生數將,皆以元志前行之始, 寶夤、延伯謂其事實,逡巡未鬭。 延伯旣破秦賊,乃與寶夤率衆會於安定, 延伯中流矢,爲賊所害, 伐木別造大排, 衆軍將出討賊,未戰之 內爲鎖柱, 士卒死者萬餘 西進, 延伯軍大敗, 俄而 賊皆逃 去賊彭 教習 宿

延伯善將撫,能得衆心,與康生、大眼爲諸將之冠。延伯末路, 功名尤重。 時大寇未平

二 十

Ħ

崔

延

伯

而 延伯死,朝 野 歎懼焉。 贈使持節、車騎大將軍、儀同三司、定州刺史,諡曰武烈。

執清河太守邵懷,自己聚衆反,自署大行臺。詔叔仁爲都督,討平之。 洛州刺史,假撫軍將軍。 而還。 祿大夫,轉車騎大將軍、儀同三司。 那果反於青州,[1·5]叔仁爲大都督,出討於灘,[1·5]失利 超宗內侵,叔仁時爲兼統軍, 使密通款於東魏,事覺見殺。 李叔仁,隴西人也。 永安三年,坐事除名,尋復官爵。 後以軍功封陳郡公,又除光祿大夫、朔州刺史。 **驍健有武力,前後數從征討,以功賜爵獲城鄉男。** 隸揚州刺史薛眞度。眞度遣叔仁討超宗,大破之。以功累遷 叔仁所用之槊,長大異於常槊,時人壯之。 節閔帝初,加散騎常侍、開府。 除鎭西將軍、金紫光 後除涼州刺史,遣 齊州廣川 梁豫州刺史王 人劉鈞

然効款,終於懷金曳紫,不其美歟。」孟表之致名位,不徒然也。 事立,不徒然矣。 論曰:韓茂、皮豹子、封敕文、呂羅漢、孔伯恭之爲將也,皆以沈勇篤實,仁厚撫衆,功成 與夫苟要一戰之利,僥倖暫勝之名,豈同年而語也。 夫人主聞鞞鼓之響,則思將 田益宗蠻夷荒帥, 翻

之氣,亦一時之驍猛,壯士之功名乎。 帥之臣,何則?夷難平暴,折衝禦侮, 爲國之所繫也。 奚康生等俱以熊武之姿,自己奮征伐

校勘記

- 與樂平王丕等伐和龍茂爲前鋒都將 魏書卷五一 | 韓茂傳,「和龍」下有「徙其居民。 從平涼州
- 八字。按北史删節失當,混二事爲一。
- ニー 爲定州 除大將軍 刺史也是以本將軍兼。這裏「大」字當爲「本」之訛。 廣阿鎭大將 「除」下「大」字魏書作「本」。 按本將軍指征南大將軍, 魏書上文言韓均
- 道明第八弟歡喜 「皮歡喜」。 一月作「皮懽喜」本書卷三孝文紀作皮喜。 按其人本名「歡喜」,魏書避高歡諱,故單作「喜」。高祖紀作「懽喜」,當是後人所增。 諸本「歡」作「懷」,魏書卷五一皮豹子傳無「懷」字。 本書卷九六氐傳、 卷七高祖紀太和元年十
- 「懽」即「歡」字、「懷」爲「懽」之訛。今據改作「歡」。
- ZY 進城陽公 年 九月 魏書卷五〇、本書卷二五尉元傳, 諸本「城陽」作「彭城」, 魏書卷五一孔伯恭傳作「城陽」。 並見「城陽公孔伯恭」。作「彭城」是涉下文而誤, 按魏書卷六顯祖紀天安元

據改。

記

- 三 三 大破之吳喜公輕騎遁走 陸道景等首。 攸之、僖公等輕騎遁走」。攸之乃宋軍主將, 魏書「破之」下作「斬其將姜產之、高遵世及丘幼爾、丘隆先、沈榮宗、 北史刪節並「攸之」二字删去,殊為
- ハベン 益宗傳作「梅」。按梅爲蠻族著姓,今從宋本。 益宗遣光城太守梅興之進至陰山關 各本「梅」作「楊」,宋本及魏書卷六一、通志卷一四九田
- ト 梁建寧太守黃天賜築城赤亭 移四字於此,遂似景明有二十二年,且將同一戰役,分截爲二,非。今删去四字。 二年。此緣魏書上文在「景明」前有「二十二年進號征虜將軍」語,本指太和二十二年,北史誤 諸本「梁」上有「二十二年」四字、魏書無。按景明只四年、無二十
- 宣武納之遺鎭南將軍元英攻義陽至時樂口已南郢豫二州諸縣皆沒於梁唯有義陽而已 平元年公元五〇八年,本非一事。北史删節,誤合爲一。遂致上云「元英攻義陽」,下云「唯有義陽 於賊,唯有義陽而已」。據魏書卷八世宗紀,元英攻義陽在景明四年公元五〇三年,白早生叛魏在永 書般元英攻佔義陽之後,又敍白早生叛魏降梁事·然後云「時自樂口已南,郢、豫二州諸城皆沒 而已」,義陽究屬誰有,亦不明不白。此删節之失。 按3
- **广**い ナレ 河南陽翟人也 月,「韶遷洛之民,死葬河南,不得還北。於是代人南遷者,悉爲河南洛陽人」。奚康生本姓達 魏書卷七三奚康生傳「陽翟」作「洛陽」。按魏書卷七下高祖紀,太和十九年六

奚,其先居代,則亦屬代人南遷者, 自當籍屬河南洛陽。 周書卷二九達奚寔作河南洛陽 可

証。此作「陽翟」、當誤。

郁州刺史復叛 「郁洲」,宋書卷三六州郡志青州條作 魏書無「刺史」二字。張森楷云:「此誤行文。」按「郁州」,魏書卷九八蕭衍傳作 「鬱洲」, 是地名而非州名。 宋、齊、梁於此僑置青州、上

文被殺之張稷,其官即爲青、冀二州刺史見廣而傳。「郁州」旣非州名,

自不可能有「郁州刺史」。

張說是。

正光二年三月 諸本「三」作「二」,魏書作「三」。 按魏書卷九肅宗紀、本書卷四孝明紀,事在三

月,今據改。

王肅弟康之初歸國也 魏書卷七三楊大眼傳「康」作「秉」、北史避唐諱改。參卷三二崔熙傳

校記

又北淯郡嘗有武害 各本及魏書「武」作「虎」,百衲本作「武」。按此北史避唐諱改,今仍從百

納本。

於軍拜征南將軍 征南班在鎭南上,延伯不得反降一等。平南班在鎭南之下,延伯以平南升鎭南正合。 魏書卷七三、通志卷一四九崔延伯傳「征」作「平」。按下文「出爲鎮南將軍」。 魏書、通

列 法志 傳 是。

- 【三】謂官屬曰 諸本「官」訛「宮」、據宋本及魏書、通志改。
- 齊州廣川人劉鈞執淸河太守邵懷 諸本脫「鈞」字。按事見魏書卷九肅宗紀孝昌三年三月,

今據補。

- 邢杲反於青州 諸本「杲」訛「果」、據宋本及通志卷一四九李叔仁傳改。
- 出討於潍 諸本「濰」作「淮」。按青州不濱淮水。 據魏書卷一〇孝莊紀永安元年十月條,云

「李叔仁討邢杲於濰水,失利而還」。「淮」乃「濰」之訛,今據改。

奚康生等俱以熊武之姿 魏書卷七三史臣論「武」作「虎」、北史避唐諱改。

北史卷三十八

列傳第二十六

裴駿 孫敬憲 莊伯 從弟安祖 裴延儁 裴佗 子讓之 孫矩 皇甫

和

裴果 裴寬 裴俠 子祥 肅 裴文舉 裴仁基

裴駿字神駒,小名皮,河東聞喜人也。 父雙碩,位恒農太守、安邑子,贈東雍州刺史、聞

喜侯。

侍郎。 率厲 崔浩曰:「裴駿有當世才,其忠義可嘉。」補中書博士。 吳作亂於關中,汾陰人薛永宗聚衆應之,來襲聞喜,縣令憂惶,計無所出。 鄉豪奔赴之。 |駿幼而聰慧,親表稱爲神駒,因以爲字。 弱冠,通涉經史,方檢有禮度,鄕里宗敬焉。蓋 宋使明僧暠來聘,以駿有才學,假給事中、散騎常侍,於境上勞接。 賊退,刺史以狀聞。 會太武親討蓋吳,引見駿。 浩亦深器駿,目爲三河領袖。 駿陳敍事宜,帝大悅,謂 卒,贈秦州刺史、 駿在家聞之,便 轉中書

列傳第二

+

六

裴

駿

聞喜侯, 諡曰康。

樂,每有疑議,脩斟酌故實,咸有條貫。卒,諡曰恭伯,宣武時追贈東秦州刺史。 愛育孤姪,同於已子,及將異居,奴婢田宅悉推與之,時人以此稱焉。 喪以孝聞。 子脩,字元寄,清辯好學,歷位祕書中散、主客令。 二弟三妹,並在幼弱,撫養訓誨,甚有義方。 次弟務早喪,脩哀傷之,感於行路。 累遷中大夫,兼祠部曹事,職主禮 。脩早孤,居

州刺 史。 之。 爲七兵尙書。 與詢私姦, 朝議 無子。 史。 詢族叔景,日日陳情願此官,詢遂讓焉。 子詢,字敬叔,美儀貌,多藝能,音律博弈,咸所閑解。位平昌太守。時太原長公主寡 許之。 詢以凡司戍主蠻會田朴特,地居要險,衆踰數萬,足爲邊捍,遂表朴特爲西郢州刺 武泰中,以本官氣侍中爲關中大使,未及發,於河陰遇害。 明帝仍詔詢尚焉。尋以主壻,特除散騎常侍。 梁將李國興寇邊,朴特與部曲爲表裏聲援,郢州獲全,朴特頗有力焉。 時論善之。 **尋監起居事,遷**秘 時本邑中正闕,司徒召詢爲 贈司空公,諡曰貞 書監,出 爲郢

見而重之。 脩弟宣,字叔令,通辯博物,早有聲譽。 孝文初,徵爲尚書主客郎,累遷太尉長史。 宣上言:自遷都以來,凡戰陣之處及 少孤,事母兄以孝友稱。 司空李沖有人倫鑒,

益州 於戎役者,皆使招魂復魄,耐祭先靈,復其年租調;身被傷痍者,免其兵役。朝廷從之。出爲 軍罷兵還之道,所有骸骼無人覆藏者,請悉令州郡戍邏檢行埋掩,并符出兵之鄉,其家有死 刺史,宣至州綏撫,甚得戎羌之心。後晉壽更置益州,改宣所莅爲南秦州

也? 言。 因奉 |乃謂親賓曰:「吾本無當世之志,直隨牒至此,祿後養親,[i] 効不光國,可以言歸矣。| 贈豫州刺史,諡曰定,尋改爲穆。 表求解,宣武 宣家世以儒學爲業,常慕廉退,每歎曰:「以賈誼之才,漢文之世,而不歷公卿,將非運 不許,乃作懷田賦以敍心焉。 子敬憲嗣 宣素明陰陽之書,自始患便剋亡日,果如其

徵功曹不就,諸府辟命,先進其弟,世人歎美之。 共宗慕之。 而 學博士。 有清麗之美。 敬憲字孝虞,少有志行,學博才淸,撫訓諸弟,專以讀誦爲業。 性 一和雅,未嘗失色於人,工隸草,解音律,五言之作,獨擅於時, 中山王將之部、「三朝賢送於河梁,賦詩言別,皆以敬憲為最。 少有氣病,年三十三卒,人物甚悼之。 司州牧、高陽王雍舉秀才,射策高第,除太 澹於榮利,風氣俊遠。郡 名聲甚重,後進咸 其文不能贍逸,

爲物 所伏 敬憲世有仁義於鄉里,孝昌中,蜀賊陳雙熾所過殘暴,至敬憲宅,輒相約束,不得焚燒, 如 此。 永安三年,贈中書侍郎,「B」諡曰文。

學知名,同年俱喪,世共嗟惜之。永安三年,贈通直散騎侍郎,諡曰獻。 臨淮王彧北討,引爲記室參軍,委以章奏之事。及聞敬憲寢疾,求假不許,遂徑自還,亦矜 司空、任城王澄辟爲行參軍,甚加知賞。年二十一,上神龜頌,時人異之。文筆與敬憲相亞。 詞藻,莫爲集錄。 而不問。扶侍兄病,晝夜不離於側,形容憔悴。 敬憲弟莊伯,字孝夏,亦有文才,器度閑雅,喜慍不形於色,博識多聞,善以約言辯物。 因葬敬憲於鄉,遇病卒,年二十八。兄弟才 兄弟並無子,所著

莊伯弟獻伯,廷尉卿、濟州刺史,少以學尙風流,有名京洛。 為政嚴酷,不得吏人之和,

但以清白流譽。卒於殿中尚書。

讓之,此人兄弟,明日相率謝罪。州內欽服之。後有人勸其仕進,安祖曰:「高尚之事,非敢 乎。」自此未曾獨食。弱冠,州辟主簿。人有兄弟爭財,詣州相訟,安祖召其兄弟,以禮義責 庶幾,但京師遼遠,實憚於棲屑耳。」於是閑居養志,不出城邑。會天熱,舍於樹下。 逐雉,雉急投之,遂觸樹而死。安祖愍之,乃取置陰地,徐徐護視,良久得蘇,喜而放之。後 一般從弟安祖,少聰慧,年八九歲,就師講詩,至鹿鳴篇,語諸兄云:「鹿得食相呼,而況 有鷙鳥

夜忽夢一丈夫,衣冠甚偉,著繡衣曲領,向安祖再拜。 安祖怪問之,此人云:「咸君前日見

放,故來謝德。」聞者異焉。

固辭,詔給一時俸以供湯藥焉。年八十三,卒於家。 後孝文幸長安,至河東,存訪故老,安祖朝於蒲坂。 帝與語甚悅,仍拜安邑令,以老病

駕。祖雙彪,河東太守,贈雍州刺史,諡曰順。父山松,州主簿,行平陽郡事,以平蜀賊丁虫 裴延儁字平子,河東聞喜人也,魏冀州刺史徽之八世孫也。 會祖爾,諮議參軍、幷州別

功,贈東雍州刺史。

典,不事墳籍,延儁上疏致諫。後除司州別駕。及詔立明堂,羣官博議,延儁獨著一堂之 太子洗馬,又領本邑中正。及太子恂廢,以宮官例免。宣武卽位,爲中書侍郎。時帝專心釋 太傅、清河王懌時典衆議,讀而笑曰:「子故欲遠符僕射也。」 延儁少孤,事後母以孝聞,涉獵墳史,頗有才筆。舉秀才,射策高第,除著作佐郎,累遷

袤三十里,皆廢毁多時,莫能修復。 時水旱不調,延儁乃表求營造,遂躬自履行,相度形勢, 明帝時,累遷幽州刺史。范陽郡有舊督亢渠,徑五十里,漁陽、燕郡有故戾陵諸揭,廣

書令、 大行,人歌謠之。 隨力分督,未幾而就,漑田百萬餘畝,爲利十倍,百姓賴之。又命主簿酈惲修起學校,禮敎 御史中尉,又以本官氣侍中、吏部尚書。 在州五年,考績爲天下最。拜太常卿,歷七兵殿中二尚書、散騎常侍、中 延儁在臺閣,守職而已,不能有所裁斷直

時遇害。 莊帝初,於河陰遇害,贈儀同三司、都督、雍州刺史。 元直贈光州刺史。 敬猷妻丞相、高陽王雍外孫,超贈尚書僕射。 子元直、敬猷,並有學尙, 與父同

繩也。

延儁從叔愛醜、桃弓並見稱於鄉里。至

每歎美夙,以遠大許之。 子夙,字買興,沈雅有器識,儀望甚偉,孝文見而異之。 位河北太守,以忠恕接下,百姓感而懷之。 吏部尚書、任城王澄有知 卒於郡。 三子,範、昇 人鑒,

鑒字道徽,性强正,有學涉,卒於廷尉卿。 贈東雍州刺史。

之、鑒。

論曰:「魏收死後,亦不肯爲恭烈之諡,何容以擬大行。 子澤,頗有文學。 齊孝昭初,爲齋帥,奏舍人。孝昭崩,魏收議爲恭烈皇帝,澤正色抗 且比皇太后不豫,先帝飱寢失常,聖

意,有人以奏武成,武成決杖六十,髠頭除名。 躬貶損,今者易名,必須加孝。」遂改爲孝昭。 **棄給事黃門侍郎,以漏泄免。** 執政疾其祖珽之黨,與崔季舒等同見誅。 後為散騎侍郎,尋為誹毀大臣趙彥深等,無詠石榴詩,微以託 因此件旨,出爲廣州司馬。 後主即位,爲清河郡守。 與祖珽有舊,珽奏 **尋歷位中書侍郎**

恩好甚隆,不能暫相離,澤每從駕,其妻不宿。 澤本勁直,無所回避,及被出追還,折節和光,然好戲笑,無規檢,故頻敗。妻鉅鹿魏氏, 亦至性强立,時人以爲健婦夫半。

除尙書左丞,又引爲棄黃門。

衣,持白傘白幡,率諸逆衆,於雲臺郊抗 信之,咸相影附,旬日之間,逆徒還振。以良爲汾州刺史, 左 人飢窘,夜率衆奔西河。 丞,爲西北道行臺。 延儁從祖弟良,字元賓,稍遷尙書考功郎中。 時有五城郡 汾州之居西河,自良始也。 山胡馮宜都、賀悅回成等,以妖妄惑衆, 王 師。 良大破之。 時汾州吐京胡薛羽等作逆,以良無尚書 加輔國將軍,行臺如故。 又山胡劉蠡升, 假稱 自 둨 「聖術, 帝號 良以城 服 胡 A 素

子叔祉,粗涉文學,居官甚著聲績,位終司空右長史。 孝靜初,爲衞大將軍、太府卿,卒於官。 贈吏部尚書、諡曰貞、又重贈侍中、尚書僕射。

騰並自立爲王,衆至數萬。詔慶孫爲募人別將,招率鄕豪以討之。 蜀,兇徒轉盛。以慶孫爲別將,從軹關入討,深入二百餘里,至陽胡城。 追還河內斬之。 死也,世隆擁衆北度,詔慶孫爲大都督,與行臺源子恭率衆追擊。慶孫與世隆密通,事洩, 入,至雲臺郊,大戰郊西,賊衆大潰。徵赴都,除直後。於是賊復鳩集,北連鑑升,南通絳 良從父兄子慶孫,字紹遠,少孤,性倜儻,重然諾。 正光末,汾州吐京羣胡薛悉公、馬牒 慶孫每摧其鋒,進軍深 朝廷以此地被山帶

義,坐客恒滿,是以爲時所稱。 遊客恒有百餘,慶孫自以家粮贍之。性雖粗武,愛好文流,與諸才學之士咸相交結,輕財重 慶孫任俠有氣,鄉曲壯士及好事者多相依附,撫養咸有恩紀。 在郡日,逢歲飢凶,四方

文笑曰:「冀卿必副此言。」駕還,見咸陽王曰:「昨得汝主簿爲南道主人,六軍豐贍。元弟之 此也。」仲規曰:「陛下棄彼玄壤,來宅紫縣,臣方躍馬吳、會,冀功銘帝籍,豈一郡而已。」孝 車駕自代還洛,次於郡境,仲規備供帳,朝於路側。詔仲規曰:「畿郡望重,卿何能自致 延儁從祖弟仲規,少好經史,頗有志節。咸陽王禧爲司州牧,辟爲主簿,仍表行建興郡

寄,殊副所望。」除司徒主簿。

於陣戰沒。贈河東太守、諡曰貞。 仲規父在鄉疾病,棄官奔赴,以違制免。人之,中山王英征義陽,引爲統軍,奏復本資。 無子,弟叔義以第二子伯茂後之。

軍。 南征絳蜀陳雙熾、公為行臺長孫承業行臺郎中。 伯茂少有風望,學涉羣書,文藻富贍,釋褐奉朝請。大將軍、京兆王繼西討,引爲鎧曹參 承業還京師,留伯茂仍知行臺事。以

兄子廣平王贊盛選賓僚,以伯茂爲文學。 後加中軍大將軍。

平薛鳳賢等,

賞平陽伯。

再遷散騎常侍,典起居注。

太昌初,爲中書侍郎。

永熙中,孝武帝

伯茂好飲酒,頗涉疏傲。久不徙官,曾爲豁情賦。 天平初遷鄴,又爲遷都賦。 二年,因

案,傍汙冠服,禁庭之內,令人挈衣。 內宴,伯茂侮慢殿中尚書、章武王景哲。 韶付所司,後竟無坐。 景哲途申啓,稱伯茂棄其本列,與監同行,以棃擊

<u>伯茂旣出後其伯仲規,與兄景融別居,景融貧窘,伯茂了無賑恤,殆同行路,世以此貶</u>

薄之。卒,年三十九,知舊歎惜焉。

與 婦 乘車 伯 茂末年,劇飲不已,乃至傷性,多有愆失。 西 逃 避。 後因 顧指壁中,言有官人追逐,其妻方知其病。 未亡前數日,忽云吾得密信,將被收掩,乃 卒後,殯於家園。 友人

列

茂曾撰晉書,竟未能成。 常景、李渾、王元景、盧元明、魏季景、李騫等十許人於墓傍置酒設祭,哀哭涕泣,一飲一酹, 在晉陽,乃同其作,論敍伯茂,其十字云:「臨風想玄度,對酒思公榮。」時人以伯茂性侮傲, 謂收詩頗得事實。 曰:「裴中書魂而有靈,知吾曹也。」乃各賦詩一篇。李騫以魏收亦與之友,寄以示收。收時 贈散騎常侍、衞將軍、度支尚書、雍州刺史,重贈吏部尚書,諡曰文。伯

無子,兄景融以第二子孝才繼。齊武平末,位中書舍人。

叔義亦有學行,累遷太山太守,爲政淸靜,吏人安之。遷司徒從事中郎。卒,贈東秦州

刺史,諡曰宣。

學,而緝綴無倦,文詞汎濫,理會處寡。所作文章,別有集錄。 御史中尉崔暹所彈,云其貪榮昧進,遂坐冤官。病卒。景融卑退廉謹,無競於時,雖才不稱 作。元象中,儀同高岳以爲錄事參軍。弟景龍、景顏被劾廷尉獄,景融入選,吏部擬郡,爲 子景融,字孔明,篤學好屬文。舉秀才,射策高第,除太學博士,稍遷諫議大夫,領著

景顏頗有學尚,孝靜初,爲司空長史,在官貪穢,爲中尉崔暹所劾,遇病死獄中。

郎崔亮清貧,欲以幹祿優之,乃以亮帶野王縣事,津帶溫縣,時人榮之。卒於平秦郡太守, 延儁族兄津,字外興,以操尚貞立,被孝文所知。 爲北中府長史。時帝以津與中書侍

贈洛州刺史。子子袖入關西。

延儁族人暖,字珍寶,太和中析屬河北郡。 少孤貧,清苦自立。 爲汝南王悅郎中令。孝

靜初,卒於雍州刺史。

延儁從父兄宣明,位華州刺史,有惠政,諡曰簡。 二子景鸞、景鴻,並有逸才,河東呼景

鸞爲驥子、景鴻爲龍文。

景鸞位華州刺史。 子文端,齊行臺郎。 四子,願、安志、弘、振。

景鴻,齊和夷郡守。 子叔卿,博涉有孝行,時人號曰「裴曾子」。 隋貝丘令。 子神舉 , 神

符,而神舉最知名。

裴佗字元化,河東聞喜人也。 六世祖詵,仕晉位太常卿。 因晉亂,避地涼州 。苻堅平河

西,東歸,因居解縣。 世以文學顯,五舉秀才,再舉孝廉,時人美之。 父景惠 州別駕

列 倳 第 二 十 六 裴 佗 舉秀才,以高第除中書博士。累遷趙郡太守,爲政有方,威

軍,以老乞還。卒,遺令不聽請贈,不受賵襚,諸子皆遵行之。 惠甚著,狡吏姦人,莫不改貫,所得俸祿,分恤貧窮。轉前將軍、荆州刺史,郡人戀仰,傾 至州,單使宣慰,示以禍福,敬宗聞風歸附,於是合境淸晏,襁負至者千餘家。 盤石、田敬宗等部落萬餘家,恃衆阻險,不賓王命,前後牧守,未能降款。 後加中軍將 佗 境

步 ^,又無田園,暑不張蓋,寒不衣裘,其貞儉若此。 佗性剛直,不好與俗人交游,其投分者必當時名勝。 子讓之。 清白任眞,不事家產,宅不過三十

有吉凶禮制 由是自勉。 讓之字」一體,年十六喪父,殆不勝哀。其母辛氏泣撫之曰:「棄我滅性,得爲孝子乎」 辛氏高明婦人,又閑禮度,夫喪,諸子多幼弱,廣延師友,或親自敎授,內外親屬 ,多取則焉

主客 日 郎中,省中語曰「能賦詩,裴讓之」。 悟 讓之少好學,有文情,清明俊辯,早得聲譽。 每云:「此人風流警拔,裴文季爲不亡矣。」梁使至,常令讓之攝主客郎。 爲太原公開府 魏天平中,舉 記室。 秀才,對策高第。 與楊愔 友善,相遇則清談竟 累遷屯田、

國 諸萬兄弟各得盡心,況讓之老母在此,君臣分定,失忠與孝,愚夫不爲。伏願明公以誠 第二弟諏之奔關右,兄弟五人皆拘繫。 齊神武問云:「諏之何在。」答曰:「昔吳、蜀二

信 待物 若以不信處物,物亦安能自信。以此定霸,猶却行而求道耳。」神武善其言,兄弟

俱釋。

從淸河來,云姦吏斂迹,盜賊淸靖。 堪 興 醞籍,文襄目之曰:「士禮 、諸臣別,讓之流涕歔欷。 趨侍,乃除清河 歷 一文襄大將軍主簿,兼中書舍人。 太守。 , 佳舍人也。」 遷長兼 至郡未幾,楊愔謂讓之諸弟曰:「我與賢兄交款,企聞善政,適有人 以參掌儀注,封寧都縣男。 期月之期,翻更非速。」 後兼散騎常侍聘梁。 中書侍郎,領舍人。 帝欲以爲黃門侍郎,或言其體重不 文襄嘗入朝,讓之導引,容儀 齊受禪,靜帝遜居別宮,

賜 請 協 死,讓之以其亂法,殺之。 救之,云罪不合死。 ,密奏言:「當陛 死於家。 清河有二豪吏田轉貴、孫舍興,久吏奸猾,多有侵削,因事 下受禪之時,讓之眷戀魏朝,嗚咽流涕, 文宣大怒,謂悟曰:「欲得與裴讓之同冢邪」」於是無敢言者,事奏, 時淸河王 一岳為司 州 牧,遣部從 事案之。 比爲 內官, ,遂脅人取財,計贓依律不至 侍中高德政 情非 所願。」 舊與 旣 讓之不 m 楊 悟

裴生矣。」楊愔 景 疑 其不能讀,每卷策問,應答無遺。 讓之次弟諏之,字士正,少好儒學,釋褐太學博士。 闔門改葬、託諏之頓作十餘墓誌,文皆可觀。 景歎曰:「應奉 五. 行 俱下 嘗從常景借書百卷,十許日便返。 讓之、 ,禰衡 諏之及皇甫和、和弟亮, 覽便記,今復見之於

列

傳第二

+

六

裴

佗

據金墉,以諏之爲開府屬,號曰「洛陽遺彥」。信敗,諏之居南山,洛州刺史王元軌召爲中從 之復書不受署。 沛王開大司馬府,辟爲記室。 遷鄴後,諏之留在河南。 西魏領軍獨孤信入 並知名於洛下,時人語曰:「諏勝於讓,和不如亮。」司空高乾致書曰:「相屈爲戶曹參軍。」諏 ,西師忽至,尋退,遂隨西師入關。周文帝以爲大行臺倉曹郎中。 卒,贈徐州刺史。

構、清河崔贍爲忘年友。昭帝梓宮將還鄴,轉儀曹郎,尤悉歷代故事,儀注、喪禮皆能裁正。 爲許昌太守,客旅過郡,皆出私財供給,人間無所預。代下日,爲吏人所懷。仕周,卒伊川 官不少,唯此家兄弟,全無鄉音。」讖之雖年少,不妄交游,唯與隴西辛術、趙郡李繪、頓丘李 次讞之,字士平,七歲便勤學,早知名。累遷司徒主簿。楊悟每稱歎曰:「河東士族,京

陽,皇太子監國,留訥之與杜臺卿並爲齋帥,領東宮管記。轉太子舍人,奏中書舍人事。衞 尉杜弼被其家客誣云「有怨言,誹訕時政」。 忽得心痛,訥之是日不勝思慕,心亦驚痛,乃請急而還。 次訥之,字士言,純謹 次謀之,字士令,少有風格,邢邵每云「我裴四」。武成爲開府,辟爲參軍,掌書記。 有局量。 弱冠爲平原公開府墨曹,掌書記,從至幷州。其母在鄴, 并稱

訥之與

彌交好,

亦知之。

坐発官。

卒,

天統 當時以爲孝感。文宣踐阼,幸晉

中追贈平州刺史。

記室事。 調 才士,欲求宦達,當資幹世之務。」與由是始留情世事。仕齊,爲高平王文學。齊亡,不得 隋文帝爲定州總管,補記室,甚親敬之。以母憂去職。及帝作相,遣使馳召之,參相府 矩字弘大,襁褓而孤,及長,好學,頗愛文藻,有智數。世父讓之謂曰:「觀汝神識,足成 受禪,遷給事郎,奏舍人事。伐陳之役,領元帥記室。 既破丹陽,晉王廣令矩與高

類收陳圖籍。

府,賜爵聞喜縣公,賚物二千段。 兵,不能早度臟,每患其兵少。 又承制署渠帥爲刺史縣令。 長嶺,又擊敗之,遂斬師舉,進軍自南海援廣州,行 與大將軍鹿愿赴之。 進,上許之。行至南康,得兵數千人。 明年,奉詔巡撫嶺南,未行而高智慧、汪文進等作亂,吳、越道閉。上難遣矩行,矩請速 賊立 九栅,屯大庾嶺、共爲聲援,矩進擊破之。 及還,上大悅,命升殿勞苦之,謂高頌、楊素曰:「韋洸將二萬 裴矩以三千弊卒徑至南海,有臣若此,股亦何憂。」以功拜開 除戶部侍郎,遷內史侍郎 時俚帥王仲宜逼廣州,遣其部將周師舉圍東衡州,矩 仲宣懼而潰散。 矩所綏集者二十餘州, 賊懼,釋東衡州,據原

時突厥强盛,都藍 可汗妻大義公主即宇文氏女,由是數爲邊患。後因公主與從胡私通,

列

第二十六

裴伦

長孫晟先發其事 , 短請出使說都藍,顯戮宇文。 上從之,竟如其言。 公主見殺後,都藍與突

利可汗構難,屢犯亭鄣。 詔太平公史萬歲爲行軍總管,出定襄道,以矩爲行軍長史,破達頭

可汗於塞外。萬歲被誅,功竟不錄。上以啓人可汗初附,令矩撫慰之。 還,爲尙書左丞。

爲稱職。 時西域諸蕃多至張掖與中國交市,帝令矩掌其事。矩知帝方勤遠略,諸胡至者,矩誘 煬帝卽位,營建東都,矩職修府省,九旬功就

其年,文獻皇后崩,太常舊無儀注,矩與牛弘、李百藥等據齊禮參定。

轉吏部侍郎,名

令言其國俗山川險易,撰西域圖記三卷,入朝奏之。 其序曰:

裔 禮敎之所不及,書典之所罕傳。自漢氏興基,開拓河右,始稱名號者有三十六 臣聞禹定九州,導河不踰積石,秦兼六國,設防止於臨洮。 故知西胡雜種,僻居遐

後漢之世,頻廢此官,雖大宛以來,略知戶數,而諸國山川,未有名目。 國。〔<</td>其後分立,乃五十五王。仍置校尉、都護,以存招撫。然叛服不恒,屢經征戰。 至如姓氏、風

事難 或地是故邦,改從今號,或人非舊類,同襲昔名。兼復部人交錯,封疆移改,戎狄音殊, 土、服章、物產,全無纂錄,世所弗聞。復以春秋遞謝,年代久遠,兼幷誅討,互有興亡, 于闐之北,葱嶺以東,考于前史,三十餘國。其後更相屠滅,僅有十存,自

餘淪沒,掃地俱盡,空有丘墟,不可記識。

等,自己並隨其所往,諸處得達。 可汗 仍別 其咽喉之地。 北婆羅門,達于西海。其三道諸國,亦各自有路,南北交通。 道從鄯善、于闐、朱俱波、喝盤陁,度葱嶺,又經護密、吐火羅、挹怛、曰、忛延、漕國,至 又經鐵汗、蘇勒沙那國、510〕康國、曹國、何國、大小安國、穆國、至波斯,達于西海。其南 周游 戶,利盡西海,多產珍異。 漢相 經涉 庭,度北流河水、至拂菻國,達于西海。 造 飾 發自燉煌,至于西海,凡爲三道,各有襟帶。 以 國家威德,將士曉雄,汎濛汜而揚旌,越崑崙而躍馬,易如反掌,何往不至。 地 踵 ,西域爲傳,戶人數十, ,故諸國之事,罔不徧 圖,窮其要害,從西頃以去,北海之南,縱橫所亙,將二萬里。 見山居之屬,非有國名及部落小者,多亦 知。 故知伊吾、高昌、鄯善並西域之門戶也,總湊燉煌,是 卽稱國王,徒有名號,有乖其實。 復有幽荒遠地,卒訪難曉,不可憑虛,是以致闕。而 丹青摸寫爲西域圖記,共成三卷,合四十五 其中道從高昌、焉耆、龜茲、疏勒,度葱嶺 北道從伊吾經蕭類海、鐵勒部、突厥 其東女國、南婆羅門 不載 **今者所編,皆餘千** 諒由富商大賈,

國

國服

儀形,王及庶人各顯容止,卽

無遠

不至。

皇上應天育物,無隔華夷,率土黔黎,莫不慕化,風行所及,日入以來,職貢皆通

臣旣因撫納,監知關市,尋討書籍,訪采胡人,或有所疑,卽詳衆口,依其本

國。纽

列 傳 第 = + 六 裴 佗

但

首,願 突厥、吐谷渾分領羌胡之國,爲其擁遏,故朝貢不通。 臣妾。 聖情含養,澤及普天,服而撫之,務在安輯。 今並因商人,密送誠款,引領翹 故皇華遣使,弗動兵車。諸

蕃旣從,突厥可滅。 混一戎夏,其在茲乎。不有所記,無以表威化之遠也

帝大悅,賜物五百段,每日引矩至御坐,親問西方之事。 帝由是甘心,將通西域,西夷經略,咸以委之。 矩盛言胡中多諸寶物,吐谷渾易可

蕃懼懾,朝貢相續。帝謂矩有綏懷略,進位銀靑光祿大夫。 中國之盛。帝見而大悅。竟破吐谷渾,拓地數千里,並遣兵戍之,每歲委輸巨億萬計。 導之使入朝。及帝西巡,次燕支山,高昌王、伊吾設等及西蕃胡二十七國謁於道左,皆令佩 來助祭。帝將巡河右,復令矩往敦煌,矩遣使說高昌王麴伯雅及伊吾吐屯設等,啗以厚利, 金玉,被錦罽,焚香奏樂,歌舞喧噪。復令張掖、武威士女盛飾縱觀,塡咽周亙數十里,以示 後遷黃門侍郎,復令往張掖,引致西蕃,至者十餘國。 大業三年,帝有事於恒嶽,口司咸

街,衣錦綺、珥金翠者以十萬數。 又勒百官及百姓士女列坐棚閣 醉飽而散。蠻夷嗟歎,謂中國爲神仙。帝稱矩至誠,謂字文述、牛弘曰:「裴矩凡所陳奏,皆 月而罷。 其年冬,帝至東都。 又令交市店肆皆設帷帳,盛酒食,遺掌蕃率蠻夷與人貿易,所至處悉令邀 矩以蠻夷朝貢者多,諷帝令都下大戲,徵四方奇伎異藝陳於端門 而縱觀焉,皆被服鮮麗,終 延就坐,

朕之成算,朕未發,矩輒以聞。自非奉國,孰能若是。」

所以城耳。」咸以爲然,不復來競。及還,賜錢四十萬。矩又白狀,令反間射匱,潛攻處羅 帝遺將軍薛世雄城伊吾,令矩共往經略。矩諷諭西域諸國曰:「天子爲蕃人交易懸遠,

後處羅爲射匱所迫,竟隨使者入朝。帝大悅,賜矩貂裘及西域珍器。

蠻貊之鄉乎。今其使朝於突厥,親見啓人合國從化,必懼皇靈之遠暢,慮後服之先亡,脅令 者,當率突厥,即日誅之。」帝納焉。 高元不用命,始建征遼之策。 入朝,當可致也。」帝曰:「如何?」與曰:「請面詔其使,放還本國,遣語其王,令速朝覲。 不然 故先帝欲征之久矣。但以楊諒不肖,師出無功。當陛下時,安得不事,使此冠帶之境仍爲 高麗地本孤竹國,周代以之封箕子,漢世分爲三郡,晉氏亦統遼東。今乃不臣,列爲外域, 從帝巡塞北,幸啓人帳。時高麗遣使先通于突厥,啓人不敢隱,引之見帝。 矩因奏曰:

矩 無掌兵事。 王師臨遼,以本官領武賁郎將。明年,復從至遼東。兵部侍郎斛斯政亡入高麗,帝令 以前後度遼功,進位右光祿大夫。

寧,存問曷薩那部落,遣闕達度設寇吐谷渾,頻有虜獲,部落致富。還而奏狀,帝大賞之。後 聞。 唯矩守常,無贓穢之響,以是爲世所稱。後以楊玄感初平,帝令矩安集隴右,因之會 時 皇綱不 振, 人皆變節,左翊衛大將軍宇文述、內史侍郎虞世基等用事,文武多以賄

列

從至懷遠鎭,詔護北蕃軍事。

之耳。 其部落, 部落,走來至此,云背可汗,請我容納。今已斬之,故令往報。」始畢亦知其狀,由是不朝。 不敢受,始畢聞而漸怨。矩又曰:「突厥本淳,易可離間,由其內多有羣胡,盡皆桀黠,敎導 子大出珍物,今在馬邑,欲共蕃內多作交關,若前來者,卽得好物。」胡悉信之,不告始畢,率 十一年,帝北巡狩,始畢率騎數十萬圍帝於雁門,詔矩與虞世基宿朝堂以待顧問。及圍 矩 臣聞史蜀胡悉尤多奸計,幸於始畢,請誘殺之。」帝曰:「善。」矩因遣人告胡悉曰:「天 以始畢可汗部衆漸盛,獻策分其勢,將以宗女嫁其弟叱吉設,拜爲南面可汗。 盡驅六畜爭進,冀先互市。矩伏兵馬邑,誘而斬之。詔報始畢曰:「史蜀胡悉忽領

解,從至東都。 屬射匱可汗遣其猶子率西蕃諸胡朝貢、詔矩宴接之。

矩素勤謹、未嘗忤物,又見天下方亂、恐爲身禍,其待遇人,多過其所望,故雖厮役,皆得其 靜,遙爲處分,恐失事機,唯願鑾輿早還。」俄而驍衞大將軍屈突通敗問至,矩以聞,帝失色。 接蕃客。 尋從幸江都宮。 以疾不行。及義兵入關,帝遣虞世基就宅問矩方略。矩曰:「太原有變, 時四方盜賊蜂起,那縣上奏者不可勝計。短言之,帝怒,遣短詣京師 京畿不

時從駕驍果數有逃散,帝憂之,以問矩。矩曰:「今車駕留此,已經二年。驍果之徒,盡

歡心。

也。」因令短檢校爲將士等娶妻。矩召江都境內寡婦及未嫁女皆集宮監,又召諸將帥及兵等 恣其所取。 無家口,人無匹合,則不能久安。臣請聽兵士於此納室。」帝大喜曰:「公定多智,此奇計 因聽自首,先有奸通婦女及尼、女官等,並卽配之。 由是驍果等悅,咸相謂曰:

裴公之惠也。」

宣撫大使。 門。」旣而化及從百餘騎至,矩迎拜,化及慰諭之,令矩參定儀注,推奏王子浩爲帝。以矩爲 侍內,隨化及至河北。化及僭帝號,以矩爲尚書右僕射,加光祿大夫,封蔡國公,爲河北道 宇文化及反,矩晨起將朝,至坊門,遇逆黨數人,控矩馬詣孟景所。賊皆曰:「不關裴黃

子,轉詹事、戶部尚書,卒。 及齊善行,令矩歸順,旦等從之,乃令矩與徵、公淹領旦及八璽,舉山東之地歸降。授左庶 建德起自羣盜,未有節文,矩爲之制定朝儀,旬月之間,憲章頗擬於王者。 及宇文氏敗,爲竇建德所獲,以矩隋代舊臣,遇之甚厚,復以爲吏部尚書,轉尚書右僕 及建德敗時,矩與其將曹旦等於洺州留守。四旦長史李公淹及大唐使人魏徵等說旦 建德大悦。

讓之第六弟謁之,字士敬,少有志節,好直言。文宣末年昏縱,朝臣罕有言者,謁之上

曰:「望陛下放以取後世名。」帝投刀歎曰:「小子望我殺爾以取後世名,我終不成爾名。」 口色 書正諫,言甚切直。 文宣將殺之,白刃臨頸,謁之辭色不變。帝曰:「癡漢何敢如此」。楊愔

遣人送出。齊亡,卒於壺關令。

梁州刺史羊靈祐重其敦實,表爲征虜府司馬,卒。 上勳書,欲以徽爲元謀。徽曰:「創謀之始,本不關預,雖貪榮賞,內愧於心。」遂拒而不許。 父徽,字子玄,梁安定、略陽二郡守。魏正始二年,隨其妻父夏侯道遷入魏。CIKD道遷別 皇甫和者,字長諧,安定朝那人。其先因官,寓居漢中。祖澄,南齊秦、梁二州刺史。

吉凶,多相諮訪。卒於濟陰太守。 和十一而孤,母夏侯氏才明有禮則,親授以經書。及長,深沈有雅量,尤明禮儀,宗親 子津道,以幹局知名,位廣平令。隋大業初,比部郎。

還,梁武不奪也。至鄴,無復宦情,遂入白鹿山,恣泉石之賞,縱酒賦詩,超然自樂。復爲尙 不樂劇職,除司徒東閣祭酒,思還鄉里,啓乞梁州襃中,卽本郡也。後降梁,以母兄在北,求 和弟亮,字君翼,九歲喪父,哀毁有若成人。齊神武起義,爲大行臺郎中。亮率性任真,

書殿 中郎,攝儀曹事。以參撰禪代儀注,封楡中男。 亮疏慢自任,無幹務才,每有禮儀大事,

常令餘司攝焉。

· 虎曰:「一日雨,一日醉,一日病酒。」文宣以其恕實,優容之,杖脛三十而已。 所居宅洿下, 其淳實如此。 標膀賣之,將買者或問其故,亮每答云:「爲宅中水淹不洩,雨卽流入牀下。」由此宅終不售。 性質朴純厚,終無片言矯飾。 屬有敕下司,各列勤惰。 亮三日不上省,文宣親詰其故。

以兼散騎常侍,聘陳使主,以不稱免官。 後除任城太守,病不之官,卒於鄴。 贈驃騎大

將軍、安州刺史。

裴果字戎昭,河東聞喜人也。祖思賢,魏靑州刺史。父遵,齊州刺史。

託附焉。 果少慷慨有志略。魏太昌中,爲陽平郡丞。周文帝曾使幷州,與果遇,果知非常人,密 永安末,盜賊蜂起,果從軍征討,乘黃驄馬,衣青袍,每先登陷陣,時人號爲「黃驄

年少」。永熙中,授河北郡守。

及齊神武敗於沙苑,果乃率其宗黨歸闕。 周文嘉之,賜田宅奴婢牛馬什物等。 從戰河

列傳第二十六 喪果

督賀婁焉邏蘭,勇冠當時,衆人莫不歎服。 橋,解玉壁圍,摧鋒奮擊,所向披靡。 兵追擊,累戰破之,旬日之間,州境淸晏。轉陵州刺史。 遁 開 爲 東將軍。 、政,百姓畏之,盜賊亦爲之屛息。 、李拓驅率百姓,圍逼州城,時糧仗皆闕,兵士又寡,果設方略以拒之,賊便退走。 劍閣,破季慶堡,降楊乾運,皆有功。廢帝三年,授龍州刺史,封冠軍縣侯。 後從開府楊忠平隨、安陸,以功加大都督,除正平郡守。正平,果本郡也,以威猛 遷司農卿。又從大將軍尉遲迥伐屬,果率所部爲前軍, 大統九年,又從戰芒山,於周文前挺身陷陣,禽東魏都 以此周文愈親待之。補帳內都督,遷帥都督、平 俄而州人張 於是出

官,加絳、晉、建州刺史,諡曰質。 州刺史。 周 (孝閔帝踐阼,除隆州刺史,加持節、驃騎大將軍、開府儀同三司,進爵爲公。歷眉、復 果性嚴猛能斷決,抑挫豪右,申理屈滯,歷牧數州,號爲稱職。卒於位。贈本 子孝仁嗣。

邊之略。 孝仁幼聰敏,涉獵經史,有譽於時。起家舍人上士,累遷長寧鎭將,扞禦齊人,甚有威 歷建、譙、亳三州刺史。

裴寬字長寬,河東聞喜人也。 祖德歡,魏中書侍郎、河內郡守。父靜慮,銀青光祿大夫,

贈汾州刺史。

從弟文直曰:「裴長寬兄弟,天倫篤睦,人之師表,吾愛之重之,汝可與之游處。」年十三,以 寬儀貌瓌偉,博涉羣書,弱冠爲州里所稱。 親歿,撫諸弟以篤友聞,滎陽鄭孝穆嘗謂其

選爲魏孝明帝挽郎,釋褐員外散騎侍郎。

爽合免,因爾遂出,子爽卒以伏法。獨孤信知而責之,寬曰:「窮來見歸,義無執送,今日獲 罪,是所甘心。」以經赦宥,遂得不坐。 弟在關中者咸已從坐。其季弟子爽先在洛,窘急乃投寬,寬開懷納之。 乃將家屬避難於大石嶺。 及孝武西遷,寬謂其諸弟曰:「君臣逆順,大義昭然,今天子西幸,理無東面以虧 獨孤信鎮洛陽,始出見焉。時汾州刺史韋子粲降於東魏,子粲兄 遇有大赦, 或傳子 臣節。」

圍。 悔。」法保納之,然不能圖景,但自固而已。 可信,若伏兵以斬之,亦一時之功也。如曰不然,便須深加嚴警,不得信其誑誘,自貽後 景密謀南叛,偽親狎於法保。寬謂法保曰:「侯景狡猾,必不肯入關,雖託款於公,恐未 大統五年,授都督、同軌防長史,加征虜將軍。十三年,從防主章法保向潁川,解侯景

善於占對,文襄甚賞異之,解鎖付館,厚加禮遇。寬乃裁所臥氈,夜縋而出,因得遁還,見於 十四年,與東魏將彭樂、樂恂戰於新城,因傷被禽。至河陰,見齊文襄。寬舉止詳雅,

一三九八

陽縣男,卽除孔城城主 厚遇,乃能冒死歸我,雖古之竹帛所載,何以加之。」乃手書署寬名下,授持節、帥都督,封夏 周文帝。 帝顧謂諸公曰:「被堅執銳,或有其人,疾風勁草,歲寒方驗。裴長寬爲高澄如此

剋之。 謀,多譎詐,或聲言春發,秋乃出兵,或掩蔽消息,倏忽而至,寬每揣知其情,出兵邀擊,無不 周孝閔帝踐作,進爵爲子。寬在孔城十三年,與齊洛州刺史獨孤永業相對。 十六年,遷河南郡守,仍鎭孔城。廢帝元年,進使持節、車騎大將軍、儀同三司、散騎常 永業有計

開皇元年,文帝詔贈襄、郢二州刺史。 嶺外,經數載,復還建鄴,遂卒於江左。 接敵境,於是以寬爲沔州刺史。陳將程靈洗攻之,力屈城陷。陳人乃執寬至揚州,尋被送 天和三年,除溫州刺史。初,陳氏與周通和,每修聘好,自華皎附後,乃圖寇掠,沔州旣 子義宣後從御正杜杲使於陳,江巴始得將寬柩還。隋

義宣,位司金二命士、合江令。

外散騎侍郎。 寬弟漢,字仲霄,操尙弘雅,聰敏好學,嘗見人作百字詩,一覽便誦。 大統五年,除大丞相府士曹行參軍,轉墨曹。 漢善尺牘,尤便簿領,理識明 魏孝武初,解褐員

府高賓等參議格令,每較量時事,必有條理。 贈,斷割如流,相府爲之語曰「日下粲爛有裴漢」。武成中,爲司車路下大夫,與工部郭彦、太 天和五年,加車騎大將軍、儀同三司

晉州 連,間以篇什,當時人物,以此重之。 進。漢直道自守,故八年不徙職。 刺史。 撫養兄弟子,情甚篤至。借人異書,必躬自錄本,至于疾疹彌年,亦未嘗釋卷。 漢少有宿疾,恒帶虛羸,劇職煩官,非其好也。 時晉公護擅權,搢紳等多諂附之以圖仕 性不飲酒,而雅好賓游,每良辰美景,必招引時彥,宴賞留 。自寬沒後,遂斷絕游從,不聽琴瑟,歲時伏臘, 哀慟 卒,贈 而

位兵曹郎。 子鏡人,口口少聰敏,涉獵經史。爲大將軍、譚公會記室參軍,累遷春官府都上士。仕隋,

漢弟尼,字景尼,性弘雅,有器局,位御正下大夫。 卒,贈隨州刺史。

子之隱,趙王招府記室參軍。

之隱弟師人,自己好學有識度,見稱於時。 起家秦王贄府記室參軍,仍兼侍讀。

賜爵高邑縣侯。 寬族弟鴻,少恭謹,有幹略。 從衛公直南征,軍敗遂沒,尋卒於陳。 歷官內外。 周天和初,拜郢州刺史,轉襄州總管府長史, 朝廷哀之,贈豐、資、遂三州刺史。

常童。 耳。」時俠宅側有大桑林,因葬焉。 東,封公侯。」俠懼,以告其母。 恢年七歲,猶不能言,後於洛城見羣烏蔽天從西來,舉手指之而言,遂志識聰慧,有異 裴俠字嵩和,河東解人也。 年十三,遭父憂,哀毀有若成人。 母曰:「神也,吾聞鬼神福善,爾家未嘗有惡,當以吉祥告汝 祖思齊,舉秀才,拜議郎。父欣,西河郡守,贈晉州刺史。 州辟主簿,舉秀才。 將擇葬地而行,空中有人曰:「童子何悲,葬於桑

烏之所集,何如東就妻子,徐擇木焉。」俠曰:「旣食人祿,寧以妻子易圖也。」遂從入關。 帝,授左中郎將。 謂已操戈矛,寧肯授人以柄,雖欲撫之,恐是『據於蒺蔾』也。」思政曰:「奈何。」俠曰:「圖歡 之,授東郡太守,帶防城別將。 **虧清河縣伯,除丞相府士曹參軍。** 有立至之憂,西巡有將來之慮。 王思政謂曰 魏正 光中,解巾奉朝請,稍遷義陽郡守。 : "「當今權臣擅命,王室日卑,若何。」」俠曰:「宇文泰爲三軍所推,居百二之地,所 及帝西遷,俠將行而妻子猶在東郡。 及孝武與齊神武有隙,徵兵,俠率所部赴洛陽。 且至關右, 日愼一日,徐思其宜耳。」思政然之,乃進俠於 元顥入洛,俠執其使人,公司焚其赦書。孝莊嘉 滎陽鄭偉謂俠曰、「天下方亂,未知 武衛將軍

必勇。」因命名俠焉。以功進爵爲侯。 大統三年,領鄉兵從戰沙苑,先鋒陷陣。俠本名協,至是周文帝嘉其勇决,乃曰:「仁者 王思政鎭玉壁,以俠爲長史。齊神武以書招思政,思

政令俠草報書甚壯烈。周文善之曰:「雖魯仲連無以加也。」

恢別立,謂諸牧守曰:「裴俠淸愼奉公,爲天下之最。」令衆中有如俠者,可與之俱立。 默然,無敢應者。周文乃厚賜俠,朝野服焉,號爲「獨立使君」。 取。人歌曰:「肥鮮不食,丁庸不取,裴公貞惠,爲世規矩。」俠嘗與諸牧守俱謁周文,周文命 制,有漁獵夫三十人以供郡守,俠曰:「以口腹役人,吾所不爲也。」乃悉罷之。又有丁三十 人,供郡守役,俠亦不以入私,並收庸爲市官馬。 歲時旣積,馬遂成羣。 除河北郡守,俠躬履儉素,愛人如子,所食唯菽麥鹽菜而已,吏人莫不懷之。此郡舊 去職之日,一無所 衆皆

復何言!伯鳳等慚而退。 典策。今吾幸以凡庸,濫蒙殊遇,固其窮困,非慕名也,志在自修,懼辱先也,翻被嗤笑,知 從弟伯鳳、世彥時並爲丞相府佐,笑曰:「人生仕進,須身名並裕,清苦若此,竟欲何爲。」俠 曰:「夫淸者莅職之本,儉者持身之基,況我大宗,世濟其美,故能存見稱於朝廷,沒流芳於 又撰九世伯祖貞侯潛傳,述裴氏清公,欲使後生奉而行之,宗室中知名者,咸付一通。

再遷郢州刺史,加儀同三司。 梁竟陵守孫暠、酇城守張建並以郡來附。 俠見之,密謂

有鑒,深得之矣。」遣大都督苻貴鎭竟陵,而酇城竟不遣監統。 人曰:「暠目動言肆,輕於去就者也,建神情審定,當無異心。」乃馳啓其狀。周文曰:「裴俠 及柳仲禮軍至,暠還以郢叛,

用,裴公清嚴有名,懼遭罪責,所以泣耳。」俠聞之,許其自首。貴自言隱費錢五百萬。 工部中大夫。有大司空掌錢物典李貴乃於府中悲泣,或問其故,對曰:「所掌官物,多有費 卒如俠言。尋轉大將軍、拓州刺史,徵拜雍州別駕。 時有姦吏主守倉儲,積年隱沒至千萬者,及俠在官,勵精發擿,數旬之內,姦盜略盡。轉 周孝閔帝踐阼,除司邑下大夫,加驃騎大將軍、開府儀同三司,進爵爲公。 遷戶部中大

還,言之於帝。帝矜其貧苦,乃爲起宅,幷賜良田十頃,奴隸耕耒糧粟莫不備足。曰三搢紳咸 乃作頌紀其淸德焉。 以爲榮。卒於位,贈太子少師、蒲州刺史,諡曰貞。河北郡前功曹張回及吏人等感俠遺愛, 也。又司空許國公宇文貴、小司空北海公申徽並來候俠疾、四三所居第屋,不免霜露,貴等 晉公護聞之曰:「裴俠危篤若此而不廢憂公,因聞鼓聲,疾病遂愈,此豈非天祐其勤恪 俠嘗遇疾沈頓,士友憂之,忽聞五鼓,便卽驚起,顧左右曰:「可向府耶。」所苦因此而

遷司倉下大夫。俠之終也,以毁卒。祥弟肅。 子祥,性忠謹,有理劇才。少爲城都令,清不及俠,斷決過之。 後除長安令,為權貴所

乾而一朝遷革, 豈天道歟!」文帝聞之, 甚不悅, 由是廢于家。開皇五年, 授膳部侍郎。歷朗 以行軍長史從韋孝寬征淮南。屬隋文帝爲丞相,肅聞而歎曰:「武帝以雄才定六合,墳土未 肅字神封,貞亮有才藝,少與安定梁毗同志友善。天和中,舉秀才。累遷御正下大夫,

州總管長史、貝州長史,俱有能名。

意。旣已,罷遣之。未幾,上崩,煬帝嗣位,不得調者久之,肅亦杜門不出。 四海,後宮龍幸,不過數人,自勇以下,並皆同母,非爲愛憎,輕事廢立。」因言勇不可復收之 於是徵肅入朝。皇太子聞之,謂左庶子張衡曰:「使勇自新,欲何爲也。」衡曰:「觀肅意欲令 遷善,漸更增益,如或不悛,貶削非晚。」書奏,上謂楊素曰:「肅憂我家事如此,亦至誠也。」 如吳太伯、漢東海王耳。」太子甚不悅。「肅至京,見上於含章殿。上謂曰:「貴爲天子,富有 勳佐命,願錄其大功,忘其小過。一庶人得罪已久,寧無革心,願各封小國,觀其所爲,若得 仁壽中,肅見皇太子勇、蜀王秀、左僕射高頻俱廢黜,遣使上書,言:「高熲天挺良才,元

後執政者以續表遐遠,希旨授肅永平郡丞,甚得夷人心。歲餘卒,夷獠思之,爲立廟於

鄣江之浦。有子尚賢。

州 爲之鄉 里所推挹。 裴文舉字道裕,河東聞喜人也。 導,多所降下。 大統三年,東魏來寇,邃乃糾合鄉人,分據險要以自固。及李弼略地東境,邃 周文帝嘉之,特賞衣物,封澄城縣子。 祖秀業,魏天水郡守,贈平州刺史。父邃,性方嚴,爲 卒於正平郡守,贈儀同三司、

以選與諸公子游,雅相欽敬,未嘗戲狎。 周孝閔帝踐阼,襲爵澄城縣子。 文舉 少忠謹,涉獵經史。 大統十年, 起家奉朝請。 遷著作郎、中外府參軍。 時周文帝諸子年幼,盛簡賓友,文舉 恭帝二年,賜姓賀蘭氏。

定州刺史。

就 **資給之,文舉恒自謙遜,辭多受少。** 日 :「利之爲貴,莫若安身,身安則道隆,非貨之謂,是以不爲,非惡財也。」憲矜其貧窶,每欲 加 使持節、車騎大將軍 齊公憲初開幕府,以文舉爲司錄,及憲出鎭劍南,復以文舉爲總管府中郎。 、儀同三司。 蜀土沃饒,商販百倍,或有勸文舉以利者,文舉答之 武成二年,

臨州, 初,進驃騎大將軍、開府儀同三司,尋爲孝寬柱國府司馬。 保定三年,遷絳州 一遵其法,百姓美而化之。 刺史。 遼之任正平也,以廉約自守,每行春省俗,單車 總管韋孝寬特相欽 重, **毎與談論,不覺膝前** 六年,入爲司憲中大夫,進爵爲 而已。 於席 及文學

伯,轉軍司馬。

平縣,屬東西分隔,韋氏墳隴,遂在齊境。及文舉在本州,每加賞募。 孤,逾於己子,時人以此稱之。初,文舉叔父季和爲曲沃令,終於聞喜川,而叔母韋氏卒於正 要結,以韋柩西歸,竟得合葬。六年,除南靑州刺史。 文舉少喪父,其兄又在山東,唯與弟璣幼相訓養,友愛甚篤。 宣政元年,卒於位。 **璣又早亡,文舉撫視遺** 齊人感其孝義,潛相

子胄嗣,位至大都督。子神,安邑通守。有子知禮。

討叛蠻向思多於黔安,以功進銀青光祿大夫。 靺鞨,拜左光祿大夫。 領漢王諒府親信。 仁基 裴仁基字德本,河東人也。 一少驍武,便弓馬。平陳之役,以親衞從征,先登陷陣,拜儀同,賜物千段。 諒反,仁基苦諫見囚。 從征高麗,進位光祿大夫。 祖伯鳳,周汾州刺史。父定,上儀同。 諒敗,超拜護軍。 擊破吐谷渾,加授金紫光祿大夫。 後改授武賁郎將,從將軍李景

斬獲寇掠

以本官

所得軍資,卽用分賞。 李密據洛口,帝令仁基爲河南道討捕大使,據武牢拒密。 監軍御史蕭懷靜止之,衆咸怒懷靜。 懷靜又陰持仁基長短,欲有奏 仁基見强寇在前,士卒勞弊,

列

劾。 仁基懼,殺懷靜,以其衆歸密。 密以爲河東郡公。 其子行儼,驍勇善戰,密復以爲絳郡

公、甚相委昵。

戰以疲之,多方以誤之者也。」密曰:「公知其一,不知其二。東都兵馬有三不可當,器械精 甲,世充重出,我又逼之。如此,則我有餘力,彼勞奔命。兵法所謂彼出我歸,彼歸我出,數 言,戰遂大敗。仁基爲世充所虜。 十日,世充之首可懸於麾下。」單雄信等諸將輕世充,皆請戰。仁基苦爭不得。密難違諸將 下必虛,可分兵守其要路,令不得東,簡精兵三萬,傍河西出,以逼東都。 也,決計而來二也,食盡求鬭三也。我按兵蓄力以觀其弊,彼求鬭不得,欲走無路,不過 王世充以東都食盡,悉衆詣偃師,求決戰。密與諸將計。 仁基曰:「世充盡銳而至,洛 世充却還,我且按

爲 上食之際,持匕首劫世充,行儼以兵應之,事定,然後輔越王侗。 不自安,遂與世充所署尚書左丞宇文儒童、尚食直長陳謙、祕書丞崔德本等謀,令陳謙於 左 |輔大將軍。行儼每戰,所當皆披靡,號萬人敵。|世充憚其威名,頗加猜防。|仁基知之, 世充以仁基父子並驍勇,深禮之,以兄女妻行儼。及僭尊號,署仁基爲禮部尚書,行儼 事臨發,將軍張童兒告之,

俱

爲世充所殺。

知,自升顯級,竟而蹈履非所,身名隳壞,時也。 太子之少,非徒語也。文舉之在絳州,世載淸德,辭多受少,有廉讓之風焉。仁基以武略見 以加此。庸歷官周、隋,志存鯁正,竟而忠誠慷慨,犯忤龍鱗,固知嫠婦憂宗周之亡,處女悲 昌入朝,伊吾獻地,聚糧且末,師出玉門,關右騷然,頗亦矩之由矣。果及長寬,早知去就, 伯茂才名,亦時之良也。元化以文學傳業,而又脩史著美。白意讓之弟兄,修身厲行,觀夫 之有。與聞政事,多歷歲年,雖處危亂之中,未虧廉謹之節。然與時消息,承望風旨,使高 出處之跡,良足稱乎。矩學涉經史,頗有幹局,至於恪勤匪懈,夙夜在公,求之古人,殆未 而寬淪迹異域,蓋乃命乎。當和廉約居身,忠勤奉上,人懷其惠,吏畏其威,雖古之良吏,何 論曰:裴駿雅業有資,器行仍世,所以布於列位,不替其美。 延儁器能位望,有可稱乎。

校勘記

[一] 詢族叔景 「景」是北史避唐諱改,今從百衲本。 各本及魏書卷四五裴駿傳「景」作「昞」,百衲本及通志卷一四九裴駿傳作「景」。按

祿後養親 諸本「後」作「厚」,魏書裴駿傳作「後」。 按「祿後養親」,謂作官得祿時,父母已亡,

不及養親。「厚」乃音同致訛,今據改。

广 三 U 中山王將之部 諸本脱「王」字, 魏書注闕,通志卷一七六裴敬憲傳有「王」字。按中山王指元

熙。 魏書卷十九南安王楨傳云:「始熙之鎭鄴也,知友才學之士袁翻、李琰、李神儁、王誦兄弟

裴敬憲等咸餞於河梁,賦詩告別。」熙父英封中山王,熙襲其爵。 通志是,今據補。

ᅋ 永安三年贈中書侍郎 諸本「永安」作「永興」。按北魏有兩永興:一爲明元帝年號,裴敬憲不可

下文說敬憲弟莊伯與其同年死, 能於此永興中獲得贈官,一爲孝武帝年號,太昌元年十二月改元永興。但不久就改爲永熙, 而在永安三年贈通直散騎侍郎, 則敬憲必是同時獲得贈官。 無三年。

「永興」爲「永安」之誤,今據改。

五五 延儁從叔愛醜桃弓並見稱於鄉里 魏書卷六九裴延儁傳無「愛醜」二字、「並」字作「亦」。

據魏書,則下云「子夙」,即桃弓之子。 北史並列兩人,則夙爲誰子不明。 疑誤。

由洛陽出

ハベン 南征絳蜀陳雙熾 兵,當是北向,不當云「南征」。 通志卷一七六裴伯茂傳「南」字作「及」。 通志作「及」是。 按陳雙熾起義在河東。

七山 進軍自南海援廣州 諸本「援」作「拔」, 隋書卷六七裴矩傳作「援」。 作「援」是一个據改。 按上云王仲宣逼廣州, 則

始稱名號者有三十六國 廣州是爲隋守。 本書卷六四章洸傳、言洸守廣州、並未失陷。 諸本「三」作「四」<u>)隨</u>書作「三」。按漢書卷九六上西域傳序作「三十六

國」。今據改。

- . ≯i ∪ 合四十五國 隋書作「四十四國」。按本書卷九七西域傳序,言裴矩引致西域,「其有君長者四
- 十四國」。則隋書是。
- 蘇勒沙那國 隋書「勒」作「對」、通志卷一六一裴矩傳作「勒」。按隋書卷八三、本書卷九七西域
- 傳鐵汗國及米國都見「蘇對沙那」。 通志卷一九六西域傳米國及撥汗國條同。 疑作「對」是。
- 挹怛 {傳。 諸本「怛」訛作「惶」,據<u>隋</u>書、 通志改。 挹怛卽嚈嗟,見隋書卷八三及本書卷九七西域
- 其東女國南婆羅門國等 故以「其東」區別之。大小安國已見前,此不應重出,今據隋書改。 諸本「女」作「安」,隨書作「女」。按女國與南婆羅門都不在三道上,
- [1] 大業三年帝有事於恒嶽 「親祠恒岳」,則事在四年。作「三」作「二」都誤。 通志「三」作「二」。按本書卷十二、隋書卷三煬帝紀,大業四年八月,
- 矩與其將曹旦等於洛州留守 諸本「洛」作「洛」,隋書作「洛」。按變建德都洛州,見舊唐書卷五 四寶建德傳。作「洛」誤,今據改。
- 二吾 帝曰癡漢何敢如此楊愔曰望陛下放以取後世名帝投刀歎曰小子望我殺爾以取後 成爾名 通志卷一五四裴讓之傳作:「帝曰:『癡漢何敢爾?』楊悟曰:『此子望陛下殺之以取後 世名我終不

列

傳第

二十六

校勘記

世 帝投刀曰:『小子望我殺爾以取名, 我終不成爾名也。』」按通志文字略異,當是改寫。但

「放」字疑當從通志作「殺」,方與上下文相應。

隨其妻父夏侯道遷入魏 按魏書卷七一江悅之傳附皇甫徽傳云: 「徽妻卽道遷之兄女。」 則道

遷是徽之妻叔。

二世 子義宣後從御正杜杲使於陳 諸本「杲」訛作「果」, 據周書卷三四裴寬傳及卷三九杜杲傳改。

子鏡人 <u>飘</u>書卷三四裴漢傳「人」作「民」,北史避唐諱改。

[1元] 之隱弟師人 周書「人」作「民」、北史避唐諱改。

俠執其使人 諸本「俠」訛作「使」,據周書卷三五、通志卷一五七裴俠傳改。

べき 小司空北海公申徽並來候俠疾 徽傳不言其封北海公, 但元和姓纂輯本卷三申氏條稱:「裔孫徽,後周北海公。」知是此 諸本「徽」訛作「徴」, 據周書、 通志裴俠傳及周書卷三二中徽

人

奴隷耕耒糧粟莫不備足 周書「耒」作「牛」,此作「耒」,當是形訛。

元化以文學傳業而又脩史著美 按裴佗傳無一語及脩史事,其在魏書, 本列良吏傳,「脩史」當

是「循吏」即良吏之訛。

北史卷三十九

列傳第二十七

薛安都 劉休賓 房法壽 曾孫豹 玄孫彥謙 族子景伯

畢衆敬 曾孫義雲 羊心 子深 孫肅 弟子敦 烈

牛衣服什物充滿其庭。眞君五年,與東雍州刺史沮渠康謀逆,〔〕事發奔宋。 諸兄患之。 薛安都字休達,河東汾陰人也。 父廣,晉上黨太守。安都少驍勇,善騎射,頗結輕俠, 安都乃求以一身分出,不取片資,兄許之,居於別處。遠近交遊者爭有送遺,馬

東大將軍尉元等赴之,拜安都鎭南大將軍、徐州刺史,賜爵河東公。 立,是爲明帝。 在南以武力見敍,遇宋孝武起江州,遂以爲將。 宋明帝遣將張永討安都,安都遣使降魏,請兵救援,遣第四子道次爲質。獻文乃遣鎮 羣情不協,共立子業弟晉安王子勛。 安都與沈文秀、崔道固、常珍奇等舉兵 和平六年,宋湘東王殺其主子業而自 元等既入彭城,安都中

列傳

第二

十七七

薛安都

悔,謀圖元等。 元知之,遂不果發。 安都因重貨元等,委罪於女壻裴祖隆。元乃殺祖隆而隱

安都謀

不收敍。又爲起第宅,館宇崇麗,資給甚厚。卒,贈假黃鉞、秦州刺史、河東王,諡曰康。 皇興一年,與畢衆敬朝于京師,甚見禮重。子姪羣從並處上客,皆封侯,至於門生,無

子道爝襲爵,位平州刺史,政有聲稱。歷相、秦二州刺史,卒。

道檦弟道異,亦以勳爲第一客。早卒,贈秦州刺史、安邑侯。

道異弟道次,旣質京師,賜爵安邑侯,位秦州刺史,進河南公。

出倉米五十斛爲粥,救其甚者。 平州刺史,假陽平公,後降爲伯。歷荆州、東荆州刺史。初遷洛後,眞度每獻計勸先取樊、鄧, 封敷西。卒,贈左光祿大夫,諡曰莊。有子十二人,嫡子懷徹襲封。 後攻南陽,故大爲帝所賞,改封臨晉縣伯,轉豫州刺史。景明初,豫州 二州刺史,入爲大司農卿。正始初,除揚州刺史。還朝,除金紫光祿大夫,加散騎常侍,改 安都從祖弟眞度,初亦與安都南奔,及從安都來降,爲上客。太和初,賜爵河北侯,出爲 韶曰:「眞度所表,甚有憂濟百姓之意,宜在拯恤。」歷譯、荆 大饑,眞度表輒日別

初,眞度有女妓數十人,每集賓客,輒命之絲竹歌舞,不輟於前,盡聲色之適。 庶長子

懷吉、居喪過周,以父妓十餘人幷樂器獻之,宣武納焉。

旣指授先期明人馬之數,左右密已記錄。俄而酒饌相尋,芻粟繼至,逮于將別,贈以錢練, 态其取受。

而將勞賓客,曲盡物情,

送去迎來,

不避寒熱。 汾州,偏有聚納之響。自以支庶,餌誘勝己,共爲婚姻。 懷吉好勇,有膂力,雖不善書學,亦解達時事,卒於汾州刺史。 多攜親戚,悉令同行,氣爲之彌縫, 性少言,每有接對,但默然 懷吉本不厲淸節,及爲 而返。

在公府,發揚疵釁,時人恥焉。 真度諸子旣多,其母非一,同產相朋,因有惛愛。 興和中,遂致訴列,云以毒藥相害,顯

下及廝傭,成過本望。

劉休賓字處幹,本平原人也。祖昶,從慕容德度河,家于北海都昌縣。父奉伯,宋北海

太守。

体實,又執体實兄延和妻子巡視城下。体實答白曜,許待歷城降,當卽歸順。密遣主簿尹文 邪利之降,文曄母子與俱入魏。及慕容白曜軍至,休賓不降。白曜請崔氏與文曄至,以報 休賓少好學,有文才,仕宋爲克州刺史。娶崔邪利女,生子文曄。 崔氏先歸寧在魯郡,

請命。 達向歷城 慰,聞慰固執不可,遂差本契。 白曜尋遣著作佐郎許赤彪夜至梁鄒南門, [三] 告城上人曰: 白曜喜,以酒灌地,啓告山河,誓不負休賓。 以爪髮爲信。 「休賓遣文達頻造僕射許降,何得無信!」於是城內遂相維持,欲降不得。 及立平齊郡,乃以梁鄒人爲懷寧縣,以休賓爲令。 ,觀魏軍形勢。 文達回,復經白曜,誓約而還,見休賓。休賓撫爪髮泣,復遣文達與白曜期。 文達詣白曜,詐祗候。 文達還謂休賓,可早決計。休賓於是告兄子聞 白曜令文達往升城,見其妻子。 延興二年卒。 歷城降,休賓乃出 文曄哭泣,

代。 卒於高陽太守,贈兗州刺史,諡曰貞。 帝曾幸方山,文曄大言求見,申父功厚賞屈。於是賜爵都昌子,深見待遇,拜協律中郎。 文曄有志尙,綜覽羣書,輕財重義。 太和中,坐從兄聞慰南叛,被徙北邊,孝文特聽還

孤 貧不自立,母子並出家為尼僧。 休賓叔父旋之,其妻許氏生二子法鳳、法武,而旋之早卒。 既而反俗,俱奔江南。 法武後改名峻,字孝標,南史 東陽平,許氏攜二子入魏,

有傳。

房法壽,小名烏頭,清河東武城人也。 曾祖諶,仕燕,位太尉掾,隨慕容氏遷于齊,子孫

因家之,遂爲東淸河釋幕人焉。

祖弟崇吉,母妻爲慕容白曜所獲,託法壽爲計,法壽與崇吉歸款於白曜。 老,不復應州郡命,常盜殺猪羊以供母。招集壯士,恒有數百。仕宋爲魏郡太守。 壽幼孤,少好射獵,輕率勇果,結諸羣小爲劫盜,宗族患之。弱冠,州迎主簿。 韶以法壽爲平遠 後以母 法壽從

將軍,與韓騏驎對爲冀州刺史。

施,親舊賓客率同飢飽,坎壞常不豐足。畢衆敬等皆尙其通愛。卒,贈靑州刺史,諡敬侯。 客,崔、劉爲下客。 子伯祖襲,例降爲伯,歷齊郡內史。 及 歷城、梁鄒降,法壽、崇吉等與崔道固、劉休賓俱至京師,以法壽爲上客,崇吉爲次 法壽供給亞於薛安都等,以功賜爵壯武侯,給以田宅奴婢。性愛酒,好 伯祖 層弱,委事於功曹張僧皓,大有受納,伯祖衣

食不充。後遷幽州輔國府長史,四五発官,卒。

子翼,大城戍主,帶宋安太守,回襲爵壯武侯。

出討 厭當之。 ,豹爲紹宗開府主簿兼行臺郎中。 翼子豹,字仲幹。 豹白紹宗日 :「夫命也在天,豈人理所能延保。公若實有水厄,非禳辟所能却,若其 體貌魁岸,美音儀。年十七,州辟主簿。王思政入據潁川,慕容紹宗 紹宗自云有水厄,遂於戰艦中浴,并自投於水,冀以

列

傳第二十

七

房法爵

論

以爲知微。

實 防災,豈如岸上指麾,以保萬全也。」紹宗笑曰:「不能免俗,爲復爾耳。」未幾而紹宗遇溺,時 無,何禳之有。 今三軍之事,在於明公,唯應達命任理,以保元吉。 方乃乘船入水,云以

鐅 頻被徵命,固辭以疾。 遷博陵太守,亦有能名。又遷樂陵太守,風敎修理,稱爲美政。郡瀕海,水味多鹹苦。別命 一井,遂得甘泉,遐邇以爲政化所致。 河清中,四除謁者僕射,拜西河太守。地接周境,俗雜稽胡, 每牧守初臨,必遣致禮,官佐邑宰皆投刺申敬。 豹罷歸後,井味復鹹。 齊滅,遂還本鄉,丘園自養, 豹政貴淸靜, 甚著聲績。 終於家,無子,以兄

熊字子威 彥 詡 明辯有學識,位殿中侍御史,千乘、益都二縣令,有惠政。 ,性至孝,聰朗有節概。 州辟主簿,行淸河、廣川二郡事。

熊子彦

詡

嗣

送柩還鄉,悲痛傷惜,以爲喪當家之寶。初,彥詢 關見意詢 長 子彦詢 《弟彥謙曰:「公是監館弟邪。」因慘然曰:「昔因將命,得申言款。」 彥詢所贈總詩, 最知名,以魏勳門嫡孫,賜爵永始縣子,特爲叔豹所愛重。 少時爲監館,嘗接陳使江總。 病卒,豹取急,親 及陳滅,總入

今見載總集。

讀書。 撫養甚厚。後丁繼母憂,勺飲不入口者五日。事伯父別,「KJ 竭盡心力,每四時珍果,弗敢 遇期功之戚,必蔬食終禮,宗從取則焉。其後受學于博士尹琳,手不釋卷,遂通涉五 年七歲,誦數萬言,爲宗黨所異。十五出後叔父子貞,事所繼有踰本生。子貞哀之, 早孤,不識父,爲母兄鞠養。長兄彥詢,雅有淸鑒,以彥謙天性穎悟,每奇之,親敎

解屬文,雅有詞辯,風槪高人。

為齊州 彥謙 命 尚書盧愷一見重之,擢授承奉郎,俄遷監察御史。 隋文受禪之後,遂優游鄉曲,誓無仕心。開皇七年,刺史韋藝固薦之,不得已而應命。 彦 稱旨,賜物百段、米百石、衣一襲、奴婢七口。 痛本朝傾覆,將糾率忠義,潛謀匡輔,事不果而止。齊亡,歸于家。周武帝遣柱國辛遵 在職,清簡守法,州境肅然,莫不敬憚。及周師入鄴,齊主東奔,以彥謙爲齊州中從事。 年十八,屬齊廣寧王孝珩爲齊州刺史,辟爲主簿。時禁網疏闊,州郡之職,尤多縱弛。及 刺 史,爲賊帥輔帶劍所執。彥謙以書諭之,帶劍慚懼,送遵還州,諸賊並各歸首。及 後屬陳平,奉詔安撫泉、括等十州。 吏部

謬 黜陟 法 幽 遷 乃虛設。 秦州總管錄 唐、虞 比 見諸 以降,代有其法,黜陟合理 事參軍。 州考校,執見不同,進退多少,參差不類。 因朝集 時,左僕射高頻定考課。 ,

褒貶無虧,

便是進必得賢,

退皆不肖。 **彦謙謂與曰:「書稱三載考績,** 況復愛憎肆意,致乖平坦。 如或舛

列傅

第二

+

七

房法

之動容,深見嗟賞。 訪,褒秋毫之善,貶纖介之惡,非直有光至道,亦足標獎賢能。」 詞氣侃然,觀者屬目。 頗爲 微,平心遇物,今所考校,必無阿枉,脫有前件數事,未審何以裁之。唯願遠布耳目,精加采 量人數,半破半成,徒計官員之少多,莫顧善惡之衆寡。欲求允當,其道無由。明公鑒達幽 捨,曾經 「與公言,不如獨共秦州考使語。」後數日,頗言於帝,帝弗能用。 1驅使者,多以蒙識獲成,未歷臺省者,皆爲不知被退。 又四方懸遠,難可詳悉,唯準 因歷問河西、隴右官人景行,彥謙對之如響。 **頗謂諸州總管、刺史曰:** 宰貴旣不精練,斟酌取

衡,一 生爲 辭翰往來,交錯道路。 長 吏能 (] 其後百姓思之,立碑頌德。 代文宗,位望淸顯,所與交結,皆海內名賢。 以 不,以彥謙爲天下第一,超授都州司馬。 吏人號哭相謂曰:「房明府今去,吾屬何用 秩滿,遷長葛縣令,甚有惠化,百姓號爲慈父。 煬帝嗣位,道衡轉牧番州,路經彥謙所,留連數日,屑涕 都州久無刺史,州務皆歸彥謙,名有異政。內史侍郎薛道 重彥謙爲人,深加友敬。 仁壽中,帝令持節使者巡行州縣,察 及為 而 別 襄州總管,

黃門侍郎張衡亦與彥謙相善。 于時帝營康都,窮極侈麗,天下失望。 又漢王構逆,罹

罪者多。彥謙見衡當塗而不能匡救,書諭之曰:

竊聞賞者所以勸善,刑者所以懲惡。故疏賤之人,有善必賞,尊賢之戚,犯惡必刑。

照臨,亦宜謹肅。故文王云:「我其夙夜畏天之威。」以此而論,雖州、國有殊,高下懸 未有罰則避親,賞則遺賤者也。今國家祗承靈命,作人父母,刑賞曲直,升聞於天,夤畏

邈,憂人愼法,其理一也。

斯義安在!昔叔向置鬻獄之死,晉國所嘉,釋之斷犯蹕之刑,漢文稱善。 羊舌 寧不 愛 弟,廷尉非苟違君,俱以執法無私,不容輕重。 梟縣孥戮,國有常刑。遂使籍沒流移,恐爲寃濫。[+] 恢恢天網,豈其然乎!罪疑從輕, 虞,嗣后纂統,而好亂樂禍,妄有覬覦,則管、蔡之誅,當在於諒。 同惡相濟,無所逃罪, 紀,則當原其本情,議其刑罰,上副聖主友于之意,下曉愚人疑惑之心。 若審知外內無 至如幷州釁逆,須有甄明,若楊諒實以詔命不通,慮宗社危逼,徵兵聚衆,非爲于

應歷運之兆,終無帝主之位。況乎蕞爾一隅,蜂扇螘聚,楊諒之愚鄙,羣小之凶慝,而 權勢,李老、孔丘之才智,呂望、孫武之兵術,吳、楚連盤石之據,產、祿承母弟之基,不 且聖人大寶,是日神器,苟非天命,不可妄得。故蚩尤、項籍之驍勇,伊尹、霍光之

欲憑陵畿甸,覬幸非望者哉。

幽顯,義感靈祇。是以古之哲王,昧旦丕顯,履冰在念,御朽兢懷。逮叔世驕荒,曾無 開闢以降,書契云及,帝皇之跡,可得而詳。自非積德累仁,豐功厚利,孰能道洽

戒懼,肆於人上,騁嗜舜欲,不可具載,請略陳之。

嬰,楚有叔敖,晉有士會,凡此小國,尙足名臣,齊、陳之强,豈無良佐,但以執政壅蔽, 譽,日敷陳於左右。 諂佞之輩,行多穢慝,於我有益,遽蒙薦舉。以此求賢,何從而至。夫賢材者,非尚膂 懷私殉軀,忘國憂家,外同內忌。設有正直之士,才堪幹時,於己非宜,卽加擯 臣懷寵,稱善而隱惡,史官曲筆,掩瑕而錄美。是以人庶呼嗟,終閉塞於視聽,公卿虛 隔,各保其業,人不思亂,泰山之固,弗可動也。 力,豈繫文華,唯須正身負戴,確乎不動,譬棟之處屋,如骨之在身,所謂棟梁骨鯁之材 不易。」萬機之事,何者不須熟慮哉。 廟,霧露沾衣,弔影撫心,何嗟及矣!故詩云:「殷之未喪師,克配上帝,宜鑒于殷,駿命 國祗敬上玄,惠恤鰥寡,委任方直,斥遠浮華,卑菲爲心,惻隱是務,河朔强富,江湖險 齊、陳不任骨鯁,信近讒諛,天高聽卑,監其淫僻,故總收神器,歸我大隋。 曩者,齊、陳二國,並居大位,自謂與天地合德,日月齊明,罔念憂虞,不恤刑政。近 法網嚴密,刑辟日多,賦役煩興,老幼疲苦。 然而寢臥積薪,宴安鴆毒,遂使禾黍生 昔鄭有子產, 齊有晏 棄,儻遇 向使一

壁之符。遐邇僉屬。纘曆甫爾,寬仁已布,率土蒼生,翹足而喜。片州之亂,變起倉卒, 伏惟皇帝望雲就日,仁孝夙彰,錫社分珪、大成規矩。 及總統淮海,盛德日新,當

職由楊諒詭惑,詿誤吏人,非有構怨本朝,棄德從賊者也。 而有司將帥,稱其願反,非

止誣陷良善,亦恐大玷皇猷。

伊、呂,彼獨何人。旣屬明時,須存謇諤,立當世之大誠,作將來之憲範,豈容曲順人主, 以愛虧刑,又使脅從之徒,橫貽罪譴。 足下宿當重寄,早預心膂,粤自藩邸,柱石見知,方當書名竹帛,傳芳萬古,稷、契、 忝蒙眷遇,輒寫微誠,野人愚瞽,不知忌諱。

衡得書, 歎息而不敢奏聞。

爲直,刺史憚之,皆爲之拜。唯彥謙執志不撓,抗禮長揖。 之志,凡所薦舉,皆人倫表式。其有彈射,當之者曾無怨言。司隸別駕劉灹陵上侮下,訐以 天下知名之士。朝廷以彥謙公方宿著,時望所歸,徵授司隸刺史。彥謙亦慨然有澄淸天下 **彥謙知王綱不振,遂去官,隱居不仕,將結構蒙山之下,以求其志。 會置司隸官,盛選** 有識嘉之,
此亦不恨。

大業九年,從駕度遼,監扶餘道軍事。其後隋政漸亂,莫不變節,彥謙直道守常,頗爲

執政者所嫉,出爲涇陽令,終於官。

所得俸祿,皆以周恤親友,家無餘財,車服器用,務存素儉。自少及長,一言一行,未嘗涉私, 雖致屢空,怡然自得。 **彥謙居家,每子姪定省,常爲講說督勉之,亹亹不倦。家有舊業,資產素殷,又前後居官** 嘗從容獨笑,顧謂其子玄齡曰:「人皆因祿富,我獨以官貧,所遺子

列傳

第二十

七

房法赛

翫之。 許之。 孫,在於淸白耳。」所有文筆,恢廓閑雅,有古人之深致。又善草隸,人有得其尺牘者,皆寶 之士,意謙並與爲友。 太原王劭、北海高構、蓨縣李綱、中山郎茂、郎穎、河東柳彧、薛孺,皆一時知名雅澹 雖冠蓋成列,而門無雜賓。 體資文雅,深達政務,有識者咸以遠大

贈徐州都督、臨淄縣公,諡曰定。 安,方憂危亂。」少通初謂不然。及仁壽、大業之際,其言皆驗。 上性多忌剋,不納諫諍。太子卑弱,諸王擅威。 初,開皇中平陳之後,天下一統,論者咸云將致太平。彥謙私謂所親趙郡李少通曰:「主 在朝惟行苛酷之政,未弘遠大之體,天下雖 貞觀初,以子玄齡著勳庸,

中,爲家羣犬所噬,卒。 伯祖弟幼愍,安豐、新蔡二郡太守,坐事奪官。 居家,忽閉門有客聲,出無所見,還至庭

宋明帝之殺廢帝子業,子業弟子勛起兵。 景伯字良暉,法壽族子也。 祖元慶,仕宋,歷七郡太守,後爲沈文秀青州建威 文秀後歸子勛,元慶不同,爲文秀所害。父愛親, 府司

獻文時,三齊平,隨例內徙,爲平齊人。 。以父非命,疏服終身。

景伯生於桑乾,少喪父,以孝聞。 家貧,傭書自給,養母甚謹。尚書盧陽烏稱之於李沖,

令六年爲限。 禽之,即署其子爲西曹掾,令喻山賊。 後除清河太守。 沖時典選、拔爲奉朝請。累遷齊州輔國長史,會刺史亡,敕行州事。政存寬簡,百姓安之。 限滿將代,郡人韓靈和等三百餘人表訴乞留,復加二載。 郡人劉簡武曾失禮於景伯,云聞其臨郡,闔家逃亡。 賊以景伯不念舊惡,一時俱下。 景伯督切屬縣,追捕 論者稱之。 後爲司空長史,以 舊制,守

母疾去官

景伯居喪,不食鹽菜,因此遂爲水病,積年不愈。卒於家,贈左將軍、齊州刺史。 來。」竟無捶撻。子山基,仕隋,歷戶部、考功侍郎,並著能名,見稱於時。 部郎時,經霖雨絕糧,遣婢糴米,因爾逃竄,三四日方還。文烈徐謂曰:「舉家無食,汝何處 禮,房家兄弟。」廷尉卿崔光韶好標牓人物,無所推尙,每云景伯有士大夫之行業。 容,有如居重。 景伯子文烈,位司徒左長史,與從父弟延祐並有名。「己」文烈性溫柔,未嘗嗔怒。 景伯性復淳和,涉獵經史,諸弟宗之,如事嚴親。及弟亡,蔬食終喪,期不內御,憂毀之 其次弟景先亡,其幼弟景遠期年哭臨,亦不內寢。鄉里爲之語曰:「有義有 爲吏

景先字光胄,幼孤貧,無資從師,其母自授毛詩、曲禮。年十二,請其母曰:「豈可使兄

傭賃以供景先也?請自求衣,然後就學。」母哀其小,不許,苦請乃從之。遂得一羊裘,忻然

列傳第二十七 房法賽

自足。 畫則樵蘇,夜誦經史,遂大通贍。

敬 所歷皆有當官稱。 作佐郎,修國史。 刺史,諡曰文。 如賓。 太和中,例得還鄉,解祸太學博士。時太常劉芳、侍中崔光當世儒宗,歎其精博,奏兼著 兄曾寢疾,景先侍湯藥,衣冠不解,形容毀瘁,親友見者,莫不哀之。 侍中穆紹又啓景先撰宣武起居注。 景先沈敏方正,事兄恭謹,出告反面,晨昏參省,側立移時,兄亦危坐,相 累遷步兵校尉,領尚書郎、齊州中正, 卒,特贈洛州

有 可觀。 景先作五經疑問百餘篇,其語典該。符璽郎王神貴益之,名爲辯疑,「10」合成十卷,亦 節閔帝時,奏上之。帝親自執卷,與神貴往復,嘉其用心。

子延祐,武定末太子家令,後隸魏收修史。

其粥得活,何得殺其親。」遂還衣物,蒙活者二十餘人。 曰:「若言鄉里,親親是誰。」郁曰:「齊州主簿房陽是我姨兄。」陽是景遠小字。 原 劉郁行經齊、克之境,忽遇劫賊,已殺十餘人。 景遠字叔遐。 重然諾,好施與,頻歲凶儉,分贍宗親,又於通衢以飼餓者,存濟甚衆。平 次至郁,呼曰:「與君鄉近,何忍見殺。」 賊曰:「我食 賊

景遠好史傳,不爲章句。天性小急,不類家風,然事二兄至謹,撫養兄孤,恩訓甚篤。爲

州刺史傅竪眼慕其名義,啓爲昭武府功曹參軍,以母老不應,竪眼頗恨之。

子敬道,永熙中開府參軍。

位 墓,以相報答。 薛安都召與密謀,云:「晉安有上流之名,且孝武第三子,當共卿西從晉安。」衆敬從之。東平 太守申纂據無鹽城,不與之同。及宋明平子勛,授纂兗州刺史。會有人發衆敬父墓,令其 母骸首散落。 太山太守。 畢衆敬,小名奈,東平須昌人也。 湘東王國殺其主子業而自立,是爲明帝,遣衆敬詣兗州募人。 衆敬發喪行服,疑纂所爲。弟衆愛,爲薛安都長史,亦遣人密至濟陰,掘纂父 少好弓馬射獵,交結輕果,常於疆境盜掠爲業。仕宋, 到彭城,刺史

降。元遣將入城,事定,衆敬悔恚,數日不食。 遺請衆敬,衆敬猶未從之。 公,與中書侍郎李璨對爲刺史。 及安都以城入魏,衆敬不同其謀。 |衆敬拔刀破柱曰:「皓首之年,唯有此子,今不原貸,何用獨全!」及尉元 衆敬先已遣表謝宋,宋明授衆敬兗州刺史,而以元賓 慕容白曜攻剋無鹽,獲申纂,無殺纂意,而城中火起,纂爲 子元寶以母幷百口悉在彭城、恐交致禍、日夜啼泣、 皇興初,就拜散騎常侍、兗州刺史,賜爵東平 至,乃以城 有他罪,獨

列

年,與薛安都朝京師,賜甲第一區。後復爲兗州刺史,徵還京師。 所 燒死。 衆敬聞剋無鹽,懼不殺篡,乃與白曜書,幷表朝廷,云家酷由篡。 聞纂死,乃悅。二

賓 若平生。 騁,有若少壯。篤於姻類,深有國士之風。張讜之亡,躬往營視,有若至親。 於兗州。 一枚、江川仙人文綾一百疋。文明太后與帝引見於皇信堂,賜以酒饌車馬絹等,勞遣之。卒 (禮舊老)衆敬與高允引至方山,雖文武奢儉,好尙不同,然亦與)尤甚相愛敬,接膝談款,有 衆敬善自奉養,食膳豐華,必致他方遠味。年已七十,髮鬚皓白,而氣力未衰,跨鞍馳 後以篤老,乞還桑梓,朝廷許之。衆敬臨還,獻眞珠璫四具、銀裝劍一口、刺彪矛 太和中,孝文

衆敬善持家業,猶能督課田產,大致儲積。一一賓爲政清平,善撫人物,百姓愛樂之。以父憂 解任,喪中,遙授長兼殿中尚書。卒,贈衞尉卿,諡曰平。 拜兗州刺史,假彭城公。父子相代爲本州,當世榮之。時衆敬以老還鄕,常呼元賓爲使 每元賓聽政時,乘板輿出至元賓所,先遣左右敕不聽起,觀其斷決,忻忻然喜見顏色。 子元賓,少豪俠有武幹,涉獵書史。與父同建勳誠,至京師,俱爲上賓,自己賜虧須昌侯。

祖暉。 元賓 祖朽最長,祖暉次祖髦。 入魏,初娶東平劉氏,有四子,祖朽、祖髦、祖歸、祖旋。賜妻元氏,生二子,祖榮、 故事,前妻雖先有子,後賜之妻子皆承嫡。所以劉氏先亡,

祖暉 不服重。 元氏後卒,祖朽等三年終禮

祖榮早卒,子義允襲祖爵東平公,例降爲侯。卒,子僧安襲。

以本 州中正爲統軍,隸邢巒討梁師,以功封南城縣男。 祖朽身長八尺,腰帶十圍,涉獵經史,好爲文詠,善與人交。 歷散騎侍郎、中書侍郎。 襲父臂須昌侯,例降爲伯。 神龜末,除

無子,以弟祖歸子義暢爲後,襲爵。

東豫州刺史。

祖朽善撫邊,清平有信,百姓稱之。後爲瀛州刺史,卒。

贈吏部尚書、兗州刺

祖髦以兄祖朽別封南城,以須昌伯回授之,位東平太守,卒於本州別駕。

義暢傾巧無士業,善通時要,位中書侍郎、兗州大中正。後除散騎常侍,坐事伏法。

華陰,坐発官爵。尋行豳州事。 祖 |暉早有器幹,爲豳州刺史,以全守勳,封新昌縣子。逢蕭寶夤退敗,祖暉拔城,東趣 建義中、詔復州、爵。後爲賊宿勤明達所攻沒。

長子義勰襲爵,齊受禪,例降。義勰弟義雲。

所獲 尙 書都官郞 (甚多)然大起怨謗。 |養雲小字||陁兒。少粗俠,家在||兗州北境,常劫掠行旅,州里患之。 晚方折節從官,累遷 中。 性嚴酷,事多幹了。齊文襄作相,以爲稱職,令普勾爲官,專以車輻考掠, 曾爲司州吏所訟,云其有所滅截,幷改換文書。 文襄以其推偽,衆

列

人怨望,並無所問。乃拘吏,數而斬之。因此銳情訊鞫,威名日盛。

器物,乃被禁止。尋見釋,以爲司徒左長史。 徵,由此挾嫌,數遣御史過郡訪察,欲相推繩。 怨訟。前爲汲郡太守翟嵩啓列:義雲從父兄僧明負官債,先任京畿長史,不受其屬,立限切 文宣受禪,除書侍御史,彈射不避勳親。 累遷御史中丞,繩劾更切。 又坐私藏工匠,家有十餘機織錦,幷造金銀 然豪橫不平,頻被

十餘條,多煩碎,罪止罰金,不至除免。 索表就家先署,臨日遂稱私忌不來。」於是詔付廷尉科罪。尋敕免推。 品以下五品以上,令預前一日赴南都署表,三品以上,臨日署訖。』義雲乃乖例,署表之日, 上。義雲資產宅宇,足稱豪室,忽通孤貧,亦爲矯詐。又駕幸晉陽,都坐判:『拜起居表,四 拜閤,鳴騶清路,盛列羽儀,兼差臺吏二十人,責其鮮服,侍從車後。直是苟求成婚,誣罔于 雖父服未終,其女爲祖已就平吉,特乞闍迎,不敢備禮。』及義雲成婚之夕,衆禮備設,剋日 省,義雲唯遣御史投名,身遂不赴。又義雲啓云:『喪婦孤貧。後娶李世安女爲妻。 尚書左丞司馬子瑞奏彈義雲,稱:「天保元年四月,竇氏皇姨祖載日,內外百官赴第弔 子瑞又奏彈義雲事 世安身

難危懼,遂叛入周。時論歸罪義雲,云其規報子瑞。事亦上聞。爾前讌賞,義雲常預,從此 子瑞從兄消難爲北豫州刺史,義雲遣御史張子階詣州采風聞,先禁其典籤家客等。消

後集見稍疏,聲望大損。乾明初,子瑞遷御史中丞。 鄭子默正被任用,義雲之姑卽子默祖

母,遂除度支尚書,攝左丞。子默誅後,左丞便解。

聚甲仗,將以自防,實無他意,爲人密啓。及歸彥被擒,又列其朋黨專擅,爲此追還。武成 **猶錄其往誠,竟不加罪,除兼七兵尚書。** 得而奏之。爲此,元海漸疏,孝貞因是兼中書舍人。又高歸彥起逆,義雲在州私集人馬,幷 至於按部行游,兩部並用。猶作書與元海,論敍時事。元海入內,不覺遺落,給事中李孝貞 軒昂自得,意望銓衡之舉,見諸人自陳,逆許引接。又言離別暫時,非久在州。 參審,遂與元海等勸進。 仍從幸晉陽,參預時政。 尋除|兗|州刺史,給後部鼓吹,即本州也。 所不至。 孝昭赴晉陽,高元海留鄴,義雲深相依附。 及孝昭大漸,顧命武成。高歸彥至都,武成猶致疑惑。元海遣犢車迎義雲入北宮 知其信向釋氏,常隨之聽講,爲此款密,無 先有鐃吹,

爲家尤甚,子姓僕隸,恒瘡痍徧體。 念競。游道廷辱之,云:「雄狐之詩,千載爲汝。」義雲一無所答。然酷暴殘忍,非人理所及。 恣情驕侈,

營造第宅宏壯,未幾而成。

閨門穢雜,聲偏朝野。

爲郎時,與左丞朱游道因公事 義雲性豪縱,頗以施惠爲心,累世本州刺史,家富於財,士之匱乏者,多有拯濟。及貴,

有孽子善昭,性至凶頑,與義雲侍婢姦通。 搒掠無數,爲其著籠頭,繫之庭樹,食以芻

漳水。 家人得佩刀,善昭怖,便走出,投平恩墅舍。旦日,武成令舍人是蘭子暢就宅推之。 秣,十餘日乃釋之。 夜中,義雲被賊害,卽善昭所佩刀也,遺之於善昭庭中。善昭聞難 捕,繁臨漳獄,將斬之。 義雲新納少室范陽盧氏,有色貌。 邢仰上言,此乃大逆,義雲又是朝貴,不可發。乃斬之於獄,棄尸 子暢疑盧姦人所爲,將加栲掠。 盧具列善昭云爾。 奔哭, 爾前, 乃收

梁使人還往,經歷克城。 祖旋,太尉行參軍。卒,贈都官尚書、齊克二州刺史。 祖 歸位建寧太守。 子義遠,位平原太守。 前後州將以義攜兄弟善營鮭膳,器物鮮華,常兼長史,接宴賓客。 義遠弟義顯、義攜、江己性並豪率。天平以後,

衆敬弟衆愛,隨兄歸魏,以勳爲第一客,賜爵鉅平侯。 卒,贈徐州刺史,諡

元法僧,敗,奔還京師,被劾,遇赦免。 於己,遷滄州 廣平內史。 子聞慰,字子安。 正光初,相州刺史中山王熙起兵,謀誅元叉,聞慰斬其使,發兵拒之。叉以爲忠 刺史,甚有政績。後除散騎常侍、東道行臺,尋爲都督、安樂王鑒軍司馬,自己攻 有器幹,襲爵,例降爲伯。 卒,贈散騎常侍、兗州刺史,伯如故,諡曰恭。 延昌初,累遷淸河內史,固以疾辭。後試守

被逼南入。後還,歷中書侍郎,襲爵鉅平伯。卒,贈尙書右僕射、兗州刺史。祖彦弟祖哲,祕 子祖彦,字脩賢。 涉獵書傳,風度閑雅,爲時所知。以侍御史爲元法僧監軍,法僧反,

書郎。諸畢當朝,不乏榮貴,但幃薄不修,爲時所鄙。

在 無鹽,仕朱爲兗州刺史。旣敗,子景義入魏。 申纂者,本魏郡人,申鍾曾孫也。皇始初,道武平中山,纂舉室南奔,江哥家于濟陰。及

將軍 軍司 涪。 顯所 按 鄒 之,抵死,孝文特恕遠徙。後還。景明初,爲將作都將,加左軍將軍。四年,持節爲梁州 Щ, ·爲秦、梁二州刺史,加征虜將軍。 彈,発。 ,討叛氐。 未至,宣武 規之與魯郡太守崔邪利及其屬縣徐遜、愛猛之等俱降,賜爵鉅平子,拜雁門太守。 性剛愎,好刑名。爲司空令、自己輔國長史,襲爵鉅平子。侵盜公資,私營居宅,有司 高肇執政,祉復被起爲光祿大夫,[1+]假平南將軍、持節,領步騎三萬,先驅 崩 正始二年,王師伐蜀,以祉假節龍驤將軍、益州刺史,出劍閣而還。又以本 班師。 夜中引軍,山有二徑,軍人迷而失路,祉便斬 天性酷忍,又不清潔,坐掠人爲奴婢,爲御史中尉王 隊副楊明達,梟首路 趣

列傳第

+

七

羊

祉

側。 爲中尉 元昭所刻,會赦免。 後加平北將軍、未拜而卒、贈安東將軍、兗州刺史。

効彰出 德有 韶云 諡 者迹之稱。 還 酷 給 節 名,與誠攸在,竊謂無虧體例。」尚書李韶又述奏以府寺爲允,自己靈太后可其奏。 右長史張烈、主簿李瑒刺稱:「按社 付外, 一所在 法 撫藩,邊夷識德,化沾殊類,襁負懷仁。謹依諡法,布德行剛曰景,宜諡爲景。」侍中侯剛、 事黃門侍郎元纂等駁曰:「臣聞唯名與器,弗可妄假,定諡準行,必當其迹。按証志性急 準狀科上。 數德,優劣不同,剛而能剋,亦爲德焉。 : 太常 '卿綏撫有年,聲實兼著,安邊寧境,實稱朝望。 』及其沒也,又加顯贈,言阯誠著累朝, 內,作牧岷區,字萌之績驟聞。 「過威,布德罕聞,暴聲屢發,而禮官虛述,諡之爲景,非直失於一人,實毀朝則。 準行更量虛實。」靈太后令曰:「依駁更議。」元端、臺龍上言:「竊惟諡者行之迹,狀 少卿元端、博士劉臺龍議諡曰:「祉志存埋輪,不避强禦,及贊戎律,熊武斯裁,仗 然尚書銓衡是司、釐品庶物、若狀與迹乖、應抑而不受、錄其實狀、然後下寺、依 豈有捨其行迹,外有所求,去狀去稱,將何所準。 歷官累朝,自己當官允稱,委捍西南,邊隅靖遏,準行易 詔册褒美,無替倫望。 謹依 . 諡法,布德行剛曰景,謂前議爲允。」 司徒 然君子使人、器之、義無求備。 請

經之處,人號天狗下。 融自當官,不憚强禦,朝廷以爲剛斷,時有檢覆,每令出使。 及出將臨州,並無恩潤,兵人患其嚴虐。 子深。 然好慕刑名,頗爲深文,所 海第二十七 羊祉

射崔亮、吏部尚書甄琛咸敬重之。明帝行釋奠之禮,講孝經,深儕輩中獨蒙引聽,時論美之。 室參軍,再遷尙書駕部郞中。于時沙汰郞官,務精才實,深以才堪見留。在公明斷,尙書僕 深字文泉,[10]早有風尙,學涉經史,兼長几案。少與隴西李神儁同志相友。 自司空記

正光末,北地人車金雀等率羌、胡反叛,高平賊宿勤明達寇豳、夏諸州,北海王顥爲都

潼關,規模進止。 事平,以功賜爵新泰男。 靈太后會幸芒山,集僧尼齋會,公卿盡在坐,太 反,攻圍華州,正平薛鳳賢等作逆。曰〕敕深兼給事黃門侍郎,與大行臺、僕射長孫承業共會 督、行臺討之,以深爲行臺右丞、軍司,仍領郎中。顯敗,還京。頃之,遷尚書左丞。蕭寶夤 后引見深,欣然勞問之。顧謂左右曰:「羊深眞忠臣也。」舉坐傾心。

害朝 久之,除金紫光祿大夫。

元顥入洛,以深兼黃門侍郎。

顥平,発官。 深慨然流涕,斬使人,幷書表聞。莊帝乃下詔褒其忠烈,令還朝受敕,乃歸京師,除名。 士,深第七弟侃爲太山太守,性粗武,遂率鄉人外招梁寇。深在彭城,忽得侃書,招深同 莊帝踐阼,除太府卿,又爲二克行臺。深處分軍國,損益隨機,亦有時譽。初,分朱榮殺

積,節閔帝敕深與常侍盧道虔、元晏、元法壽選人補定,自奉朝請以上,各有沙汰。尋兼侍 普泰初,爲散騎常侍、衞將軍、右光祿大夫,監起居注。自天下多事,東西二省,官員委

節関帝 甚親待之。 時膠序廢替,名敎陵遲,深乃上疏,請修立國學,廣延胄子,帝善之。

從齊 、神武 孝武 初、除 ,起兵於兗州 中書令。 ,子鵠署深爲齊州刺史。天平二年正月,東魏軍討破之,斬於陣。 永熙三年,以深兼御史中尉、東道軍司。及帝入關,深與樊子鵠不

巡省 深子 大使,肅 肅, 以遲緩不任職解。 武定末儀 同、開府、東閤祭酒,以學尙知名。 朝議以肅無罪,尋復之。 武平中,入文林館撰書。 乾明初,爲冀州中從事。趙郡 尋爲武 王爲

德郡守。

門。 州 祉 事 肇舉 時論 知 子 祉 敦,字元禮 弟 而 靈引 不 靈引,好法律。 云:非直愉自不臣,抑亦由肇及靈引所致。 糾 爲 ,彪劾奏発官。 愉 長史,江三以相 ,性尙閑素,學涉書史。 李彪爲中丞,以爲書侍御史,固辭,彪頗銜之。及爲三公郎,坐兄 甚爲 間 何。 尚書令高肇所昵。 靈引私恃肇勢,每折於愉。 以父死王事, 事 京兆王愉 平,贈平東將軍 除 給 事 中。 與肇深相 出爲 及愉 、兗州刺 作逆, 本州別駕,公平正 嫌忌,及愉出 先斬 史, 諡 靈引於 日威。 [頻冀

威嚴。 屬歲 饑 、家餽未至,使人外尋陂澤,採藕 朝廷以其清白、賜穀一千斛、絹一百匹。 卒官,吏人奔哭,莫不悲慟。 遇有疾苦, 贈衞大將軍

直,

見非法,終不

判署。

後爲衞將軍、廣平太守,甚有能

名,姦吏跼

游,秋毫

無犯。雅

性清儉,

根

食之,

家

人解衣質米以供之。然政尚

宜見追褒,乃上言請加旌錄。 吏部尚書、兗州刺史、諡曰貞。武定初、齊神武以敦及中山太守蘇淑在官奉法、清約自居、 韶各賞帛一百匹,粟五百斛,下郡國,咸使聞知。

靈引弟瑩,字靈珍,兗州別駕從事。子恩。

告難。 利乎。」卒無所受。 烈從兄侃爲太山太守,據郡起兵外叛,烈潛知其謀,深懼家禍,與從兄廣平太守敦馳赴洛陽 |烈字||信卿,少通敏,頗自修立,有成人風。好讀書,能言名理,以玄學知名。 朝廷將加厚賞,烈告人云:「譬如斬手全軀,所存者大故爾,豈有幸從兄之敗,以爲己 魏孝昌末,

蝗,犬牙不入陽平境,敕書褒美焉。遷光祿少卿、兗州大中正。武平初,除義州刺史,曰三以 天保中,累遷尙書祠部、左右戶郎中,在官咸爲稱職。 除陽平太守,有能名。時頻有災

老還鄉,卒于家。

場之上,彼此而得,何足爲言。 豈若我之漢河南尹、晉朝太傅, 名德學行,百世傳美。 累世,本州刺史,卿世爲我家故吏。〔三〕烈云:「自畢軌被誅以還,寂無人物。 居無子者,並出家爲尼,咸存戒行。 烈家傳素業,閨門修飭,爲世所稱。一門女不再醮。魏太和中,於兗州造一尼寺,女寡 烈天統中與尚書畢義雲爭兗州大中正。 近日刺史,皆疆 義雲盛稱門閥 且男

一四三六

清女貞,足以相冠,自外多可稱也。」 蓋譏義雲之帷薄焉。

烈弟脩,有才幹,卒於尚書左丞。

子玄正。 武平末,將作丞。 隋開皇中,戶部侍郎。 卒於隴西郡贊務。

稱。 納誠,榮曜朝國,人位並列,無乏於時。 而委質。 敦、烈持己所遵,殆時彥也。 論日 薛安都一 孝標名重東南。 一武夫耳,雖輕於去就,實啓東南。 法壽拓落不羈,克昌厥後。 景伯兄弟儒素,良可稱乎。 事窘圖變,而竟保籠祿,優矣。休賓窮 深以才幹從事、聲迹可 衆敬 舉 地

校勘記

眞君 五年 與東雍州刺史沮渠康謀逆 魏書卷四下世祖紀太平眞君五年七月條及魏書卷九九沮

渠蒙遜傳作沮渠秉。 這裏作「康」是北史避唐諱改。 本書卷九三沮渠氏傳作「季義」,則是改稱

其字。參卷三二進鑒傳校記。

白曜尋遣著作佐郎許赤彪夜至梁鄒南門 魏書卷四三劉休賓傳「彪」作「虎」。 按許赤虎附見

魏書卷四六許彦傳。 北史作「彪」是避唐諱改。但卷三四胡叟傳又改作「武」,自不統一。

ヘミし 後遷幽州輔國府長史 諸本「遷」作「卒於」二字,魏書卷四三房法壽傳作「轉」,通志卷一四九

子翼大城戍主帶宋安太守 諸本「宋」作「宗」。按隋書卷六六房彥謙傳稱:「祖翼,宋安太守。」

魏書卷一〇六地形志中光州有宋安郡,治大城。 隋書是,今據改。

___ ____ 河清中 諸本倒作「淸河」。 按「河清」齊武成帝年號,今乙正。

, . , , , , 事伯父豹 張森楷云:「『伯』當作『叔』。」 按見上文。

フポコ 之意, 刑下 同 惡 相濟無所逃罪梟縣孥戮國有常刑遂使籍沒流移恐爲寃濫 有「其間有情非協同,力不自固,或被擁逼,淪陷凶威」數語。。錢氏考異卷三九云:「蓋彥謙 以同 .惡者罪無可逃,被逼者自從輕典。所謂『籍沒流移,恐爲寃濫』,乃指『情非協同』者 隋書卷六六房彥謙傳「國有常

而言。北史删此數言,失其旨矣。」

郡人劉簡 武會失禮於景伯 魏書卷四三房法壽傳「武」作「虎」、北史避唐諱改。

ヘルリ 與從父弟延祐並 卷三七、李鉉傳 有名 卷四四、蘇瓊傳 諸本「延」作「逸」。 卷四六等傳、未聞有『逸祐』其人、疑是形近而訛。」 按本卷下文 張森楷云:「『逸』當作『延』。 房延祐見北齊書魏收

卽 云景先子延祐,後隸魏收修史。 「逸」爲「延」之訛無疑,今據改。

列

俥

第

+

校

勘

1

- 符璽郎王神貴益之名爲辯疑 張森楷云:「魏書卷四三『益』作『答』,於義較晰。」按景先所作名
- 「五經疑問」,王神貴答其疑問,故名「辯疑」,並非增益,作「答」是。
- 刺彪矛一枚 魏書卷六一畢衆敬傳「彪」作「虎」、北史避唐諱改。
- 俱爲上賓 三、卷六一諸降將傳。、北史改作「賓」,以爲泛稱,誤。 魏書「賓」作「客」。按上客、次客、下客是當時專辭, 見本卷房法壽傳及魏書卷四
- [1] 義遠弟義顯義攜 魏書「攜」作「儁」,疑是。
- 尋爲都督安樂王鑒軍司馬 魏書卷六一畢衆敬傳附聞慰傳無「馬」字。按「軍司」本卽「軍師」

避司馬師諱改。這裏疑當作「軍司」。

- 纂舉室南奔 元四六七年,相去七十年。申纂絕不可能在魏初「舉室南奔」,到七十年後尙爲宋之兗州刺史。作 中纂本人攜帶家口南奔。 魏書卷六一畢衆敬傳附申纂傳「舉」作「宗」。按作「舉」,似在道武平中山之時,由 魏平中山在道武皇始二年公元三九七年,其取青、齊在獻文皇興元年公
- (1六) 爲司空令 按司空屬官無令,疑有訛脫。

「宗」是。

高肇執政祉復被起爲光祿大夫 當權執政,此於正始之後方用此語,於史事不合。疑當作「西征」,指延昌三年高肇伐蜀事見魏 魏書卷八九至祉傳「執政」作「南征」。 按高肇在景明初即已

書卷八世宗紀。 下云「先驅趣涪」,可証。

按祉歷官累朝 **黎書「官」作「宦」。 張森楷云:「下云『當官允稱』,誼不得複施『官』字,疑作**

『宦』是。」

尚書李韶又述奏以府寺爲允 諸本「韶」作「詔」,魏書作「韶」。 張森楷云:「據李寶傳魏書卷三九,

寶孫韶,歷殿中、東部尚書,適當其時。作『詔』誤也。」按張說是。李韶亦見本書卷一〇〇般傳,

今據改。

深字文泉 魏書卷七七洋深傳「泉」作「淵」、北史避唐諱改。

正平薛鳳賢等作逆 各本「正」作「王」,大德本作「正」。 張元濟云:「時薛鳳賢反於正平,見長

孫道生傳本書卷二二, 魏書卷二五。」按通志卷一四九洋深傳也作「正」。 百衲本誤從各本改「正」爲

「王」,今從大德本。

肇舉靈引爲愉長史 諸本「舉」作「與」, 通志卷一四九羊深傳作「舉」。 按高肇未嘗爲愉長史,

作「與」誤,今據改。

武平初除義州刺史

諸本「武」作「天」。按「天平」乃東魏年號、顯誤。

北齊書卷四三羊烈傳云:

「武平初、除驃騎將軍、義州刺史。」今據改。

列 傳 第 + 七 校 諸本「吏」訛「史」,據北齊書改。 勘 記

卿世

爲我家故

吏

北史卷四十

列傳第二十八

韓麒麟 程駿 李彪孫昶 高道悅 甄琛

斛,幷攻戰器械,於是軍須無乏。及白曜被誅,麒麟停滯多年。 復業,齊人大悅。後白曜表麒麟與房法壽對爲冀州刺史。 諫曰:「今方圖進趣,宜示寬厚,勍敵在前,而便坑其衆,恐三齊未易圖也。」白曜從之,皆令 亡,在喪有禮。後參征南慕容白曜軍事。進攻升城,師人多傷,及城潰,白曜將坑之。麒麟 麒麟幼而好學,美姿容,善騎射。景穆監國,爲東曹主書。文成卽位,賜爵漁陽男。父 韓麒麟,昌黎棘城人,自云漢大司馬增之後也。父瑚,秀容、平原二郡太守。 白曜攻東陽,麒麟上義租六十萬

夏,無所斬戮,何以示威。」麒麟曰:「人不犯法,何所戮乎?若必須斬斷以立威名,當以卿應 孝文時,拜齊州刺史,假魏昌侯。在官寡於刑罰,從事劉普慶說麒麟曰:「明公仗節方

傳第

= +

八

韓雌

望,增置吏員,廣延賢哲,則華族蒙榮,良才獲敍,懷德安土,庶或在兹。 斬懼 而退。 麒麟以新附之人,未階臺官,士人沈抑,乃表請守宰有闕,宜推用豪 朝議從之。

太和十一年,京都大饑,麒麟表陳時務曰:

茂、禮敎興行。 之常軌,爲政之所先。 貴,實由農 受其饑,況於今者,動以萬計。故頃年山東遭水,而人有餒終,今秋京都遇旱,穀價踊 古先哲王,經國立政,積儲九稔,謂之太平。 人不勸,素無儲積故 逮於中代,亦崇斯業,入粟者與斬敵同爵,力田者與孝悌均賞。 今京師人庶,不田者多,游食之口,三分居二。蓋一夫不耕,或 也。 故躬藉千畝,以率百姓。用能衣食滋 實百王

有盈 斯。 制,長吏不恤其本。 者日荒,穀帛罄於府庫,寶貨盈於市里,衣食匱於室,麗服溢 下男女,計口受田,宰司四時巡行,臺使歲一案檢,勤相勸課,嚴加賞罰。 贍,雖遇凶災,殆於流亡矣。 愚謂凡珍玩之物,皆宜禁斷。 伏惟陛下天縱欽明,道高三五,上垂覆載之澤,下有凍餒之人,皆由有司不爲其 自承平日久、豐穰積年,競相矜夸,浸成侈俗。故令耕者 吉凶之禮,備爲格式,令貴賤 ||於路,饑寒之本,實在於 有別,人 歸朴素。 數年之中,必 H 少, 制天 田

往年校比戶貫、租賦輕少。 臣所統齊州,租粟纔可給俸,略無入倉。 雖於人爲利,

而 不可長久。 脫有戎役,或遭天災,恐供給之方,無所取濟。 請減絹布,增益穀租,年

豐多積,歲儉出振。 所謂私人之穀,寄積於官,官有宿積,則 人無荒年矣。

卒官,遺敕其子,殯以素棺,事從儉約。

麒麟立性恭慎,恒置律令於坐傍。 臨終之日,唯有俸絹數十疋,其清貧如此。 贈散騎

常侍、燕郡公,諡曰康。

長子興宗,字茂先。 好學有文才,位祕書中散。 卒,贈漁陽太守。

如此。 剖騰棺,賜叉死。 闕 后反政,以叉爲尚書令,解其領軍。 不得葬。 不受,子熙成父素懷,卒亦不襲。 上書,理懌之冤,極言元叉、劉騰 子子熙,字元雍。少自修整,頗有學識,爲淸河王懌郎中令。初,子熙父以爵讓弟顯宗, 母亡,居喪有禮。 子熙爲之憂悴,屏居田野,每言王若不得復封,以禮遷葬,誓以終身不仕。 尋修國史。 子熙爲懌所眷遇,遂闕位,待其畢喪後,復引用。 建義初,兼黃門,尋爲正 及顯宗卒,子熙別蒙賜爵,乃以先爵讓弟仲穆。 誣調。 子熙與懌中大夫劉定興、學官令傅靈樹、賓客張子慎伏 書奏、靈太后義之、乃引子熙爲中書舍人。 及元叉害懌,久 兄弟友愛 後靈太 後遂

子熙清白自守,不交人事。又少孤,爲叔顯宗所撫養。 列 傳 第 + 八 麒 麟 及顯宗卒,顯宗子伯華又幼,子

熙愛友等於同 於是除伯華東太原太守。 生,長猶共居,車馬資財,隨其費用,未嘗見於言色。又上書求析階與伯華, 及伯華在郡,爲刺史元弼所辱,子熙乃泣訴朝廷。 明帝韶遺案

檢,弼遂大見詰讓。

著作,以奉册勳,封歷城縣子。 **詐降,子熙信之。還至樂陵,杲復反。** 遜,無宜見之。介朱榮聞而大怒,請罪子熙。莊帝恕而不責。及邢杲起逆,詔子熙慰勞,杲 余朱榮之禽葛榮,送至京師。 莊帝欲面數之,子熙以爲榮旣元兇,自知必死,恐或不 子熙還,坐付廷尉,論以大辟,恕死免官。 孝武初,領

事。」論者高之。 時以祭酒閑務,止給二人。或有令其陳請者,子熙曰:「朝廷自不與祭酒兵,何關韓子熙 天平初,爲侍讀,除國子祭酒。 元象中,加衞大將軍。 子熙儉素安貧,常好退靜。 遷鄴之始,百司並給兵力,

奉,遂至干謁。武定初,贈驃騎大將軍、儀同三司、幽州刺史。 生三子。汪、李不穆,迭相告言,子熙因此慚恨,遂以發疾。 先是子熙與弟娉王氏爲妻,姑之女也,生二子。子熙尚未婚,後遂與寡嫗李氏姦合而 卒,遺戒不求贈諡,其子不能遵

興宗弟顯宗,字茂親。剛直,能面折廷諍,亦有才學。沙門法撫,三齊稱其聰悟,嘗與

顯宗校試,抄百餘人名,各讀一偏,隨卽覆呼,法撫猶有一二舛謬,顯宗了無誤錯。 法撫歎

曰:「貧道生平以來,唯服郞耳。」

太和初,舉秀才,對策甲科,除著作佐郎。 後兼中書侍郎。旣定遷都,顯宗上書:

費、則南州免雜徭之煩、北都息分析之歎、洛京可以時就、遷者僉爾如歸。 早息,洛京宜速成,省費則徭役可簡,幷功則洛京易就。願早還北京,以省諸州供帳之 一曰:竊聞輿駕今夏若不巡三齊,當幸中山,竊以爲非計也。何者?當今徭役宜

端廣衢路,通利溝洫,使寺署有別,士庶異居,永垂百世不刊之範。 於經略,故能基字開廣,業祚隆泰。今洛陽基趾,魏明所營,取譏前代。伏惟陛下損之 又損之。頃來北都富室,競以第宅相尙,今因遷徙,宜申禁約,令貴賤有檢,無得踰制。 二曰:自古聖帝必以儉約爲美,亂主必以奢侈貽患。仰惟先朝,皆卑宮室而致力

堂,況萬乘之尊,富有四海乎。清道而行,尙恐銜橛之失,況履涉山河而不加三思哉。 加以孝思之至,與時而深,文章之業,日成篇卷。雖叡明所用,未足爲煩,然非所以嗇 神養性,熙無疆之祚。,莊周有言:「形有待而智無涯,以有待之形,役無涯之智,殆矣。」 四曰:竊惟陛下耳聽法音,目翫墳典,口對百辟,心慮萬機,晷昃而食,夜分而寢, 三曰:竊聞輿駕還洛陽,輕將數千騎,臣甚爲陛下不取也。 夫千金之子,猶坐不垂

此愚臣所不安也。

孝文頗納之。顯宗又上言:

秀、孝之名也。夫門望者,是其父祖之遺烈,亦何益於皇家。益於時者,賢才而已。苟 議者或云:今世等無奇才,不若取士於門。此亦失矣。豈可以世無周、邵,便廢宰相而 有其才,雖屠釣奴虜之賤,聖皇不恥以爲臣; 苟非其才,雖三后之胤,自墜於阜隸矣。 秀、孝之實。而朝廷但檢其門望,不復彈坐。如此則可令別貢門望以敍士人,何假冒 前代取士,必先正名,故有賢良方正之稱。今州郡貢察,徒有秀、孝之名,而無

市,而遠近肅清。由此言之,止姦在於防檢,不在嚴刑。今州郡牧守,邀當時之名,行 有家,必以刑法爲政,生人之命,於是而在。 不置哉。但當校其有寸長銖重者,即先敍之,則賢才無遺矣。 以千百,和氣不至,蓋由於此。 居 九重之內,視人如赤子,百司分萬務之要,遇下如仇讎。 切之法,臺閣百官,亦咸以深酷爲無私,以仁恕爲容盜。 叉曰:夫帝皇所以居尊以御下者,威也,兆庶所以徙惡以從善者,法也。 是以有國 有制不行,人得僥倖,則雖參夷之誅,不足以肅。自太和以來,未多坐盜棄 宜敕示百官,以惠元元之命。 有罪必罰,罰必當辜,則雖以捶撻薄刑,而 **迭相敦厲,遂成風俗。陛下** 是則燒、舜止一人,而桀、紂

謂代京宜建畿置尹,一如故事。崇本重舊,以光萬葉。 盛。按春秋之義,有宗廟謂之都,無謂之邑,此不刊之典也。況北代,宗廟在焉,山陵 託焉,王業所基,聖躬所載,其爲神鄕福地,實亦遠矣。今便同之郡國,臣竊不安。愚 實自草創,西京尙置京尹,亦不廢舊。今陛下光隆先業,遷宅中土,稽古復禮,於斯爲 又曰: 昔周王爲大戎所逐,東遷河洛, 鎬京猶稱宗周, 以存本也。 光武雖日中興,

朝廷每選舉人士,則校其一婚一官,以爲升降,何其密也。至於伎作官塗,得與膏粱華 兒童效伎作容態,則一朝可得。以士人同處,自則禮教易興,伎作雜居,則風俗難改。 母弘三徙之訓,賢聖明誨,若此之重。今令伎作之家習士人風禮,則百年難成,令士人 就學館者無一。此則伎作不可雜居,士人不宜異處之明驗也。故孔父云里仁之美,孟 笛,緩舞長歌,一處嚴師苦訓,誦詩講禮,宣令童齔,任意所從,其走赴舞堂者萬數,往 作屠沽,各有攸處。但不設科禁,買賣任情,販貴易賤,錯居渾雜。假令一處彈筝吹 異居者、欲其業定而志專。業定則不爲、志專則不淫、故耳目所習、不督而就,父兄之 教,不肅而成。仰惟太祖道武皇帝,創基撥亂,日不暇給,然猶分別士庶,不令雜居,伎 則衣冠淪於廝豎之邑,臧獲顯於膏腴之里,物之顚倒,或至於斯。古之聖王,必令四人 又曰:伏見洛京之制,居人以官位相從,不依族類。 然官位非常,有朝榮而夕悴,

望接開 連甍,何其略也。今稽古建極,光宅中區,凡所徙居,皆是公地,分別伎作,在

於一言,有何爲疑,而虧盛美?

千計。 以來,亦爲太過。 災,供軍國之用,至於有功德者,然後加賜。 以爲可依地理舊名,一皆釐革,小者幷合,大者分置。 人口旣多,亦可復舊。君人者,以天下爲家,不得有所私也。 自皇風 叉曰:自南僞相承,竊有)准北,欲擅中華之稱,且以招誘邊人,故僑置中州郡縣。 若分賜鰥寡,贍濟實多。 南被,仍而不改,凡有重名,其數甚衆,非所以疆域物土,必也正名之謂也。 在朝諸貴,受祿不輕,土木被綺羅,僕妾厭粱肉,而復厚賚屢加,動以 如不悛革,豈「周急不繼富」之謂也? **爱及末代,乃寵之所隆,賜賚無限。** 及中州郡縣,昔以戶少幷省,今 故倉庫儲貯,以俟水旱之 自比 愚

成褻狎之容,徒損朝儀,無益事實。 又曰: 諸宿衞內直者,宜令武官習弓矢,文官諷書傳。 如此之類,一宜禁止。 無令繕其蒲博之具,三以

帝善之。

伯。」又謂顯宗曰:「校卿才能,可居中第。」謂程靈虯曰:「卿與顯宗,復有差降,可居下上。」 等所聞。 孝文曾謂顯宗及程靈虯曰:「著作之任,國書是司。 若欲取況古人,班、馬之徒,固自遼闊。 若求之當世,文學之能,卿等應推崔孝 卿等之文,朕自委悉,中省之品,卿

經,當時不免覆甕之譚,二百年外,則越諸子。 作,僅名奉職,未是良史也。」顯宗曰:「臣仰遭明時,直筆無懼,又不受金,安眠美食,此優於 愧於虞舜,卿復何如堯臣。」顯宗曰:「陛下齊蹤堯、舜,公卿寧非二八之儔。」帝曰:「卿爲著 觀祖宗巍巍之功,上覩陛下明明之德,亦何謝欽明於唐典,愼徽於虞書。」帝曰:「假使朕無 顯宗曰:「臣才第短淺,比於崔光,實爲隆渥。 今臣所撰,雖未足光述帝載,然萬祀之後,仰 然臣竊謂陛下貴古而賤今。昔揚雄著太玄

遷、固也。」帝哂之。後與員外郎崔逸等參定朝儀。

賢。」秘書令李彪曰:「師旅寡少,未足爲援,意有所懷,敢不盡言於聖日。陛下若專以地望, 望,豈可以門見舉。」帝曰:「如此濟世者希,曠代有一兩耳。」沖謂諸卿士曰:「適欲請救諸 之。」李沖曰:「未審上古已來,置官列位,爲欲爲膏粱兒地,爲欲益政贊時。」帝曰:「俱欲爲 患不知。然君子之門,假使無當世之用者,要自德行純篤,殷是以用之。」沖曰:「傅巖、呂 可爲不。」帝曰:「卿何不論當世膏腴爲監、令者。」顯宗曰:「陛下以物不可類,不應以貴承 興否,指此一選。且以國事論之,不審中秘監、令之子,必爲秘書郎,頃來爲監、令者,子皆 不審魯之三卿,孰若四科。」帝曰:「猶如向解。」顯宗進曰:「陛下光宅洛邑,百禮惟新,國之 人。」沖曰:「若欲爲人,陛下今日何爲專崇門品,不有拔才之詔。」帝曰:「苟有殊人之技,不 帝曾詔諸官曰:「近代已來,高卑出身,恒有常分。朕意所爲可,復以爲不可,宜校量

貴,以賤襲賤。」帝曰:「若有高明卓爾,才具儁出者,朕亦不拘此例。」後爲本州中正

後効。 彌甚。 進退無檢,虧我淸風,付尚書推列以聞。」兼尚書張彝奏줜顯宗官。 新野平,以顯宗爲鎭南廣陽王嘉諮議參軍。 近雖仰憑威靈,得摧醜虜,兵寡力弱,禽斬不多。 也。」顯宗曰:「臣頃見鎭南將軍王肅獲賊二三,驢馬數匹,皆爲露布。 松、高法援等幷引蠻賊,來擊軍營。 二十一年,車駕南征,以顯宗爲右軍府長史、統軍。 所以斂毫卷帛,解上而已。」帝笑曰:「如卿此勳,誠合茅社,須赭陽平定,檢審相酬。」 顯宗拒戰,斬法援首。顯宗至新野,帝曰:「何不作露布 顯宗上表,頗自矜伐,訴前征勳。 脫復高曳長練,虛張功捷,尤而 次赭陽,齊戍主成公期遣其軍主胡 韶以白衣守諮議,展其 臣在東觀,私每哂之。 韶曰:「顯宗 効之,其罪

撰馮氏燕志、孝友傳各十卷。 顯宗旣失意,遇信向洛, 景明初,追赭陽勳,賜爵章武男。 乃爲五言詩贈御史中尉李彪,以申憤結。 子伯華襲。 二十三年卒。 顯宗

程駿字驎駒,本廣平曲安人也。 六世祖良,晉都水使者,坐事流涼州。 祖父肇,呂光人

部尙書。〔三〕

不 隅 人若乖 可 而 以 以三隅反者,此子亞之也。」駿白延明曰:「今名教之儒,咸謂老莊其言虛誕,不切實要, 駿 經世。 一,則煩僞生,爽性,則沖眞喪。」延明曰:「卿年尙幼,言若老成,美哉。」由是聲譽益 少孤貧,居喪以孝稱。 駿爲不然。[2] 夫老子著抱一之言,莊生申性本之旨,若斯者,可謂至順矣。 師事劉延明,性機敏好學,晝夜無倦。 延明謂門人曰:「舉一

播。 沮 渠牧犍擢爲東宮侍講。

之効。」 義)顧 文王, 密 大守。 太延 卿 《謂羣臣曰··「朕與此人言,意甚開暢。」問駿年,對曰··「六十一。」帝曰:「昔太公老而遭 ·今遇股,豈非早也。」駿曰:「臣雖才謝呂望,陛下尊過西伯。 尚書李敷奏駿實史才,方申直筆,請留之。 五 年,涼州平,遷于京師。 爲司徒崔浩所知。 書奏, 文成踐阼,爲著作郎。 從之。 獻文屢引 **覬天假餘年,竭六韜** 駿與論易、 皇興中、除高 {老

馮氏 平 壤 城 延 璉 興末,高麗王璉求納女於掖庭,假駿散騎常侍,賜爵安豐男,持節 遂謬言女喪。 或 勸 建曰:「魏昔與燕婚,旣 駿與 () 連往 復經 而伐之,由行人 年,責璉以義 令。 方。 具其夷 璉不勝其忿, | 嶮故 也。 逐斷 酸從者酒食,欲 今若送女,恐不異於 如高麗迎女。 駿至

初 ? 遷神 主 太廟 了有司 ·奏·舊事,廟中執事官例皆賜爵,今宜依舊。 詔|百僚評議,羣臣

四五

列

逼

辱

之,

憚

而

不

敢害。

會獻文崩,乃還。

拜祕

書

澤,豈足爲長世之軌乎。」書奏,從之。文明太后謂羣臣曰:「言事,固當正直而準古典;安可 孤有約、非功不侯。未見預事於宗廟、而獲賞於疆土。雖復帝王制作、弗相沿襲、然一時恩 咸以爲宜依舊事。 依附暫時舊事乎」,賜駿衣一襲,帛二百匹。又詔曰:「駿歷官淸愼,言事每愜。門無挾貨之 賓,室有懷道之士。可賜帛六百匹,旌其儉德。」駿悉散之親舊。 駿獨以爲不可,表曰:「臣聞名器爲帝王所貴,山河爲區夏之重,是以漢

太后遣使者更問其疾,敕侍御師徐謇診視,賜以湯藥。臨終,詔以小子公稱爲中散,從子靈 刺史、曲安侯、諡曰憲。所作文章,自有集錄。 <u></u>蚪爲著作佐郎。及卒,孝文、文明太后傷惜之。賜東園秘器、朝服一稱、帛三百匹,贈<u>兗</u>州 王孫裸葬,有感而然,士安籧篨,頗亦矯厲。可斂以時服,明器從古。」初駿病甚,孝文、文明 性介直,不競時榮。太和九年正月病篤,遺命曰:「吾存尙儉薄,豈可沒爲奢厚哉。昔

業於長樂監伯陽,伯陽 博學高才, 家富典籍, 彪遂於悅家手抄口誦, 不暇寢食。 李彪字道固,頓丘衞國人也,孝文賜名焉。 一稱美之。 晚與漁陽高悅、北平陽尼等將隱名山,不果而 家寒微,少孤貧,有大志,好學不倦。 旣而還鄉里。 平原王陸叡年將弱 罷。 悦兄閭 初受

冠,雅有志業。娶東徐州刺史博陵崔鑒女,路由冀、相,聞彪名而詣之,修師友之禮,稱之州

郡,遂舉孝廉,至京師,館而受業焉。高閭稱之朝貴,李沖禮之甚厚,彪深宗附之。

孝文初,爲中書敎學博士。後假散騎常侍、衞國子,使於齊。遷秘書丞,參著作事。

自 高祐始奏從遷、固體,創爲紀、傳、表、志之目焉。 成帝已來,至於太和,崔浩、高允著述國書,編年序錄爲春秋體,遺落時事。彪與祕書令

彪又表上封事七條,曰:

息者六,此即是其一也。 麗飾是也。 功之物,巨制費力之事,豈不謬哉。夫消功者,錦繡彫文是也,費力者,廣宅高宇,壯制 不得僭大,賤不得踰貴。夫然,故上下序而人志定。今時浮華相競,情無常守,大爲消 古先哲王之爲制也,自天子以至公卿,下及抱關擊柝,其宮室車服,各有差品,小 其妨男業害女工者,可勝言哉!漢文時,賈誼上疏,云今之王政可爲長太

躬行儉素,詔令殷勤,而百姓之奢猶未革者,豈楚、越之人易變如彼,大魏之士難化如 宜爲其等制。 此蓋朝制不宣,人未見德,使之然耳。臣愚以爲第宅車服,自百官以下至於庶人, 夫上之所好,下必從之。故越王好勇而士多輕死,楚王好瘠而國有飢人。今二聖 使貴不逼賤,卑不僭高,不可以稱其侈意,用違經典。

其二日

慨少時師不勤教,嘗謂羣臣曰:「朕始學之日,年尚幼沖,情未能專。 敬之道也。 之,有司 以饗年不永,二世而亡。 故恢崇儒術以訓世嫡,世嫡於是乎習成懿德,用大協於黎蒸。是以世統黎元,載祀八 之可鑒也 今而 逮嬴氏 湯稱「主器者莫若長子」, 傳曰「太子奉冢嫡之粢盛」。 "齊肅端冕,見于南郊。」明冢嫡之重,見乎天也。 「過闕則下,過廟則趨」,明孝 思之,豈非唯予之咎,因如亦師傅之不勤。」尚書李訢免冠而謝。 (之君於秦也,弗以義方教厥冢子,冢子於是習成兇德,肆虐以臨黔首。是 然古之太子,自爲赤子而敎固以行矣。此則遠世之鏡也。高宗文成皇帝 亡之與興,道在於師傅。故禮云:「冢子生,因舉以禮,使士負 然則祭無主則宗廟無所 旣臨萬機,不遑溫 此則近日

詔 H 導 躋 ,及儲宮誕育,復親撫誥,日省月課,實勞神慮。 正則太子正,太子正則皇家慶,皇家慶則人事幸甚矣。 伏惟太皇太后翼贊高宗,訓成顯祖,使巍巍之功,邈乎前王。 今誠宜準古立師傅,以詔導太子。 陛下幼蒙鞠誨,聖敬

其三曰:

就豐,旣廢營產,疲困乃加,又於國體,實有虛損。若先多積穀,安而給之,豈有驅督老 穀,殷勤如彼;明君之恤人勸農,相切若此。頃年山東饑,去歲京師儉,內外人庶,出入 記云:國無三年之儲,謂國非其國。 光武以一畝不實,罪及牧守。 聖人之憂世重

常積,歲凶則直給。又別立農官,取州郡戶十分之一以爲屯人。相水陸之宜,料頃畝 雜役。行此二事,數年之中,則穀積而人足,雖災不害。 之數,以贓贖雜物餘財市牛科給,令其肆力。一夫之田,歲責六十斛,甄其正課幷征戍 時儉則加私之二,糶之於人。如此,人必事田以買官絹,又務貯財以取官粟。 弱,餬口千里之外。以今況古,誠可懼也。 臣以爲宜析州郡常調九分之二,京都度支歲用之餘,各立官司。年豐糴積於倉, 。年登則

吳、蜀之彥。臣謂宜於河表七州人中,擢其門才,引令赴闕,依中州官比,隨能序之。 一可以廣聖朝均新舊之義,二可以懷江、漢歸有道之情。 臣又聞前代明王皆務懷遠人,禮賢引滯。故漢高過趙,求樂毅之胄,晉武廓定,旌

其匹巨

獄,[刊]陰氣微,陽氣泄,以故致旱。事下公卿。尚書陳寵曰:「冬至陽氣始萌,故十一 漢制,舊斷獄報重盡季冬,至孝章時改盡十月,以育三微。後歲旱,論者以十月斷

月有 已至,蟄蟲皆震,夏以爲春。 前干芸荔之應,周以爲春。 三微成著,以通三統,三統之月斷獄流血,是不稽天意 十二月陽氣上通,雉雊雞乳,殷以爲春。 十三月陽

也。」章帝善其言,卒以十月斷 今京都及四方斷獄報重,常竟季冬,不推三正以育三微。 寬宥之情,每過於昔,遵

之典 下斷 憲,猶或闕然。 獄起自初秋,盡於孟冬。 今豈所謂助陽發生,垂奉微之仁也。誠宜遠稽周典,近採漢制,天 不於三統之春,行斬絞之刑。如此則道協幽顯,仁垂後

其五曰:

昆矣。

逃刑 明言 屬之情。 盡。 遣之日,深垂隱愍,言發悽淚,百官莫不見,四海莫不聞,誠足以感將死之心,慰戚 也。 其過也。 古者大臣有坐不廉而廢者,不謂之不廉,乃曰簠簋不飾。 然恩發於衷,未著永制,此愚臣所以敢陳末見。 聖朝賓遇大臣,禮崇古典,自太和 臣有大譴,則白冠氂纓盤水加劍,造室 以降,「台有負罪當陷大辟者,多得歸第自 而 請死, 此臣之所以知罪而不敢 此君 之所以禮貴臣,不

陳君臣之義,不宜如是。 **昔漢文時,人有告丞相勃謀反者,逮繫長安獄,頓辱之與阜隸同。** 夫貴臣者,天子爲其改容而體貌之,吏人爲其俯伏而敬貴之。 賈誼乃上書,極

時,安可陳瞽言於朝。且恐萬世之後,繼體之主有若漢武之事。焉得行恩當時,不著 子有禮矣。 以令衆庶見也。及將刑也,臣則北面再拜,跪而自裁。天子曰:子大夫自有過耳,吾遇 其有罪過,廢之可也,賜之死可也,若束縛之,輸之司寇,搒笞之,小吏詈駡之,殆非所 至孝武時,稍復下獄。 上不使人抑而刑之也。 良由孝文行之當時,不爲永制故耳。今天下有道,庶人不議之 孝文深納其言。 是後大臣有罪,皆自殺不受刑。

其六日:

長

世

之制乎。

也。臣愚以爲父兄有犯,宜令子弟素服肉袒,詣闕請罪,子弟有坐,宜令父兄露板引 咎, 乞解所司。 愧恧之色。 及者,乃君上之厚恩也。而無情之人,父兄繫獄,子弟無慘惕之容,子弟卽刑,父兄無 |孝經稱父子之道天性,[f] 蓋明一體而同氣,可共而不可離者也。及其有罪不相 宴安樂位,游從自若,車馬仍華,衣冠猶飾。 若職任必要,不宜許者,慰勉留之。 如此,足以敦厲凡薄,使人知有所 寧是同體共氣,分憂均戚之理

其七日:

恥矣。

{禮 云 臣有大喪,君三年不呼其門。此聖人緣情制禮,以終孝子之情也。 周季陵

遵古。 制,未有定聞。至後漢元初中,大臣有重憂,始得去官終服。 夷,喪禮稍亡,是以要絰即戎,素冠作刺。 干戈,前世禮制,復廢不行。晉時鴻臚鄭默喪親,固請終服,武帝咸其孝誠,遂著令以 至宣帝時,人當從軍屯者,遭大父母、父母死,未滿三月,皆弗徭役。 逮乎虐秦,殆皆泯矣。 **暨魏武、孫、劉之世,日尋** 漢初,軍旅屢興,未能 其朝臣喪

從郊 者,[10]皆得終服。若無其人有曠官者,則優旨慰喻,起令視事。但綜理所司,出納敷 奏而已,國之吉慶,一令無預。其軍戎之警,墨縗從役,雖愆於禮,事所宜行也。 禮 教 廟之祀;鳴玉垂緌,同節慶之醼。 傷人子之道,虧天地之經。 愚謂如有遭父母喪 興行之日也。然愚臣所懷,竊有未盡。伏見朝臣丁大憂者,假滿赴職,衣錦乘軒, 聖魏之初,撥亂反正,未遑建終喪之制。今四方無虞,百姓安逸,誠是孝慈道洽,

帝覽而善之,尋皆施行。

堪 時用。 彪稍見禮遇。 兼優吏職,載宣朝美,若不賞庸敍績,將何以勸獎勤能。 詔曰:「彪雖宿非淸第,代闕華資,然識性嚴聰,學博墳籍,剛辯之才,頗 特遷祕書令。」以參議律

令之勤,賜帛五百匹,馬一匹、牛二頭。

其年,加員外散騎常侍,使於齊。 齊遣其主客郞劉繪接對,幷設讌樂。彪辭樂。及坐,

曠_? 魏朝 彪 禮許人。」彪曰:「聖朝自爲曠代之制,何關許人。」繪言:「百官總已聽於冢宰,萬機何慮於 故割至慕,俯從羣議。 報於殷 朝 臣 曰:「向辭樂者、卿或未相體。 始除 彪曰:「五帝之臣,臣不若君,故君親攬其事。 喪禮竟何所依。」彪曰:「高宗三年,孝文踰月。今聖上追鞠育之深恩, 感慈訓之厚德, 、漢之間,可謂得禮之變。」繪復問:「若欲遵古,何不終三年。」彪曰:「萬機不可 **縗裳,猶以素服從** 服變不異三年,而限同 事。 裴、謝在北、固應具此。 我皇孝性自天,追慕罔極,故有今者喪除之議。去三月晦 一期, 三王君臣智等,故共理機務。 可謂失禮。」「二」繪言:「汰哉叔氏,專以 今辭樂,想卿無怪。」繪答言:「請問 主上親攬, 入曠,

然曰:「清都 日。 山臨水,命羣臣賦詩以送別。 卿此還也, 彪將還,齊主親謂彪曰:「卿前使還日,賦阮詩云:『但願長閑暇,後歲復來游。』果如 可爾,一 復有來理否予彪答:「請重賦阮詩曰:『宴衍淸都 去何事 ! 其 見 重 觀卿此言,似成長闊。 如此。 彪前後六度銜命,南人奇其譽博。 朕當以殊禮相送。」遂親至琅邪城 中, 去永矣哉。』」齊主惘

蓋遠軌軒、唐。」

中尉, 氣。 帝常呼爲李生,從容謂羣臣曰:「吾之有李生,猶漢之有汲黯。」後除散騎常侍, 後為 解著作事。 御史中尉,領著作郎。 帝宴羣臣於流化池,謂僕射李沖曰:「崔光之博,李彪之直,是我國得賢 彪旣爲孝文所寵,性又剛直,遂多劾糾,遠近畏之, 豪右 領 御 史 屏

之基

以見事免彪所居職,付廷尉獄。」沖又表曰 省,冒取官材,輒駕乘黃,無所憚懼。肆志傲然, 東省。口三宜感恩厲節,忠以報德。 臣彪昔於凡品,特以才拔,等望清華,司文康觀,綢繆恩眷,繩直憲臺,左加金璫,右珥蟬冕。 意議乖異,遂形於聲色,殊無降下之心。 車駕南伐,彪無度支尙書,與僕射李沖、任城王澄等參理留臺事。 而竊名忝職,身爲違傲,矜勢高亢,公行僭逸。 沖積其前後罪過,乃於尚書省禁止彪,上表曰:「案 愚聾視聽。 此而可忍,誰不可懷。 彪素性剛豪,與沖等 臣今請 坐與禁

誇之際,易生音謠,心不承信。 京師,天下改目,貧暴歛手。然時有私於臣云其威暴者,臣以直繩之官,人所忌疾,風 及其始居司直,執志徑行,其所彈劾,應弦而倒。 之一人。及彪官位升達,參與言宴,聞彪平章古今,商略人物,興言於侍筵之次,啓論 於衆英之中,賞忠識正,發言懇惻,惟直是語,辭無隱避。 臣與彪相識以來,垂二十載,彪始南使之時,見其色厲辭辯,臣之愚識,謂是拔萃 赫赫之威,振於下國,肅肅之稱,著自 臣雖下愚,輒亦欽其正直

時有人訴枉者,二公及臣少欲聽採。 往年以河陽專,曾與彪在領軍府共太尉、司空及領軍諸卿等集閱廷尉所問囚徒。 語理未盡,彪便振怒,東坐攘袂揮赫,口稱賊奴,

默爾。因緣此事,臣遂心疑有濫。 叱吒左右,高聲大呼曰:「南臺中取我木手去,搭奴肋折!」雖有此言,終竟不取。卽言: 「南臺所問,唯恐枉活,終無枉死。」時諸人以所枉至重,有首實者多,又心難彪,遂各 知其威虐。 **猶謂益多損少,故不以申徹,實失爲臣**

知無不聞之義。

臣列得實,宜亟投彪於有北,以除姦矯之亂改。 無忌,尊身忽物。臣與任城卑躬曲己,其所欲者無不屈從。 及去年大駕南行以來,彪兼尚書,日夕共事,始乃知其言與行舛,是己非人,專恣 如臣列無證,宜放臣於四裔,以息靑蠅 依事求實,悉有成驗。

帝在懸瓠,覽表歎愕曰:「何意留京如此也!」有司處彪大辟,帝恕之,除名而已。

罪自身招,實非陛下橫與臣罪,又非宰事無辜濫臣。臣罪旣如此,宜伏東臯之下,不應遠點 用,近見彈文,殊乖所以。卿罹此譴,爲朕與卿。爲宰事。爲卿自取。」彪曰:「臣愆由己至, 曰:「子在,回何敢死。」帝悅,因謂曰:「殷期卿每以貞松爲志,歲寒爲心,卿應報國,盡心爲 李僕射不得。」帝尋納宋弁之言,將復採用。會留臺表至,言彪與御史賈尚往窮庶人恂事, 屬車之淸塵。 |彪尋歸本鄕。帝北幸鄴,彪野服稱草茅臣,拜迎||鄴南。 帝曰:「朕以卿爲已死。」彪對 但伏承聖躬不豫,臣肝膽塗地,是以敢至,非謝罪而來。」帝曰:「朕欲用卿,憶

列傳

第

理有誣抑,奏請收彪。

卷 四 +

彪自言事枉,帝明彪無此,遣左右慰勉之,聽以牛車散載,送之洛陽。

會赦得発

宣武踐阼,彪自託於王肅,又與郭祚、崔光、劉芳、甄琛、邢巒等詩書往來,迭相稱重。

因論 求復舊職,修史官之事,肅等許爲左右。彪乃表曰

世何觀。」臣奉以周旋,不敢失墜。 授臣丞職,猥屬斯事,無所與讓。 年,先帝、先后召名儒博達之士,以充麟閣之選。于時忘臣衆短,采臣片志,令臣出納, **圯**,册勳有闕,美隨日落,善因月稀。 惟我皇魏之奄有中華也,歲越百齡,年幾十紀,史官敍錄,未充其盛。 高祖時詔臣曰"「平爾雅志,正爾筆端,書而不法,後 故諺曰:「一日不書,百事荒蕪。」至于太和之十一 加以東觀中

照也 地。 故傳曰:「文王基之,周公成之。」然先皇之茂勛聖達,今王之懿美洞鑒,準之前代,其德 樂其靜,可謂重明疊聖,元首康哉。 靡悔也。 賴遇陛下體明叡之真,應保合之量,恢大明以燭物,履靜恭以和 `,慮周四時者,先皇之茂功也.合契鬼神者,先皇之玄燭也;遷都改邑者,先皇之達 伏惟孝文皇帝承天地之寶,崇祖宗之業,景功未就,奄焉崩殂,凡百黎萌,若無天 時哉時哉,可不光昭哉! 合德二儀者,先皇之陶鈞也,齊明日月者,先皇之洞 記曰:「善迹者欲人繼其行,善歌者欲人繼其聲。」 邦,天淸其氣,地

皇之敬也,衮實無闕者,先皇之德也,開物成務者,先皇之貞也,觀乎人文者,先皇之蘊 者,先皇之智也;變伐南荆者,先皇之禮也;升中告成者,先皇之肅也;親虔宗社者,先 也,革弊創新者,先皇之志也;孝慈道洽者,先皇之衷也。先皇有大功二十,加以謙尊 外有截者,先皇之威也;禮由岐陽者,先皇之義也,張樂岱郊者,先皇之仁也;鑾幸幽漠 也;變是協和者,先皇之鑒也;思同書軌者,先皇之遠也;守在四夷者,先皇之略也;海 而光,爲而弗有者,可謂四三皇而六五帝矣。誠宜功書於竹素,聲播於金石。

晉書,存一代之事。司馬紹敕尙書唯給筆札而已。國之大籍,成於私家,末世之弊,乃 晉之世,有佐郎王隱,爲著作虞預所毁,亡官在家,晝則樵薪供爨,夜則觀文屬綴,集成 談、遷世事而功立,彪、固世事而名成,此乃前鑒之軌轍,後鏡之蓍龜也。然前代史官 來裔。是以金石可滅,而風流不泯者,其唯載籍乎。諺曰:「相門有相,將門有將。」斯 至如此。此史官之不遇時也。 之不終業者,皆陵遲之世,不能容善。是以平子去史而成賦,伯喈違閣而就志。近僭 不唯其性,蓋言習之所得也。竊謂天文之官,太史之職,如有其人,宜其世矣。是以 臣竊謂史官之達者,大則與日月齊其明,小則與四時並其茂,故能聲流無窮,義昭

今大魏之史,職則身貴,祿則親榮,優哉游哉,式穀令爾休矣! [1] 而典謩弗恢

徙他職,官非所司。 者,其有以 文才見舉,注述是同,並登年不永,弗終茂績。 也。 而故著作漁陽傅毗、北平陽尼、河間邢產、廣平宋弁、昌黎韓顯宗並以 唯著作崔光一人,雖不移任,然侍官兩無,故載述致闕 前著作程靈虯同時應舉,共掌 此務,

於此。 臣名彪者,遠則擬漢史之叔皮,近則準晉史之紹統,推名求義,欲罷不能。 日 而不書,汝之罪也。」是以久而見美。 無曠庶官」,詩有「職思其憂」,臣雖今非所司,然昔忝斯任,故不 耳。 靜處,綜理國籍,以終前志,官給事力,以充所須。 臣 聞 近則期月可就,遠則三年有成,正本蘊之麟閣,副貳藏之名山 語曰:「患爲之者不必知,知之者不得爲。」臣誠不知,强欲爲之耳。 載籍之興,由於大業,雅頌 孔明在蜀,不以史官留意,是以久而受譏。 垂薦,起於德美。 雖不能光啓大錄,庶不爲飽食終 昔史談誠其子遷曰:「當世有美 以草茅自疏, 今求都下乞 竊尋先朝 敢言及 **書**稱 賜

時 司 空北 海王詳、尚書令王肅許之。 肅以其無祿,頗相賑餉。 遂在秘書省,同王隱故事,**白**

衣修史。

闊,多所廢離,近蒙收起,還綜厥事。 明春秋,闡成皇籍。 宣武親政,崔光表曰:「臣昔爲彪所致,與之同業積年,其志力貞强,考述無倦。 旣先帝厚委,宿歷高班,纖負微愆,應從滌洗。 老而彌厲,史才日新。 若克復舊職,專功不殆,必能 愚謂宜申以常伯,正綰 頃來契 昭

著作。」宣武不許。詔彪兼通直散騎常侍、行汾州事,非彪好也,固請不行。卒於洛陽,

喻汾州叛胡,得其兇渠,皆鞭面殺之。及彪病,體上往往瘡潰,痛毒備極。 曰剛憲。彪在秘書歲餘,史業竟未及就,然區分書體,皆彪之功。述春秋三傳,合成十卷。 始彪爲中尉,號爲嚴酷,以姦款難得,乃爲木手擊其脅腋,氣絕而復屬者時有焉。又慰 。贈汾州刺史,諡

其餘著詩頌賦誄章表別有集。

爲雍州,彪詣澄,爲志求其府僚。澄釋然爲啓,得爲列曹行參軍,時稱澄之美。 時論以此非祚。祚每曰:「爾與義和至友,豈能饒爾而怨我乎。」任城王澄與彪先亦不穆,及 官,祚仍以舊第處之。彪以位經常伯,又兼尚書,謂祚應以貴游拔之,深用忿怨,形於言色。 彪亦知之,不以爲恨。弁卒,彪痛之無已,爲之哀誄,備盡辛酸。郭祚爲吏部,彪爲子志求 彪雖與宋弁結管、鮑交,弁爲大中正,與孝文私議,猶以寒地處之,殊不欲微相優假。

志字鴻道。 博學有才幹,年十餘,便能屬文。

彪奇之,謂崔鴻曰:「子宜與鴻道爲二鴻

於洛陽。」鴻遂與交款往來。

婕妤,特加器愛,公私坐集,必自稱詠,由是爲孝文所貴。[18]及彪亡後,婕妤果入掖廷,後宮 曹容得其力。」彪亡後,宣武聞其名,召爲婕妤。在宮常教帝妹書,誦授經史。始彪奇志及 彪有女,幼而聰令,彪每奇之,敎之書學,讀誦經傳。嘗竊謂所親曰:「此當興我家,卿

咸師宗之。 宣武崩後,爲比丘尼,通習經義,法座講說,諸僧歎重之。

志 歷官所在著績。 桓叔興外叛,南荆荒毁,領軍元叉舉其才任撫導,擢爲南荆州刺史。

建義初,叛入梁。

志弟游,有才行。 隨兄志在南荆州,屬尒朱之亂,與志俱奔江左。 子昶。

風。 黄門侍郎,封臨黃縣伯。 欲以書記委之,於是以爲丞相府記室參軍、著作郎、修國史,轉大行臺郎中、中書侍郎,又轉 御史中尉,賜姓宇文氏 咸取決焉。 數歲,爲明堂賦,雖優洽未足,才制可觀。 加資給,令入太學。 但孤 綏德公陸通盛選僚案,請以昶爲司馬,周文許之。 昶小名那。 以中尉彈劾之官,愛憎所在,故未卽授卿耳。 又兼二千石郎中,典儀注。 性峻急,不雜交游。 周文每見學生,必問才行於昶。 嘗謂曰:「卿祖昔在中朝,爲御史中尉,卿操尚貞固, 幼年已解屬文,有聲洛下。 累遷都官郎中、相州大中正。 見者咸曰有家風也。 **昶神情清悟,應對明辯,** |昶雖年少,通特加接待,公私之事, 然此職久曠,無以易卿。」乃奏冠爲 初謁 時洛陽初置明堂,昶年十 周文, 昶雖處郎官,周文恒 周文深奇之,厚 理應不 周文每稱歎 墜家

六官建,拜內史下大夫,進爵爲侯。 明帝初,行御伯中大夫。 武成元年,除中外府司

以昶及安昌公元則、中都公陸逞、臨淄公唐瑾等並爲納言。 保定初,進驃騎大將軍、開府儀同三司,轉御正中大夫。 時以近侍淸要,盛選國華,乃 尋進爵爲公。 五年,出爲昌州

刺史,在州遇疾,求入朝,詔許之。未至京,卒,贈相、瀛二州刺史。

子丹嗣。 草,唯留心政事而已。又以父在江南,身寓關右,自少及終,不飲酒聽樂,時論以此稱焉。 任如舊。一起常曰:「文章之事,不足流於後世,經邦致化,庶及古人。」故所作文筆,了無藁 昶,周文世已當樞要,兵馬處分,專以委之,詔册文筆,皆昶所作也。 及晉公護執政,委

太武東討,率部歸命,授建忠將軍、齊郡建德二郡太守,賜爵肥如子。父玄起,武邑太守,遂 高道悅字文欣,遼東新昌人也。曾祖策,馮跋散騎常侍、新昌侯。祖育,馮弘建德令,

居勃海蓨縣。

徵兵秦、雍、大期秋季閱集洛陽。道悅以使者書侍御史薛聰、侍御史主文中散元志与书籍 違期會,奏舉其罪。又奏兼左僕射、吏部尙書、任城王澄,位總朝右,任屬戎機,兵使會否,曾 道悅少爲中書學生、侍御主文中散。後爲諫議大夫,正色當官,不憚强禦。 車駕南征,

爲外兵郎 資性忠篤,稟操貞亮,居法樹平肅之規,處諫著必犯之節,王公憚其風鯁,朕實嘉其一至,謇 不檢奏。 尚書左丞公孫良職綰樞轄,蒙冒莫舉。 中,澄奏道悅有黨兄之負,孝文詔責。 然以事經恩宥,遂寢而不論。 請以見事免燈、良等所居官。 時道悅兄觀 詔曰:「道悅

諤之誠,何愧黯、鮑也。 其以爲主爵下大夫,諫議如故。」

咸畏憚之。 之危,古今共慎。 都水回營構之材,以造舟楫。 車駕幸鄴,又兼御史中尉,留守洛京。 於是帝遂從陸路。 道悅表諫,以爲闕居宇之功,作游嬉之用,損耗殊倍。又深薄 轉道悅太子中庶子,正色立朝,嚴然難犯,宮官上下, 時宮闕初基,廟庫未構,車駕將水路幸鄴,已詔

於禁中殺之。 葬于舊塋,諡曰貞侯。 太和二十年秋,車駕幸中岳,詔太子恂入居金墉。而恂潛謀還代,忿道悅前後規諫,遂 帝甚加悲惜,贈散騎常侍、營州刺史,幷遣王人慰其妻子,又詔使者監護喪 宣武又追錄忠概,拜長子顯族給事中。

顯族亦以忠厚見稱,卒於右軍將軍。

偉伯等潛 顯族弟敬猷, 圖 義舉,謀洩見殺。 有風度。 蕭寶夤西征,引爲驃騎司馬。 贈滄州刺史,聽一子出身。 及寶夤謀逆,敬猷與行臺郎中封

道悅長兄嵩,字崑崙,魏郡太守。

除司空長史。後為涼州刺史,專肆貪暴,以罪免。後貨高肇,復起爲幽州刺史。 嵩弟雙,淸河太守,坐黷貨,將刑於市,遇赦免。 時北海王詳爲錄尚書事,雙多納金寶,

劾,罪未判,遇赦復任。未幾而卒。

雙弟觀,尚書左外兵郎中、城陽王鸞司馬,南征赭陽,先驅而歿,諡曰閔。

甄琛字思伯,中山毋極人,漢太保邯之後也。 父凝,州主簿。

彪假書研習,聞見日優。太和初,拜中書博士,遷諫議大夫,時有所陳,亦爲孝文知賞。 罪,乃以圍棊,日夜不息,豈是向京之意。而賜加杖罰,不亦非理!」琛悵然慚感,遂從許赤 頓,大加其杖,如此非一。奴後不勝楚痛,乃曰:「郎君辭父母仕宦,若爲讀書執燭,不敢辭 尠風儀。舉秀才,入都積歲,頗以奕綦棄日,至乃通夜不止。手下倉頭,常令執燭,或時睡 踩少敏悟,閨門之內,兄弟戲狎,不以禮法自居。學覽經史,稱有刀筆。 而形貌短陋,

宣武踐阼,以琛爲中散大夫,棄御史中尉。琛表曰:

此明導人而弗禁,通有無以相濟也。周禮雖有川澤之禁,正所以防其殘盡,必令取之

獲其利 有時。斯所謂鄣護在公,更所以爲人守之耳。今者天爲黔首生鹽,國爲黔首鄣護。 及。 夫以府藏之物,循以不施而爲災,況府外之利,而可吝之於黔首。願弛鹽禁,使沛然遠 稅之書,未嘗不歎彼遠大,惜此近狹。 國之資,取給百姓,天子亦何患乎貧,而苟禁一池。臣每觀上古愛人之迹,時讀中葉驟 帛之輸。 依周禮置川衡之法,使之監導而已。 , 猶是富專口齗, 不及四體也。 是使遠方聞者,莫不歌德。 語稱出內之客,有司之福,施惠之難,人君之禍。 且天下夫婦,歲貢粟帛,四海之有,備奉一人,軍 今僞弊相承, 仍崇關廛之稅, 大魏宏博, 唯受穀 假

韶付八坐議可否以聞。 彭城王勰、兼尙書邢巒等奏:

謬。 行其志。 恩惠生焉,下奉上施,卑高理睦。 焉所吝。 泉池,不專太官之御;歛此匹帛,豈爲後宮之資。旣潤不在己,彼我理一,積而散之,將 回彼就此,非爲身也。 至使朝廷識者,聽營其間。今而罷之,懼失前旨。 踩之所列,但恐坐談則理高,行之則事闕,是用遲回,未謂爲可。 至乃取貨山澤,輕在人之貢,立稅關市,裨十一之儲。收此與彼, 然自行以來,典司多怠,出入之間,事不如法。 所謂集天地之產,惠天地之人,藉造物之富,賑造物之貧。 恒恐財不賙國,澤不厚人,故多方以達其情,立法以 宜依前式。 此乃用之者無方,非興之者有 竊惟大道旣往, 非利己也; 禁此

詔曰:「司鹽之稅,乃自古通典,然興制利人,亦世或不同。 甄琛之表,實所謂助政毗俗者

也。可從其前計,尙書嚴爲禁豪强之制也。」

處放蛆來,今晚始顧?」雖以言戲,巒變色銜忿。及此,大相推窮。司徒、錄尚書事、北海王詳 脩小人,背如土牛,殊耐鞭杖。」有識以此非之。 脩申達。至脩姦詐事露,明當收考,今日乃舉其罪。 詣 尚書。 者,率多下吏。於時趙脩寵貴,琛傾身事之。琛父凝爲中散大夫,弟僧林爲本州別駕,皆託 詔琛 參八坐議事, 尋正中尉。 兼尚書元英、邢巒窮其阿附之狀。 遷侍中,領中尉。琛俛眉畏避,不能繩糾貴游,凡所劾 琛曾拜官,諸賓悉集,巒乃晚至。 脩死之明日,琛與黃門郎李憑以朋黨被召 及監決脩鞭,猶相隱惻,然告人曰:「趙 琛謂戀:「何

科從,自己請以職除。其父中散,實爲叨越,雖皇族帝孫,未有此例,旣得不以倫,請下 就地排之。竊天之功,以爲己力,仰欺朝廷,俯罔百司,其爲鄙詐,於茲甚矣。謹依律 郎||李憑,相爲表裏。||憑兄叨封,知而不言。及脩釁彰,方加彈奏。||生則附其形勢,死則 超登正四之官,七品之弟,越陟三階之禄。 侵公害私,朝野切齒。而踩嘗不陳奏,方更往來,中外影響,致其談譽。令布衣之父, 謹案侍中、領御史中尉甄琛,身居直法,糾擿是司。 虧先皇之選典,塵聖明之官人。又與黃門 風邪響黷,猶宜劾糾,況趙脩

列傳

第二十

八

史 卷 四 +

收奪。 李憑朋附趙脩,是親是仗,緇點皇風,塵鄙正化,此而不糾,將何以肅整阿諛,獎

厲忠概?請冤所居官以肅風軌。

奏可。 琛遂免歸本郡。 左右相連死黜者二十餘人。

農圃,時以鷹犬馳逐自娛。 必令憧僕走奉其母,乃後食焉。 琛母服未闋,復喪父。 供養數年,遭母憂。 土,鄉老哀之,咸助加力。 始踩以父母老,常求解官扶侍,故孝文授以本州長史。及貴達,不復請歸,至是乃還。 母鉅鹿曹氏,有孝性,夫氏去家,路踰百里,每得魚肉菜果珍美口實者, 十餘年中,墳成木茂。 朝廷有大事,猶上表陳情。 與弟僧林誓以同居沒齒,專事產業,躬親 琛於塋兆內手種松栢,隆冬負掘水

爲朐山戍主。日也断死,家屬入洛,有女年未二十,琛乃納断女爲妻。 書,入廁帷幄。 久之,復除散騎常侍,領給事黃門侍郎、

定州大中正,大見親寵,委以門下庶事,出參尙 孝文時,琛兼主客郎,迎送齊使彭城劉纘。 琛欽其器貌,常歎詠之。 婚日,詔給厨費。 | 横子
| 町 踩所

好悅,宣武時調戲之。

遷河南尹,黃門、中正如故。 琛表日:

五等散男有經略者乃得爲之。又多置吏士,爲其羽翼。 國 家居代,患多盜竊。 世祖太武皇帝親自發憤,廣置主司,里宰皆以下代令長及 崇而重之,始得禁止。 今遷都

賦失理。邊外小縣,所領不過百戶,而令長皆以將軍居之。京邑諸坊,大者或千戶、五 得也。里正乃流外四品,職輕任碎,多是下才,人懷苟且,不能督察,故使盜得容姦,百 縣,難易不同。今難彼易此,實爲未愜。 精,主司誾弱,不堪檢察故也。今擇尹旣非南金,里尉鉛刀而割,欲望淸肅都邑,不可 百戶、其中皆王公卿尹、貴勢姻戚、豪猾僕隸、蔭養姦徒、高門邃宇,不可干問。此之邊 已來,天下轉廣,四遠赴會,事過代都。 寇盗公行, 劫害不絕。 此由諸坊混雜,釐比不

聽長兼,況煩劇要務,不得簡能下領。請取武官中八品將軍以下幹用貞濟者,以本官 少高里尉之品,選下品中應遷者,進而爲之,則督責有所,輦轂可淸。 俸恤領里尉之任,各食其祿。高者領六部尉,中者領經途尉,下者領里正。 王者立法,隨時從宜,先朝立品,不必卽定,施而觀之,不便則改。今閑官靜任,猶 不爾,請

以羽林爲游軍,於諸坊巷司察盜賊。於是京邑淸靜,後皆踵焉。 詔曰:「里正可進至勳品、經途從九品、六部尉正九品諸職中簡取,何必須武人也。」踩又奏

史。猶以高氏之昵,不欲處之於內。久之,爲吏部尚書。未幾,除定州刺史。固辭曰:「陛 東宮,崔光爲少傅,臣爲少保,今光爲車騎大將軍、儀同三司、開國公。故僕射游肇時 轉太子少保,黃門如故。及高肇死,琛以黨不宜復參朝政,出爲營州刺史,遷涼州刺

傅

北將軍 爲侍中,與臣官階相似,肇在省爲僕射,死贈車騎將軍、儀同三司、冀州刺史。 定州 刺 史。 生師保不如死游肇。」詔書慰遣之。 踩旣至鄉,衣錦畫游,大爲稱滿,政 臣今適爲征

體嚴細,甚無聲譽。

車騎將軍、特進,又拜侍中。 司徒公、尚書左僕射,加後部 雀光辭司徒之授也,琛與光書,外相抑揚,內實附會。 鼓吹 以其衰老,詔賜御府杖,朝直杖以出入。卒,詔給東園祕器,贈 光亦揣其意,復書以悅之。 徴爲

太常議諡文穆。吏部郎袁翻奏曰:

細名。 若行狀失實,中正坐如博士。 正移,言公府,下太常部博士評議,爲諡列上。 雖死,使名常存也。凡薨亡者,屬所卽言大鴻臚,移本郡大中正,條其行迹功過,承中 案禮,諡者行之迹也,號者功之表也,車服者位之章也。是以大行受大名,細行受 行生於己,名生於人。 自古帝王,莫不殷勤重慎,以爲褒貶之實也 故闔棺然後定諡,皆累其生時美惡,所以爲將來 諡不應法者,博士 一坐如選舉不 以實論 勸戒、身

君父,但苦迹之不高,行之不美,是以極辭肆意,無復限量。 伊、顏接衽,論其諡也,雖窮文盡武,無或加焉。 今之行狀,皆出自其家,任其臣子自言君父之行,無復是非之事。 然今之博士與古不同,唯知依其行狀, 觀其狀 也, 則周 臣子之欲光揚 孔 聯鏕,

德與聖人齊蹤,鴻名共大賢比跡,文穆之諡,何足加焉。 與汎階莫異,專以極美爲稱,無復貶降之名。 又先問其家人之意,臣子所求,便爲議上。都不復斟酌與奪,商量是非。致號諡之加, 禮官之失,一至於此。 但比來贈諡,於例普重,如甄 案甄 司徒行狀,至

之流,無不複諡。日〇謂宜依諡法,慈惠愛人日孝,宜諡日孝穆公。

自今以後,明勒太常、司徒,有行狀如此,言辭流宕,無復節限者,悉請裁量,不聽

仍踵前來之失者,皆付法司科罪。

韶從之。琛祖載,明帝親送,降車就輿,弔服哭之,遣舍人慰其諸子。

明帝以師傅之義而加禮焉。所著文章,鄙碎無大體,時有理詣。 踩性輕簡,好嘲謔,故少風望。然明解有幹具,在官淸白。 自孝文、宣武,咸相知待。 磔四聲、姓族廢興、會通緇

素三論及家誨二十篇,篤學文一卷,頗行於世。

舍,毆擊主人,爲同州所劾,淹在州獄。 踩長子偘,字道正,位祕書郎。 琛託左右以聞,宣武敕懷寬放。懷固執之,久乃特旨出偘。自此沈廢,卒家。 性險薄,多與盜劫交通。 琛大以慚慨。廣平王懷爲牧,與琛先不協,欲具案 隨踩在京,以酒色夜宿洛水亭

張普惠等飲戲,発官。 侃弟楷,字德方,粗有文學,頗更吏事。 後稍遷尚書儀曹郎,有當官之稱。明帝末,丁憂在鄉,定州刺史廣陽 琛啓除祕書郎。宣武崩,未葬,楷與河南 尹丞

窮推。

列

報密。 行臺,援守鄴城。 意。 時,徵爲中書侍郎。 督揚津等至,楷乃還家。後脩禮等忿楷屠害北人,遂掘其父墓,載棺巡城,示相報復。 **楷見人情不安,慮有變起,乃走收三州人中粗暴者殺之,以威外賊。及刺史元固、口心大都** 屠村掠野,引向州城。 |王深召||楷兼長史,委以州任。 後參中山王英軍事。 琛從父弟密,字叔雍,清謹少嗜慾,頗涉書史。疾世俗貪競,乾沒榮寵,曾爲風賦以見 密一皆不受,曰:「濟君之日,本不求貨,豈相贖之意。」及萬榮侵擾河北,詔密爲相州 莊帝以密全鄴勳,賞安市縣子。 後齊文襄取爲儀同府諮議參軍。卒,贈驃騎將軍、祕書監、滄州刺史。 州城內先有燕、恒、雲三州避難戶,脩禮等聲云,欲將此輩共爲舉動。 英鍾離敗退,鄉人蘇良沒於賊中,密盡私財以贖之。 尋屬鮮于脩禮、毛普賢等率北鎭流人反於州西北之左人城, 孝靜初,爲衞尉卿,在官有平直之譽。[10] 良歸,傾資 孝莊

至,棄郡逃走,於是除名,乃卒。天平初,贈定州刺史。 刺史,諡曰穆。 踩同郡張纂,字伯業。祖珍,字文表,慕容寶度支尚書。 纂頗涉經史,雅有氣尙,交結勝流。爲樂陵太守,在郡多所受納。 道武平中山,入魏,卒於凉州 聞御史

出爲北徐州刺史,卒官,贈驃騎將軍、儀同三司、瀛州刺史,諡曰靖。

纂叔處,字崇仁,有器業,不應州郡之命。

子宣軌,少孤,事母以孝聞。 累遷相州撫軍府司馬。 宣軌性通率,輕財好施。 屬葛榮

童 城,與刺史李神有固守効,以功賜爵中山公。 後坐事死鄴。

纂從弟元賓,位奉朝請。 及外生高昂貴達,啓贈瀛州刺史。

高聰字僧智,本勃海人也。曾祖軌,隨慕容德徙靑州,因居北海之劇縣。 父法昂,少隨

其舅宋車騎將軍王玄謨征伐,以功至員外郎,早卒。

所不爲。族祖允視之若孫,大加賙給。 聰生而喪母,祖母王撫育之。大軍攻剋東陽,聰徙平城,與蔣少游爲雲中兵戶,窘困無 聰涉獵經史,頗有文才。允嘉之,數稱其美,言之朝

廷,由是與少游同拜中書博士。轉侍郎,爲高陽王雍傅,曰〕稍爲孝文知賞。

州,刺史王質獲白兔,將獻,託聰爲表。帝見表,顧王肅曰:「在下那得有此才,令朕不知。」 受肅節度,同援渦陽。聰躁怯少威重,及與賊交,望風退敗。 孝文銳意南討,專訪王肅以軍事。聰託肅,願以偏裨自効。肅言之於帝,故假聰輔國將軍, 太和十七年,兼員外散騎常侍,使於齊。後兼太子左率。聰微習弓馬,乃以將略自許。 孝文恕死,徙平州。 行屆瀛

肅曰:「比高聰北徙,或其所製。」帝悟曰:「必應然也。」

列傳第二十八 高聰

其薄於情義皆如 招命,稱皓才識非脩之儔。乃因皓啓請田宅,皆被遂許。 術,由是迭相親狎。 竟獲自趸,肇之力也。 射宮,永彰聖藝。 及幸鄴還,於河內懷界,帝射矢一里五十餘步。 文,出入同載,觀視碑石。 宣武 一初,聰復竊還京師,說高肇廢六輔。 此 遂刊銘射所, 聰爲之詞。 脩死,甄琛、李憑皆被黜落,聰深用危慮,而先以疏宗之情,曲事高肇, 脩之任勢,聰傾身事之,及死,言必毁惡。 聰每見脩,迎送盡禮。 趙脩嬖幸,聰深朋附。 宣武親政,除給事黃門侍 侍中高顯等奏,盛事奇迹必宜表述,請勒銘 聰又爲脩作表,陳當時便宜,敎其自安之 及皓見罪戮,聰以爲死之晚也。 茹皓之寵,聰又媚附,每相 及詔追贈脩父,聰爲碑 郎,後加 散騎常侍。

宣武末,拜散騎常侍、平北將軍 歲,多不率法,又與太原太守王椿有隙,再爲大使御史舉奏。肇每以宗私相援,事得寢緩 陳聰罪,出爲幷州刺史。聰善於去就,知肇嫌之,側身承奉,肇遂待之如舊。聰在幷州數 要,言卽眞,無遠慮,藉貴因權,耽於聲色,賄納之音,聞於遐邇。 侍中高 顯爲護軍,聰代兼其任。 顯與兄肇疑聰間構而求之。 中尉崔亮知肇微恨,遂面 聰居棄十餘旬,出入機

楷、蘭氛之爲中尉元匡所彈,靈太后並特原之。 明帝踐阼,以其素附高肇,出爲幽州刺史。 聰遂廢于家,斷絕人事,唯修營園果,世稱 尋以高肇之黨,與王世義、高綽、李憲、崔

高聰棃,以爲珍異。 又唯以聲色自娛。 後拜光祿大夫,卒。 靈太后聞其亡,嗟惋良久。 贈

青州刺史、諡曰獻。

聰有妓十餘人,有子無子皆注籍爲妾,以悅其情。 及病,欲不適他人,並令燒指吞炭,

出家爲尼。聰所作文筆二十卷。

長子雲,字彥鴻,位輔國將軍、中散大夫。 河陰遇害,贈兗州刺史。

著。 禍,有可悲乎! 甄琛以學尙刀筆,早樹聲名,受遇三朝,終至崇重; 高聰才尙見知,名位顯 堅無術,末路蹉跎。 微族,見擢明世,輯軒驟指,聲駭江南,執筆立言,遂爲良史。 之功,未之聞也。 而異軌同奔,咸經於危覆之轍,惜乎! 論曰:韓麒麟由才器識用,遂見紀於齊土。〔三〕顯宗以文學自立,而時務屢陳,至於實錄 子熙清尚自守,榮過其器。 行百里者半於九十,彪之謂也。 程駿才業見知,蓋當時之長策。与三李彪生自 高道悅謇直之風,見憚於世, 逮於直繩在手,厲氣明目,持 醜正 胎

校勘記

- (二)以士人同處 魏書卷六〇韓顯宗傳「以」上有「是」字,不宜省。
- 無令繕其蒲博之具 魏書作「而今給其蒲博之具」。疑「無令繕」是「而今給」之訛。

魏書卷六〇程駿傳「人」作「民」。

北史避唐諱改。

呂光人部尚書

駿爲不然 魏書「爲」上有「意以」二字。不當删。

形似致訛,今據改。

フガリ 遷秘書丞參著作事 諸本「參」作「奏」、魏書卷六二、通志卷一四九李彪傅作「參」。 按「奏」乃

魏書卷四六、本書卷二七李訢傳亦作「豈惟予咎」。「非」字衍文。 **豈非唯予之咎** 南本此句有馮夢顧校語云:「魏書云:"豈唯予咎,』此增二字,文遂不通。」按

尉賈宗等反對的是十月斷獄。「不」字衍,今據删。 論者以十月斷獄 諸本「以」下有「不」字,魏書李彪傳無。 按漢書卷七六陳龍傳, 當時長水校

- 自太和以降 諸本脫「以」字,據魏書、通志補。
- ハポレ 孝經稱父子之道天性 文皆父子兄弟並言,故引書經,兼及兄弟。 魏書此句下有「書云:孝乎,唯孝友于兄弟。 北史删去,非。 二經之旨」十四字。
- 愚謂如有遭父母喪者 魏書「父母」上有「大父母」。按上文云:「遭大父母、父母死,未滿三月,

皆弗徭役。」這裏當脫「大父母」三字。

可謂失禮 魏書、通志作「可謂亡禮之禮」。按李彪是說孝文知道變通,雖與禮制不合,但不違

背禮的精神,故云:「亡禮之禮。」,魏書是。

左加金璫右珥蟬冕東省 各本脫「左」字,南本空一格,據魏書補。 又魏書「東省」上註「闕」。按

文理不可通,當有脫文。

式穀令爾休矣 魏書無「令」字,疑是涉「尒」字形似而衍。

[18] 由是爲孝文所貴 魏書「貴」作「責」,疑是。

至吾 侍御史主文中散元志 魏書卷六二高道悅傳無「史」字。按上文見「侍御主文中散」。 魏書卷

一一三官氏志太和前令第六品有「侍御中散」。「侍御主文中散」是一官,「史」字疑是涉上文「書

侍御史」而行。

二 請依律科從 魏書卷六八甄琛傳「從」作「徒」。按「徒」是徒刑,疑「從」是「徒」之訛。

續子断爲朐山戍主 諸本「晣」作「昕」。 張森楷云:「魏書『昕』作『晣』,與盧昶魏書卷四七劉芳傳

魏曹卷五〇合,是也。」按魏曹卷八世宗紀永平四年四月及卷九八蕭衍傳並作「晣」。 張說是,今

據改

無不複諡 諸本「複」作「復」,據魏書甄琛傳改。複諡,指二字諡。

列

傳

第二

校

勘

記

及刺史元固 大德本作「元固」,百衲本據諸本及魏書甄琛傳殿本修作「問」。按通志卷一四九

頸琛,傳, 魏書卷四六、本書卷四一楊津傳都作「固」。墓誌集釋有元固墓誌 圖版一二〇。 誌稱固

曾官定州刺史,孝昌三年九月卒。 趙萬里考釋,以爲卽此人。今從大德本。

孝靜初爲衞尉卿在官有平直之譽 魏書「衞」作「廷」。按延尉爲執法之官,故云「有平直之譽」。

魏書是。

爲高陽王雍傅 王師在從三品上,通典卷二一云東晉「王國有傅」,注云:「傅卽師也、避景帝司馬師諱,故曰傅。」 魏書卷六八高聰傳「傅」作「友」。按魏書卷一一三官氏志太和前令無王傅,諸

後魏旣復名王師,當無王傅。且其位高,高聰初仕,疑不得爲王師或王傅。「王友」在第五品下,

疑是。

遂見紀於齊土 諸本「土」作「土」,魏書卷六○史臣論百衲本作「土」。按韓麒麟從慕容白曜平三 齊,後又爲齊州刺史。作「土」是,今據改。

程駿才業見知蓋當時之長策 多,由於當時政策,故被錄用而見知於世。用疑辭,明是推測。 策乎」。北史删去數字,意思相反。「當時之長策」指北魏進用涼州人士的政策,言其雖才業不 魏書卷六〇史臣論作「程駿才業未多,見知於世者,蓋當時之長 北史改作肯定語,亦非。

北史卷四十一

列傳第二十九

楊播 子侃 播弟椿 椿子昱 椿弟津 津子遁 逸 謐 謐弟愔 燕子獻

鄭頤

楊敷子素 孫玄威 素弟約 約從叔异 敷叔父寬 寬子文思 紀

人碩之,徵爲選部給事中,有公平譽。除安南將軍、洛州刺史,未之任,卒,贈本官,加弘農 上谷太守。祖眞,河內、淸河二郡太守。父懿,延興末爲廣平太守,有稱績。孝文南巡,吏 楊播字延慶,弘農華陰人也。 高祖結,仕慕容氏,位中山相。 會祖珍,道武時歸國,位

散,累遷衞尉少卿。與陽平王頤等出漢北擊蠕蠕,大致克獲。遷武衞將軍,復征蠕蠕,至居 播本字元休,孝文賜改焉。母王氏,文明太后之外姑。 播少修飭,奉養盡禮。 擢爲中

然山而還。

公、諡曰簡。

列傳第二十九 楊播

除太府卿,進虧爲伯。 養由之妙,何復過是。」遂舉卮以賜播曰:「古人酒以養病,朕今賞卿之能,可謂古今殊也。」 帝曰:「左衞籌足,右衞不得不解。」對曰:「仰恃聖恩,庶幾必爭」,於是箭正中。 設宴,帝與中軍彭城王勰賭射,左衞元遙在勰朋內,而播居帝曹。 賜爵華陰子。 圍 一更急。 及車駕南討,假前將軍,從至鍾離。 播乃領精騎三百,歷其船大呼曰:「我今欲度,能戰者出。」遂擁而濟,賊莫敢動。 後從駕討破崔慧景、蕭衍於鄧城,進號平東將軍。 師廻,詔播爲圓陣禦之。相拒再宿,軍人食盡,賊 時車駕耀威沔水,日上已 遙射侯正中,籌限已滿。 帝笑曰:「雖

葬,披訴積年。至熙平中,乃贈鎭西將軍、雍州刺史,幷復其爵,諡曰壯。 後為華州刺史。 至州,借人田,三為御史王基所劾,除官爵,卒于家。 子侃等停柩不

罕有識者。 侃字士業,頗愛琴書,尤好計畫。 親朋勸其出仕,侃曰:「苟有良田,何憂晚歲,但恨無才具耳。」年三十一,襲爵華 時播一門,貴滿朝廷,子姪早通,而侃獨不交遊,公卿

建等令爲內應。邃已纂勒兵士,慮壽春疑覺,遂謬移云:「魏始於馬頭置戍,如聞復欲修白 揚州刺史長孫承業請爲錄事參軍。 梁豫州刺史裴邃規相掩襲,密購壽春人李瓜花、袁

咸欲以實答之,云無修白捺意。 捺舊城。若爾,便稍相侵逼。此亦須營歐陽,設交境之備。今板卒已集,唯聽信還。」佐僚 發,伏辜者十數家。 無有別圖也。」承業乃云:「錄事可造移報。」移曰:「彼之纂兵,想別有意,何爲妄構白捺。 人有心,予忖度之,勿謂秦無人也。」邃得移,謂已覺,便散兵。瓜花等以期契不會,便相告 邃後竟襲壽春,入羅城而退,遂列營於黎漿、梁城,日夕鈔掠。 而侃曰:「白捺小城,本非形勝,邃集兵遣移,虛構是言,得 承業乃 他

奏侃爲統軍。

步卒,兼觀人情向背。若送降名者,各自還村,候臺軍舉三烽火,各亦應之,以明降款。 之,令其子子彥等領騎與侃於恒農北度,自通據石錐壁。 遍數百里內。圍城之寇,不測所以,各自散歸。長安平,侃頗有力焉。 無應烽,卽是不降之村,理須殄戮。」人遂傳相告報。實未降者,亦詐舉烽,一宿之間,火光 而解,潼關之賊,必望風潰散。 「今賊守潼關,全據形勝。須北取蒲坂,飛棹西岸,置兵死地,人有關心,華州之圍,可不戰 後雍州刺史蕭寶夤據州反,承業討之,除侃爲承業行臺左丞。軍次恒農,侃白承業曰: 諸處旣平,長安自克。愚計可錄,請爲明公前驅。」承業從 乃班告曰:「今且停軍於此,以待

寄,移任此者,正爲今日。但卿尊卑百口,若隨朕行,所累處大。卿可還洛,寄之後圖。」侃 建義初,除岐州刺史。屬元顯內逼,詔行北中郎將。|孝莊徙河北,執侃手曰:「朕停卿蕃

列傳

子 楊 中,皆爲度勢,顥知 侃曰:「若今卽還,人情失望,未若召發人材,每一唯多縛筏,問以舟楫,沿河廣布,令數百里 款,求破橋立効。 及車駕南還,顯令梁將陳慶之守北中城, 曰:「寧可以臣微族,頓廢君臣之義。」固求陪從。 ,師仲爲 南度,至顯便南走。 秘 書郎 **介朱榮赴之**。 防何處?一 車駕入都,侃解尚書,正黃門。 旦得度,必立大功。」榮大笑從之。 及橋破,應接不果,皆爲顯屠。 自據南岸。 除度支尚書,兼給事黃門侍郎,敷西縣公。 有夏州義士爲顯守河中渚, 以濟河功,進爵濟北郡公,復除其長 樂將爲還計,欲 於是介朱兆等於馬渚 更圖後舉。 乃密信通 諸

鉄,使人樂爲,而俗弊得改。莊帝從之。後除侍中,加衞將軍、右光祿大夫。 時所用錢,人多私鑄,稍就薄小,乃至風飄水浮,米斗幾直一千。 侃奏聽人與官並鑄五

昌初,贈車騎將軍、儀同三司、幽州刺史。子純陁襲。 兄昱恐爲家禍,令侃出應,假其食言,不過一人身沒,冀全百口。侃赴之,爲天光所害。 休沐、遂竄歸華陰。 莊帝將圖尒朱榮,侃與內弟李晞、城陽王徽、侍中李彧等咸預其謀。。今朱兆入洛,侃時 普泰初,天光在關西,遣侃子婦父韋義遠招慰之,立盟許恕其罪。 侃從

播弟椿。 椿字延壽,本字仲考,孝文賜改焉。 性寬謹,爲內給事,與兄播並侍禁闡。 後

卿,加給事中,出爲豫州刺史,再遷梁州刺史。 醴 爲中部法曹,折訟公正,[云]孝文嘉之。及文明太后崩,孝文五日不食。 一,毁不滅性,縱陛下欲自賢於萬代,其若宗廟何一帝處其言,乃一進粥。 椿諫曰:「聖人之 轉授宮與曹少

對使者曰:「楊使君此書,除我心腹疾。」遂來降。 初,武興王楊集始降於齊,自漢中而北,規復舊土。椿貽書集始,開以利害。 尋以母老解還。後兼太僕卿

緩師。 死耳。 或謀伏兵斷其出入,待糧盡攻之;或云斬山木,縱火焚之。 秦州羌呂苟兒、涇州屠各陳瞻等反,詔椿爲別將,隸安西將軍元麗討之。 賊果出掠,仍以軍中驢馬餌之,銜枚夜襲,斬<

瞻傳首。 今宜勒三軍勿更侵掠,賊必謂見險不前,心輕我軍,然後掩其不備,可一舉而平。」乃 椿曰:「並非計也。 。入正太僕卿 賊守峽自固。 贼深竄, 正避

在鈔掠,如椿所策。 不安。愚謂不可。時八坐不從,遂於濟州緣河居之。及冀州元愉之難,果悉浮河赴賊,所 夏,夷不亂華,是以先朝居之荒服之間,正欲悅近來遠。今新附者衆,若舊者見徙,新者必 太中大夫王通、高平鎭將郎育等求徙置淮北,防其後叛。詔椿徙焉。椿上書,以爲裔不謀 初,獻文世有蠕蠕萬餘戶降附,居於高平、薄骨律二鎭。 太和末叛走,唯有一千餘家。

後除朔州刺史,在州爲廷尉奏椿前爲太僕卿,招引百姓,盜種牧田三百四十頃,依律處

列傳

不宜雜用

舊制

初韶依

斷,以贖論

(F)

刑 五. 歲。 尚書邢巒據正始別格,奏罪應除名,注籍盜門,同籍合門不仕。 宣武以新律旣班,

主帥 爲 少。 御史所劾,除名 椿表 軍各四十六人。 後除定州刺史。 罷 四軍,減其主帥百八十四人。椿在州,因修黑山道餘功,伐木私造佛寺,役兵, 自中原稍定,八軍之兵漸割南戍,一 自道武平中山,多置軍府,以相威攝。凡有八軍,軍各配兵五千,食祿 軍兵纔千餘,然主帥 如故,費祿不

納。 子昱將還京師,使陳寶夤賞罰云爲,不依常憲,恐有異 行 臺,節度關西諸將。 及寶夤邀害御史中尉酈道元,猶上表自理,稱爲椿父子 後累遷爲雍州刺史,進號車騎大將軍、儀同三司。 遇暴疾,頻啓乞解,詔許之,以蕭寶夤代爲刺史、行臺。 心 尋以本官加侍中,兼尚書右僕射 '所謗。 **昱還,面啓明帝及靈太后,並不** 椿還 鄉 運,遇

禽 任運耳。」 人望,未及加罪。 又椿弟順、順子仲宣、兄子侃、云弟子遁並從駕 建義元年,爲司徒。 時人助其憂,或勸椿攜家避禍。 永安初,進位太保,加侍中,給後部鼓吹。 椿曰:「吾內外百口,何處逃竄? 正當坐 河內, 爲顥嫌疑。 元顥入洛,椿子昱爲顥 以椿家世 題重 一。 恐失

莊帝還宮,椿上書頻請歸老,詔聽服侍中服,賜朝服一襲、八尺牀帳、几、杖,不朝,乘安

車,駕駟馬,給扶,傳詔二人,仰所在郡縣四時以禮存問安否。椿奉辭於華林園,帝下御座, 獻欷,欲拜,帝親執不聽。賜以絹布,給羽林衞送。羣公百僚餞於城西張方橋,行路觀者莫 手流淚曰:「公先帝舊臣,實爲元老。但高尙其志,決意不留,旣難相違,深用悽切。」椿亦

椿臨行,誠子孫曰:

賢,不能保守之,將爲勢家所奪。 還。亦有過中不食,忍飢相待。吾兄弟八人,今存者有三,是故不忍別食也。又願畢 吾兄弟,不異居異財。汝等眼見,非爲虛假。如聞汝等兄弟,時有別齋獨食者。此又 知恭儉之德,漸不如上也。〔云〕又吾兄弟,若在家,必同盤而食;若有近行,不至,必待其 興生求利,又不聽與勢家作婚姻。至吾兄弟,不能遵奉。今汝等服乘漸華好,吾是以 諸父曰:「汝等後世若富貴於今日者,愼勿積金一斤、綵帛百匹已上,用爲富也。」不聽 好服綵色。吾雖不記上谷翁時事,然記淸河翁時服飾。恒見翁著布衣韋帶,常自約敕 吉凶之際,必厚加贈襚,來往賓僚,必以酒肉飲食,故六姻朋友無憾焉。國家初,丈夫 不如吾等一世也。吾今日不爲貧賤,然居住舍宅,不作壯麗華飾者,正慮汝等後世不 我家入魏之始,卽爲上客。自爾至今,二千石方伯不絕,祿恤甚多。於親姻知故

列 都時,朝法嚴急。太和初,吾兄弟三人並居內職,兄在高祖左右,吾與津在文明

汝家 有輕論 光祿 若能 貴無賤,待之以禮,以是故至此耳。 不可 氣力,尙堪朝覲天子,所以孜孜求退者,正欲使汝等知天下滿足之義,爲一門法耳,非 母子者,唯楊播兄弟。」遂舉餌賜兄及我酒。 輕論 存 仕 大夫、儀同、開府、司徒、太保,津今復爲司空者,正由忠謹愼 吾自惟文武才藝、門望姻援不勝他人,一旦位登侍中、尚書,四歷九卿,十爲刺史, 禮節 皇魏 人惡者,及見貴勝則敬重之,見貧賤則慢易之,此人行之大失,立身之大病也。 人惡也 ,不爲奢淫驕慢,假不勝人,足兔尤誚,足成名家。 以來,高祖以下乃有七郡太守、三十二州刺史,內外顯職,時流少比。 聞汝等學時俗人,乃有坐待客者,有驅 **吾今年始七十五,自惟** 口,不嘗論人之過,無 馳 勢門者 汝等

是苟求干載之名。汝等能記吾言,吾百年後終無恨矣。

椿還華陰,踰年,爲永朱天光所害。時人莫不怨痛之。太昌初,贈太師、丞相、都督、冀

州刺史。子昱。

廣平二王國臣多縱恣,詔御史中尉崔亮窮案之,伏法都市者三十餘人,不死者悉除名,唯昱 與博陵崔楷以忠諫免。 昱字元略、(三)起家廣平王懷左常侍。懷好武事,數遊獵,昱每規諫。 正始中,以京兆、 後除太學博士、員外散騎侍郎。

從其隆,道洿則從其洿,伯父剛則不吐,柔亦不茹。」一 理,播不爲屈。 一父之美。」 初,尚書令王肅除揚州刺史,出頓洛陽東亭。 北海王顧昱曰:「尊伯性剛不伏理、大不如尊使君也。」昱對曰:「昱父道隆則 酣後,廣陽王嘉、北海王詳等與播論議競 坐歎其能言。 肅曰:「非此郎,何得申

聞知。 子,必降手敕,令臣下咸知,爲後世法。」於是詔自今若非手敕,勿令兒輒出,宮臣在直者,從 入,進無二傅導引之美,退闕羣僚陪侍之式。非所謂示 延昌三年,以本官帶詹事丞。 **昱諫曰:「陛下不以臣等凡淺,備位宮臣,太子動止,宜令翼從。** 時明帝在懷抱中,至於出入,左右、乳母而已,不令宮僚 人軌儀,著君臣之義。 自比 心以來, 陛下若召太 輕爾出

列傳

至萬歲門。轉太尉掾,兼中書舍人。

· 思父椿、叔津並送甲仗三百具,謀圖不逞。

| 叉叉構成其事。乃遣夜圍

思宅收之,並無所獲。 |鄴,叉遣黃門盧同詣||鄴刑熈,并窮黨與。|同希||叉旨,就郡鎖||是赴||鄴,囚訊百日乃還任 左右,和直免官,元氏卒亦不坐。及叉之廢太后也,乃出昱爲濟陰內史。中山王熈起兵於 太后問狀,昱具對元氏構釁之端,言至哀切。太后乃解昱縛,和及元氏並處死刑。而叉相 元氏請別居。 深恨昱。昱第六叔舒妻,武昌王和之妹,和卽叉之從祖父。舒早喪,有一男六女,及終喪, 車載貨,恒州刺史楊鈞造銀食器十具,並餉領軍元叉。 遂懷儢。 靈太后嘗謂昱曰:「親姻在外,不稱人心,卿有所聞,愼勿諱隱。」昱奏揚州刺史李崇五 神龜二年,瀛州人劉宣明謀反,事覺逃竄。 · 昱父椿集親姻泣謂曰:「我弟不幸早終,今男未婚,女未嫁,何便求別居。」不 靈太后令召叉夫妻,泣而責之。叉 叉使和及元氏誣告昱藏宣明,云

催督,而顥軍稽緩,遂免昱官。尋除涇州刺史。未幾,昱父椿爲雍州,徵昱除吏部郎中。及 史元脩義懼而請援,一日一夜,書移九通。都督李叔仁遲疑不赴。昱曰:「若長安不守,大 軍自然瓦散,此軍雖往,有何益也。」遂與叔仁等俱進,於陣斬神達,諸賊迸散。詔以昱受旨 督、北海王顥,仍隨軍監察。 孝昌初,除中書侍郎,遷給事黃門侍郎。後賊圍豳州,詔昱兼侍中,持節催西北道大都 豳州圍解。 雍州蜀賊張映龍、姜神達知州內虚,謀欲攻掩。

深時為 後 蕭 除 寶夤等敗於關中,以昱兼七兵尚書、持節、 鎭 徐 東 州 將軍、假車騎將軍、東南道都督,又加散騎常侍。 行臺,府 州咸欲禁深。 昱曰:「昔叔向不以鮒也見廢,奈何以侃罪深,宜 假撫軍、 都督,防守雍州。 於後太山守羊侃據郡南叛,侃 昱遇賊失利 · 而返。 一聽朝 兄

不許

羣

議。

陷。 显下統帥三十七人、皆令獨兵刳腹取心食之。 意。」 顯曰:「我在江東聞梁主言, 之、胡光等伏顯帳前曰:「陛下度江三千里,無遺鏃費。 以不下樓,正慮亂兵耳。 盟與弟息五人在門樓上,願至,執墨下,責曰:「卿今死甘心不。」答曰:「分不望生,向所 還朝未幾,元顥侵逼大梁,除昱南道大都督,鎭滎陽。 但恨八十老父無人供養,乞小弟一命,便是死不朽也。」顯將 初下 都,袁昂 爲吳郡 不降,稱其忠節。 昨日 **顥禽濟陰王暉業,乘虚徑進,城** 一殺傷五 百餘人,求乞楊昱 奈何殺昱。」於是斬 以 陳 快 慶

後歸 郷里,亦 孝莊還,復前官。 為天光 所害。 **尒朱榮之死,昱爲東道行** 太昌初 贈 司 空公、 、定州 臺拒介朱仲遠。 刺 史。 會余朱兆入洛,昱還京師。

子 孝邕,員外郎,奔觅, 匿 量中 ,潛結渠率,謀報介朱氏 微服入洛,為个朱世隆所殺。

|椿弟穎,字惠哲,本州別駕。

列

傳

穎 弟順 ,字延和 ,寬裕謹厚。 豫立莊帝功,封三門縣伯,位冀州刺史。 **罷州還,遇害。**

太昌初、贈太尉公、錄尙書事、相州刺史。

子辯,字僧達,位東雍州刺史。

辯弟仲宣,有風度才學。位正平太守,爵恒農伯,在郡有能名。還京,兄弟與父同遇

仲宣子玄就,幼而儁拔。收捕時,年九歲,牽挽兵人曰:「欲害諸尊,乞先就死。」兵以刀 太昌初,辯贈儀同三司、恒州刺史,仲宣贈尚書右僕射、靑州刺史。

所斷其臂,猶請死不止,遂先殺之。

永熙初,贈汝陰太守。

避,及相招命,多辭疾不往。誕以爲恨,而津逾遠焉。人或謂之曰:「司徒,君之少舊,何自 孝文南征,以津爲都督、征南府長史。後遷長水校尉,仍直閤。 外也。」津曰:「爲勢家所厚,復何容易!但全吾今日,亦足矣。」轉振威將軍,領監曹奏事令。 在禁密,不外交遊,至宗族姻表罕相參候。司徒馮誕與津少結交友,而津見其貴寵,每恒退 太后聞聲,閱而不見,問其故,具以實言,遂以敬愼見知。賜縑百匹,遷符璽郎中。 中散。時澤文幼沖,文明太后臨朝,津曾入侍左右,忽欬逆失聲,遂吐血數升,藏之衣袖。 順弟津。津字羅漢,本字延祚,孝文賜改焉。曰曰少端謹,以器度見稱。年十一,除侍御 津以身

禧謀 ,皆在從 景明中,宣武遊於北芒,津時陪從。 限。 及禧平,帝顧謂朝臣 曰:「直閤半為逆黨,非至忠者安能不豫此謀。」因 太尉、咸陽王禧謀反,帝馳入華林。 時直閣中 有 同

津左中郎將,江三遷驍騎將軍,仍直閤。

常以 子。 某色馬,在城東十里被殺,不知姓名。 有使者馳驛而 私 於是遺騎追收,幷絹俱獲。 出 除 書切責之。 %岐州刺 至,被劫人因以告之。 史,津巨細躬親,孜孜不倦。 於是官屬感厲,莫有犯法者。 自是闔境畏服。 使者到 若有家 州 有武功人齎絹三匹,去城十里,爲賊所劫。 一、以狀 人, 以母憂去職。 至於守令僚佐有濁貨者,未曾公言其罪 可速收視。 白津。 津 乃下教,云有 有一 老母行哭而 人著某色衣,乘 出,云是己 時

因緣, 者,爲受之,但無酒以示其恥。 延昌末,起爲華州刺史,與兄播前後牧本州,當世 共相進退, 百姓苦之。 津乃令依公尺度其輸物,尤好者賜以杯酒而出 於是競相勸厲,官調 更勝。 一榮之。 先是,受調絹 度尺特長,在 其所輸

未立,而 津始受命,出據 孝昌中,北鎭擾亂,侵逼舊京,乃加津安北將軍,北道大都督, 刺史元固 州 軍 新 稱 敗。 靈丘,而賊帥鮮于脩禮起於博陵,定州危急,遂回 賊 既逼 津以 〕城,不可示弱,乃閉門不內。 賊 旣乘勝, 士衆勞疲,栅 壘未安,不可 津揮刃欲斬門者,軍乃得入。 擬 師南赴。 敵, 尋轉左 欲移軍入 衞, 始至城下,營壘 加 城, 撫軍 賊果夜 更圖 將軍 後

列

傳

第

戰,賊退,人心少安。

至,見栅空而 去。 其後,賊攻州城東面,已入羅城。 刺史閉小城東門,城中騷擾。 津開門出

葛榮以司徒說津, 津大怒, 斬其使以絕之。 自受攻圍,經歷三稔, 朝廷不能拯赴。 乃遣長子 以城內北人,雖是惡黨,然掌握中物,未忍便殺,但收內子城,防禁而已。將東無不感其仁 業等感寤,復書云欲殺普賢,又云:「賊欲圍城,正爲取北人,城中所有北人,必須盡殺。」津 城,唯畏楊公鐵星。」津與賊帥元洪業等書喻之,幷授鐵券,許之爵位,令圖賊帥毛普賢。洪 前鋒已達廣昌,賊防塞隘口,蠕蠕遂還。 道突圍出,

詣蠕蠕主阿那褒,

令其討賊。

遁日夜泣訴,

阿那褒遣其從祖吐豆發率精騎南出。 城十步,掘地至泉,廣作地道,潛兵涌出,置爐鑄鐵,持以灌賊。 脫津衣服,置地牢下數日,將烹之。諸賊還相諫止,遂得免害。津會與窩相見,對諸賊帥 鮮于脩禮、杜洛周殘掠州境,孤城獨立,在兩寇之間。 朝廷初送鐵劵二十枚,委津分給,津隨賊中首領,間行送之,脩禮、普賢頗亦由此而死。 及津至,略舉家逃走。津乃下教慰喻,令其還業。 旣 尋除定州刺史,又兼 而 杜洛周圍州城,津盡力捍守。詔加衞將軍,將士有功者任津科賞,兵人給復八年。 吏部尚書、北道行臺。 津長史李裔引賊入,津苦戰不敵,遂見拘執。洛周 初,津兄椿得罪此州,由鉅鹿人趙略投書所 津修理戰具,更營雉堞。 於是闔州愧服, 遠近稱之。 時賊 賊遂相告曰:「不畏利槊堅 又於城中去 帥

以大義責之,辭淚俱發,裔大慚。 典守者以告洛周,弗之責。 及葛榮併洛周,復爲榮所拘

榮破,始得還洛

子昱時 也,津迎於北芒,流涕謝罪。 未行,顥入。及顥敗,**津乃入宿殿中,**掃洒宮掖,遣第二子<u>逸</u>封閉府庫,各令防守。 軍、太傅、都督、雍州刺史,諡曰 河。 <u></u>
余朱兆等已克洛,相州刺史李神等議欲與津舉城通款, 爲 累遷尙 棄尙書令、北道大行臺、都督、幷州刺史,委以討胡經略。 永安二年,兼吏部尚書。 遁字山才。 而 書左 **尒朱仲遠已陷東郡,所圖** 爲東道 |丞、金紫光祿大夫,亦被害於洛。 行 臺, 其家貴顯,諸子弱冠,咸縻王 鳩率部曲, 帝深嘉慰之。尋以津爲司空,加侍 元顥內逼,莊帝將親出討,以津爲中軍大都督,兼領軍將軍 「孝穆。 在於梁、沛、津規欲東轉、更爲方略。 不果,遂還京師。 將葬本鄉、詔大鴻臚持節監護 太昌初,贈車騎大將軍、儀同三司、幽州刺史, 一
舒,而
遁性
靜退,
年近
三十,
方爲
鎭 普泰元年,亦遇害於洛。 津不從。 津馳至鄴,將從滏口而 中。 以子逸旣爲光州刺史,兄 喪事。 **介朱榮死**,使津以本官 乃率輕騎望於濟州度 長子 太昌初,贈大將 遁。 一面府 及帝入 主簿。 遇

諡

日

【恭定。

遁弟逸, 列 ,字遵道,有當世才。 + 九 楊 起家員外散騎侍郎,以功賜爵華陰男。 建義 初,莊帝猶在

侍, 河陽 史, 加散騎常侍,時年二十九,時方伯之少,未有先之者。 常 ,逸獨往謁,帝特除給事黃門侍郎,領中書舍人。 寢 御 、牀前。 帝曾夜中謂逸曰:「昨來舉目唯見異人,賴卿差以自慰。」 及朝士濫禍,帝益憂怖,韶逸晝 仍以路阻 不行,改光州 再遷南秦州 刺 史。 一夜陪 刺

令以 有 目 書令、臨淮王彧以爲宜貸二萬, 又於州 千里眼,那可欺之。 ,善惡畢聞。 此獲戾,吾所甘心。」遂出粟,然後 時災儉連歲,逸欲 門造粥 飼之,將死而 其兵出使下邑,皆自持糧,人或爲設食者,雖在闇室,終不敢進,咸言楊使君 在州 以倉粟振給,而所司懼罪不敢。 政績尤美。 得濟者以萬數。 詔聽貸五萬。[1四逸旣出粟 申表。 帝聞而善之。 右僕射元羅以下,謂公儲難闕 逸曰:「國以 之後,其老小殘疾不 逸爲政愛人,尤憎豪猾 人爲本, 人以 並 能自存活者, 執 食爲 不許,尚 廣設耳 命,假

不絕。 及 太昌 其 家 禍 初,贈都督、豫郢二州刺 史,諡 日 吏人如喪親戚,城邑村落營齋供,一 . 貞 月之中,所在

軍。 在晉 逸 弟謐,字 陽 為 9 和 兆 , 歷員外 所害。 散騎常侍, 太昌初,贈驃騎將軍 以功賜 爵 、

完

州

刺 恒農伯, 史。 鎭軍將軍、 金紫光祿大夫、衞將

謐弟悟,事列于後。

津弟暐,字延季,弘厚,頗有文學。 位武衛將軍,加散騎常侍、安南將軍。 莊帝初,遇害

泣。 兄弟及膰昆季,當世莫逮焉。 多 州, 椿在京宅,每有四時嘉味, 輒因使次附之, 若或未寄, 不先入口。 於時府主皆自引僚佐,人有就津求官 十,並登台鼎,而津常旦暮參問,子姪羅列階下,椿不命坐,津不敢坐。 休偃,還共談笑。 堂、終日相 至,津不先飯,椿還,然後共食。 學尙,時人莫不欽焉。 兄弟並皆有孫,唯臍有曾孫,年十五六矣,椿常欲爲之早娶,望見玄孫。 播 家世純厚,並敦義讓,昆季相事,有如父子。 對,未曾入內。 椿年老,曾他處醉歸,津扶侍還室,仍假寢閤前,承候安否。 一家之內,男女百口,總服同爨,庭無間言。魏世以來,唯有盧陽鳥 有一 美味,不集不食。 食則津親授匙箸,味皆先嘗,椿命食,然後 者,津曰:「此事須家兄裁之, 廳堂間,往往幃幔隔障,爲寢息之所,時 播性剛毅,椿、津恭謙,兄弟旦則聚於 何爲見問。」 椿每得所寄,輒對之下 椿每近出,或日 食。 椿、津年過六 自昱已下,率 初,津 津爲司空, 爲肆 斜不 就

世隆遂遣步騎夜圍其宅,天光亦同日收椿於華陰,東西兩處,無少長皆遇禍,籍沒其家。 節閱不許,世隆復苦執,不得已,乃下 節

閔惋悵久之。

謂津曰:「常謂秦王不甚察慧,從今已後,更欲刮目視之。」 「誦詩。」子恭曰:「誦至渭陽未邪。」悟便號泣感噎。子恭亦對之歔欷,遂爲之罷酒。子恭後 學史書,十一受詩、易,好左氏春秋。幼喪母,曾詣舅源子恭,子恭與之飲,問讀何書。 悟字遵彥,小名秦王。兒童時,口若不能言,而風度深敏,出入門閭,未嘗戲弄。

異,有識者多以遠大許之。 詩,悟一覽便誦,無所遺失。及長,能淸言,美音制,風神俊悟,容止可觀,人士見之,莫不敬 重,曾謂人曰:「此兒駒齒未落,已是我家龍文,更十歲後,當求之千里外。」」昱嘗與十餘人賦 諸子曰:「汝輩但如遵彥謹愼,自得竹林別室、銅盤重肉之食。」 膾從父兄黃門侍郎| 昱特相器 風。」宅內有茂竹,遂爲惛於林邊別葺一室,命獨處其中,常銅盤具盛饌以飯之。因以督厲 之,悟頹然獨坐。其季父暐適入學館,見之,大用嗟異。顧謂賓客曰:「此兒恬裕,有我家 悟一門四世同居,家甚隆盛,昆季就學者三十餘人。 學庭前有柰樹,實落地,羣兒咸爭

囚繫。未幾,洛周滅,又沒萬榮。榮欲以女妻之,又逼以爲職,悟乃託疾,密含牛血數合,於 州 刺史,悟亦隨父之職。以軍功除羽林監,賜爵魏昌男,不拜。及中山爲杜洛周陷,全家被 正光中,隨父之幷州,性旣恬默,又好山水,遂入晉陽西縣甕山讀書。孝昌初,津爲定

中吐之,仍陽喑不語。 榮以爲信然,乃止

梁 相 與扈 永安 邢 悟 從 適 達 至 初 建州。 一侃處, ,還洛,拜通直散騎侍郎,年十八。 便屬乘輿失守,夜至河,侃 除通 蛋二。 直散騎常侍。 悟以世: 雖 故未夷,志在潛退,乃謝病,與友人中直侍郎 元顥入洛時,僧從父兄侃爲北中郎將,鎭河 奉 迎 車駕北 度, 而潜南 奔,悟固諫 止之,逐

河

間

卲

隱

於嵩山

貴深相矜感,遂與俱逃。 破, 禁止焉。 單[3 任。 過楊寬家,爲寬 一至於此。 有邯 及 莊 遣隊 鄲 帝 誅 人楊寬 介朱 ·主鞏榮貴防禁送都,至安陽亭,悟謂榮貴 雖曰囚虜,復何面目見君父之讎 冷者, 求 所執。 樂,其從兄侃參讚帷幄,朝廷以其父津爲幷州刺史、北道大行臺,悟隨 悟乃投高昂兄弟 義從出藩, 至 相州 見刺 悟請津: 史劉誕,以悟名家盛德,甚相 納之。 ! 得 俄 自縊 而 曰:「僕 孝莊幽崩, 於一繩,傳首而去,君之惠 百世忠臣,輸誠魏室,家亡國 悟時 適欲還都, 哀念,付長史慕容白澤 心也。」榮 行 達 邯 之

謂 壯 而 ",第7 城陷。 日:「 旣潛 泗横集。 人不識恩義,蓋亦常理。 竄 由 是轉 累載,屬 神武 大行 齊神武 爲之改容,卽署行臺郞 臺 古丞。 至信 于時霸圖草創,軍國務廣,文檄教令皆自悟及崔陵出 都, 我不恨卿,無假驚怖。」時飘未 **遂投刺轅門,便蒙引見,贊揚** 中。 南攻鄴,歷楊寬村,寬於馬 下 神武 興運,陳訴家 命僧作祭天文,燎畢 前叩 頭 禍, 、請罪。 言辭 哀 層

列

傳

第

_

+

九

楊

播

吉凶儀衞亘二十餘里,會葬者將萬人。是日,隆冬盛寒,風雪嚴厚,悟跣步號哭,見者無不 之,表請解職還葬,一門之內,贈太師、太傅、丞相、大將軍者二人,太尉、錄尙書及尙書令者 之戰,悟每陣先登。 哀之。尋徵赴晉陽,仍居本職。 三人,僕射、尚書者五人,刺史、太守者二十餘人,追榮之盛,古今未之有也。及喪柩進發, 遭罹 :家難,常以喪禮自居,所食唯鹽米而已,哀毀骨立。 神武愍之,常相開慰。 朋僚咸共怪歎曰:「楊氏儒生,今遂爲武士,仁者必勇,定非虛論。」**頃** 及韓陵

潛之光州,因東入田橫島,以講誦爲業,海隅之士謂之劉先生。太守王元景陰佑之。 衣冠於水濱,若自沈者。[15]變易名姓,自稱劉士安,入嵩山,與沙門曇謨徵等屏居削跡。 又 門溫湯療疾。郭秀素害其能,江刊因致書恐之日,高王欲送卿於帝所,仍勸其逃亡。悟遂棄 **僧從兄幼卿爲岐州刺史,[18]以直言忤旨見誅。 層聞之悲懼,因哀感發疾,後取急就雁**

武定末,以望實之美,超拜吏部尚書,加侍中、衞將軍,侍學典選如故。 傅容像, 悲感慟哭, 嘔血數升, 遂發病不成行, 輿疾還鄴。 久之, 以本官兼尚書吏部郎中**。** 以庶女。又兼散騎常侍,爲聘梁使主。至碻磝,州內有膾家舊佛寺。入精廬禮拜,曰司見太 見之悅,除太原公開府司馬,轉長史,復授大行臺右丞,封華陰縣侯,遷給事黃門侍郎,妻 神武知悟存,遣悟從兄寶猗賷書慰喻,仍遣光州刺史奚思業令搜訪,以禮發遣。神武

九年,徙尚書令,又拜特進、驃騎大將軍。十年,封開封王。文宣之崩,百僚莫有下淚,憎悲 公主,即魏孝靜后也。會有雉集其舍,又拜開府儀同三司、尚書左僕射,Cilo]改封華山郡公。 天保初,以本官領太子少傅,別封陽夏縣男。又詔監太史,遷尙書右僕射。尙太原長

昭帝所誅,時年五十。天統末,追贈司空公。 濟南嗣業,任遇益隆,朝章國命,一人而已。推誠體道,時無異議。乾明元年二月,爲孝

十數人,並待而舉火。頻遭迍厄,冒履艱危,一飡之惠,酬答必重;性命之讎,捨而不問。 人,撫養孤幼,慈旨溫顏,咸出仁厚。重分義,輕貨財,前後賜與,多散之親族。羣從弟姪 **悟貴公子,早著聲譽,風表鑒裁,為朝野所稱。家門遇禍,唯有二弟一妹及兄孫女數**

果自不虚。」又令東唱人名,誤以盧士深爲士琛。士深自言,自言情曰:「盧郎潤朗,所以 草驢,經見我不下,至以方麴鄣面,我何不識卿。」漫漢驚服。又調之曰:「名以定體,漫漢 稱名,無有誤者。後有選人魯漫漢,自言猥賤,獨不見識。悟曰:「卿前在元子思坊騎禿尾 **貧士市瓜,取其大者。悟聞,不以爲意。其聰記强識,半面不忘,每有所召,或單稱姓,或單** 典選二十餘年,獎擢人倫,以爲已任。然取士多以言貌,時致謗言,以爲悟之用人,似

后公主後,衣紫羅袍、金鏤大帶,遇李庶,頗以爲恥,謂曰:「我此衣服,都是內裁,旣

見子將,不能無愧。」

莫不悚動。自居大位,門絕私交。輕貨財,重仁義,前後賞賜,積累互萬,散之九族,架篋之 「我門前幸無此物。」性周密畏愼,恒若不足,每聞後命,愀然變色。 中,唯有書數千卷。太保、平原王隆之與悟隣宅,悟嘗見其門外有富胡數人,自己謂左右曰: 有賴焉。每天子臨軒,公卿拜授,施號發令,宣揚詔册,愔辭氣溫辯,神儀秀發,百僚觀聽, 及居端揆,經綜機衡,千端萬緒,神無滯用。自天保五年已後,一人喪德,維持匡救,實

之跡、盡告兩王。可朱渾天和又每云:「若不誅二王,少主無自安之理。」宋欽道面奏帝、稱 竊榮恩者皆從黜免。由是嬖寵失職之徒盡歸心二叔。高歸彥初雖同德,後尋反動,以疏忌 后於北宮,政歸皇太后。又自天保八年已來,爵賞多濫,至是,悟先自表解其開封王,諸叨 隨梓宮之鄴,留長廣鎭晉陽。執政復生疑貳,兩王又俱從至于鄴。子獻立計,欲處太皇太 以大行在殯,天子諒闇,議令常山王在東館,欲奏之事皆先諮決,二旬而止。仍欲以常山王 侍中燕子獻、黃門侍郎鄭子默受遺詔輔政,並以二王威望先重,咸有猜忌之心。初在晉陽, 二叔威權旣重,宜速去之。帝不許曰:「可與令公共詳其事。」膾等議出二王爲刺史,以帝仁 文宣大漸,以常山、長廣二王位地親逼,深以後事爲念。悟與尚書左僕射平秦王歸彦、

坐仲密事入宫。 慈,恐不可所奏,乃通啓皇太后,具述安危。 太后與昌儀宗情,甚相昵愛。太后以啓示之,昌儀密白太皇太后。 有宮人李昌儀者,北豫州刺史高仲密之妻,口回 悟 等 叉

議不可令二王俱出,乃奏以長廣王爲大司馬、幷州刺史,常山王爲太師、錄尙書事。

十人於錄尚書後室,仍與席上勳貴數人相知,幷與諸勳冑約,行酒至悟等,我各勸雙盃,彼 子默於尙藥局。 脫。」悟云:「吾等至誠體國,豈有常山拜職,有不赴之理。何爲忽有此慮。」長廣旦伏家僮 「不可。」於是悟及天和、欽道皆被拳杖亂毆擊,頭 王反逆,欲殺忠良邪!尊天子,削諸侯,赤心奉國,未應及此。」常山王欲緩之,長廣王曰 必致辭,我一曰「捉酒」,二曰「捉酒」,三曰「何不捉」,爾輩卽捉。 及二王拜職,於尚書省大會百僚,膾等並將同赴。 子默曰:「不用智者言,以至於此,豈非命也」」 面血流,各十人持之。 子默止之云:「事不可量,不可 及宴如之。

[情大言曰:「諸 使薛孤延、康買執 輕

殺之。 遵彦等欲擅朝權,威福自己,自王公以還,皆重足屛氣,共相脣齒,以成亂階。 太皇太后臨昭陽殿,太后及帝側立。 叔率高 開府成休寧拒門, . 歸彥、賀拔仁、斛律金擁悟等唐突入雲龍門。 臣與湛等爲國事重,賀拔仁、斛律金等惜獻皇帝業,共執遵彥等,領入宮,未 歸彥喩之,乃得入。送悟等於御前。長廣王及歸彥在朱華門外。 常山王以磚叩頭,進而言曰:「臣與陛下骨肉相連。 見都督叱利騷,招之不進,使騎 若不早圖,必

列傳第

= +

九

楊

敢刑戮。專輒之失、罪合萬死。」

郎 讒己,作詔書,故先拔其舌,截其手。 敢惜此漢輩!但願乞兒性命,兒自下殿去,此等任叔父處分。」遂皆斬之。長廣王以子默昔 謝。常山王叩頭不止。太皇太后謂帝:「何不安慰爾叔?」帝乃曰:「天子亦不敢與叔惜,豈 能言。太皇太后怒且悲,王公皆泣。太皇太后曰:「豈可使我母子受漢老嫗斟酌。」太后拜 曰:「奴輩卽今頭落!」乃却。因問楊郎何在,賀拔仁曰:「一目已出。」太皇太后愴然曰:「楊 何所能,留使不好邪?」乃讓帝曰:「此等懷逆,欲殺我二兒,次及我耳。何縱之?」帝猶不 帝時默然,領軍劉桃枝之徒陛衞,叩刀仰視,帝不睨之。太皇太后令却仗不肯,又厲聲

太皇太后臨悟喪,哭曰:「楊郎忠而獲罪。」以御金爲之一眼,親內之,曰:「以表我意。」

常山王亦悔殺之。

小名,太原公主嘗作尼,故曰「阿麼姑」,悟、子獻、天和皆尚帝姑,故曰「道人姑夫」云。 打爾腦。」又曰:「阿麼姑,禍也;道人姑夫,死也。」羊爲悟也,「角」文爲用刀,「道人」謂廢帝 先是童謠曰:「白羊頭毣禿, 羖攊頭生角。」又曰:「羊羊喫野草, 不喫野草遠我道, 不遠

沒一房,孩幼盡死,兄弟皆除名。 於是乃以天子之命,下詔罪之,罪止一身,家口不問。尋復簿錄五家,王晞固諫,乃各

而 策蹇驢,曰可悲之甚。」膾所著詩賦表奏書論甚多,誅後散失,門生鳩集所得者萬餘言。 死,仍以中書令趙彦深代總機務。 鴻臚少卿陽休之私謂人曰:「將涉千里,殺騏驥

文於關 位,委任 武 而 禽之。 舊養韓長鸞姑爲女,是爲陽翟公主,遂以嫁之,甚被待遇。 燕子獻字季則,廣漢下洛人。如云少時相者謂曰:「使役在胡、代,富貴在齊、趙。」後遇周 中創業,用爲典籤,將命使於蠕蠕。 .彌重,除尙書右僕射。 子獻嘆曰:「丈夫爲計遲,遂至此」天統五年,追贈司空。 子獻素多力,頭少髮,當狼狽之際,排衆走出省門,斛律光逐 子獻欲驗相者之言,來歸。 文宣時,官至侍中。 神武見之大悅。 濟南 肺 卽

天和事見兄元傳。

才流涕日 不良。 致,無所不言。 之。 楊愔 鄭 初 頤 [:[楊 爲 始輕宋、鄭,不爲之禮。 字子默,彭城人。高祖據,魏彭城太守,自滎陽徙焉。 太原公東閤祭酒。 令君 乾明 雖 初,拜散騎常侍, 其 一人,死日恨不得一佳伴。」 天保 俄 世,稍遷中書侍郎。 而 兼 自結 中書侍郎。二人權將楊愔相埓。 人主, 稍不可制。 與宋欽道特相 欽道 **頤聰敏,頗涉文義,而邪險** 舊與濟南款 友愛, 悟見害之時,邢子 欽道 狎, 共 毎 相 師 事

頤後與愔同詔追贈殿中尚書、廣州刺史。

頤弟抗,字子信,頗有文學。 武平末,兼左右郎中,待詔文林館。

追封臨貞縣伯,江沿諡曰恭。父暄,字宣和,性通朗,强識有學。位諫議大夫,以別將從廣陽 祖鈞,博學强識,頗有幹用,位七兵尙書、北道行臺、恒州刺史、懷朔鎭將,贈侍中、司空公, 楊敷字文衍,播族孫也。高祖暉,洛州刺史,贈恒農公,諡曰簡。 曾祖恩,河間太守。

王深征葛榮,遇害,贈殿中尚書、華州刺史。

寇,城陷見禽。齊人方任用之,敷不爲屈,遂以憂憤卒於鄴。子素。 以平允稱。周孝閔踐阼,進爵爲侯。天和中,爲汾州刺史,進爵爲公。齊將段孝先率衆來 敷少有志操,重然諾,人景慕之。魏建義初,襲祖鈞爵臨貞縣伯。稍遷廷尉少卿,斷獄

善屬文,工草隸書,頗留意風角。美鬚髯,有英傑之表。 「處道逸羣絕倫,非常之器,非汝曹所逮。」後與安定牛弘同志好學,研精不倦,多所通涉。 |素字處道,少落拓有大志,不拘小節。世人多未之知,唯從祖寬深異之,每謂子孫曰:

子,死 將軍、儀 陷 齊,未蒙朝命,上表申理 周 其分也。」帝悟其言,贈敷使持節、大將軍、譙廣復三州刺史, 大冢宰宇文護引爲中外記室, 同 三司,漸見禮遇。 一,至於再三。 常令爲詔,下筆立成,詞義兼美。 轉禮曹,加 帝大怒, 命左右斬之。 大都督。 周武 帝嘉之,謂曰:「善相自勉,勿 帝親總萬機,素以其 素又言曰:[云][臣 諡曰忠壯。 拜素 事 無道 車騎 父守節 大

卿。 獲発。 原。 齊主 從齊王 及平齊之役,素請率麾下先驅,帝從之, 齊平,加上開府,改封成安縣公。[15] 以 憲與齊 大軍至,憲懼, 人戰於河陰,以功封淸河縣子, 宵遁,爲齊兵躡,衆多敗散。 賜以竹策曰:「朕方欲大相驅策,故用此 授司 城大夫。 素與驍將十餘人盡力苦戰,憲僅 復從憲拔晉州, 屯兵 雞樓 物 賜

憂不富貴。」素應聲曰:「臣但恐富貴來逼臣,臣無心圖富貴。」

素 |淮 南。〔三〕 擊 走之, 尋從王 軌破陳將吳明徹於呂梁,行東楚州 夷毅所築城。 宣帝即位,襲父爵臨貞縣公,以弟約爲安成公。 事。 封弟愼爲義安侯。 陳將樊毅築城 尋從韋孝寬徇 泗口

河 刺 郡公,以弟岳 史宇文胄 及 隋 文帝 據 武牢 爲丞相,素深自結納,帝甚器之,以爲汴州刺史。至洛陽,會尉遲迥作亂 爲 臨貞公。 應迥,素不得進。 及隋受禪,加上柱國,拜御史大夫。 帝拜素大將軍,擊冑破之。 遷徐州總管,位柱 其妻鄭氏性妬悍,素忿之 國 ※ 祭州 , 封

列

傅

第

_

. : 「我若作天子,卿定不堪爲皇后。」鄭氏奏之,由是坐免。

之,秋豪不犯,陳人大悅。素率水軍東下,舟艦被江,旌甲曜日。素坐平乘大船,容貌雄偉, 從南岸擊欣別栅,令大將軍劉仁恩趣白沙北岸。比明而至,擊之,欣敗。虜其衆,勞而遣 灘流迅激,制不由人,則吾失其便。」乃夜掩之。 |素親率黃龍十艘,銜枚而下,遣開府王長襲 狼尾灘,以遏軍路。其地險峭,諸將患之。素曰:「負勝在此一舉,若晝日下船,彼則見我, 陳人望之,懼曰:「淸河公卽江神也。」 及大舉伐陳,以素爲行軍元帥,引舟師趣三硤。至流頭灘,陳將戚欣以青龍百餘艘屯兵守 五十尺,容戰士八百人,旗幟加於上。次曰黃龍,置兵百餘人。自餘平乘、舴艋等各有差。 素居永安,造大艦,名曰五牙,上起樓五層,高百餘尺,左右前後置六檣竿,並高百 上方圖江表。先是素數進取陳計,未幾,拜信州總管,賜錢百萬、錦千段、馬二百匹遣

卒數千,乘五牙四艘,以檣竿碎賊十餘艦,遂大破之,仲肅僅以身免。陳主遣其信州刺史顧 覺鎮安蜀城,荆州刺史陳紀鎭公安,皆懼而走。巴陵以東,無敢守者。湘州刺史岳陽王陳 素與仁恩登陸俱發,先攻其栅,仲肅軍夜潰,素徐去其鎖。仲肅復據荆州之延洲,素遣巴蜑 (請降。 陳南康內史呂仲肅屯岐亭,正據江峽,於北岸纜巖綴鐵鎖三條,橫截上流,以遏戰船。 素下至漢口,與秦孝王會,乃還。拜荆州總管,進爵郢國公,眞食長壽縣千戶,

十四人。|素言於上曰:「里名勝母,曾子不入,逆人|王誼前封郢,臣不願與同。」 於是改封越 以其子玄感爲儀同三司,玄獎爲淸河郡公,賜物萬段,粟萬石,加之金寶,又賜陳主妹、女妓

國公。尋拜納言,轉內史令。

援之。 之。 擊無錫 在陣免者從賤。 晉陵顧世興自稱太守,與其都督鮑遷等復來拒戰,素逆擊破之,執遷,虜三千餘 俄而江南 賊帥葉皓,又平之。 玄懀勢迫,走投南沙賊帥陸孟孫。 人李稜等爲亂,以素爲行軍總管討之。帝命平定日,男子悉斬,女婦賞征人, 賊朱莫問自稱南徐州刺史,以盛兵據京口。 吳郡沈玄膾、沈傑等以兵圍蘇州,刺史皇甫績頻戰不利,素率衆 素擊孟孫於松江, 大破之,禽孟孫、玄懀。 素舟師入自楊子津, 進擊破 人。 進

賊帥沈雪、沈能據栅自固,又攻拔之。

破之。 於是步道向天台,指臨海郡,逐捕遺逸,前後百餘戰,智慧遁守閩越。 **令馳傳入朝,加子玄威上開府,賜綵八千段。|素以餘寇未殄,恐爲後患,又自請行。** 稱天子,據東陽,署其徒蔡道人爲司空,守樂安。 智慧盡 江浙賊高智慧自號東揚州刺史、「三」吳州總管五原公元契鎮會稽,以其兵 屠其衆,契自殺。 智慧逃入海。 躡之,從餘姚汎海 智慧有船艦千餘艘,屯據要害,兵甚勁。 趣永嘉。 智慧來拒戰,素擊走之。〔三〕賊帥汪文進自 素進討,悉平之。又破永嘉賊帥沈孝徹。 素擊之,自旦至申,苦戰 上以素久勞於外,詔 盛而降之。 韶以素

列

傳

第二十

九

楊

敷

爲元帥,復乘傳至會稽。

馬二百匹、羊三千口、田百頃、宅一區。 勞,比到京師,問者日至。拜素子玄獎儀同,賜黃金四十斤,加銀缾,實以金錢,縑三千段、 效。國慶乃斬智慧於泉州。自餘支黨悉降,江南大定。上遣左領軍將軍獨孤陀至浚儀迎 習,不設備伍。」素汎海奄至,國慶遑遽,棄州走。」素分遣諸將,水陸追捕。時南海先有五六 百家,居水爲亡命,號曰遊艇子,智慧、國慶欲往依之。素乃密令人說國慶,令斬智慧以自 先是,泉州人王國慶,南安豪族也,殺刺史劉弘,據州爲亂。自以海路艱阻,非北人所

題,敬牛弘,厚接薛道衡,視蘇威蔑如也。 自餘朝臣,多被陵轢。 其才藝風調,優於高類,至 於推誠體國,處物平當,有宰相識度,不如頗遠矣。 代蘇威爲尚書右僕射,與高頗專掌朝政。」素性疏而辯,高下在心,朝貴之內,頗推高

有離宮別館,今天下太平,造一宮何足損費。」后以此理諭上,上乃解。於是賜錢百萬、綿絹 令高類前視,奏稱頗傷綺麗,大損人丁。帝不悅。

|素懼,即於北門啓獨孤皇后曰:「帝王法 尋令素監營仁壽宮,素遂夷山堙谷,督役嚴急,作者多死,宮側時聞鬼哭。 及宮成,上

開皇十八年,突厥達頭可汗犯塞,以素爲靈州道行軍總管,出塞討之,賜物二千段、黃

賜縑二萬匹及萬釘寶帶,加子玄感位大將軍,玄獎、玄縱、積善並上儀同。 馬仰天而 素曰:「此乃自固之道。」 [言] 於是悉除舊法,令諸軍爲騎陣。 金百斤。先是諸將與虜戰,每慮胡騎奔突,皆戎車步騎相參,與鹿角爲方陣,日國一騎在內。 拜,率精騎十餘萬至。 素奮擊,大破之,至之達頭被重創而遁,衆號哭而去。優詔 達頭聞之,大喜,以爲天賜,下

股慄,有必死心,由是戰無不勝,稱爲名將。 百人赴敵,陷陣則已,如不能陷而還,無問多少,悉斬之,又令二百人復進,還如向法。 寇,輒求人過失而斬之,多者百餘人,少不下數十,流血盈前,言笑自若。 素多權略,乘機赴敵,應變無方,然大抵馭戎嚴整,有犯令者,立斬無所寬貸。 至於他將、雖大功、多爲文吏所譴却。 故素雖嚴忍,士亦以此願從。 素時貴倖,言無不從,其從素征伐者,微功必 及對陣,先令一二 毎將臨 將 士

自是突厥遠遁,磧南無復虜庭。 軍元帥,出雲中擊突厥,連破之。 於是親將 仁壽初,代高頗爲尚書左僕射,賜良馬十匹、牝馬二百匹、奴婢百口。 一十年, 兩騎幷降突厥二人與虜並行,不之覺也。 晉王 廣爲靈、朔道行軍元帥,素爲長史,王卑躬交素。 以功進子玄感位柱國,玄縱爲淮南郡公,賞物二萬段。 突厥走,追至夜及之。 候其頓舍未定, 將復戰,恐賊越逸, 及爲太子,素之謀也。 趣後騎掩擊, 其年,以素爲行 令其騎稍後, 大破之。

及獻皇后崩,山陵制度多出於素。上善之,下詔曰:「君爲元首,臣則股肱,共理百姓,

絹 以 略,包經國之才。王業初基,霸圖肇建,策名委質,受脹出師,禽翦凶魁,克平號 遂得神臯福壤,營建山陵。 論素此心,事極誠孝,豈與平戎定寇,比其功業,若不加褒賞,何 陰陽之書,聖人所作,禍福之理,特須審愼。乃遍歷川原,親自占擇,志圖元吉,孜孜不已。 **贊機衡,當朝正色,直言無隱。論文則詞藻從橫,語武則權奇問出,旣文且武,唯朕所命。** 1 任使之處,夙夜無怠。 義同一體。 廟算,揚旍江表;每稟戎律,長驅塞垣。南指而吳越肅清,北臨而獯獫摧服。 萬匹、米萬石;金鉢一,實以金;銀鉢一,實以珠;幷綾錦五百段。 申茲勸勵。可別封一子義康郡公、邑萬戶、子子孫孫承襲不絕、餘如故。」幷賜田三十頃、 泉石,至如吉凶,不由於此。[雪]素義存奉上,情深體國,欲使幽明俱泰,永保無窮。以爲 上柱 **[國、尙書左僕射、仁壽宮大監、越國公素,志度恢弘,機鑒明遠,懷佐時之** 獻皇后奄離六宮,遠日云及,塋兆安厝,委素經紀。然葬事依 自居端揆,參 鄭。 人禮,唯

冑 爾、史萬歲、李綱、柳彧等,素皆陰中之。若有附會及親戚,雖無才用,必加進擢。朝廷靡 初 國 者工草隸,並江南士人,因高智慧沒爲奴。親戚故吏,布列淸顯。其盛近古未聞。煬帝 爲太子,忌蜀王秀,與素謀之,搆成其罪,後竟廢黜。朝臣有違忤者,雖至誠體國如賀若 、刺史。 時素貴寵日隆。其弟約、從父文思、弟紀及族父异並尚書、列卿,諸子無汗馬勞,位柱 家僮數千,後庭妓妾曳綺羅者以千數,第宅華侈,制擬宮禁。有鮑亨者善屬文,殷

論 威 然,莫不 作福 大事。」外示優崇,實奪之權,終仁壽之末, 畏附。 上 漸 疎忌之,後因 唯兵部尚書柳述,以帝壻之重,數於上前面折素,大理卿梁毗,抗表言素作 出敕曰:「僕射,國 [之宰輔,不可躬親細務,但三五 不復 通判省事。 上賜王公已下射, 日 度向 素箭 省評

上手以外國

所獻

金精盤價直互萬以賜之。

四年,從幸仁壽宮,宴賜重疊。

士帖 大 有 不諱,須豫防 上臺宿衞 及上不豫, 所 竉 陳貴人又言太子 ,門禁出入,並取宇文述、郭衍節 擬 素 ,乃手自爲書,封 與兵部尚書柳述、黃門侍郎 無禮。 出問素。 上遂發怒,欲召庶 素條錄 元巖等入侍疾。 度。 事狀,以報太子。宮人潛送於上,上 又令張衡侍疾。 人勇。 太子謀之素,素矯詔追 時皇太子入居大寶殿, 上以此日崩,由 是頗 東宮兵 慮上 加

賊 署介州刺史梁脩羅 五. 並 一。皆如 十里。 |爲諒城守,|素各以二千人縻之而 襲之,潛於渭 會漢王諒反,遣茹茹天保往東蒲州,行己燒斷河橋,又遣王射子幷力 所量。 素令諸將以兵臨之,自以奇兵深 帝於是以素爲幷州 口宵濟,比明擊之,天保敗,射子懼,以城降。 屯介体,聞素至,懼,棄城而走。 去。 道行 諒遣 軍總管、 入霍 趙子開擁衆十餘萬,築絕徑路,屯據 山,緣崖谷而進,直指其營, 河北道安撫大使,討諒。 進至淸源,去幷州三十里,諒率其將圧 有詔 微還。 (拒守。 時晉、絳、呂 初素將行 戰破 素將輕 高壁,布 之。) 計 諒所 騎 日 州 破 陣

列

傳

陽,以素領營東京大監。以平諒功,拜其子萬石、仁行、姪玄挺皆儀同三司,賚物五萬段、羅 **綺**千匹、諒之妓妾二十人。 而降、餘黨悉平。帝遣素弟脩武公約賷手詔勞素,素上表陳謝。其月,還京師。 、趙子開、蕭摩訶等來拒戰,又擊破之,禽蕭摩訶。 諒退保<u></u>好州、言亞素進兵圍之,諒窮 從駕幸洛

道衡歎曰:「人之將死,其言也善,若是乎」集十卷。 素嘗以五言詩七百字贈番州刺史薛道衡,詞氣頴拔,風韻秀上,爲一時盛作。未幾而卒。 十人、前後部羽葆鼓吹、栗麥五千石、物五千段,鴻臚監護喪事。 帝又下詔立碑,以彰盛美。 大夫、太尉公、弘農河東絳郡臨汾文城河內汲郡長平上黨西河十郡太守,給輼輬車、班劍三 賞錫不可勝計。明年,拜司徒,改封楚公,眞食二千五百戶。其年病薨,諡曰景武,贈光祿 大業元年,遷尚書令,賜康原甲第一區、物二千段,尋拜太子太師,[80]餘官如故。前後

喪,因改封素於楚。四辺寢疾之日,帝每令名醫診候,賜以上藥,然密問醫人,恒恐不死。」素 又自知名位已極,不肯服藥,亦不將愼。每語弟約曰:「我豈須更活邪。」 |素雖有建立策及平|楊諒功,然特爲帝猜忌,外示殊禮,內情甚薄。 太史言楚分野有大

水磑田宅以千百數。時議以此鄙之。子玄感。 素貪財貨,營求產業,東西京居宅侈麗,朝毁夕復,營繕無已,爰及諸方都會之處,邸店 列傳第二十九 楊敷

潛布耳目,察長吏能不,纖介必知,吏人敬服,皆稱其能。後轉宋州刺史,父憂去職。 玄感降一等,玄感拜謝曰:「不意陛下寵臣之甚,許以公庭獲展私敬。」初拜郢州刺史,到官 俊,好讀書,便騎射。 拜鴻臚卿,襲爵楚公,遷禮部尙書。性雖驕倨,而愛重文學,四海知名之士多趨其門。 玄感少時晚成,人多謂之癡,唯|素每謂所親曰:「此兒不癡也。」及長,美鬚髯,儀貌雄 弱冠,以父軍功位柱國,與其父俱爲第二品,朝會則齊列。後文帝命 歲餘,

白帝,帝嘉之,謂羣臣曰:「將門有將,故不虚也。」於是賚物千段,禮遇益隆,頗預朝政。 可圖也。」玄感乃止。時帝好征伐,玄感欲立威名,陰求將領,以告兵部尚書段文振。振以 渾,還至達斗拔谷,每三時從官狼狽,玄感欲襲擊行宮。 其叔愼曰:「士心尚一,國未有釁,不 後見朝綱漸紊,帝又猜忌日甚,內不自安,遂與諸弟潛謀廢帝立秦王浩。及從征吐谷

將萬石並從幸遼東,玄處潛遣人召之。時來護兒以舟師自東萊,將入海趣平壤城,軍未發。 募男夫,四司於是取顯布爲牟甲,署置官屬皆準開皇之舊。移書傍郡以討護爲名,令發兵會 玄感無以動衆,乃遣家奴僞爲使,從東方來,謬稱護失軍期而反。玄感遂入黎陽縣,閉城大 發。帝遣使者逼促,玄感揚言曰:「水路多盜,不可前後而發。」其弟武賁郎將玄縱、鷹揚郎 帝征遼東,令玄感於黎陽督運,遂與武賁郎將王仲伯、汲郡贊治趙懷義等謀,不時進

史,有衆且一萬,將襲洛陽。唐禪至河內,馳往東都告之。越王侗、戶部尚書樊子蓋等勒兵 門,衆至十餘萬。子蓋令河南贊務裴弘策拒之,弘策戰敗,父老競致牛酒。 備禦。脩武縣人相率守臨淸關,玄感不得濟,遂於汲郡南度河。從亂如市,數日,屯兵上春 於倉所。 以東光縣尉元務本爲黎州刺史,趙懷義爲衞州刺史,河內郡主簿唐禕爲懷州刺

今者不顧破家滅族者,爲天下解倒懸之急,救黎元之命耳。」 衆皆悅,詣轅門請自効者日數 及與樊子蓋書曰: 玄感屯兵尚書省,每有誓衆曰:「聞」「我身爲上柱國,家累巨萬金,至富貴,無所求也。

淮 之口。加 絕于天,殄人敗德。頻年肆眚,盜賊於是滋多;所在脩營,人力爲之凋盡。荒淫酒色, 政,握金鏡以馭六龍,無爲而至化流,垂拱而天下义。今上纂承寶曆,宜固洪基,乃自 於昌邑,此並公度內,不能一二披陳。高祖文皇帝誕膺天命,造茲區宇,在琔璣以齊七 子女必被其侵,耽玩鷹犬,禽獸皆離其毒。 朋黨相扇,貨賄公行,納邪佞之言,杜正直 之間 夫建忠立義,事有多途,見機而作,蓋非一揆。昔伊尹放太甲於桐宮,霍光廢劉賀 則鞠爲茂草。四三 以轉輸不息,徭役無期,士卒塡溝壑,骸骨蔽原野,黃河之北則千里無烟,江、

|玄感世荷國恩,位居上將。 先公奉遺詔曰:「好子孫爲我輔弼之,惡子孫爲我屛黜

以黔黎在念,社稷爲心,勿拘小禮,自貽伊戚。 命,如赴私讎,人庶相趨,義形公道。天意人事,較然可知。公獨守孤城,勢何支久。願 之。」所以上稟先旨,下順人心,廢此淫昏,更立明哲。 今四海同心,九有咸應,士卒用 誰謂國家,一旦至此!執筆潸然,言無

遂進逼東都城。

所具。

軍日蹙,糧又盡,乃悉衆決戰,陣於北邙,一日間戰十餘合。玄威弟玄挺中流矢而斃,玄威 士卒,喑嗚叱咤,所當莫不震懾,論者方之項羽。又善撫馭,士樂致死。由是戰無不捷。玄 玄軍稍怠,玄處與數千騎乘之,大潰,擁八千人而去。玄感驍勇多力,每戰,親運長矛,身先 兵發,前軍盡沒。後數日,玄復與玄感戰。兵始合,玄感詐令人大呼曰:「官軍已得玄感矣。」 稍却。樊子蓋復遺兵攻尙書省,又殺數百人。 刑部尚書衞玄率衆自關中來援東都,以步騎二萬度廛、澗挑戰。 玄威僞北,玄逐之,伏

子蓋知其謀,數擊其營,玄感不果進。通遂濟河,軍於破陵。玄感爲兩軍,西拒衞玄,東拒 事,若度河則勝負難決,不如分兵拒之。通不能濟,「智」則樊、衞失援。」玄處然之,將拒通。 兵繼進,右驍衛大將軍來護兒復來赴援。玄感與前戶部尚書李子雄計曰:「鼠己」「屈突通曉兵 帝遣武賁郎將陳稜攻元務本於黎陽,武衞將軍屈突通屯河陽,左翊衞大將軍宇文述發

屈突通。 乏,三輔可指麾而定。 子蓋復出兵大戰,玄感軍頻北。 據有府庫,東面而爭天下,此亦霸王之業。 復與子雄計,子雄勸之直入關中,開永豐倉振貧

行,謂積善曰:「事敗矣,我不能受人戮辱,汝可殺我。」積善殺之,因自刺不死,爲追兵所執 騎竄林木間,將奔上洛。 諸軍躡之。 與玄感首俱送行在所,磔其屍於東都市,三日,復臠而焚之。 布陣亘五十里,與官軍且戰且行,一日三敗。 食,退可割宜陽之地。」玄感以爲然,留攻三日,城不下,追兵遂至。 會華陰諸楊請爲鄕導,玄鳳遂釋洛陽,西圖關中。宣言已破東都,取關西。 至弘農宮,父老遮說玄處曰:「宮城空虚,又多積栗,攻之易下。 追騎至,玄威叱之,皆懼而返走。 復陣於董杜原,諸軍大敗之。 至葭蘆戍,窘迫,獨與弟積善步 餘黨悉平。 玄威西至閿鄉,上樂豆, 玄感獨與十餘 進可絕敵人之 宇文述等

陽, 並具梟磔。 止傳舍, 其弟玄獎爲義陽太守,將歸玄感,爲郡丞周旋玉所殺。 公卿請改玄感姓爲梟氏,詔可之。 監事許華與郡兵執之,斬於涿郡。 萬石弟仁行,官至朝議大夫,同己斬於長安。 玄縱弟萬石,自帝所逃歸,至高

玄感之亂,有趙元淑者預謀,誅。 又有劉元進,亦舉兵應之。

元淑,博陵人。父世模,初從高寶寧,「四乙後以衆歸周,授上開府,寓居京兆之雲陽。 隋

文帝踐阼,恒典宿衞。 後從晉王伐陳,力戰而死。朝廷以其身死王事,以元淑襲父本官,賜

物三千段。

儀,美談笑,元淑亦慕之。及至其家,服玩居處,擬於將相,酒酣,奏女樂,元淑所未見也。 求以女妻之。远淑感而納焉,遂爲富人。 及出,連又致殷勤。元淑再三來,宴樂更侈於前。因問所須,盡買與之,元淑致謝,連復拜 連家累千金,仕周爲三原令,有季女,慧而有色。連每求賢夫,聞元淑,請與相見。連有風 元淑性疏誕,不事產業,家徒壁立。後授驃騎將軍,將之官,無以自給。時長安富人宗

氏俱斬於涿郡,籍沒其家。 麗,以元淑鎭臨渝。及玄感作亂,其弟玄縱自駕所逃歸,路經臨渝。元淑出其小妻魏氏見 玄縱,對宴極歡,因與通謀,幷受玄縱賂遺。及玄處敗,人有告其事者,帝以屬吏,元淑及魏 有異志、遂與結交。遼東之役、領將軍、典宿衞、加光祿大夫、封萬國公。明年,帝復征高 從楊素平楊諒,以功進位柱國,歷德州刺史、潁川太守,並有威惠。入爲司農卿。

,元進自以相 元進,餘杭人。少好任俠,爲州里所宗,兩手各長尺餘,臂垂過膝。屬遼東之役,百姓骚 表非常,遂聚亡命。會玄感起於黎陽,元進應之。旬月,衆至數萬,將度江

燒而 在。 竹木皆有聲,至吳郡而落于地。 俄 以爕、崇俱爲僕射,署百官。 而 玄感敗。吳郡朱變、晉陵管崇亦舉兵,有衆七萬,共迎元進,奉以爲主,據吳郡,稱爲天子, 而緒、俱羅並得罪。江都郡丞王世充發兵擊之。有大流星墜於江都,未及地而 退,世充大破之。 世充度江,元進遣兵人各持茅,因風縱火。 其後董道沖、沈法興、李子通等並乘此而起。 元進及崇俱爲世充所殺。 帝令將軍吐萬緒、光祿大夫魚俱羅討焉。爲緒所敗,朱爕戰死。 元進惡之,令掘地入二丈,得一石,徑丈餘。數日,失石所 世充大懼,將棄營。遇反風火轉,元進衆懼 世充坑其衆於黃亭澗,死者三萬人。 南逝,磨拂

公,拜上儀同三司。 譎 詐, 素母 好學强記。 弟約。[8]約字惠伯。 文帝受禪、歷位長秋卿、鄜州刺史、至三宗正、大理二少卿 素友愛之,凡有所爲,先籌於約而行。 童兒時嘗登樹,墜地爲查傷,由是竟爲宦者。 在周末,以素軍 功賜爵安成縣 性如沈靜,內

勝數哉?又儲宮以所欲不行,每切齒於執政。 賂約,因通王意,說之曰:「夫守正履道,固人臣之常致;反經合義,亦達者之令圖 君子,莫不與時消息,以避禍患。公兄弟功名蓋世,用事有年,朝臣爲足下家所 時皇太子無寵,晉王廣規奪宗,以素幸於上而雅信約,乃用張衡計,遣宇文述大以金寶 公雖自結於人主,而欲危公者亦多矣。主上 屈辱者,可 自古賢

起余。」約知其計行,復謂素曰:「今皇后之言,上無不用,宜因機會,早自結託,則匪惟長保 成太山之安也。」約然之,以白素。。素本凶險,聞之大喜,乃撫掌曰:「吾智慧殊不及此,賴汝 樂祿,傳祚子孫。又晉王傾身禮士,聲名日盛,躬履節儉,有主上之風,以約料之,必能安天 若請立晉王,在賢兄之口耳。誠能因此時建大功,王必鏤銘於骨髓,至三斯則去累卵之危, 下。兄若遲疑,一旦有變,令太子用事,恐禍至無日。」素遂行其策,太子果廢。 旦棄羣臣,公亦何以取庇?今皇太子失愛於皇后,主上素有廢黜之心,此公所知也。今

約有學術,兼達時務,帝甚任之。後加右光祿大夫。 縊殺庶人勇,然後陳兵發凶問。 煬帝聞之曰:「令兄之弟,果堪大任。」卽位數日,拜內史令。 及晉王入東宮,引約爲左庶子,封脩武公,進位大將軍。及帝崩,遣約入京,易留守者,

朝。 謂曰:「公比憂瘁,得非爲叔也。」玄感再拜流涕曰:「誠如聖旨。」帝亦思約廢立功,由是徵入 未幾卒,以素子玄挺後之。 尋拜<u>淅陽</u>太守。其兄子玄感時爲禮部尚書,與約恩義甚篤,旣愴分離,形於顏色。帝 及帝在東都,令約詣京師享廟,行至華陰,見其先墓,遂枉道拜哭,爲憲司所劾,坐免

穆宇紹叔,暄弟也。 仕魏,華州別駕。

孝武末,弟寬請以澄城縣伯讓穆,詔許之。終于

幷州刺史,贈開府儀同三司、華州刺史。

於沙苑,封夏陽縣侯,位開府儀同三司、華州刺史。卒,諡靜。 穆弟儉,字景則,偉容儀,有才行。位北雍州刺史,政尚寬惠,夷夏安之。 後從破齊神武

宗正 遷西南道行臺兵部尙書。 禮,殆將滅性。及免喪之後,絕慶弔,閉戶讀書,數年之間,博涉書記。 揚州,詔令异每歲一與王相見,評論得失,規藏疑闕。卒於官。子虔遜。 太守,甚有能名,賜爵樂昌縣子,後數以軍功進爵爲侯。隋文帝作相,行濟州事,及踐阼,拜 一少卿,加上開府。 子异,字文殊,美風儀,有器局,髫齓就學,日誦千言,見者奇之。 蜀王秀之鎭益州也,朝廷盛選綱紀,以异方直,拜益州總管長史,尋 後歷宗正卿、刑部尚書,出爲吳州總管,甚有能名。 九歲丁父憂,哀毁過 周閔帝時,爲寧都郡 時晉王廣鎭

旣而 長,頗解屬文,尤尙武藝。 城 人等推寬守禦。 蠕蠕亂,其主阿那褒奔魏,魏帝詔鈞衞送,寬亦從行。 寬字蒙仁,檢弟也。少有大志,每與諸兒童遊處,必擇高大之物坐之,見者咸異焉。及 尋而城陷,寬乃北走蠕蠕,後討六鎭賊破,寬始得還朝 弱冠,除奉朝請。父鈞出鎭恒州,請隨從展効,乃授高闕戍主。 時北邊賊起,攻圍鎭城。 鈞卒,

廣陽王深與寬素相呢,深犯法得罪,寬被逮捕,孝莊時爲侍中,與寬有舊,藏之於宅,遇

莊 赦 得発。 厚恩未報,義不見利而動。願未之許,顧妹壻李神軌謂顯曰:「匹夫猶不可奪志,況義士 除宗正丞。北海王顥少相器重,時爲大行臺北征葛榮,欲啓寬爲左丞。寬辭以孝

乎。」乃止。 孝莊 踐作,累遷洛陽令,以都督從太宰、上黨王元天穆討平邢杲。師未還,屬元願入洛,

少與 白寬至。 孝莊於太行。仍爲都督,從平河內,進圍北中。時梁陳慶之爲顯勒兵守北門,天穆駐馬圍 帝出居河內,天穆懼,集諸將謀之。寬勸天穆徑取成事,會兵伊、洛。天穆然之,乃趣成 迹淪逆黨,人臣 令寬與 北海 至城下說慶之,不答,久之乃曰:「賢兄撫軍在,頗欲相見不。」寬答:「僕兄旣力屈凶 天穆撫髀而笑曰:「吾固知其必來。」遽出帳迎,握其手曰:「是所望也。」與天穆俱 周旋,今不來矣。天穆答曰:「楊寬非輕去就者也,吾當爲諸君明之。」言訖,候騎 、介朱兆爲後拒。 一之理,何煩相見。」天穆聞之,自此彌敬。 尋以衆議不同,乃回赴石濟。寬夜行失道,遂後期,諸將咸言寬

寬遠路不可 答曰:「太宰見愛以禮, 橋,「三」還逼京師,進寬使持節、大都督,隨機捍禦。世隆謂寬曰:「豈忘太宰相知之深也?」寬 |孝莊反正,除太府卿、華州大中正,封澄城縣伯。 ,遂自成皐奔梁。 人臣 之交耳,今日之事,事君之節。」及念朱兆陷洛陽,囚執孝莊帝, 至建鄴,聞莊帝弑崩,寬發喪盡禮,梁武義之。 **介朱榮被誅,其從弟世隆等出據河** 尋而禮送還。

列

倳

第

+

九

楊

傅。五 都督 除 僕射、將作大監,坐事免。 小冢宰,轉御正中大夫。 ,專總禁旅。 孝武 年,除驃騎 初 ,除給事黃門侍郎。 大將軍、開府儀同三司、都督、東雍州刺史,卽本州 從孝武 、入關、兼吏部尚書,錄從駕勳,進爵華山 周明帝初,拜大將軍,從賀蘭祥討吐谷渾,破之,別封宜陽縣公。 武成二年,詔寬與麟趾殿學士參定經籍。 孝武與齊神武有隙,遂召募驍勇,廣增宿衞,以寬爲閤 「郡公。 也。 廢帝初, 大統初,遷太子太 爲尙書左 內大

華、陝、虞、上、潞五州刺史,諡曰元。 其罪,〔晉〕時 寬 性 通敏有器幹,頻牧 論 頗以此譏之。 數州,號稱淸簡, 保定元 年,除總管梁興等十九州諸軍事、梁州刺史,薨於州,贈 子文思。至 歷居臺閣,有當官之譽。 然與柳慶不協,案成

討平之。 豐 拔晉州, 於博井,在陣禽叔仁。又別從王誼破賊於鯉魚栅。 縣 文思 進擊資中、武康、隆山等生獠及東山 授上儀同 天和 字溫才。〔長〕在周, 初,行武都太守。 三司, 改封承寧縣公。 年十一 十姓獠 ,拜車騎大將軍、儀同三司、散騎常侍。 反, 壽陽 獠, 文思討平之。 劉叔仁作亂 並破之。 後累以軍 復行 從陳王攻齊河 ,從淸河公宇文 功遷果毅 翼州 事。 左旅下大 陰城, 党項羌叛,文思文 神舉討之,至一戰 尋以父功,封新 夫。 又從武帝攻

隋文帝爲丞相,從韋孝寬拒尉遲迥於武陟,與行軍總管宇文述擊走其將李儁,遂解懷

年, 州 圍。 進 爵正平郡公。 破尉遲惇,平鄴城,皆有功。進授上大將軍,改封洛川縣公,尋拜隆州刺史。 後爲魏州刺史,甚有惠政,及去職,吏人思之,爲立碑頌德。 開皇元

復授 煬 戶部尚書,位右光祿大夫。卒官,諡曰定。初文思當襲父爵,自以非嫡,遂讓弟紀,當 帝嗣位,徵爲戶部尙書,轉納言,改授右光祿大夫。 從幸江都宮,以足疾,不堪趨奏,

世

多之。

刺

史。

其爵位,拜熊州刺史,改封上明郡公。 汾陰縣公。 王瑗於齊安,與陳將周法尙遇,擊走之,以功進開府。入爲虞部下大夫。文帝爲丞相,改封 紀字溫範,少剛正,有器局。在周,襲爵華山郡公。 卒,諡曰恭。 從梁睿討王謙,以功進授上大將軍。歷資州刺史、宗正少卿,坐事除名。 除宗正卿,兼給事黃門侍郎,判禮部尚書事。 累遷安州總管長史,將兵迎陳降將 遷荆州 後尋復

天下。而言色恂 論 楊播兄弟俱以忠毅謙謹,荷內外之任,公卿牧守,榮赫累朝,所謂門生故吏遍於 恂, 出 於誠至,恭德愼行,爲世師範,漢之陳紀,門法所 不過焉。 後魏以來,

五二七

門而已。 諸子秀立,青紫盈庭,積善之慶,蓋有憑也。及逆胡擅朝,淫刑肆毒,以斯族而

遇斯禍,何報施之反哉。

身全名,辭寵招福。朝廷之釁,旣已仗義斷恩;猜忌之塗,無容推心受亂。是知變通之術, 及寄天下之命,託六尺之孤,旬朔未幾,身亡君辱。進不能送往事居,觀幾衞主,退不能保 悟雅道風流,早同標致,公望人物所推。夫處亂虐之世,當機衡之重,朝有善政,是也。

非所長也。

霜露,究其禍敗之源,實乃素之由也。 **諛時主,高下其心。** 凶靜亂,功臣莫居其右;覽其奇策高文,足爲一時之傑。然以智詐自立,不由仁義之道,阿 帝將淸六合,委以腹心之寄。 掃妖氛於牛斗,江海恬波,摧驍猛於龍庭,匈奴遠遁。 若其夷 處道少而輕俠,俶儻不羈,棄文武之資,包英奇之略,志懷遠大,以功名自許。 營構離宮,陷君於奢侈,謀廢冢嫡,致國於傾危。終使宗廟丘墟,市朝 屬隋文

事,將肆漭、卓之心,人神同疾,敗不旋踵。昆弟就葅醢之誅,先入受焚如之酷,不亦甚乎。 約外示溫柔,內懷狡算,爲蛇畫足,終傾國本,俾無遺育,不亦宜哉。寬閒關夷險,竟以

功名自卒。

文思能以爵讓,其殆仁乎。

時車駕耀威沔水 諸本「沔」上有「城」字、魏書卷五八楊播傳無。 按魏書卷七下高祖紀太和二 且當時魏軍攻沔北樊城不

武而還」,不言在此築城。

下,遂即退兵,也無在沔北築城的可能。 「城」字行文、今據删。

十二年三月記此事,但云:「觀兵襄沔,耀

至州借入田 魏書「人」作「民」、北史避唐諱改。

令其子子彥等領騎與侃於恒農北度 諸本「彥」訛「產」,據魏書卷五八楊侃傳及通鑑卷一五二

四七三四頁、本書卷二二長孫承業傳改。

29 未若召發入材 魏書「人」作「民」。 按「民材」指民間材木、北史避唐諱改、易滋誤會。 云:「屬馬渚諸楊云有小船數艘,求爲

按本書卷四八念朱榮傳

፺.

於是尒朱兆等於馬渚諸楊南度

宗人收 鄉導。 |祭乃 令都督介朱兆等率精騎夜濟。」周書卷三四楊捌傳,言元顯入洛 人居於 馬渚,故稱馬渚諸楊。 這裏「於」字疑是「與」之訛 孝莊帝 部類 率其

. ∵ ∵ 後為中部法曹折 船馬渚 」。楊摽族 訟 公正 魏書卷五寸 八楊椿傳無「法」字。 按「中部法曹」或「中部曹」 都不見於

魏書官氏志。 其時 有 外都、 內都、中都大官,號爲三都,主折獄。 見本書卷十九咸陽王禧、趙郡

王幹、廣陵王羽等傳。 疑「部」是「都」之誤、「中都法曹」或「中都曹」、當是中都大官屬僚

列 = + 九 校 勘 記

- 韶依 斷以贖 論 魏書作「韶依寺斷,聽以贖論」。按寺指延尉寺。「寺」「聽」二字不宜省。
- 兄子侃 諸本「侃」作「保」, 魏書、 通志卷一五〇上楊椿傳作「侃」。按事見上文侃本傳。「保」
- 字訛,今據改。
- へたし **吾是以知恭儉之德漸不如上也** 魏書「上」下有「世」字,此不宜省。
- 於後終以不言蒙責及二聖間言語終不敢輒爾傳通 『賞』字 百衲本作「貴」。 ,截句,則下『及二聖間』云云,不可解。」按通志卷一五〇上楊椿傳正作「責」。 張元濟云:「按『貴』疑『責』之訛,『蒙責及二聖問言語』自爲句。 南、北、汲、殿四本及魏書「貴」字作「賞」 若作『貴』及 張說是一个
- 昱字元略 魏書卷五八楊昱傳「略」作「晷」。 按「昱」「晷」文義相應,疑作「晷」是。

據改。

- 津字羅漢本字延祚孝文賜改焉 本 字 延祚 而反改字羅漢。 疑本字羅漢、孝文改爲延祚、方合。 張森楷云:「按津兄播字延慶,椿字延壽,皆孝文賜改,不應津 然魏書亦如是,則其誤
- 二三 因 拜 津左 中郎將 諸本「左」下行「右」字、據魏書卷五八楊津傳删
- 傳也作「五」。 詔 卽 可,無須重複數字。 聽貸 五 萬 上云「尚書令、臨淮王彧以爲宜貸二萬」, 南、北、汲、殿四本及魏書「五」作「二」, 正因最後決定數字不同,所以明白標出。 百衲本作「五」。 若莊帝同意元彧意見,則 作「五」是,今從百衲本。 按 通志卷一五〇上楊津 止 云認

- 二吾 與友人中直侍郎河間邢卻隱於嵩山 按本書卷四三邢卻傳「中直」作「中書」,此疑誤。
- **悟從兄幼卿爲岐州** 刺史 通志卷一五三楊愔傳「幼」作「稚」。 按魏書卷五八楊播傳,播弟順有
- 郭秀素害其能 子名稚卿,自卽此人。 諸本「秀」作「季」, 北齊書卷三四補、 通志卷一五三楊愔傳作「秀」。 北史避唐諱、改「稚」爲「幼」。 按事見本

書卷九二郭秀傳、今據改。

- 若自沈者 諸本「自」作「見」,北齊書及通志作「自」。 按「見沈」是爲人所沈,與上文「棄衣冠」
- 意思不合。「見」是形似致訛,今據改。
- [1式] 入精廬禮拜 諸本脫「入」字,據北齊書、通志補。
- 書卷四、本書卷六齊文宣紀,天保八年四月,並載「以尚書右僕射 楊愔 又拜開府儀同三司尚書左僕射 諸本「左」作「右」。按上文已云遷右僕射,不當復遷右。 爲左僕射」, 可証這裏作

「右」誤,今據改。

- に言う 卿前在元子思坊騎秃尾草驢經見我不下 過」字。按可能北史原文有「過」字,今本北史及北齊書並脫,通志以其不順,並删「經」字。 通志無「經」字,册府卷七九九九四九一頁「經」下有
- 誤以盧士深爲士琛士深自言 卷三五盧玄傳。 下文楊愔云:「盧郎潤朗,所以比玉」, 諸本「深」「琛」二字互易, 據北齊書、 正是爲其錯誤辯解。 通志改。 盧士深附見魏書 可証「士深」乃是

列

傳

第二十九

校勘

記

本名。

悟嘗見其門外有富胡數人 諸本無「悟」字, 北齊書有。 按若無「愔」字, 則似高隆之見悟門外

有富胡,於文意不符。 今據補。

有宮人李昌儀者北豫州刺史高仲密之妻 各本「李」作「季」,殿本據北齊書改作「李」。 按高仲

密後妻,趙郡李徽伯女,見本書卷三一高愼傳。 殿本改是,今從之。

將涉千里殺騏驥 而策蹇驢 諸本「驥」作「驎」, 北齊書作「驥」。 張元濟云:「騏驎誤,騏驥千里

馬。」按張說是。 今據改。

廣漢下洛人 按魏書地形志無此郡縣。 晉書卷一四地理志幽州廣寗郡有下洛縣, 兩漢地志並

志卷二二氏族略燕氏條云:「望出上谷、范陽。」則此「廣漢」當是「廣寗」之訛。至於益州之廣漢, 作下落,屬上谷郡。 廣寗, 兩漢爲縣,亦屬上谷,晉時爲郡,卽自上谷分置,故下洛改屬之。 }通

並無下洛縣。 且地屬南朝、燕子獻當非此郡人。

印 追封臨貞縣伯 諸本「追」作「進」,周書卷二二楊寬傳作「追」。按此是死後所封,當作「追」,今

據改。

素又言曰 隋書卷四八楊素傳「又」作「大」,是。

[三亞] 改封成安縣公 按下文「成安」作「安成」。

尋從韋孝寬徇淮南 諸本「淮」作「譙」,隋書楊素傳作「淮」。 按本書卷六四章孝寬傳作

今據改。

江浙賊高智慧自號東揚州刺史、按隋書「江浙」作「浙江」。隋書卷二高祖紀開皇十年十一 作「會稽人高智慧」。 會稽郡即在浙江今歲塘江之南,疑此作「江 浙」是誤倒。 月

= 素
撃
走
之 諸本脱「之」字,據隋書、通志卷一六○楊紫傳補

於是賜錢百萬綿絹三千段 隋書百衲本「綿」作「縎」,從上讀。按綿不可以段計,疑是「縎」之訛。

[ME] 與鹿角爲方陣 隋書[與]作「輿」。作「與]疑誤。

に置い 素日 此 乃自固之道 隋書此下有「非取勝之方也」,不當删。

(元) 素衝擊大破之 諸本脱「之」字,據隋書、通志補。

·] 至如吉凶不由於此 諸本脫「此」字,據隋書補。

遣茹茹 天保 往 東蒲 州 **答** 往 東」作「來據」。 按地志無「東蒲州」, 「東」字疑是「來」之誤。

CIRT)諒退保幷州 諸本脫「諒」字,據隋書、通志補。

尋拜太子 稱:「以尚 太師 書令楊素 諸本 爲太子太師。] 此誤 無「太子」二字, 隋書有。 脱,今據補。 按本書卷十二、隋書卷三煬帝紀大業元年七月

太史言 楚 分 野 有 大 喪 因 改封 素於楚 李慈銘云:「隋書作『隋分野』。 下 云『楚與隋同 分, 欲以

列

傳

第

+

九

校

勘

記

此厭當之』,情事甚顯。此省數語,改『隋』爲『楚』,便失事實。一

還至達斗拔谷 諸本「斗」作「升」,隨書卷七十、通志卷一六〇楊玄威傳作「斗」。 按本書卷十

凉州西二百里有大斗軍,本赤水守捉,開元十六年爲軍,因大斗拔谷爲名。」「升」乃「斗」之訛, 二、隋書卷三煬帝紀,大業五年六月作「大斗拔谷」。 通鑑卷一八一五六四六頁胡註云:「新唐志:

个據改。

[四] 閉城大募男夫 隋書「募」作「索」,疑是。

[四] 每有誓衆曰 [隋書無「有」字〕疑此行。

[四五] **江淮之間則鞠爲茂草** 諸本「江淮」誤倒,據隋書、通志乙。

公司 雄、自有專傳。 玄感與前戶部尚書李子雄計曰 而隋書卷四六之李雄,本書卷三三改作李子雄附其父李裔傳後。這裏沿隋書原 按此李子雄,隋書卷七〇附楊玄威傳後。本書卷七四改作李

文作「李子雄」,與本書卷三三之李子雄自相混淆。

[四十] 通不能濟 諸本脱「通」字,據隋書、通志補。

萬石弟仁行官至朝議大夫 九年,則其時已無朝議大夫,隋書是。 議大夫。大業三年改革官制,省朝議大夫,新置散官有朝請大夫,班正五品。 **院書「朝議」作「朝請」。按隋書卷二八百官志**, 隋初文散官有朝 仁行被殺在大業

- [四] 初從高寶寧 諸本脫「寧」字,據隋書、通志補。
- CE01 素母弟約 隋書卷四八楊約傅云:「素異母弟也。」此疑脫「異」字。
- 鄜州刺史 此州刺史。 後周置邵州、大業初州 隋書「鄜」作「邵」。 按「鄜州」即「敷州」。 廢 見隋書卷三〇地理志絳郡垣縣註。楊約當是作邵州 楊約父名「敷」、當時避諱甚謹、疑不得爲 刺 史。
- 王必鏤銘於骨髓 六〇正作「鏤」。 「鎭銘」不可通,今從通志改。 諸本及隋書「鏤」作「鎭」,馮夢禛云:「『鎭』字恐譌,疑當作『鏤』。」 按通志卷
- 據改。 其從弟世隆等出據河橋 諸本「隆」作「澄」,周書作「隆」。 按事見本書卷四八介朱世隆傳,今
- 是。 然與柳慶不協案成其罪 云:「又與楊寬有隙。 柳機 爲慶子,出仕較晚,與寬不相及。 及寬參知政事,遂見疏忌。」又言楊寬囚慶故吏,求慶罪失。 諸本「慶」作「機」, 周書作「慶」。 按本書卷六四、 周書卷二二柳慶傳 今據周書改。 周書作「慶」
- 子文思 紀及族父异,並尚書列卿。」又寬祖名「恩」,不得名其子曰「文恩」。 諸本「思」作「恩」,隋書卷四八楊素傳作「文思」。按本卷上文楊素傳云:「從父文思、弟 此形似致訛,今據改。
- 文思字溫 ,當以『才』爲是。 才 百衲 本、南本、北本「才」作「仁」、、隋書作「才」。 今從隋書。」 殿本改證云:「上文文思父寬字蒙

列

傳

第

壽陽劉叔仁作亂從清河公宇文神舉討之 按周書卷四〇字文神舉傳云,「幷州平, 即授幷州

志之故壽陽、蓋卽此傳字文神學傳之東壽陽。」據此、 陽縣下註云:「開皇十年改州南受陽縣爲文水,分州東故壽陽置壽陽。」錢氏考異卷三一云:「隋 刺史」,「所部東壽陽縣土人相聚爲盜」,「神舉以州兵討平之」。隋書卷三〇地理志中太原郡壽 則周時之壽陽卽受陽, 同時另有東壽陽,即

後來隋時之壽陽。這裏「壽陽」上應有「東」字。

五三六

北史卷四十一

列傳第三十

劉芳 孫逖 芳從子懋 常爽

德也。 也,或屛左右,談說至夜分不罷。 禮,帝甚哀惻之。遂語及爲國之道,肅所陳說,深會旨,帝促席移景,不覺坐之疲也。 十七年,肅自建鄴來奔。孝文時幸鄴,聞其至,虛衿待之,引見問故。 言蕭氏危亡之兆,可以乘機,帝於是圖南之規轉銳。 庸少聰辯,涉獵經史,頗有大志。 仕齊,位祕書丞。 父與及兄弟並爲齊武帝所殺。 太和 王肅字恭懿,琅邪臨沂人也。父奐,齊雍州刺史,南史有傳。 尋除輔國、大將軍長史,自則賜爵陽伯。 肅亦盡忠輸誠,無所隱避,自謂君臣之際,猶孔明之遇玄 肅固辭伯爵,許之。 器重禮遇,日有加焉,親貴舊臣莫之間 庸辭義敏切,辯而有 肅因

韶熽討齊義陽,聽招募壯勇以爲爪牙,其募士有功,賞加等,其從肅行者,六品已下聽 第 Ξ + 王 肅 一五三七

列 傳

先擬 州刺史、揚州大中正。 一日三歲,我勞如何。 用,以後聞;若投化人,聽五品已下先卽優授。 , 肅善撫接, 甚有聲稱。 尋徵入朝, 帝手詔曰: 「不見君子, 中心 飾館華林、拂席相待、卿欲以何日發汝墳也。」又詔曰:「肅丁茶虣世, 肅至義陽,頻破賊軍,除持節、都督、豫 如醉,

志等伍胥,窮踰再期,蔬縕不改。有司依禮喩之,爲裁練禪之制。」

心未至之所致也。朕志確然,死而後已。」是夜,澍雨大降。 未闕一飧,陛下輟膳三日,臣庶惶惶,無復情地。」帝遣答曰:「雖不食數朝,猶自無處, 股誠 致災,是以國儲九年,以禦九年之變。昨四郊之外已蒙滂澍,唯京城之內微爲少澤。 陛下輟膳,已經三旦,羣臣不敢自寧。臣聞堯水湯旱,自然之數,須聖人以濟世,不由聖以 二十年七月,帝以久旱不雨輟膳,百僚詣闕。帝在崇虛樓,遣舍人問肅。 對曰:「伏承 蒸庶

以破齊將裴叔業功,進號鎭南將軍,加都督四州諸軍事,封汝陽縣子。 肅頻表固讓,不

許、詔加鼓吹一部。

以付肅,三使紓泄哀情。 初,齊之收肅父與也,與司馬黃瑤起攻與殺之。二十二年平漢陽,瑤起爲輔國將軍,特

謀謨。自魯陽至京洛,行途喪紀,委肅參量,憂勤經綜,有過舊戚。禧兄弟並敬昵之,上下 孝文崩,遺詔以肅爲尚書令,與咸陽王禧等同爲宰輔,徵會駕魯陽。 肅至,遂與禧參同

所奏劾,稱潚謀叛,事尋申釋。 可;從叔廣陽,宗室尊宿,歷任內外,云何一朝令庸居其右也。」〔三〕肅聞,恒降避之。 稱爲和輯。 唯任城王澄以其起自羇遠, 韶肅尙陳留長公主,本劉昶子婦彭城公主也,賜錢二十萬、 一旦在己之上,每謂人曰:「朝廷以王肅加我上,尙 尋爲澄

考檢能否。」從之。 肅奏:「考以顯能,陟由績著,升明退闇,於是乎在。 自百僚曠察,四稔于茲,請依舊例,

帛三千疋。

淸身好施,簡絕聲色,終始廉約,家無餘財。 常侍、都督淮南諸軍 獻 齊豫州刺史蕭懿屯小峴,交州刺史李叔獻屯合肥,將圖 · ,孝文毎以此爲言 走蕭懿。 裴 叔業以壽春內附,拜肅使持節、都督江西諸軍事, 還京師,宣武臨東堂,引見勞之,進位開府儀同三司,封昌國縣侯。 事、揚州刺史。 庸頻在邊,悉心撫接,遠近歸懷,附者若市,咸得其心。 然性微輕佻,頗以功名自許,護疵稱伐,少所推 壽春。 與彭城王勰率步騎十萬以赴之。 **肅進師討擊**, 大破之, 尋爲散騎 禽叔

歿, 窓於首陽, 司空李沖, 覆舟是託, 顧瞻斯所, 亦二代之九原也。 千疋、布五百疋、蠟三百斤,幷問其卜遷遠近,專遣侍御史一人監護喪事。 景明二年,薨於壽春,年三十八。宣武爲舉哀,給東園祕器、朝服一襲、錢三十萬、帛 故揚州刺史肅,忠義結於 又詔曰:「杜預之

列

傳

第

三十

王廟

間,使之神游相得也。」贈侍中、司空公。 世,英惠符於李、杜。 平生本意,願終京陵,旣有宿心,宜遂先志。 有司奏以肅貞心大度,宜諡匡公,詔諡宣簡。 其令葬於沖、預兩墳之 明帝

初,詔爲肅建碑銘。

自晉氏喪亂,禮樂崩亡,孝文雖釐革制度,變更風俗,其閒朴略,未能淳也。 肅明練舊

事,虛心受委,朝儀國典,咸自肅出。子紹襲。

紹字三歸,位中書侍郎。 卒,贈徐州刺史。子遷襲,齊受禪,爵隨例降。

紹弟理,孝靜初得還朝,位著作佐郎。 紹,肅前妻謝生也。 肅臨薨,謝始指女及紹至壽

春。

宣武納其女爲夫人,明帝又納紹女爲嬪。

|肅弟康,[2]字||文政,涉獵書史,微有兄風。 宣武初,攜兄子誦、翊、衔等入魏,拜中書侍

郎。卒幽州刺史、贈征虜將軍、徐州刺史。

夫、右將軍、幽州刺史、長兼秘書監、 誦字國章 ,肅長兄融之子。 學涉有文才,神氣淸儁,風流甚美。 給事黃門侍郎。 明帝崩, 靈太后之立幼主也, 歷位散騎常侍、光祿大 於時大

赦。 誦宣讀詔書,言制抑揚,風神竦秀,百僚傾屬,莫不歎美。 孝莊初,於河陰遇害,贈尚書

子孝康,尚書郎中。 左僕射、司空公,諡曰文宣。

孝康弟儁康,至性清雅,頗有文才,齊文襄王中外府祭酒。

獻。 牛從軍,久乃見釋還洛。孝靜初,位侍中。卒,敕給東園秘器,贈尙書令、司徒公,諡曰文 人稱其敦厚。 七兵二尚書、太常卿。出爲散騎常侍、西兗州刺史,爲尒朱仲遠所禽,以其名望,不害,令騎 竹篇於交舊,有故人竺鯱,於西兗州爲仲遠所害,其妻子飢寒,衍置於家,累年贍恤,世 |誦弟||衍,字||文舒,名行器藝亞於||誦。 位光祿大夫、廷尉卿、||揚州刺史、大中正、 [六] 度支

空公、徐州刺史。 於元叉。爲濟州刺史,清靜有政績。入爲散騎常侍、金紫光祿大夫,領國子祭酒。卒,贈司 |翊字|||游,||肅次兄琛子也。[刊]||風神秀立,好學有文才,位中書侍郎。 頗銳於榮利,結婚

子深,云武定中,儀同、開府記室參軍。

劉芳字伯支,彭城叢亭里人,漢楚元王交之後也。六世祖訥,晉司隸校尉。 祖該,宋

青、徐二州刺史。 父邕,宋克州長史。

芳出後宋東平太守遜之。 邕同劉義宣之事,身死彭城,芳隨伯母房逃竄靑州,會赦免。

列傳第三十 劉芳

舅元慶,爲宋青州刺史沈文秀建威府司馬,爲文秀所殺。 芳母子入梁鄒城。慕容白曜南計

唐、齊,梁鄒降,

芳北徙爲

平齊人,

時年十六。

振。 論以自慰。 夜則誦經不寢,至有易衣併日之弊,而澹然自守,不急急於榮利,不戚戚於貧賤,乃著窮通 播,拒不見之。 南部尚書李敷妻、司徒崔浩之弟女、芳祖母、浩之姑也。 由是與德學大僧多 常爲諸僧傭寫經論,筆迹稱善,卷直一縑,歲中能入百餘疋,如此數年,賴以頗 芳雖處窮窘之中,而業尚貞固。 有還往 聰敏過人,篤志墳典,晝則傭書以自資給, **芳至京師,詣敷門,催恥芳流**

侍坐講讀。 兄也、擢芳兼主客郎、與纘相接。拜中書博士。 時中官李豐主其始末,知芳篤學有志行,言之於太后,微愧於心。 日隆,賞賚豐渥。 而詔芳與產入授皇太子經,遷太子庶子,兼員外散騎常侍。 時有南方沙門慧度以事被責,未幾暴亡,芳因緣聞知,文明太后召入禁中,鞭之一百。 |芳才思深敏,特精經義,博聞强記,兼覽蒼雅,尤長音訓, 俄無通直常侍,從駕南巡,撰述行事,尋而除正。 後與崔光、宋弁、邢產等俱爲中書侍郎。 從駕洛陽,自在路及旋京師,恒 會齊使劉纘至,芳之始族 辯析無疑。 於是禮遇 俄

「古者唯婦人有笄,男子則無笄。」芳曰:「推經禮正文,古者男子婦人俱有笄。」肅曰:「喪服 王肅之來奔也,孝文雅相器重,朝野屬目。 |芳未及相見。嘗宴羣臣於<u>華</u>林,肅語次云:

共討論,皆謂此義,如吾向言。今聞往釋,頓祛平生之惑。」芳理義精贍,類皆如是。 訪,故時人號爲劉石經。酒闌,芳與潚俱出。潚執芳手曰:「吾少來留意三禮,在南諸儒,亟 也了,曹漢世造三字石經於太學,至學者文字不正,多往質焉。芳音義明辯,疑者皆往詢 **繩笄總。』以茲而言,男子有笄明矣。」高祖稱善者久之。|肅亦以芳言爲然,曰:「此非劉石經** 也。 初遭喪,男子兔,時則婦人髽,男子冠,時則婦人笄。言俱時變,男子婦人兔髽、冠笄之不同 稱男子兔而婦人髽,男子冠而婦人笄,如此則男子不應有笄。」芳曰「此專謂凶事也。禮, 又冠尊,故奪其笄,且互言也。非謂男子無笄。又禮內則稱:『子事父母,鷄初鳴,櫛

·覽卿注,殊爲富博。但文非屈、宋,理慚脹、賈。 旣有雅致,便可付之集書。」詔以<u>芳經</u>學精 |孝文遷洛,路由朝歌,見殷比干墓,愴然悼懷,爲文以弔之。 |芳爲注解,表上之。 詔曰:

治,超遷國子祭酒。以母憂去官。

外叛、日日除州大水、遣芳撫慰振恤之。 兼侍中,從征 州,疆埸之人,頗懷去就。 練祭,始末 帝征宛、鄧,起爲輔國將軍、太尉長史,從太尉、咸陽王禧攻南陽。齊將裴叔業入寇徐 喪 事,皆芳撰定。 馬圈。 孝文崩於行宮,及宣武即位,芳手加袞冕。 帝憂之,以芳爲散騎常侍、國子祭酒、徐州大中正,行徐州事。後 咸陽王禧等奉申遺旨,令芳入授宣武經。及南徐州刺史沈陵 孝文襲歛,暨乎啓祖、山陵、

列

錯。校量舊事,應在宮門之左。至如太學,基所見存,仍舊營構。 門。自己蔡氏勸學篇云:「周之師氏居武門左。」今之祭酒則周師氏。洛陽記:「國子學官 在外,明矣。臣謂今旣徙縣崧濹,皇居伊洛,宮闕府寺,僉復故址,至於國學,豈宜舛 注:「內則設師保以敎,使國子學焉,外則有太學庠序之官。」由斯而言,國學在內,太學 與天子宮對。自己太學在開陽門外。」案學記云:「古之王者,建國親人,教學爲先。」鄭氏 夫爲國家者罔不崇儒尊道,學校爲先。唐虞以往,典籍無據,隆周以降,任居武

尋先旨,宜在四門。 案王肅注云:「天子四郊有學,去都五十里。」 考之鄭氏,不云遠近。 師保以教,使國子學焉,外則有太學庠序之官。」此其證也。漢、魏已降,無復四郊。謹 承師而問道。」周之五學,於此彌彰。案鄭注學記,周則六學,所以然者,注云:「內則設 學而太子齒。」注云:「四學,周四郊之虞庠也。」大戴保傅篇云:「帝入東學,尙親而貴 或尙東,或尙西,或貴在國,或貴在郊。爰暨周室,學蓋有六.師氏居內,太學在國,四 仁,帝入南學,尙齒而貴信,帝入西學,尙賢而貴德,帝入北學,尙貴而尊爵,帝入太學, 小在郊。禮記云:「周人養庶老於虞庠,虞庠在國之四郊。」禮又云:「天子設四學,當入 又去太和二十年,自己發敕立四門博士,於四門置學。臣案:自周已上,學唯以二,

曠,以臣愚量,同處無嫌。 今太學故坊,基址寬曠。 四郊別置,相去遼闊,檢督難周。 且今時制置,多循中代,未審四學應從古不?求集儒禮官 計太學坊幷作四門,猶爲太

議其定所。

從之。遷中書令,祭酒如故。

斟 「酌古今,爲大議之主,其中損益,多芳意也。 出 .除青州刺史,爲政儒緩,不能禁止姦盜;然廉淸寡欲,無撓公私。 宣武以朝儀多闕,其一切諸議悉委芳修正, 還朝,議定律令,芳

轉 太常卿。 劳以所置五郊及日月之位,去城里數於禮有違,又靈星、周公之祀,不應隸

《常。乃上疏曰:

於是朝廷吉凶大事,皆就諮訪焉。

薦瞽言 臣 . 聞國之大事,莫先郊祀,郊祀之本,實在審位。 臣學謝全經,業乖通古,豈可輕 ,妄陳管說。 竊見所置壇祠,遠近之宜,考之典制,或未允衷,旣曰職 司,請陳

膚淺。

日。『王出 東郊,木帝太昊,八里。」許愼云:「東郊,八里郊也。」鄭玄孟春令注云:「王居明堂。 孟春令云:「其數八。」又云:「迎春於東郊。」盧植云:「東郊,八里郊也。」賈逵云: 十五 里 迎歲。』蓋殷禮也。 周禮,近郊五十里。」鄭玄別注云:「東郊去都城八

列傳

第

三 十

劉芳

據也。宋氏含文嘉注云:「周禮,王畿內千里,二十分其一,以爲近郊。近郊五十里,倍 **逵云:「北郊,水帝顓頊,六里。」許愼云:「北郊,六里郊也。」鄭玄云:「北郊去都城六** 并南郊之季,故云兆五帝於四郊也。」鄭玄云:「中郊, 西南未地, 去都城五里。」此又中 審據也。中央令云:「其數五。」盧植云:「中郊,五里之郊也。」賈逵云:「中兆黃帝之位, 里。」高誘云:「迎春氣於東方,八里郊也。」王肅云:「東郊八里,因木數也。」此皆同謂春 里,西郊九里,北郊六里,中郊在西南未地五里。」祭祀志云:「建武二年正月,初制郊兆 之爲遠郊。迎王氣蓋於近郊。漢不設王畿,則以其方數爲郊處,故東郊八里,南郊七 里。」高誘云:「北郊、六里之郊也。」王肅云:「北郊六里、因水數也。」此又北郊六里之審 之審據也。孟冬令云:「其數六。」又云:「迎冬於北郊。」盧植云:「北郊,六里郊也。」賈 城九里。」高誘云:「西郊,九里之郊也。」王肅云:「西郊九里,因金數也。」此又西郊九里 郊。」賈逵云:「西郊,金帝少昊,九里。」許慎云:「西郊,九里郊也。」鄭玄云:「西郊去都 郊五里之審據也。孟秋令云:「其數九。」又云:「以迎秋於西郊。」盧植云:「西郊,九里 七里。」高誘云:「南郊、七里之郊也。」王肅云:「南郊七里、因火數也。」此又南郊七里之 郊。」賈逵云:「南郊,火帝,七里。」「三許愼云:「南郊,七里郊也。」鄭玄云:「南郊去都城 郊八里之明據也。孟夏令云:「其數七。」又云:「迎夏於南郊。」盧植云:「南郊,七里

也。 於雒陽城南七里,依採元始中故事,北郊在雒陽城北四里。」此又漢世南、北郊之明據 今地祇準此。 至如三十里郊,進乖鄭玄所引殷、周二代之據,退違漢、魏所行故

凡邑外日郊。 今計四郊各以郭門爲限,里數依上。

今仍舊。 云:「祭日於壇,祭月於坎。」今計造如上。禮儀志云:「立高禖祠于城南。」不云里數,故 {禮 ,朝拜日月皆於東西門外。 今日月之位,去城東西,路各三十,竊又未審。 禮又

郊廟 農,縣又祠靈星。」此靈星在天下諸縣之明據也。周公廟所以別在洛陽者,蓋緣姬旦創 史,其令天下立靈星祠,性用太牢,縣邑令、長侍祠。」晉祠令云:「郡、縣、國祠社禝、先 陽 移太常,恐乖其本。天下此類甚衆,皆當部郡縣修理,公私施之禱請。 成洛邑,故傳世洛陽,崇祠不絕,以彰厥庸。夷、齊廟者,亦世爲洛陽界內神祠。今並 ,於國一也,然貴在審本。 神祇自有常限,無宜臨時斟酌以意,若遂爾妄營,則不免淫祀。二祠在太常,在洛 靈星本非禮事,兆自漢初,專爲祈田,恒隸郡縣。郊祀志云:「高祖五年,制詔御 竊惟太常所司,

野罄 人開 臣 以 庸蔽,謬忝今職,考括墳籍,博采羣議,旣無異端,謂粗可依據。 ,遷易郊壇,二三爲便。 今玄冬務隙,

詔曰:「所上乃有明據,但先朝置立已久,且可從舊。」

芳乃探引 被報聽許,數旬之間,頻煩三議。于時朝士頗以崇專綜旣久,不應乖謬,各默然無發論者。 大,不容輒決,自非博延公卿,廣集儒彥,討論得失,研窮是非,無以垂之萬葉,爲不朽之式。 而 不會問 後崇爲太樂令,乃上請尚書僕射高肇,更共營理。宣武詔芳共主之。芳表以禮樂事 先是,孝文於代都詔中書監高闆、太常少卿陸琇弁公孫崇等十餘人修理金石及八音之 ·經誥,搜括舊文、共相難質,皆有明據,以爲盈縮有差,不合典式。 |崇雖示相 意,卒無以 自通。 尚書依事述奏,仍詔委<u>芳</u>別更考制。 於是學者彌歸宗焉。 ...酬答,

芳以社禝無樹,又上疏曰:

我對 也。」此其一證也。又小司徒封人職云:「掌設王之社壝, 云: 「不言稷者,王主於社。稷,社之細也。」此其二證也。 正解所以有樹之義,了不論有之與無也。此其四證也。 一設其社 日:夏后氏以松,殷人以栢,周人以栗。」是乃土地之所宜也。 "CIKI「社、禝所以 依 合朔儀注: .禝之壝而樹之田主,各以其社之所宜木。」鄭玄注云:「所宜木,謂若松栢栗 日 有變,以朱絲爲繩,以繞係社樹三匝。而今無樹。又周禮大司徒職 有樹何也? 拿 而 識之也,使人望見即敬之,又所以表功 又論語曰:「哀公問社 此云「社、禝所以有樹何」,然 爲畿封而樹之。」鄭玄注云: 此其三證 於宰我,宰 也。 也。」案此 叉白

班社 皆有垣無屋,樹其中以木。 北社惟槐。」此其六證也。此又太社及四方皆有樹別之明據也。 也。 則禝亦有樹明矣。又五經通義云:「天子太社、王社、諸侯國社、侯社、制度奈何。日、社 此最其丁寧備解有樹之意也。又五經要義云:「社必樹之以木。 而樹之,各以土地所生。尚書逸篇曰:太社惟松,東社惟栢,南社惟梓,西社惟栗, 有木者,土主生萬物,萬物莫善於木,故樹木也。|此其五 又見諸家禮圖, 周禮司徒職曰:

也。江北愚以爲宜植以松。何以言之。逸書云「太社惟松」,今者植松,不慮失禮。 栗」,便是世代不同。而尚書逸篇則云「太社惟松」,如此,便以一代之中而立社各異 無成證。 雖辯有樹之據, 稷乃社之細、蓋亦不離松也。 猶未正所植之木。案論語稱「夏后氏以松, 殷人以栢, 周人以 惟稷

圖皆畫爲樹,唯誠社、誡稷無樹。此其七證也。

宣武從之。

爲納芳女,芳辭以年貌非宜,帝歎其謙愼。帝更敕芳舉其宗女,芳乃稱其族子長文之女,孝 芳沈雅方正,概尚甚高,經傳多通,孝文尤器敬之,動相顧訪。太子恂之在東宮,孝文欲

文乃爲恂娉之,與鄭懿女對爲左右孺子焉。

崔光於芳有中表之敬,每事詢仰。芳撰鄭玄所注周官儀禮音、干寶所注周官音、王肅

辯類 所注尚書音、何休所注公羊音、范甯所注穀梁音、韋昭所注國語音、范曄後漢書音各一 周官儀禮義證各五卷。 三卷,徐州人地錄二十卷,急就篇續注音義證三卷,毛詩箋音義證十卷,禮記義證 崔光表求以中書監讓芳,宣武不許。卒,贈鎭東將軍、徐州刺 卷,

軍、大司農卿。 爲行臺出 長子懌,字祖欣,雅有父風,頗好文翰。 使,所歷皆有當官之稱。 卒,贈徐州刺史,諡曰 轉通 簡。 直散騎常侍、徐州大中正,行郢州事,尋遷安南將 歷徐州別駕、兗州左軍府長史、司空諮議參軍,

史,諡文貞侯。

無子,弟廠以第三子躞爲後。

未能精盡, 初,除散騎 太后臨朝, <u></u>
廞字景興,好學强立。 mi 常侍,遷驃騎大 叉與太后兄子 風 采音制,足有 〉將軍 往還 善事當世 可 和好。 觀。 、國子祭酒。 尋棄都官尚書,又兼殿中尚書。 了<u>高肇之盛及淸河王懌爲宰輔,</u>廞皆與其子姪交游,靈 太后 令廞 孝武於顯陽殿講孝經, 以詩賦授弟元吉。 稍遷光祿大夫。 **厥爲執經,雖** 及孝武 入關,齊神 酬 答論 孝武 武 難

兗州, 子嘴 與刺史樊子鵠抗禦王師,每戰,流涕突陣。 ,字子昇,少 有風氣,頗涉文史。 位徐州開府從事 城陷, 禽送晉陽, 中 郞 父麼之死, 鷹率勒鄉 齊神武矜而赦之。 部赴 文襄

之。

爲儀同開府,以隲爲屬,本州大中正,轉中書舍人。 時與梁和通,隱前後受敕對其使一十六

。爲司徒左長史,卒,贈南靑州刺史。

麼弟鹹,位金紫光祿大夫。 鹹子逖。

其好學如此。 集,咸務於宴集。 開府行參軍。 逖字子長,少聰敏,好弋獵騎射,以行樂爲事,愛交游,善戲謔。 亦留心文藻,頗工詩詠。 逖遠離家鄉, 逖在游宴之中,卷不離手,遇有文籍所未見者,則終日諷誦,或通夜不歸。 倦於羈旅, 發憤自勵, 專精讀書。 晉陽都會之所,霸朝 齊文襄以爲永安公沒 人士攸

首, 逖用二首, 餘人多者不過三四。中書郎李悟戲逖曰:「盧八問訊劉二。」逖銜之。 年,兼員外散騎常侍,使送梁主蕭莊。日己還,兼三公郎中。 收,收所提攜,後爲開府參軍。及文宣崩,文士並作挽歌, 齊天保初,行定陶縣令,坐奸事免,十餘年不得調。 其姊爲任氏婦, 沒入宮, 敕以賜 楊遵彦擇之, 員外郎盧思道 乾明元 用 魏

讒。 執鞭一百, |逖 摘 武成時,和士開寵要,逖附之。 ;其文,奏曰:`「誹謗先朝,大不敬。」武成怒, 何如呼劉二時。」尋兼散騎常侍,聘陳使主。 正授中書侍郎,入典機密。 大加鞭 逖欲獨擅文藻,不願與文士同 朴。 逖喜復前憾, 時李愔獻賦,言天保中被 曰:「高 搥 兩

列

傳第三

+

行。 假儀同三司,聘周使副。 因次欲嫁之士游,不許。 時黃門侍郎王松年妹夫盧士游,性沈密,逖求以爲副。 逖恐事露,亦不逼焉。 二國始通,禮儀未定,逖與周朝議論往復,斟酌古今,事多合禮, 遷給事黃門侍郞,修國史。 又逖姊魏家者,收時已放出,逖 加散騎常侍,除

兼文辭可觀,甚得名譽。

使還,拜儀同三司。

事,吾不爲也。」更戒逖而護之。 解士開所嫌。日日尋出爲仁州刺史。日日政乃要行臺尚書盧潛陷逖,許潛重遷。 彦深、和士開也,先與<u>逖謀,</u>逖乃告二人,故二人得爲之計。 斑被黜,令弟出其妻。 及是,逖 楚子,應有氣俠,唯將崔季舒詩示人,殊乖氣望。」逖乃爲弟娶斑女,遂成密好。既之將訴趙 忽於明月門巷逢之,彌以爲實。初,逖名宦未達時,欲事祖珽。既未原,謂人曰:「我言彭城 悉以餉定遠。定遠外任,逖不自安,又陰結斛律明月、胡長仁以自固。士開知之,未甚信, 作此以爲公。」士開悅而從之。時士開爲衆口所排,婁定遠同輔政,逖遂回附之,使得西貨, 及武成崩,和士開欲改元,議者各異。逖請爲「武平」,私謂士開曰:「武平反爲明輔,逖 潛曰:「如此

九。 所制文筆三十卷。 後被徵還,待詔文林館,重除散騎常侍,奏門下事。未幾與崔季舒等同戮,時年四十

子逸人,「三」開府行參軍。仕隋,終於洛陽令。

交。遷步兵校尉,領郎中,兼東宮中舍人。轉員外常侍、鎭遠將軍,領考功郎中,立考課之 書博議,懋與殿中郎袁翻常爲議主。 達於從政,臺中疑事, 咸所訪決。 尚書 李平與結莫逆 隸 書,識奇字。 芳從子懋。 宣武初入朝,位尚書外兵郎中。 懋字仲華,祖泰之,父承伯,仕宋並有名位。懋聰敏好學,博綜經史,善草 **芳甚重之,凡所撰朝廷軌儀,皆與參量。尚**

科,明黜陟之法,甚有條貫。

刺史,气三諡曰宣簡。 家甚清貧,亡之日,徒四壁而已。太傅懌及當時才儁莫不痛惜之。 撰成儀令。 雅,常目而送之曰:「劉生堂堂,搢紳領袖,若天假之年,必爲魏朝宰輔。」詔懋與諸才學之士 孝明初、江江大軍攻陝石、懋爲李平行臺郎中,城拔、懋頗有功。太傅、清河王懌愛其風 懌爲宰相積年,禮懋尤重,令諸子師之。遷太尉司馬。 贈持節、前將軍、南秦州 熙平二年冬, 暴病卒。

懋詩誄賦頌及文筆見稱於時,又撰諸器物造作之始十五卷,名曰物祖。

常爽字仕明,河內溫人,魏太常卿林六世孫也。 祖珍,苻堅南安太守,因世亂,遂居凉

列傳第三十 常爽

州。父坦,乞伏世鎭遠將軍、大夏鎮將、顯美侯。

門。 緯候、五經、百家,多所硏綜。 太武嘉之,賜士國爵五品,顯美男,爽爲六品,拜宜威將軍。 痰少而聰敏,嚴正有志概,雖家人僮隸未嘗見其寬誕之容。 篤志好學,博聞强識,明習 州郡禮命,皆不就。太武西征涼土,〔三〕爽與兄士國歸款軍

平原太守司馬眞安、著作郎程靈虯皆是爽教所就。崔浩、高允並稱爽之嚴教,獎勵有方。 |允曰:「文翁柔勝,先生剛克,立敎雖殊,成人一也。」其爲通識歎服如此。 人,京師學業,翕然復興。。爽立訓甚有勸罰之科,弟子事之,若嚴君焉。尚書左僕射元贊、 是時,戎車屢駕,征伐爲事,貴游子弟未遑學術。爽置館溫水之右,敎授門徒七百餘

因教授之暇,述六經略注,以廣制作,甚有條貫。其序曰:

尙之節。蓋所由者習也,所因者本也,本立而道生,身文而德備焉。 不由習而能利其業。是故季路勇士也,服道以成忠烈之概,甯越庸夫也,講藝以全高 者,人之性也,經典者,身之文也。皆以陶鑄神情,啓悟耳目,未有不由學而能成其器, 傳稱立天之道,日陰與陽,立地之道,日柔與剛,立人之道,日仁與義。 然則仁義

莊敬而不煩者,教深於禮也,廣博易良而不奢者,教深於樂也,溫柔敦厚而不愚者,教 昔者先王之訓天下也,莫不導以詩、書,敎以禮、樂,移其風俗,和其人民。 故恭儉

是言之,六經者,先王之遺烈,聖人之盛事也,安可不游心寓目習性文身哉。 深於詩也,疏通知遠而不誣者,敎深於書也,潔靜精微而不賊者,敎深於易也,屬辭比 而不亂者,教深於春秋也。 五者,蓋五常之道,相須而備。 夫樂以和神,詩以正言,禮以明體,書以廣聽,春秋 湯為之源,故曰湯不可見,則乾坤其幾乎息矣。 以断 由

頃因暇日,屬意藝林,略撰所聞,討論其本,名曰六經略注,以訓門徒焉。

其略注行於世。

子文通,歷官至鎭西司馬、南天水太守、西翼校尉。 爽不事王侯,獨守·閑靜,講肄經典二十餘年,時號爲「儒林先生」。 年六十三,卒於家· 文通子景。

州刺史高聰、通直郎徐紇各作碑銘,並以呈御。 舉 外省考論律令, 之下,文出諸人之上,遂以景文刊石。 爲律博士,四三孝文親得其名,旣而用之爲門下錄事。 景字永昌,少聰敏,初讀論語、毛詩,一受便覽。 敕景參議。宣武季舅護軍將軍高顯卒,其兄右僕射肇託景及尚書邢巒、幷 帝悉付侍中崔光簡之,光奏景名位乃處諸 及長,有才思,雅好文章。 正始初,招尚書、門下於金墉中書 廷尉公孫良

肇尙平陽公主,未幾主薨,肇欲使公主家令居廬制服,已付學官議正施行。 列 尚書叉以

傳

第 Ξ

+

常 爽

訪景,景以婦人無專國之理,家令不得有純臣之義,乃執議曰:

也因 推之,家令不得爲純臣,公主不可爲正君,明矣。 **闕爲臣之體。原夫公主之貴,所以立家令者,蓋以主之內事,脫須關外,理無自達,必** 之勤,死盡致喪之禮。而公主家令,唯有一人,其丞已下,命之屬官,旣無接事之儀,實 服而制義。 制作之本,降殺之宜,其實一焉。是故臣之爲君,所以資敬而崇重,爲君母妻,所以從 今王姬降適,雖加爵命,事非君邑,理異列土。 人。 喪紀之本,實稱物以立情,輕重所因,亦緣情以制禮。 雖理關盛衰,事經今古,而 然則家令唯通內外之職及典主家之事耳,無關君臣之理,名義之分也。 然而諸侯大夫之爲君者,謂其有地土、有吏屬,無服文者,言其非世爵也。 何者。諸王開國,備立臣吏, 生有趨奉 由是

據。 臣之分,不尋致服之情,猶同其議,準母制齊,求之名實,理未爲允。 义等以公主爲之君,以家令爲之臣,制服以斬,乖繆彌甚。又張虛景、吾難羈等不推君 非食采之君;家令之官,又無純臣之式。 案如經禮, CEO事無成文, 即之愚見, 謂不應服。 且女人之爲君,男子之爲臣,古禮所不載,先朝所未議。而四門博士裴道廣、孫榮 若附如母,則情義罔施;若準小君,則從服無 竊謂公主之爵,旣

遷積 四十卷。 無重位, 射將 景 淹滯門下積歲,不至顯官,以蜀司馬相如、王褒、嚴君平、揚子雲等四賢,皆有高才而 乃託意 尚書元萇出爲安西將軍、雍州 軍、給事 以讚之。景在樞密十有餘 中。 延昌初,東宮建,兼太子屯騎校尉,錄事皆 刺 史,請景爲司馬。 年,爲 侍中崔光、盧昶、游肇、元暉尤所 以景階次不及,除錄事參軍、襄 1如故。 受敕撰門下詔書凡 知賞。 累

事。 陰、鄧二后故事 授步兵校尉, 及宣武崩,召景赴京,還修儀注。 先是,太常劉芳與景等撰朝令,未及班行。別典儀注,多所草創,未成。芳卒,景纂成其 仍舍人。 ,親奉廟祀,與帝**交獻**。 又敕撰太和之後朝儀已施行者, 拜謁者僕射,加寧遠將軍,又 景乃據正以定儀注,朝廷是之。 凡五 十餘卷。 以本 官兼 時 靈 太后 中書 詔依漢世 舍 人。 後

威

※將軍

,帶長安令,甚有惠政,人更稱之。

官作釋奠詩,以景作爲美。 經,效景與董紹、張徹 正光初,除龍驤將軍、中散大夫,舍人如故。 、馮元興、王延業、鄭伯猷等俱爲錄義。 時明帝行講學之禮於國 事畢, 又行釋奠之禮, 子寺,司徒崔光執 並認

章 于來朝,晉世 一,疑而 是年九月,蠕蠕主 不決,則 處之王公、特進之下。 時訪景 阿那瓌 而行。 歸闕, 今日爲班,宜在蕃王、儀同三司之間。」瘫從之。 朝廷疑其位次。 高陽王雍 訪景。 日一一昔咸寧 中,

朝廷典

南單

列

高氏不得獨擅其美也。」侍中崔光、安豐王延明受詔議定服章,敕景參修其事。 徒崔光聞 碑,每云「吾以此文報德足矣」。 初,平齊之後,光祿大夫高聰徙於北京,中書監高允爲之聘妻,給其資宅。 而觀之,尋味良久,乃云:「高光祿平日每矜其文,自許報允之德,今見常生此頌, 豫州刺史常綽以未盡其美。 景尚允才器,先爲遺德頌,司 聰後爲允立 尋進號冠軍

玄,奔于漠北。 海,宣敕勒衆而返。 阿那瓌之還國也,境上遷延,仍陳窘乏。遣尚書左丞元字奉詔振恤,阿那瓌執字過柔 遣尚書令李崇、御史中尉兼右僕射元纂追討不及。 景經涉山水,悵然懷古,乃擬劉琨扶風歌十二首。 乃令景出塞,經瓫山,臨 進號征虜將軍

與 大 侍,將軍 王顥、都督車騎 行臺都督觀機部分。 都督、大行臺,率臨淮王彧等衆軍 孝昌初,給事黃門侍郎,尋除左將軍、太府少卿,仍舍人。 如故。 徐州刺史元法僧叛入梁,梁武遣其豫章王蕭綜入據彭城。 將軍元恒芝等並各出討,韶景詣軍宣旨勞問。還,以本將軍 景經洛汭,乃作銘焉。 一討之。 旣而 是時尚書令蕭寶夤、都督崔延伯、都 蕭綜降附,徐州淸復,遣景兼尚書,持節 固辭少卿 不拜,改授散騎常 授徐州 時安豐王 刺史。公司 督北 延明 馳

勒幽川諸縣悉入古城,山路有通賊之處,權發兵夫,**隨宜置**戍,以爲防遏。 又以頃來差兵, 景表求

杜

洛

周反於燕州,

仍以景兼尚書爲行臺,

與幽州都督、平北將軍元譚

以

樂之。

捍塞。 所 截 州 敕 不盡强壯,今之三長,皆是豪門多丁爲之,今求權發爲兵。 軍都關 部別將李琚爲都督,代譚征下口 石 譚 離 西 至 冗城、 景遣府 以待 軍 一都關, 之。 錄事參軍裴智成發范陽三長之兵以守白輯, **斛鹽三** 戍 北從盧龍塞,據此二險, 仲哲戰沒,洛周又自外應之,腹背受敵,譚遂大敗, 兵反,結洛周,有衆二萬餘落,自松岍赴賊。 ,降景爲後將軍,解州任。 以杜 賊出入之路。 明帝皆從之。 都督元譚據居庸 仍韶景爲幽、安、玄、 又詔景山 譚勒別 諸軍夜散。 進號 中險路之處, 下 平北將軍。 將崔 Ė 仲 饿 詔 四 悉合 以景 哲 而 州 别 等 安

之及溺 曹紇眞 穀,乃遇 授景平北將軍 都督李琚 賊 死 旣 連雨,賊衆疲勞。 洛周 者甚衆 南出、鈔略薊城、景命統軍梁仲禮率兵士邀擊,破之,獲賊將禦夷鎭 爲 賊 率衆南趨范陽,景與延年及榮破之,又遣別將重破之於州西彪眼泉,至三禽斬 所攻薊城之北,軍敗而死。 、光祿大夫,行臺如故。 景 與都督于榮、刺史王延年置兵栗園、「同」邀其走路, 洛周遣其都督王曹紇眞、馬叱斤等率衆薊 景率屬城人禦之,公司賊不敢逼。 洛周 軍主孫念恒 大敗之,斬 南,以掠人 還據上谷。

行臺。公公

後洛周 南圍 范陽,城人翻降, 執刺史延年及景,送於洛周。尋爲葛榮所吞,景又入榮。

| 榮破,景得還朝。

騎將軍 是參議正光壬子曆,至是賜爵高陽子。元顯內逼,莊帝北巡,景與侍中、大司馬、安豐王延明 在禁中召諸親賓,乃安慰京師。 永安初,詔復本官,兼黃門侍郎,又攝著作,固辭不就。二年,除中軍將軍,正黃門。 、右光祿大夫、祕書監。以預詔命之勤,封濮陽縣子,後以例追。 永熙二年,監議 普泰初,除車

驢。 年,以老疾去官,詔特給右光祿事力終其身。八年薨。 將軍羊深矜其所乏,乃率刁雙、司馬彥邕、李諧、畢祖彥、畢義顯等各出錢千文而爲買馬焉。 |天平初遷||鄴,是時詔下三日,戶四十萬狼狽就道,收百官馬,尙書丞、郎已下非陪從者,盡乘 「卿淸德自居,不事家業,雖儉約可尙,將何以自濟也。吾思擊太常方餒於栢谷耳。」遂與衞 詞,若遇新異之書,殷勤求訪,或復質買,不問價之貴賤,必以得爲期。 齊神武以景淸貧,特給車牛四乘,妻孥方得達鄴。 景自少及老,恒居事任,清儉自守,不營產業,至於衣食,取濟而已。 後除儀同三司,仍本將軍。 耽好經史,愛翫文 友人刁整每謂日 武定六

榮利,自得懷抱,不事權門。 景善與人交,終始若一,其游處者皆服其深遠之度,未曾見其矜吝之心。 性和厚恭慎。 每讀書見韋弦之事、深薄之危,乃圖古昔可以鑒 好飲酒,澹於

戒,指事爲象,讚而述之曰:

焉而 懼曰:夫道喪則性傾,利重則身輕。 ??????云:「謂天蓋高,不敢不跼,謂地蓋厚,不敢不蹐。」 有朝隱大夫鑒戒斯文,乃惕 是故乘和體遜,式銘方册 · 防微愼獨, 載象 沪

故悔 嗟乎 後思圖 足而 顯而 之,不私不畏。 多 不辭。 急于微。 信哉辭人之賦,文晦而理明。仰瞻高天,聽卑視諦 唯 了,車覆而後改躅。 改之無及,故狡兔失穴,思之在後,故逆鱗易觸。 |於地厚,禍甚於天高。 地厚矣,尚亦兢兢。 是故位高而勢逾迫,正立而邪逾欺。 好爵是冒,聲奢是基。身陷於祿利,言溺於是非。 誰其踐之,不陷不墜。 夫悔未結,誰肯曲躬。 浩浩名位,孰識其親。 故善惡是徵,物罔同異。 安有位極而危不萃,邪榮 搏之弗得,聆之無聞。 夫禍未加,誰肯累足。 ,俯測厚地,岳峻川渟。 論亢匪久,人成敬忌。 或求欲而未厭,或知 而正 故有戒於 固機發而 誰其戴

相弊。 能 曲躬 危,深於不測之地。 而戒沖。 不 焉,累足焉,苟行之晝已決矣, 同 君子則不然,體舒則懷卷, 不誘,而弭謗於羣小,無毀無譽,而貽信於上帝。 囂競無侵,優游獨逝。 通而 慮滯。 餌厚而躬不競, 以知命爲遐齡,以樂天爲大惠。 夫如是,綺閣金門, 視溺則思濟。 **猶夜則思其計** 爵降而心不係。 原夫 可安其宅,錦衣玉食,可頤其形。 **,誦之口亦明矣,故心必賞其契。** 人闕 守善於已成,懼愆於未敗。 以戢智而從時, 之度,邈於無階之天,勢位之 託身 與金石俱固,立 以懷愚而 名與天壤 游 雖盈 世 故 柳

列

下三黜,不慍其色,子文三陟,不憘其情。

性, 未立,而修正之術已生。福祿交蹇於人事,屯難頓萃於時情。 **遂越,驕侈自親。** 得無亢,求聲雖道,不得無悔。 聲然後聲可立,豈矜道之所宣。慮危然後安可固,豈假道之所全。 沉骨於幽靈。 局,〔一言〕焉得而寧之。雖結珮皇庭,焉得而榮之。故身道未究,而崇邪之徑已形。 可以流聲,故去聲而懷道。 嗚呼鑒之! 禍難嬰其身。 而 惑者見居高可以持勢,欲乘高以據榮。見直道可以修己,欲專道以邀聲。夫去 因斯愚智之所機,倚伏之所係,全亡之所依,其在遜順而已哉。 情與道絕,事與勢隣。 利慾交則幽顯以之變,禍難搆則智術無所陳。 鑒專道不可以守勢,故去勢以崇道。 然則聲奢繁則實儉彫,功業進則身迹退。 方欲役思以持勢,乘勢以求津。 忠介剖心於白日,耿節 何者。履道雖高,不 若然者, 是以君子鑒恃道不 故利慾誘其 如此則精靈 雖縻爵帝 嗚呼鑒 成功

景所著述數百篇見行於世。 長子昶,少學識,有文才,早卒。 删正晉司空張華博物志及撰儒林、列女傳各數十篇云。

昶弟彪之,永安中,司空行參軍。

識學,見重於世,不虛然也。 雖器業自致,抑亦逢時之所致焉。 論 曰:"古人云:"才未半古,功已過之。王肅流寓之士,見知一面,榮任赫然,寄同舊列, 常爽以儒素著稱,景以文義見宗,美乎。 劉芳矯然特立,沈深好古,博通洽識,爲世儒宗。 懋才流

校勘記

- 尋除輔國大將軍長史 魏書卷六三王肅傳「輔國」下有「將軍」二字。 按「輔國將軍」是王肅所
- 得軍號,「大將軍長史」是肅所任官職。 北史省「將軍」二字,易滋誤會。
- 二十二年平漢陽瑤起爲輔國將軍特詔以付肅 國將軍黃瑤起, 乃知是卿怨也,尋當相付。」則瑤起乃齊之輔國將軍。 按魏書王肅傳載 孝文 與肅韶云:「比獲蕭鸞輔 此當云:「時瑤起爲齊輔
- 國將軍,被獲,特詔以付肅。」北史删改,頗嫌含混。
- = 太和二十三年孝文遺詔,以王肅爲尚書令,廣陽王嘉爲左僕射,與右僕射任城王澄等六人同輔 「陽」作「陵」。 朝廷以 王肅加 按當時宗室中廣陵王爲元羽, 我上尚可從叔廣陽宗室尊宿歷任內外云何一朝令肅居其 依世系乃元澄從子,非從叔。 右也 據本書卷三孝文紀 諸本及魏書
- 列傳第三十 校勘記

政。

嘉爲太武孫,

澄爲太武會孫,

嘉正是澄之從叔。

文尚書令位在左、右僕射之上,故元澄云

云。「陵」乃「陽」之訛,今據改。

肅弟 康

孝康弟儁康 魏書「康」作「秉」、北史避唐諱改。 百衲本「儁」下「康」字空缺、北、汲、殿三本作「赋」,南本無,

魏書及通志卷一五〇

揚州刺史大中正 字衍文。 西兗州刺史」,則在此以前都在朝內。 魏書無「刺史」二字。按刺史無兼本州中正之例。且下云「出爲散騎常侍、 中正可以中央官兼,故行得爲揚州大中正。此「刺史」二

「中) 肅次兄琛子也 次子名「琛」,个據改。 諸本「琛」作「深」、魏書作「琛」。 按南史卷二三、南齊書卷四九王奐傳,並言奐

子深 魏書「深」作「淵」、北史避唐諱改。

江式傳。 **昔漢世造三字石經於太學** 此「漢」字疑誤。 按漢時所造爲一字石經。 三字石經乃曹魏時所造, 見本書卷三四

及南徐州刺史沈陵外叛 魏書卷八世宗紀太和二十三年八月作「陵」,今據改。 諸本 陵」作「凌」,魏書卷五五、通志卷一五〇上劉芳傳作「陵」。 按

任居武門 魏書、通志「武」作「虎」、北史避唐諱改。下文「師氏居武門左」,同。

- 國子學官與天子宮對 魏書殿本、通志「官」作「宮」。按「學宮」指校舍、疑當作「宮」。
- 叉去太和二十年 諸本「去」作「云」,

 通志作「去」。 按册府卷六〇三七二三九頁也作「去」, 今據
- 改。又諸本「去」下衍「太初」二字,據魏書、通志删。
- 求集儒禮官議其定所 魏書「儒」上有「名」字、疑北史殷。
- 賈逵云南郊火帝七里 「金帝少昊」、「水帝顓頊」,則此處應有「炎帝」二字。這是取五帝名以配五行,不應別。 魏書「火帝」下有「炎帝」二字。按上文「木帝太昊」,下云「中兆黃帝」、
- [1六] 又白武通 魏書、通志「武」作「虎」、北史避唐諱改。
- 而尚書逸篇則云太社惟松如此便以一代之中而立社各異也 南社惟梓、西社惟栗、北社惟槐」四句、又「立」字作「五」。、北史删改後、文意不明。 魏書「太社惟松」下有「東社惟栢,
- 使送梁主蕭莊 義故,更圖進攻。」或卽是乾明元年送莊之事。 四文宣紀。乾明元年送蕭莊事,本紀不載。北齊書卷三二王琳傳云:「孝昭帝遣琳出合肥,鳩集 按「宋」乃「送」之音訛,今從通志改。但齊送蕭莊爲梁主,事在天保九年,見本書卷七、北齊書卷 諸本「送」作「宋」, 北齊書卷四五劉逖傳作「於」, 通志卷一七六劉逖傳作「送」。
- 及是逖解士開所嫌 是以逖泄祖珽密謀,其恨始解者。但據本書卷四七祖珽傳,珽欲訴趙彦深、和士開, 通志「解」上有「始」字,似逖前以陰結斛律明月、胡長仁,爲士開所嫌,至 爲劉逖所

泄 解怨在前? 高湛武成帝時。 此「解」字誤。疑當作「爲」字。「至是」者,即指土開逢逖於明月巷中時。 而此言劉逖陰結斛律明月,其事在高緯後主武平初。 何得結怨在後而

乃是追敍。通志之「始」字、蓋以意增補、似是而非。

尋出爲仁州刺史 則下文珽要行臺盧潛陷逖事亦覺突然。疑此「出」下有脫文。 刺史。」蓋逖先爲和土開所出,後又爲祖珽所徙,並非一出卽爲仁州。 按北齊書卷四五劉逖傳云:「世祖即武成崩,出爲江州刺史。祖珽執政,徙爲 且不言祖珽執政事,

[三] 子逸人 北齊書卷四五「人」作「民」,北史避唐諱改。

孝明初 茨附劉懋傳作「肅宗」。通志卷一五○上劉芳傳作「孝明」。錢說是,今據改。 諸本「孝明」作「孝昭」。錢氏攷異卷三九云:「『孝昭』當作『孝明』。」按魏書卷五五劉

南秦州刺史 乃『秦』之訛。」按張說是,今據改。 諸本「秦」作「泰」、魏書及通志作「秦」。張森楷云:「地形志有南秦無『南泰』、『泰』

八傳作「世祖」、通志卷一五〇上常爽傳作「太武」。 錢說是,今據改。 太武西征涼土 諸本「太武」作「武成」。錢氏效異云:「『武成』當作『太武』。」按魏書卷八四常爽

廷尉公孫良舉爲律博士 芝太和前令有律博士、協律中郎、協律郎、無協律博士。 隋書卷二七百官志中,大理寺屬官有 諸本「律」上有「協」字、魏書卷八二常景傳無。按魏書卷一一三官氏

律博士。大理卽廷尉,故爲公孫良所舉。「協」字符,今據删。

【二六】案如經禮 魏書「經禮」作「禮經」,疑是。

[112] 以本將軍授徐州刺史 諸本脫「授」字、據魏書補。

仍詔景爲幽安玄□四州行臺 諸本不空格。錢氏考異卷三九云:「幽、安、玄止三州、而云四州,

疑有脫誤。」按魏書空一格,所脫疑是燕州。今從魏書。

二元 景率屬城人禦之 諸本脫「景」字、據通志卷一五〇上常景傳補。

景與都督于榮刺史王延年置兵栗園 諸本「于」作「干」,汲本及魏書作「于」。 按通志、通鑑卷

五. 四七一四頁並作「于」,今從之。 又諸本「栗園」作「栗國」 魏書常景傳及卷九肅宗紀孝昌

二年七月作「栗園」。 按通鑑卷一五 四七一四頁作「栗園」。胡註云:「栗園當在范陽固安縣分。

固安之栗,天下稱之。」今從通鑑改。

彪眼泉 魏書卷八二「彪」作「虎」。 按虎眼泉見水經注卷十一易水注,又見卷十四濕餘水注。

北史避唐諱改。

[]]] 顥入洛景仍居本位 諸本「仍」訛「乃」、據魏書、通志改。

[三] 永熙二年監議事 按「議」下疑有脫字。

JE] 雖熈爵帝局 諸本「鳥」訛「局」,據魏書改。

列

傳 第

Ξ

+

校

勘

記

北史卷四十三

列傳第三十一

郭祚 張彝 孫晏之 曾孫乾威 邢巒 弟子昕 族弟臧

卲

李崇 從弟平 平子獎 諧

記。 當富貴。祚涉歷經史,習崔浩之書,尺牘文章見稱於世。 祿大夫。 父洪之,坐浩事誅。)祚亡簋得줲。少孤貧,姿貌不偉,鄕人莫之識。 司徒崔浩,一女妻浩弟上黨太守恬。太武時,浩親寵用事,拜逸徐州刺史,假楡次侯,贈光 又太原太守王希彦,逸妻之姪也,共相賙恤,乃振 郭祚字季祐,太原晉陽人,魏車騎將軍淮弟亮之後也。 弱冠爲州主簿,刺史孫小委之書 祖逸,本州別駕,前後以二女妻 有女巫相祚後

鄎。 |祚淸勤在公,夙夜匪懈,帝甚賞之。從南征,及還,正黃門。 車駕幸長安,行經渭橋,過 孝文初,舉秀才,對策上第,拜中書博士。轉中書侍郎,遷尙書左丞,長兼給事黃門侍

列傳第三十一 郭祚

祭淮 腓對曰:「昔臣先人以通儒英博,唯事魏文。微臣虛薄,遭奉聖明,自惟幸甚。」因敕以太牢 曰:「山以仁靜,水以智流,願陛下修之。」帝曰:「魏明以奢失於前,朕何爲襲之於後。」祚曰: 淮 山仰止。」帝曰:「得非景行之謂。」遷散騎常侍,仍領黃門。 廟,問 廟,令祚自撰祭文。以贊遷洛之規,賜爵東光子。 ·|祚曰:「是卿祖宗所承邪。]祚曰:「是臣七世伯祖。」帝曰:「先賢後哲,頓在一門。」 孝文會幸華林園,因觀故景陽山。祚

謂 黄門宋弁 讓,朕欲 飲清徽 祚 不 日「卿之忠諫,李彪 是時 勸 後 別授一官。」須臾,彪有 園, ·孝文銳意典禮,兼銓鏡九流,又遷都草創,征討不息,內外規略,號爲多事。 祚與 參謀帷幄,隨其才用,各有委寄。。祚承禀注疏,特成勤劇。 此 兩 |孝文舉觴賜||祚及崔光曰:「郭祚憂勤庶事,獨不欺我。 人,當勸誰也」其見知若此。 正 一辭,使股 啓云:「伯石辭卿,子產所惡,臣欲之已久, 遲回,不能復決。」遂不換李彪官也。 初,孝文以李彪爲散騎常侍,祚因 ! 帝沈吟曰: 「此自 崔 嘗以 光溫良博物, 立馮昭儀,百官夕 不敢辭讓。」帝歎 入見,帝謂 應有讓,因 朝之儒 祚

肺 尋除 | 奏曰 「 若以姦吏逃竄,徙其兄弟,罪人妻子,復應徙之,此則一人之罪,禍傾二室。 愚謂 長 乘輿 兼 南 吏 部尚書、幷州 討,祚以兼侍 大中正。 中從,拜尚書,進爵 宣武 韶以姦吏逃刑,縣配遠戍, 爲伯。 孝文崩,咸陽 王禧等奏祚兼 若永避不出 兄弟 吏部尚書。 代之。

罪 、潔淸,重惜官位,至於銓授,假令得人,必徘徊久之,然後下筆,下筆卽云:「此人便以貴 人旣逃,止徙妻子,走者之身,縣名永配,於眚不免,姦途自塞。」詔從之。尋正吏部。。祚持

矣。」由是事頗稽滯,當時每招怨讟。然所拔用者,皆量才稱職,時又以此歸之。

祚 逢 歲 出 不稔,闔境饑弊,矜傷愛下,多所振恤,雖斷決淹留,號爲煩緩,然士女懷其德澤。 爲使持節、鎭北將軍、瀛州刺史。及太極殿成,祚朝於京師,轉鎭東將軍、靑州刺史。

車門 肺 明帝幼弱,祚持一黃甌出奉之。時應詔左右趙桃弖與御史中尉王顯迭相脣齒,深爲帝所信, 宮門,至於馬道。 侍 私 .中、金紫光祿大夫、幷州大中正。 遷尙書右僕射。時議定新令,詔祚與侍中、黃門參議刊正。故事,令、僕、中丞騶唱而入 事之,時人謗祚者,號爲桃弓僕射、黃甌少師。 御在朝堂,至司馬門。翳唱不入宮,自此始也。詔祚本官領太子少師。。祚曾從幸東宮, 及祚爲僕射,以爲非盡敬之宜,言於帝,納之。下詔御在太極,騶唱至止

陟之體,自依 階 但可 級者即須 於奏曰:「謹案前後考格,雖班天下,如臣愚短,猶有未悟。今須定職人遷轉由狀,超越 ΙĒ |滿三周爲限,不得計殘年之勤。] 叉去年中,以前二制不同,奏請裁決。 旨云:『黜 量折。景明初考格,五年者得一階半。正始中,故尚書、中山王英奏考格,被旨: 舊來恒斷。』今未審舊來之旨,爲從景明之斷。爲從正始爲限。景明考法,東

列

傅

第

復分爲九等,前後不同,參差無準。」詔曰:「考在上中者,得汎以前,有六年以上遷一階,三 後,考在上下者,三年遷一階。散官從盧昶所奏。」 年以上遷半階,殘年悉除。考在上下者,得汎以前,六年以上遷半階,不滿者除。其得汎以 西省文武閑官悉爲三等,考同任事。而前尚書盧昶奏,上等之人三年轉半階。今之考格,

爲一 平得濟,皆含在其中,何容別疑也?所云通考者,據總多年之言。 皆謂文武兼上上之極言耳。 御史所彈,案驗未周,遇赦復任者,未審記殿得除以不了」 年以來,至今十有一載,準限而判,三應升退。 超倫,幹能粗可,而守平堪任,或人用小劣,處官濟事幷全無負殿之徒:爲依何第。景明三 下,累計八殿,品降至九。未審今諸曹府寺,凡考,在事公清,然才非獨著,績行稱務,而德 年斷,何足復請。其罰贖已決之殿,固非免限。遇赦免罪,準其殿者除之。」〔1〕 多戾爲殿。未審取何行是寡愆?何坐爲多戾?結累品次,復有幾等?諸文案失衷應杖十者 為第? 負,罪依律次,過隨負記。 |祚又奏言:「考察令:公淸獨著、德績超倫而無負殿者爲上上,一殿爲上中,二殿爲上 隨前後年斷,各自除其善惡而爲升降。且負注之章,數成殿爲差,此條以寡愆爲最, 自此以降,猶有八等,隨才爲次,令文已具。其積負累殿及守 十年之中,三經肆告,赦前之罪,不問輕重,皆蒙宥免。 今既通考,未審爲十年之中,通其殿最,積以 韶曰:「獨著、超倫及才備、寡咎, 至於黜陟之體,自依舊來 或為 非

潍、荆,漢、沔之間,復須防捍。 際,興板築之功。 尋加散騎常侍。 且獻歲云暨,東作將始。 時詔營明堂、國學,祚奏曰:「今雲羅西舉,開納眠、蜀,戎旗東指,鎭靖 徵兵發衆,所在殷廣。 臣愚量謂宜待豐靖之年,因子來之力,可不時而 邊郊多壘,烽驛未息,不可於師旅之

就。」從之。

勞,危亡已兆。 深。 使持節、散騎常侍、都督、雍州刺史、征西將軍 宣武末年,每引祚入東宮,密受賞賚,多至百餘萬,雜以錦繡。 遷左僕射。 宜敕揚州選一猛將,遣當州之兵, 先是,梁將康絢遏淮,將灌揚、徐。。祚表曰:「蕭衍狂狡, 令赴浮山,表裏夾攻。」「三朝議從之。 又特賜以劍杖, 擅斷川瀆, 役苦人 恩寵甚 除

怪之。 謂之曰:「人生有運,非可避也。 令、任城王澄爲之奏聞。 黄門,意便滿足。 而進趣之心,更復不息。 太和以前,朝法尤峻,貴臣蹉跌,便致誅夷。 每以孤門,往經崔氏之禍,常慮危亡,苦自陳挹,辭色懇然,發於誠至。 及爲征西、雍州、雖喜外撫、尚以府號不優、心望加大。 又以東宮師傅之資,列辭尚書,志在封侯之賞,儀同之位。 但當明白當官,何所顧畏。」自是積十數年,至立位秩隆重, 李沖之用事也,欽祚識幹,薦爲左丞,又兼 執政者頗 尚書 神

於時領軍于忠恃寵驕恣,崔光之徒,曲躬承接。 祚心惡之, 乃遣子太尉從事中郎景尚

我家何爲減之。然主上直信李沖吹嘘之說耳。」祚死後三歲而于忠死,見祚爲祟。 置中正,從容謂祚曰:「幷州中正,卿家故應推王瓊也。」,祚退謂僚友曰:「瓊眞僞今自未辨, **弔慰,追復伯爵。** 有斷決,多爲故事,名器旣重,時望亦深,一朝非罪見害,遠近莫不惋惜。靈太后臨朝,遣使 說高陽王雍,令出忠爲州。 正光中,贈使持節、車騎將軍、儀同三司、雍州刺史,諡文貞公。初,孝文之 忠聞而大怒,矯詔殺祚。 | 祚達於政事, 凡所經履, 咸爲稱職, 每

外郎二 祚子景尙,字思和,涉歷書傳,曉星歷占侯,言事頗驗。 司 徒主簿、太尉從事中郎。 公强當世, 善事權寵, 世號日郭尖。 初爲彭城王中軍府參軍,遷員 位中書侍郎, 未拜

景尚弟慶禮,位通直郎。

而卒。

慶禮子元貞,武定末,定州驃騎府長史。

張彝字慶賓,清河東武城人也。 曾祖幸,慕容超東牟太守,歸魏,賜爵平陸侯,位青州

刺史。 祖準之襲,又爲東青州 刺史。 父靈真,早卒。

彝性公强有風氣,歷覽經史,襲祖侯爵。 與盧陽烏、李安人等結爲親友,四往來朝會,

騎 持 葬 侯 察,每有 文 將 自 明 節 爲伯,轉太中 相 平城 巡察陝 追隨。 軍 太后雅 起 所 之,還復本位。 達家,千里步從,不乘車馬,顏貌瘦瘠,當世 巡檢,彝常充其選,淸慎嚴猛,所至人皆畏伏,儔類亦以 尙 東河南十二州,甚有聲稱。 陽烏爲主客令,安人與鄰並散令。鄰少而豪放,出入殿庭,步眄高上,無所顧忌。 恭 -大夫,仍行主客曹事 謹,因會次 以參定遷都之勳,進虧爲侯。 兄見其 如 此,遂召集百僚督責之,令其修悔 ,尋爲黃門。 使還,以從征之勤,遷尙書。 後從駕南 一稱之。 轉 太常 征, 孝文幸冀州,遣使 母憂解任。 少卿,遷散騎常侍,兼侍 此 高之。 一) 而 坐舉元昭為兼 猶 無悛改。 **彝居喪過禮,送** 遷主客令,例 吊 慰,韶 郎 善於 中,黜 以 驍 降 督

等俱 常 儀,赫然 安 西將軍 以 宣 当出 勤 武 可 「秦州 初,除 京 舊 觀。 被徵。 奔 走,爲御史中尉甄 羌、夏畏伏,憚其威整,一 正 刺 |尙書,氣侍中,尋正侍中。 史。 及還州 彝務)進號撫 尚 典式,考訪故事,及 琛所彈,云「非 派軍將軍 方 肅 彝表 宣武親政、罷六輔。 靜, 武 臨隴 解 非兕,至 號爲 州 右,彌 任,詔 良 牧。 率彼 不許 加討 其年冬, 曠野 **彝與兼尚書邢巒聞處分非** 習,於是出 太極 韶 書切責之。 初就,舜與郭祚 入直衞,方伯 尋除 羽

爲

心守尚

書

有 罪咎者,隨其輕 彝 敷 政 隴 右, 多 重 **一,謫爲土木之功,無復鞭杖之罰。** 所制立,宣布新 風、革 其 舊俗,人 庶愛仰之。 時陳留公主寡居, 爲 或 造 佛寺,名 彝意 願 尚主,主亦 日 興皇,諸

列

傅

馳驛檢察。 僕射高肇亦望尚主,主意不可。肇怒,譖彝擅立刑法,勞役百姓。詔遣直後萬貳 **貳興,肇所親愛,必欲致彝深罪。** 蘇淸身奉法,求其愆過,遂無所得。 見代還

洛,猶停廢數年。

宣武善之。 卷,起元庖犧,終於晉末,凡十六代,一百二十八帝,歷三千二百七十年,雜事五百八十九。 彝愛好知己,輕忽下流,非其意者,視之蔑爾。 因得偏風,手脚不便,然志性不移,善自將攝,稍能朝拜。 久之,除光祿大夫,加金章紫 雖疹疾家庭,而志氣彌高。 上歷帝圖五

彼汎級。」詔加征西將軍、冀州大中正。 之公叔,引下同舉,晉之士丐,推長伯游。古人所高,當時見許。敢緣斯義,乞降臣位一階,授 世,又並爲多。而近來參差,便成替後。計其階途,雖應遷陟,然恐班秩,猶未賜等。 明帝初,侍中崔光表:「彝及李韶,朝列之中,唯此二人,出身官次,本在臣右,器能幹 昔衞

戚,不甚存紀,時有怨憾焉。 雖年向六十,加之風疹,而自强人事,孜孜無怠。 好善欽賢,愛獎人物,南北新舊,莫不多之。 樂宦之間,未能止足,屢表在秦州豫有開援漢中之勳,希加賞 大起第宅,微號華侈。 公私法集,衣冠從事,延請道俗,修營 頗侮其疏宗舊

報,積年不已,朝廷患之。

命,沙 莫敢討抑。 **賁將幾千人,相率至尚書省詬罵,求其長子尚書郎始均不獲,以瓦石擊打公門。** 路,立榜大巷,克期會集,屠害其家。 斬 毆 其屋宇。 之。 第二子仲瑀上封事,求銓別選格,排抑武人,不使預在淸品。 門寺與其比隣,與致於寺。 生 不能窮誅羣豎,卽爲大赦,以安衆心。 |投之於烟火中,及得尸骸,不復可識,唯以髻中小釵爲驗。 始均、仲瑀當時踰北垣而走。 **遂持火虜掠道中薪蒿,以杖石爲兵器,直造其第,曳痵堂下,捶撻極意,唱呼焚** 遠近聞見,莫不惋駭。 **彝殊無畏避之意,父子安然。** 始均回救其父,拜伏羣小,以請父命。羽林等就加 有識者知國紀之將墜矣。 乃卒。 官爲收掩羽林凶强者八人 神龜二年二月,羽林武 由是衆口喧喧,謗讟盈 仲瑀走免。 上下懾懼, **季**僅 有餘

張彝飲食不御,乃至首髮徼 父 喪 ,詔賜以布帛。 喪 還所焚宅,與始均 靈太后 東西分斂於小屋。 以其累朝大臣,特垂矜惻,數月猶追言泣下,謂諸侍臣曰:「吾爲 有虧落。」 悲痛之若此 仲瑀遂以創重,避居滎陽,至五月得漸瘳,始奔

當以 數萬 屢乞冀州,吾欲用之, 戶 卿 初 爲 ,蜂曾祖 故孝文比校天下人戶,最爲 刺 史,酬先世誠效。」彝追孝文往旨,累乞本州,朝議未許。 幸所招引河 有人違我此意。 東 人爲州,裁干餘家。後相依合,旋罷入冀州,積三十年,析別有 大州。 若從其請,或不至是,悔之無及。」乃贈使持節、衞將 **彝爲黃門,每侍坐,以爲言。** 彝亡後,靈太后云:「彝 孝文謂之曰:「終

列

傳

第

軍、冀州刺史、諡文侯。

焚藝,至於灰燼,用息僥倖,見者莫不傷心。及始均之死也,始末在煙炭之間,有焦爛之痛, 之,多所殺戮,積尸數萬。始均以郎中爲行臺,忿軍士以首級爲功,令檢集人首數千,一時 又著冠帶錄及諸詩賦數十篇,並亡失。初,大乘賊起於冀、瀛之間,遣都督元遙討平 始均字子衡,端潔好學,才幹有美於父。改陳壽魏書爲編年之體,CKJ廣益異聞爲三十

求罪狀,遂聞頌聲。」遷兗州刺史,未拜,卒。贈齊州刺史、太常卿。 直,雖休勿休,永貽世則。」文宣笑曰:「得卿箴諷,深以慰懷。」後行北徐州事,尋卽眞,爲吏 晏之女爲妃,令赴晉陽成禮。晏之後園陪讌,坐客皆賦詩。晏之詩云:「天下有道,主明臣 每與岳帷帳之謀,又嘗以短兵接刃,親獲首級,深爲岳所嗟賞。 累遷尙書二千石郎中。 論者或亦推咎焉。 、所愛。 晏之字熙德,幼孤,有至性,爲母鄭氏教誨,動依禮典。從尒朱榮平元顥,賜爵武城子。 子暠之,襲祖爵。武定中,開府主簿,齊受禪,爵例降。暠之弟晏之。 御史崔子武督察州郡,至北徐,無所案劾,唯得百姓所制淸德頌數篇,乃歎曰:「本 贈樂陵太守,諡曰孝。 高岳征潁川,復以爲都督中兵參軍,兼記室。晏之文士,兼有武幹, 齊天保初,文宣爲高陽王納 子乾威。至

嘉之。 南太守楊綝嘗與十餘人同來謁見, 威嘗在塗,見一遺囊,恐其主求失,因令左右負之而行。 爲二張焉。 子爽,仕至蘭陵令。 不識楊綝, 司,又以藩邸之舊,加開府。 丞,仕周爲宣納中士。 淮南太守楊綝。」帝謂乾威曰:「卿爲謁者大夫,而乃不識參見人,何也。」乾威對曰: 「臣非 乾威字元敬,性聰敏,涉獵羣書,其世父暠之謂人曰:「吾家千里駒也。」仕齊, 于時帝數巡幸, 及王爲太子,遷員外散騎侍郎、太子內舍人。楊帝卽位,授內史舍人、儀同三 但慮不審, 隋開皇中,累遷晉王屬。 百姓疲弊,乾威因上封事以諫,帝不悅,自此見疏。 所以不敢輕對。 尋拜謁者大夫,從幸江都,以本官攝江都贊務,稱爲幹理。 帝問乾威曰:「其首立者爲誰。」乾威下殿就視而答曰: 石建數馬足,蓋愼之至。」其廉愼皆此類也。 王甚美其才,與河內張衡俱見禮重,晉邸稱 後數日,物主來認,悉以付之。 未幾卒官。 位太常 帝甚 乾 有

誤不持狀,口對百餘人,皆盡事情,同輩莫不歎服。 乾威弟乾雄,亦有才器。 秦孝王俊爲秦州總管,選爲法曹參軍。 後歷壽春、陽城二縣令,俱有政績。 王嘗親案囚徒,乾雄

侍講東宮,今安在。]司徒崔浩曰:「穎臥病在家。」帝遣太醫馳驛就療。 卒,贈定州刺史,諡 侍 祖蓋自旁宗入後。 郎 ,假通直常侍、平城子使宋。〔六〕還,以病歸鄉。 邢巒字洪賓 ,河間鄭人,魏太常貞之後也。 蓋孫穎,字宗敬,以才學知名。 族五世祖嘏,石勒頻徵不至。 太武時,與范陽盧玄等同徵。 久之,帝曰:「往憶那顯長者,有學義,宜 嘏無子,巒高 後拜中書

曰康。

南,見戀宅,謂戀曰:「朝行藥至此,見卿宅乃住。 構中京,方建無窮之業。 曰:「巒之此言,其意不小。」有司奏策秀、孝,詔曰:「秀、孝殊問,經、權異策,邢巒才淸,可令 兼 員外散騎常侍,使齊。 醬少好學,負帙尋師,守貧厲節,遂博覽書傳,有文才幹略。美鬚髯,姿貌甚偉。累遷 子脩年,即戀父也,位州主簿。 還,再遷中書侍郎,甚見顧遇,常參坐席。「亞」孝文因行藥至司空府 臣意在與魏升降,寧容不務永年之宅。」帝謂司空穆亮、僕射李沖 東望德館,情有依然。」戀對曰:「陛下移

除 固逆主。 正黃門、無御史中尉、瀛州大中正,遷散騎常侍,兼尚書。 後兼黃門郎,從征漢北。 至此以來,雖未禽滅,城隍已崩,想在不遠。 巒在新野,後至。 帝曰:「伯玉天迷其心,鬼惑其慮,守危邦, 所以緩攻者,正待中書爲露布耳。」尋

宣武時,巒奏曰:「先皇深觀古今,去諸奢侈,服御尙質,不貴彫鏤,所珍在素,不務奇

猶歲損萬計,珍貨常有餘,國用恒不足。 之業,四疆淸晏,遠近來同。 綵,至乃以紙絹爲帳扆,銅鐵爲轡勒,訓朝廷以節儉,示百姓以憂矜。 於是蕃貢繼路,商估交入,諸所獻貿,倍多於常。 若不裁其分限,便恐無以支歲。 逮景明之初, 自今非爲要須者, 雖加 以節約, 承升平

攝, 節、梁秦二州刺史。 得以便宜從事。 梁、秦二州行事夏侯道遷以漢中內附,[10]詔加巒使持節、 於是開地定境,東西七百,南北千里,獲郡十四,二部護軍及諸縣戍,遂 轡至漢中, 遣兵討之, 賊皆款附, 乘勝追 奔至關城之下。 都督征梁漢諸軍事,進退 韶拜戀使持 徴

逼涪城。

請皆不受。」帝從之。

尋正尙書。

理。 也。 軌任意, 蕭深藻是裙屐少年,自己未洽政務,今之所任,並非宿將重名, 軍援,一可圖也。 戚 蜀之所恃,惟阻劍閣。今旣克南安,已奪其險,據彼界內,三分已一。從南安向涪, 脫軍走涪城,深藻何肯城中坐而受困?「三五可圖 而 表曰:「揚州、成都,相去萬里,陸途旣絕,唯資水路。 前軍累破,後衆喪魂,四可圖也。 康時,不征伐 益州頃經劉季連反叛,鄧元起攻圍,倉庫空竭,無復固守之意,二可圖也。 而統一。臣以不才,屬當戎寄,上憑國威,頻有薄捷,瞻望涪、益,旦夕 深藻是蘆衍兄子,骨肉至親,若其逃亡, 也。 臣聞乘機而動,武之善經,未有 水軍西上,非周年不達。 皆是左右少年而已,三可圖 當無 外無 方 死

列

傳

分受憲坐。 可屠,正以兵少糧匱, 若朝廷未欲經略,臣便爲無事,乞歸侍養,微展烏鳥。」 未宜前出。 **今若不取,後圖便難。** 輒率愚管,必將殄克。 如其無功,

之物。 涪城輒還,遂不定蜀 自退不守,恐孤先皇之恩遇,負陛下之爵祿。 易,彼來則難,任力而行,理有可克。 况臣才絕古人,何宜請二萬之衆而希平圖。所以敢者,正以據得要險,士庶慕義, 巒 臣誠知征戎危事,未易可爲,自軍度劍閣以來,鬚髮中白。 又表曰:「昔鄧艾、鍾會率十八萬衆,傾中國資給,裁得平蜀。 今王足前進,已逼涪城。 是以孜孜,頻有陳請。」宣武不從。 脫得涪城,則益州便 所以勉强者,旣 所以然者,關實力也。 到 又王足於 是成 此往則 此 地 而

專心酒色,公事諮承,無能見者。醫念之切齒。仲遷懼,謀叛,城人斬其首以降梁將讓 斂,清論鄙 右以禮,撫衆庶以惠。 巴西遂沒。 巒旣克巴西,遣軍主李仲遷守之。 之。 武興氏楊集起等反,巒遣統軍傅豎眼討平之。 徵授度支尙書。 歲餘之後,頗因其去就,誅滅百姓,籍爲奴婢者二百餘口, 仲遷得梁將張法養女,有美色,甚惑之, 巒之初至漢中, 從容風 散費兵儲, 兼商販聚 雅, 接豪

勞遣巒於東堂曰:「知將軍旋京未久,膝下難違,然東南之寄,非將軍莫可。 時梁 人侵軼徐、克,朝廷乃以巒爲使持節、都督東討諸軍事、安東將軍 一,尚書 自古忠臣亦非 如故。宣武

董 無孝也。」巒曰:「願陛下勿以東南爲慮。」帝曰:「漢祖有云:『金吾擊團,吾無憂矣。』今將軍 |戎,朕何慮哉'」||轡至,乃分遣將帥致討,兗州悉平,進圍宿豫,平之。 帝賜巒璽書慰勉之。

若 難,何容强 內 及 梁城 .應,則所不知,如其無也,必無克狀。 遣。 巒旣累表求還,帝許之。 英果敗退,時人伏其 且俗語云「耕則問田奴,絹則問織婢」,臣旣謂 識

申 巴西太守龐景仁自己女化生等二十餘口與暉。化生等數人,奇色也。暉大悅,乃背昶 糾 云 巒 一,事 新 初,侍中盧昶 故 有大功,已經赦宥,不宜方爲此獄。帝納之。 得 不 許言於宣武,以亮爲侍中。 坐。 與巒不平,昶 與元暉俱爲宣武所寵,御史中尉崔亮,昶之黨也,昶、暉令亮 亮奏巒在漢中掠良 高肇以巒有克敵効而爲昶等所排,助巒 人 《爲婢。CIED戀懼,乃以漢中所得 爲 一緒言,

得辭 京 何 率 師 時 313 平? 也。」於 林 豫 願 精 州 騎 唑 巒 城 百:「. 討 人白早 是 下 之。 亦 巒 今王 率 足 封 騎 爲 生殺刺 平舒縣伯,賞宿豫之功也。 師若臨,士人必翻 慮。」帝笑曰: 八百,倍道兼行,五日次於鮑口,擊賊大將胡孝 史司馬悅,以城南入梁,遣其將齊苟仁率衆入據縣瓠。 「卿言何其壯哉!知卿 然歸順 , 江 園之窮城, 奔走路絕, 不度 宣武臨東堂勞造 親老,頻勞於外,然忠孝 巒曰:「早生走也? 智, 乘勝 至 此 縣瓠 年, 韶巒持節 不 守也? - 俱,不 必傳首 因 間

列

傳

第

英南討三關,亦次縣瓠,以後軍未至,前寇稍多,憚不敢進,乃與巒分兵,將掎角攻之。 堂勞之。巒曰:「此陛下聖略威靈,英等將士之力,臣何功之有。」帝笑曰:「卿匪直一月三捷, 齊苟仁等二十一人開門出降,卽斬早生等同惡數十人,豫州平。僭振旅還京師,宣武臨東 旣而 大兵繼至,遂長圍圍之。 韶||轡使持節、假鎭南將軍,都督南討諸軍事。 中山王 梁將

爲 初,帝欲贈冀州,黄門甄琛以巒前曾劾己,乃云:「瀛州巒之本郡,人情所欲。」乃從之。及琛 詔,乃云優贈車騎將軍、瀛州刺史,議者笑琛淺薄。諡曰文定。子遜。 加撫軍將軍,卒於官。戀才兼文武,朝野瞻望,上下悼惜之。贈車騎大將軍、瀛州刺史。 |巒自宿豫大捷及平縣瓠,志行修正,不復以財賄爲懷,戎資軍實,絲毫無犯。 遷殿中尚 所足稱奇,乃存土伯,讓功而弗處。」

議者鄙之。 太后慨然,以遜爲長兼吏部郎中。後位大司農卿,與少卿元慶哲至相糾訟。遜銳於財利, 功名之子,久抱沈屈。「臣父屢爲大將,而臣身無軍功階級。臣父唯爲忠臣,不爲慈父」。靈 |遜字子言,貌雖陋短,頗有風氣。 襲爵後,遷國子博士、本州中正。 卒、贈光祿勳、幽州刺史。 因謁靈太后,自陳

祖徵弟祖効,貌寢,有風尙。 仕齊,卒於尙書郞。子祖徵,開府祭酒。 父喪未終,謀反,伏法。

巒弟偉,尚書郎中。 偉子昕。

軍。 新, 乃歸 奠禮 冒 竊官級 听 吏部 **断字子明** 與 河 尚書李神儁奏昕修起居注。 ,爲中尉所劾,觅官,乃爲述躬賦。 間 校 書郎裴伯茂等俱爲錄義。 幼狐 ,見愛於祖母 李氏。 太昌初,除中書侍郎, 永熙末,昕入爲侍讀,與溫子昇、魏收參掌 好學,早有才情,解褐盪寇將軍,累遷太尉記室參 未幾,受詔與秘書監常景典儀 加平東將軍、 **松注事。** 光祿 大夫。 武帝行 文詔。 時言 遷 釋

州 軍將 史,諡 騎常侍劉 文襄王攝選,擬 和 中從事 中,以本官副李象使於梁。 軍 天平初,與侍中從叔子才、魏季景、魏收同徵赴都, 日文。 o 宋游道以公斷見知,時 孝儀等來聘,詔昕 旣有才藻,無長几案。 所著文章 盺 爲司 自有集錄。 徒右長 兼 (史,未奏,遇疾卒,士友悲之。 **断好忤物**, 正 自孝昌之後,天下多務,世 與昕嘲謔,昕謂之曰:「世事同知文學外。」游道 員郎,迎於境上。 人謂之牛。 司徒孫騰引爲中郎,尋除通直常侍,加 是行 尋還鄉里,旣而復徵。 也, 人競以東工取達,文學大衰。 贈車騎將軍、都官尚書、冀州 談者謂 之牛象鬭 於江 有慚色。 時梁使兼散 南。

興

齊

刺

中

司

列

傳

第

Ξ

+

邢

褐, 乃啓其孤弟子子愼爲朝請。 人安之。卒,贈尙書左僕射、瀛州刺史,諡曰文貞。晏篤於義讓,初爲南兗州,例得 **偉弟晏,字幼平,美風儀,博涉經史,善談釋老,雅好文詠。 位滄州刺史,爲政淸靜,** 子愼年甫十二,而其子已弱冠矣。 後爲滄州,復啓孤兄子 一子解 吏

位氣通直散騎常侍,使於梁,時年二十八。 後為中外府屬, **断爲府主簿,而其子並未從宦,世人以此多之。**

坐事死於晉陽。

威將軍、平原太守、賜爵城平男。政淸刑肅,百姓安之。卒于官。 |巒叔祖||祐,字|宗||祐,少有學尙,知名於時。 假員外散騎常侍,使於宋。以將命之勤,除建

鄭縣子,使於齊。

產仍世將命,時人美之。

歷中書侍郎、太子中庶子,卒,朝廷嗟惜焉。贈平 子產,字神寶,好學善屬文,少時作孤蓬賦,爲時所稱。舉秀才,除著作佐郎。 假常侍、

州刺史、樂城子、諡曰定

第,爲中書議郎 尚書殿中郎。孝文因公事與語,問朝覲宴饗禮,則以經對,大合上旨。帝 字神彪、江北著作郎敏之子也。少爲三禮鄭氏學,明經有文思。 舉秀才上

崩 所 門 則 者戮及期親 宜 以 ...人有害母者,八坐奏轘之而瀦其室,宥其二子。 了尚書令

王肅多用新儀,

蚪往往折以

五經 《勸忠孝之道,存三綱之義。 若聖教含容,不加孥戮,使父子罪不相及,惡止於其身者, |投之四裔,敕所在不聽配匹。 了害親者令不及子,CIO旣逆甚梟鏡,禽獸之不若,而使禋祀不絕, 遺育承傳,非 盤庚言無令易種新邑, 正禮。 **蚪駁奏云:「君親無將,將而必誅。** 爲尙書左丞,多所糾正,臺閣肅然。 漢法五月食梟羹,皆欲絕其類 時雁 謀逆

滿 河 ·崔亮、頓丘李平並與親善。 所作碑頌雜筆三十餘篇。 長子臧。 不沒,時人異之。 後 爲 光祿少卿,母在鄉遇患,請假歸。 母喪,哀毁過禮,爲時所稱。 遇秋水暴長,河梁破絕,蚪得一小船而度,船漏 卒,贈幽州刺史,諡曰威。 **蚪善與人交**,清

也。」奏入,宣武從之。

樂安內史,有 雅 廉 爲 白 正光 臧 鄉情所附。 |臧字子良,幼孤,早立操尙,博學有藻思。 年二十一,|神龜中舉秀才,考上第,爲太學博 獨淸愼 中,議 惠 政。 立 奉法,吏人愛之。 永安初,徵爲金部郎中,以疾不赴。 明堂,臧爲裴頠一室之議,事雖不行,當時稱其理博。 後除濮陽太守,尋加安東將軍。 隴西李延寔,莊帝之舅,以太傅出除青州,啓臧爲屬。 轉除東牟太守,時天下多事,在職少能 出爲本州中從事, 領

列

傅

觀兄弟並結友,曾共讀四文集,臧獨先通之。撰古來文章幷敍作者氏族,號曰文譜,未就, 臧和雅信厚,有長者之風,爲時人所愛敬。 爲特進甌踩行狀,世稱其工。 與裴敬憲、盧

病卒、時賢悼惜之。其文筆凡百餘篇。贈鎭北將軍、定州刺史、諡曰文。 子恕,涉學有識悟。齊武平末,尚書屯田郎。隋開皇中,尚書侍郎。 卒於沂州長史。

行俱下,一覽便無所遺。文章典麗,旣贍且速。年未二十,名動衣冠。嘗與古北平陽固、河 東裴伯茂、從兄罘、河南陸道暉等至北海王昕舍宿飲,相與賦詩,凡數十首,皆在主人奴處。 山水游宴爲娛,不暇勤業。嘗霖雨,乃讀漢書,五日略能編之。後因飮謔倦,方廣尋經史,五 有人倫鑒,謂子弟曰:「宗室中有此兒,非常人也。」少在洛陽,會天下無事,與時名勝,專以 王粲。東部尚書隴西李神儁大相欽重,引爲忘年之交。 旦日奴行,諸人求詩不得,仰皆爲誦之。諸人有不認詩者,奴還得本,不誤一字。諸人方之 曰:「此子後當大成,位望通顯。」十歲便能屬文,雅有才思,聰明强記,日誦萬餘言。 族兄巒 |威弟仰,字子才,小字||古,少時有避,遂不行名。 年五歲, 魏吏部郎||清河崔亮見而奇之

神傷與陳郡袁翻在席,叉令卻作謝表,須臾便就,以示諸賓。神僑曰:「邢卻此表,足使袁公 釋巾爲魏宣武挽郎,除奉朝請,遷著作佐郎,深爲領軍元叉所禮。叉新除尚書令,任己

變色。」孝昌初,與黃門侍郎李琰之對典朝儀。

遠近。 酣賞,盡山泉之致。 洛 而 、託其 中貴 送之。」即恐為翻 自 爲 于時 孝 人 讓 拜 明 表。 職,多憑伽爲謝章表。如為當有一 袁翻與范陽祖瑩位 之後,文雅大盛,卻彫蟲之美,獨步當時,每一文初出,京師爲之紙貴,讀誦俄 遂命即作之,翻甚不悦。 所 害,乃辭 以疾。 望通顯,文筆之美,見稱先達,以即 屬尚書令元羅出鎭 每告人云:"「邢家小兒常客作章表,自買黃紙,寫 貴勝初授官,大事賓食,翻 青州、啓爲府司 藻思 與即 華贍,深共嫉之。 馬,遂在青土,終 . 倶在 坐,翻意主 日 徧 毎

收 榗 老還 史,三言 及即 避 鄕 地嵩 永安初 請置學、〈奏日 認 令覆案尚 高 所在 Щ ,累遷中 |特給兵力五 書門 普泰中, ·書侍郎,所作韶文體宏麗。 下事,凡除大官,先問 兼給 人,并令歲 事黃門侍郎,尋爲散騎常侍。 一入朝,以備顧問。 其可 不,然後施 及余朱榮入洛、三豆京師擾亂,卻與弘農 行。 1 太昌初, 母 憂,哀毀過禮。 除衛將軍 敕 令恒 或 直 子祭酒。 後楊悟 內 省 給 與 以 魏 親 楊 御

蔽 以 **黔黎**。 詢 哲言 黌 故 育 兩 學 九 清衿 服 盛自虞、殷。 分 而 崩 敷 祚 典 終 敎。 二代。 所以宗配上帝,以著莫大之嚴,宣布下土,口己以彰則 用 能亭 炎漢勃與 國 長 久, 更修儒 風 徽 萬祀者也。 術。 故西京有六學之義 **爱暨亡秦**, 改革 東都 ·其道, 天 有三本之盛。 之軌。 沉 儒 滅 養黃髮 學,以 逮

列

自魏 葠 中 黨 以匪寧,億兆所以佇望也。 德義之基,空盈牧豎之跡。 大興板築。 漸 敦 晉 致虧 許 書於 撥亂 墜,非所謂追隆堂構,儀刑萬國者也。 今若基宇不修,仍同丘畎,即使高皇神享,闕於國陽,宗事之典,有聲 、郡國。 相因,兵革之中,學校不絕。 續以水旱,戎馬生郊 但經始事殷,戎軒屢駕,未遑多就, 城隍嚴固之重,闕甎石之工,墉構顯望之要,少樓 ,雖逮爲山,還停一簣。 仰惟高祖孝文皇帝,稟聖自天,道鏡今古, 伏聞朝議以高祖大造區夏,道侔姬文, 弓劍弗追。 而 明堂禮樂之本,乃鬱荆棘之林 世宗統 曆,聿遵先緒, 榭之飾。 無實。 加 列教序於鄉 擬祀 此臣子所 以 永平之 風 明堂, 膠序 雨稍

國子 雖 臣 有學官之名,而 叉 聞官方授能,所以任事,旣任事矣,酬之以祿。 無教授之實,何異冤絲燕麥,南箕北斗哉 如此則上無曠官之譏,下絕尸素之謗。

方彫 晏 勤 經經 請 靡 昔 國 定刑 劉 之作,頗省永寧土木之功,幷減 要重,理 向 法, 有言,王者 至於 應先營,脫復稽延,則 禮樂,則曰未敢。 宜興辟雍、陳禮樂以風天下。 是敢於殺人, 瑶光: 劉向之言徵矣。 材瓦之力, 不敢於養人也。 夫禮樂所以養人,刑法所以殺人。 兼分石窟鐫琢 但事 亦 兩 興,須 之勞, 臣以爲當今四海淸平, 有 進退,以 及諸 事 役 臣 . 愚量, 非 世 而有司勤 急 九 宜 者, 服 罷 \equiv 尙

時農隙

修此

數條。三三使辟

雍之禮

蔚

爾而

復興;

諷

誦之音,煥然而

更作。

美榭高

塘、嚴壯

於

外,槐

宮棘寺、顯麗於中。

更明古今,重遵鄉飲,敦進郡學,精課經業。

如此則元、凱可得之於上序,游、

夏可致之於下國,豈不休歟。

靈 太 后 令 日 一一配 饗大禮 ,

為國之本,

比以戎馬在郊,未遑修繕,

今四表晏寧,當敕有司,別議經

始。」累遷尙書令,加侍中。)

得將 持威 作 聘 命 使 儀 于 時 。」答云:「子才文辭實無所愧,但官位已高,恐非復行限。」南 ,名高難副,朝廷不令出境。 ,國子祭酒何爲不可?」卻旣不行,復請還故郡 與梁 和 ,妙簡 聘使,卻與魏收及從子子明被徵入朝。 南 人曾問賓司:「邢 子才 故應是北 當時文人,皆卻之下, 人日: 間 第一才士, 鄭伯猷 護 何 但以 爲 軍 猶 不 不

於春 卽 重之,多別引 道「此漢不 啓文襄,執其 秋 文 襄 、三司初總 在京輔政 可 親近」。 見。 專擅 朝政、崔暹每 了 三 己 徴 之 , 在 第 為 · 伯倫· 舊 暹頗 鄙 崔 官事 衛之。 暹 無 勸 便 禮接名賢,詢訪得失,以 學術,言論 即奏 寢 賓 魏帝 客。 由 是被疏 一發敕 之際,遂云 除給 事黃門侍郎,與溫子昇對爲侍讀。 用妻兄李伯倫 暹 卻 無 宿 所 有 知 名望,故請徵焉。 解。 爲 司 徒祭酒。 文襄還以 詔 **卻言告暹** 書已出 文襄 文襄 谌 介幷 暹 親

其所 陶 縣 其後 以。 去 州 在 五 除 驃騎、 + 任 都 里,縣令妻日 不營生產,唯 、西兗州 刺 暮 史。 取 南克羅栗,就濟陽食之。三二即繕修觀宇 在州 人 斗 有善政,桴鼓不鳴,吏 酒 東脯 |加逼 夜攝今,未明 人姦伏,守令長短,無不 而 去, ,頗爲壯麗,皆爲之名 責其 取受, 舉 知 州 之。 不 定 識

列

傳

第

老及媼嫗皆遠相攀追,號泣不絕。

題,有清風觀、明月樓,而不擾公私,唯使兵力。 吏民爲立生祠,幷勒碑頌德。 及代,吏人父

至都,除中書令。

斷。 犬之功。」詔並從之。 曰:「設官分職,各有司存,丞相不問鬭人,虞官弓招不進。豈使尸祝兼刀匕之役,家長侵鷄 以爲乏,今藏之於民,復何所損。」又準舊皆訊囚取占,然後送付廷尉。 句踐以區區之越,賞法:生三男者給乳母。況以天下之大而絕此條!舜藏金於山,不 舊格制:生兩男者,賞羊五口,不然則絹十匹。 僕射崔暹奏絕之。卻云:「此格不宜輒 即以爲不可,乃立議

職,並是文學之首,當世榮之。幸晉陽,CIIOD路中頻有甘露之瑞,朝臣皆作甘露頌,尚書符令 自除太常卿兼中書監,攝國子祭酒。至是時朝臣多守一職,帶領二官甚少,即頓居三

故,卻援筆立成,證引該洽。帝命朝章,取定俄頃,詞致宏遠,獨步當時。與濟陰溫子昇爲文 經章句爲意,窮其指要。吉凶禮儀,公私諮稟,質疑去惑,爲世指南。 士之冠,世論謂之溫、邢。與應魏收雖天才艷發,而年事在二人之後,故子昇死後,方稱邢、 四率情簡素,內行修謹,兄弟親姻之間,稱爲雍睦。 博覽墳籍,無不通曉。 每公卿會議,事關典 晚年尤以五

魏焉。

疏,未嘗內宿。自云嘗畫入內閣,爲狗所吠,言畢便撫掌大笑。性好談賞,又不能閑獨,公 能傾接,對客或解衣覔虱,且與劇談。有書甚多,而不甚讎校。見人校書,笑曰:「何愚之甚! 臥 子才曰:「世間人多不聰明,思誤書何由能得。」子才曰:「若思不能得,便不勞讀書。」與婦甚 天下書至死讀不可偏,焉能始復校此。日思誤書,「三」更是一適。」妻弟李季節,才學之士,謂 、恒在一小屋,果餌之屬,或置之梁上,賓至,下而共噉。天姿質素,特安異同,士無賢愚,皆 雖望實兼重,不以才位傲物,脫略簡易,不修威儀,車服器用,充事而已。 有齋不居,坐

累,東門吳以還,所未有也。有集三十卷,見行於世。 及卒,人士爲之傷心,至三痛悼雖甚,竟不再哭,賓客弔慰,抆淚而已。其高情達識,開遣滯 事寡嫂甚謹,養孤子恕慈愛特深。在兗州,有都信云恕疾,便憂之廢寢食,顏色貶損。 事歸休,恒須賓客自伴。

即世息大寶,有文情。 孽子大德、大道,略不識字焉。

襲爵陳留公,鎭西大將軍。 李崇字繼長,小名繼伯,頓丘人也。文成元皇后第二兄誕之子。年十四,召拜主文中 孝文初,爲荆州刺史,〔三〕鎭上洛,敕發秦、陝二州兵送崇至

還之。南人感德,仍送荆州口二百許人。兩境交和,無復烽燧之警。 懷懼。」孝文從之。乃輕將數十騎馳到上洛,宣詔綏慰,人卽帖然。 理。 崇辭曰:「邊人失和,本怨刺史,奉詔代之,但須一宣詔旨而已**。** 邊戍掠得齊人者,悉令 在州四年,甚有稱績。 不勞發兵自防,使人

亡歸陸,陸納之,以爲謀主。數月,冀州斬陸送之,賊徒潰散。入爲河南尹。 州置樓懸鼓,自崇始也。後例降爲侯,改授安東將軍。 村,聞鼓皆守要路。俄頃之間,聲布百里,其中險要,悉有伏人,盜竊始發,便爾禽送。諸 王禧都督左翼諸軍事。徐州降人郭陸聚黨作逆,人多應之。 召還京師,賞賜隆厚。 除兗州刺史。兗土舊多劫盜,崇乃村置一樓,樓懸一鼓,盜發之處,雙槌亂擊,四面諸 車駕南征,韶崇副驃騎大將軍、咸陽 崇遣高平卜冀州詐稱犯罪,逃

戰敗走,俘其妻子。崇多設疑兵,襲克武興。齊梁州刺史陰廣宗遣參軍鄭猷、王思考率衆援 之,以拒官軍。崇乃命統軍慕容拒率衆五千,從他路夜襲龍門,破之。 躬率精勇一萬據鷺硤。龍門之北數十里中,伐樹塞路。鷺硤之口,積大木,聚礌石,臨崖下 襲,羣氐皆棄靈珍散歸,靈珍衆減太半。崇進據赤土。 與齊相結。 後車駕南討漢陽,崇行梁州刺史。氏楊靈珍遣弟婆羅與子雙領步騎萬餘,襲破武興, 韶崇爲使持節、都督隴右諸軍事,率衆討之。 靈珍又遣從弟建率五千人屯龍門, **崇槎山分進,出其不意,表裏以** 崇自攻靈珍,靈珍連

悦曰:「使朕無西顧之憂者,李崇功也。」拜梁州刺史,手詔曰:「便可善思經略,去其可除,安 崇大破之,并斬婆羅首,殺千餘人,俘獲猷等。 靈珍走奔漢中。孝文在南陽,覽表大

其可育,公私所患,悉令芟夷。」及靈珍偷據白水,崇擊破之,靈珍遠遁。

燕等聚衆反叛,諸蠻悉應之,圍逼湖陽。〔一過游擊將軍李暉光鎭北城,盡力捍禦。 詔以崇爲使持節、都督征蠻諸軍事以討之。蠻衆數萬,屯據形要,以拒官軍。 斬 北燕等,徙萬餘戶於幽、幷諸州。宣武追賞平氐之功,封魏昌縣伯。 宣武初,徵爲右衞將軍,兼七兵尚書,轉左衞將軍、相州大中正。魯陽蠻柳北喜、魯北 **崇累戰破之,** 賊勢甚盛,

荆,諸蠻悉降。尋兼侍中、東道大使,黜陟能否,著賞罰之稱。 詐,或生詭劫,宜遣銳兵,備其不意。 崇可都督淮南諸軍事,坐敦威重,遙運聲算。」 |州刺史。詔曰:「應敵制變,算非一塗,救左擊右,疾雷均勢。今朐山蟻寇,久結未殄,賊胻狡 軍、都督征蠻諸軍事,率步騎討之。以分遣諸將,攻擊賊壘,連戰克捷,生禽樊安,進討四 延昌初,加侍中、車騎將軍、都督江西諸軍事。先是壽春縣人苟泰有子三歲,遇賊亡 東荆州蠻樊安聚衆於龍山,僭稱大號。梁武遣兵應之。諸將擊不利,乃以崇爲鎭南將 出除散騎常侍、征南將軍、揚

令二父與兒各在別處,禁經數旬,然後告之曰:「君兒遇患,向已暴死,可出奔哀也。」 苘泰聞 失,數年不知所在,後見在同縣趙奉伯家。。秦以狀告,各言已子,並有鄰證,郡縣不 能斷。崇

列

卽 號咷,悲不自勝,奉伯咨嗟而已,殊無痛意。 **崇察知之,乃以兒還泰,詰奉伯詐狀。** 奉伯

求其 背役,姓解字思安。時欲送官,苦見求及,稱:『有兄慶寶,今住揚州相國城內,嫂姓徐。 款引,云先亡一子,故妄認之。 故相造,指申此意。君欲見雇幾何?當放賢弟。若其不信,可見隨看之。」慶賓悵然失色, 脫矜慜,爲往告報,見申委曲,家兄聞此,必重相報。今但見質,若往不獲,送官何晚?』是 慶賓告曰:「僕住在北州,比有一人見過寄宿。夜中共語,疑其有異,便卽詰問,乃云是流兵 云見鬼,說思安被害之苦,飢渴之意。慶賓又誣疑同軍兵蘇顯甫、李蓋等所殺,經州訟之。 **賞,乃認城外死尸,詐稱其弟爲人所殺,迎歸殯葬。頗類思安,見者莫辨。又有女巫陽氏自** 二人不勝楚毒,各自款引。獄將決竟,崇疑而停之。密遣二人非州內所識者,僞從外來,詣 八縛送。 、少停。此人具以報崇,攝慶賓問之,伏引。 更問蓋等,乃云自誣。 數日之間,思安亦爲 又定州流人解慶賓兄弟,坐事俱徙揚州。弟思安背役亡歸。慶賓懼後役追責,規絕名 崇召女巫視之,鞭笞一百。 崇斷獄精審,皆此類也。

沒者二版而已。州府勸崇棄州保北山。崇曰:「吾受國重恩,忝守藩岳,淮南萬里,繫于吾

大霖雨十有三日,大水入城,屋宇皆沒。崇與兵泊於城上,水增未已,乘船附於女牆,城不

有泉水湧於八公山頂,壽春城中有魚數從地湧出,野鴨羣飛入城,與鵲爭巢。五月,

時

梁假豫州刺史,因乘大水,謀欲爲亂,崇皆擊滅之。又以洪水爲災,請罪解任。 千載。但憐茲士庶、無辜同死、可桴筏隨高,人規自脫。吾必守死此城。」時州人裴絢等受 旦動脚,百姓瓦解,揚州之地,恐非國物。 昔王尊慷慨,義感黃河,吾豈愛一軀,取愧 部日:「夏雨

汎濫,斯非人力,何得以此辭解。今水涸路通,公私復業,便可繕甲積糧,修復城雉,勞恤士

狀。宣武屢賜璽書慰勉之,賞賜珍異,歲至五三,親待無與爲比。梁武每歎息,服宣武之能 措謀,乃授崇車騎大將軍、開府儀同三司、萬戶郡公,諸子皆爲縣侯,欲以構崇。 曰「臥彪」、〔三〕賊甚憚之。梁武惡其久在淮南,屢設反間,無所不至。 宣武雅相委重,梁無以 任崇也。 崇沈深有將略,寬厚善御衆。在州凡十年,常養壯士數千人,寇賊侵邊,所向摧破,號 崇表言其

申賢要其走路,破之於濡水,俘斬三千餘人。靈太后璽書勞勉。許昌縣令兼紵麻戍主陳平 **教之水戰,以待臺軍。** 五門,胡興茂寇開、霍。 揚州諸戍,皆被寇逼。 崇分遣諸將,與之相持,密裝船艦二百餘艘, 人於城內。又遣二將昌義之、王神念率水軍泝淮而上,規取壽春,田道龍寇邊城,路長平寇 孝明踐阼,褒賜衣馬。及梁遣其游擊將軍趙祖悅襲據西硤石,更築外城,逼徙緣淮之 梁霍州司馬田休等寇建安,崇遣統軍李神擊走之。又命邊城戍主邵

傳

夤於梁 李神乘鬭艦百餘艘,沿淮與李平、崔亮合攻陝石。 南引梁軍,以戍歸之。 堰 上流決淮東注。 崇自秋請援,表至十餘,詔遣鎮南將軍崔亮教硤石,鎮東將軍蕭寶 朝廷以諸將不相赴,乃以尚書李平兼右僕射持節節度之。 李神水軍剋其東北外城。 祖悅力屈,乃 崇 遣

侍中、都督四州諸軍事、定州刺史。徵拜尚書左僕射、遷尚書令,加侍中。 州 降。 西竟水,防賊火栰。又於八公山之東南,更起一城,以備大水,州人號曰魏昌城。 籬,至兩岸,蕃版裝定,如石箱解合,賊至舉用,不戰解下。 ,前後十餘上,孝明乃以元志代之。尋除中書監、驃騎大將軍,儀同 朝廷嘉之,進號驃騎將軍、儀同三司,刺史、都督如故。 梁淮堰未破,水勢日增。 崇乃於硤石戍間編舟爲橋,北更立船樓十,各高三丈,十步置 又於樓船之北,連覆大船,東 如故。〔言〕出爲使持節、 崇 累 表 解

匹而 者百餘人,皆令任力負布絹,卽以賜之。多者過二百匹,少者百餘。唯長樂公兩手持絹二十 至損脚。 出,「云」示不異衆而已,世稱其廉儉。崇與章武王融以所負多,顚仆於地,崇乃傷腰,融 崇在官和厚,明於決斷,然性好財賄,販肆聚斂。 時人爲之語曰:「陳留、章武,傷腰折股,貪人敗類,穢我明主。」 孝明、靈太后嘗幸左藏,王公嬪主從

志氣奮揚,時年六十九,幹力如少。 蠕 蠕主阿那壤犯塞,詔崇以本官都督北討諸軍事以討之。 孝明目而壯之,朝臣莫不稱善。 崇辭於顯陽殿,戎服武飾, 遂出塞三千餘里,不及

賊而還。陰請改六鎭爲州,兵編戶,太后不許。

崇北 付 相 不ご 總 督,撫軍 時 恒 尋 敗於 之盛。 一,朔, 持至冬,乃引還平城。 彼 慢射 師 後 白道 金陵 北 旅 將軍崔暹、鎭軍將 崇至五原,崔暹大敗于白道之北,賊遂幷力攻崇。 蕭 朕 備衞 鎭 寶夤等曰:「陛下此遣,實合羣望。」於是詔崇以本官加使持節、開府、北討大都 以李崇國戚望重,器識英斷,意欲還遣崇行,總督三軍,揚旌恒、朔,諸人謂可爾 在彼,夙夜憂惶。 人破落汗拔陵反,所在響應。征 ,賊衆日甚。 金湯。詔曰:「去歲阿那褒叛逆,遣李崇北征,崇遂長驅塞北,返旆楡關,此 深表崇長史祖瑩詐增功級,盗沒軍資。 詔引丞相、令、僕、尚書、侍中、黃門於顯陽殿,曰:「賊勢侵淫,寇連 軍廣陽王深皆受崇節度。又詔崇子光祿 諸人宜陳良策。」吏部尚書元脩義以爲須得重貴,鎭壓恒、朔, 北將軍、臨淮王彧大敗於五原,安北將軍李叔仁 崇與廣陽王深力戰,累破賊衆。 崇坐免官爵,徵還,以後事 大夫神軌假平北將軍,隨

奔歸。 之。 改 後 徐州 除 乃詔 開 府、 復 刺史元法僧以彭城南叛,時除安樂王鑒爲徐州刺史以討之,爲法僧所敗,單馬 景官爵,爲徐州 相州 刺 史,侍中、將軍 大都督、節度諸軍 儀 同 並 如 故。 事。 會崇疾篤,乃以衞將軍 、安豐王延明代

孝昌 元 年 ,薨於位 一,贈侍 中、驃騎大將軍、司徒公、雍州刺史,諡曰武康,後重贈太尉公,

列

傳

一六

餘如故。

李錐。 御史高道穆毁發其宅,表其罪過。後除涇州刺史, 拜鴻臚少卿。 長子世哲,性輕率,供奉豪侈。少經征伐,頗有將用,爲三關別將,計羣蠻大破之。 爲相州刺史,斥逐百姓,遷徙佛寺,逼買其地,部內患之。以非征之後,徵兼太常卿。 性傾巧,善事人,亦以貨賂自達。 高肇、劉騰之處勢也,皆與親善,故世號爲 賜爵衞國子。 卒,贈吏部尚書、冀州 逻,

據州反,詔神軌與都督源子邕等討平之。後於河陰遇害。 嚴爲雙。 縱,分遣腹心媼姬出外,陰求悅人。神軌為使者所薦,寵遇勢傾朝野,時云見幸帷幄,與鄭 世哲弟神軌,小名靑腕,受父爵陳留侯。 頻遷征東將軍、武衞將軍、給事黃門侍郎,常領中書舍人。時相州刺史、安樂王鑒 累出征伐,頗有將領之氣。 建義初,贈侍中、司空公、相州刺 孝昌中,靈太后淫 刺史。

子庶子。平請自効一郡,帝曰:「卿復欲以吏事自試也。」拜長樂太守,政務清靜,吏人懷之。 通直散騎侍郎,孝文禮之甚重。頻經大憂,居喪以孝稱。 崇從弟平。 平字雲定,只是少有大度,及長,涉獵羣書,好禮、易,頗有文才。 後以例降,襲爵彭城公。 太和初,拜 累遷太

徵 行 河南尹、豪右權戚憚之。 宣武卽位,除黃門郎,遷司徒左長史,行尹如故。 葬正尹,長

史如故。

農者未積一年之儲,築室者裁有數間之屋,莫不肆力伊、瀍,人急其務。 其稼穡,令國有九載之糧,家有水旱之備。 京闕、富者猶損太半,貧者可以意知。 至洛,始欲向盡,資產罄於遷移,牛畜斃於輦運,陵太行之險,越長津之難,辛勤備經,劣達 車駕將幸鄴,四四平上表諫,以爲:「嵩都創構,洛邑俶營,雖年跨十稔,根基未就。 兼歷歲從戎,不遑啓處。 若乘之以羈紲,則所廢多矣。」不從。 自景明以來,差得休 實宜安靜新 息, 代人 事

來臺使,頗好侵漁。平乃畫「履武尾,「四〕踐薄冰」於客館,注頭其下,以示誡焉。徵拜度支尚 學,簡試通儒以充博士,選五郡聰敏者以敎之。 韶以本官行相州事。 帝至鄴,親幸平第, 見其諸子。 圖孔子及七十二弟子於講堂,親爲立贊。前 尋正刺史。 平勸課農桑,修飾太

書,領御史中尉。

|式乾殿勞遣||平,因曰:「何圖今日,||言及斯事!||歔欷流涕。 陛下不以臣不武,委以總督之任。 非陛下之事。」平進次經縣,諸軍大集。 冀州刺史、京兆王愉反於信都,以平爲持節、都督北討諸軍事、行冀州 如其稽顙軍門,則送之大理,若不悛待戮, 夜有蠻兵數千斫严前壘,矢及严帳,严堅臥不動,俄 平對日:「愉天迷其心,構 以討之。 則 鳴 此梟悖。 鼓釁鉦, 宣武臨

列傳

統 而 乃定。 軍 叔 孫 遂 頭追之,去信都八十里,禽愉。 至冀州城南十六里,大破逆衆,逐北至城門,遂圍城。 冀州平,以本官領相州大中正。 **愉與百餘騎突門走,**平遣

善,帝原之。 鎭將任款請貸未許,擅開倉振恤,有司繩以費散之條,免其官爵。 賤之訟,多有積年不決,平奏不問眞僞, 州 隱截官口 平先為 ,肇又扶成其狀,奏除平名。 尚書令高肇、侍御史王顯所 遷中書令,尚書如故 恨,後顯代平爲中尉,平加散騎常侍。 延昌初,詔復官爵, 一以景明年前爲限,於是諍訟止息。 除定、冀二州刺史。四三前 武川鎭 顯劾平在冀 來良

平定冀之勳,靈太后乃封武邑郡公,賜縑二千五百匹。 孝明初,轉吏部 尚書。 平高明强濟,所在有聲,但以性急爲累。尚書令、任城王澄奏理

援, 從 節、鎭軍大將軍,兼尚書右僕射爲行臺,節度諸軍,東西州將,一以稟之,如有乖異, 功遷尙書右僕射,加散騎常侍。 崇、 亮憚之, 無敢 先是,梁遣其將趙祖悅逼壽春,鎭南崔亮攻之,未剋,又與李崇乖貳。 韶平長子獎以通直郞從。 王神念、昌義之等不得進救。 乖互。 頻日交戰,破賊軍。 严還京師,靈太后見於宣光殿,賜以金裝刀仗一口。 於是率步騎二千赴壽春,嚴勒崇、亮,令水陸兼 祖悦守死窮 城,平乃部分攻之,斬祖悅,送首於洛。以 安南將軍崔延伯立橋於下蔡, 詔平以本官使持 備 以 剋期 拒賊 以軍 齊 法

史,諡文烈公。平自在度支,至於端副,夙夜在公,孜孜匪懈,凡處機密十有餘年,有獻替之 破,太后大悅,引羣臣入宴,敕平前,孝明手賜縑布百段。卒,遺令薄葬。詔給東園秘器、朝服 一具、衣一襲、帛七百匹。靈太后爲舉哀於東堂。 時南徐州表云:梁堰淮水,日爲患。詔公卿議之。泙以爲不假兵力,終自毀壞。 贈侍中、驃騎大將軍、儀同三司、冀州刺 及淮堰

稱。所制文筆別有集錄。長子獎襲。

侍、河南尹。獎前後所歷,皆以明濟著稱。一元顥入洛,顥以獎兼尚書右僕射,慰勞徐州。 林及城人不承顯旨,害獎,傳首洛陽。孝武帝初,獎故吏宋游道上書理獎,詔贈冀州 刺史。初,元叉擅朝,獎爲其親待,頻居顯職。 獎字遵穆,容貌魁偉,有當世才度。位中書侍郎、吏部郎中。以本官兼尚書, 子構襲。構字祖基,少以方正見稱,襲爵武邑郡公。齊天保初,降爵爲縣侯,位終太府 靈太后反政,削除官爵。 孝莊初, 爲散騎常 出爲相州 刺 史。 羽

卿,贈吏部尚書。構早有名譽,歷官淸顯,常以雅道自居,甚爲名流所重。

子丕,有父風,位尚書祠部郎中。

丕弟克,通直散騎常侍。

獎弟諧。諧字虔和,幼有風采。 趙郡李搔嘗過元叉門下,見之,歸謂其父元忠曰:「領軍

列

書侍郎。

門下見一 神人。」元忠曰:「必李諧也。」問之果然。襲父先爵彭城侯。文辯爲時所稱,歷位中

天平末,魏欲與梁和好,朝議將以崔悛爲使主。

顧, 梁使至魏,梁武親與談說,甚相 儁、范陽盧元明、北海王元景、弘農楊遵彦、淸河崔贍爲首。 渥,館門成市。 盡 高 北 覘客,<u>异言諧、</u>元明之美。 間都無人物,此等何處來?」謂异曰:「過卿所談。」 「諧乃大勝。」於是以
討論

常言

一方

一方< 故諧等五 時之選, 人繼踵,而遵彦遇疾道還,竟不行。 無才 宴日,齊文襄使左右覘之,賓司 地者不得與焉。 踏等見,及出,梁武目送之,謂左右曰:「朕今日遇勍敵,卿輩常言 愛重。 梁使每入,鄴下爲之傾 階使還後遷秘書監,卒於 一言制勝, 既南北通好,務以俊乂相矜,銜 是時鄴下言風流者,以諧及隴西 文襄爲之拊掌。 動, 初通梁國,妙簡行人,神儁位 貴勝子弟盛飾聚觀, 大司農。 魏使至梁, 梁武 命接客,必 禮贈 近使朱异 亦如 李 優 神

諧 爲 人短小,六指,因癭而舉頤,因跛而緩步,因謇而 徐言, 人言李諧善用三短。 文集

十 ·餘卷。

流涕。

諧 長子岳,字祖仁,官中散大夫。 性純至, 居期慘, 未會聽婢過前, 追思二親, 言則

客,梁客徐陵深歎美焉。 庶曰:「先以此方回施貴族,藝眉有効,然後樹鬚。」世傳諶門有惡疾,以呼沱爲墓田,故庶言 岳弟庶,方雅好學,甚有家風。 。庶生而天閹,崔諶調之曰:「敎弟種鬚,以錐徧刺作孔,插以馬尾。」 歷位尚書郎、司徒掾,以清辯知名。 常攝賓司,接對梁

及之。邢子才在傍大笑。除臨漳令。

黨助魏,故逐白齊文宣,庶等並髠頭鞭杖二百,庶死於臨漳獄中。庶兄岳痛之,終身不歷臨 事,以盧同附盧玄傳,李平為陳留人,云其家貧賤。故斐等讙訟,語楊愔云:魏收合誅。 魏書之出,庶與盧斐、王松年等訟其不平。 魏收書王慧龍自云太原人,又書王瓊不善 愔

漳縣門。

之。」於是起亦夢焉。起寤問妻,言之符合。遂持錢帛躬往求劉氏,如所夢得之,養女長而 取我。劉家在七帝坊十字街南,東入窮巷是也。」元氏不應,庶曰:「君似懼趙公意,我自說 「我薄福,託劉氏爲女,明旦當出,彼家甚貧,恐不能見養。夫妻舊恩,故來相見告,君宜乞 庶妻,元羅女也,庶亡後,岳使妻伴之寢宿。 積五年,元氏更適趙起。 嘗夢庶謂己曰

庶弟蔚,少清秀,有襟期倫理,涉觀史傳,兼屬文詞。昆季並尙風流,長裾廣袖,從容甚

嫁焉。

書丞,士友悼惜之。

郎中,仍聘陳使副。 美,然頗涉疏放。唯蔚能自持公幹理,甚有時譽。坐兄庶事徙平州。 江南以其父曾經將命,甚重焉。 還,坐將人度江私市,除名。後卒於秘 後還,位尚書左中兵

賜。 散騎常侍,大被親狎,加儀同三司。居性滑稽,善諷誦,數奉旨詠詩,幷使說外間世事可笑 於後園講武,令岩爲吳將,皇后皆出,引若當前,觀其進止俯仰。事罷,遣使謝之,厚加賞 樂者。凡所話談,每多會旨。嘗在省中,趨而前却,對答學奏事之象,和士開聞而奏之。帝 下,詔命出羊車。,若重思,知金不至,竊言:「羊車、鹿車何所迎。」帝聞,亦笑而不責。又帝 每狎弄之。武成以斛律金舊老,每朝,賜羊車上殿。金曾使人奉啓,若爲舍人,誤奏云在闕 諧弟邕,字脩穆,幼而儁爽,有逸才。位高陽王雍友。凡所交游,皆倍年儁秀。卒,贈 韓長鸞等忌惡之,密構其短,坐觅官。未幾,詔復本官。隋開皇中,卒於秦王府諮議。
 蔚弟若, 聰敏, 頗傳家業, 風采詞令, 有聲點下。坐兄庶事徙臨海。
 乾明初,追還,後兼

洛州 刺史、諡曰文。

李崇風質英重,毅然秀立,任當將相,望高朝野。 孟軻爲勇,於文簡公見之。四三唯嘗短崔暹,頗爲累德。阮籍未嘗品藻人物,斯亦良有以焉。 飾智,疏通簡易,罕見其人,足爲一代之模楷也。 剋著,贊務之材也。 外寄折衝,其緯世之器歟。子才少有盛名,鼓動京洛,文宗學府,獨秀當年,舉必任真,情無 子俱逢世亂,悲哉!晏之、乾威,可謂亡焉不絕。 張彝風力謇謇,有王臣之氣,銜命擁旄,風聲克舉。 諸風流文辯,蓋人望乎。 邢巒以文武才策,當軍國之任,內參機揆, 及明崔㥄之謗言,執侯景之姦使,昔人稱 平以高明幹略,効智於時,出入當官,功名 俱魏氏器能之臣乎。 遭隨有命,二

校勘記

遇赦免罪準其殿者除之 說遇赦已免罪,但考成還記殿的,除其記殿。 魏書卷六四郭祚傳作「遇赦免罪, 北史文意不明、疑誤。 惟記其殿、除之」。按魏書文意是

宜敕揚州選一猛將遣當州之兵令赴浮山表裏夾攻 人,領羽林一萬五千人,並科京東七州,虎旅九萬,長驅電邁,遄令撲討」等語。 按魏書此前有 「宜命一重將,率統軍三十 北史删去,使

. ⊒ ∪ 自是積十數年 魏書作「積二十餘年」。按郭祚以左丞兼黃門從孝文南征,當在太和十九年,

且郭祚原奏,重點在前,今删重留輕,甚爲失當。

「表裏夾攻」之語無着落。

至明帝卽位,共二十一年。 魏書是。

. 29 與盧陽烏李安人等結爲親友 魏書卷六四張彝傳作盧淵、李安民、北史避唐諱改。

二五 非武非兕 魏書「武」作「虎」、北史避唐諱改。

ハベン 改陳壽魏書爲編年之體 魏書作「魏志」,是。

フセン 子乾威 隋書卷六六本傳作「虔威」。

假通直常侍平城子使宋 諸本「假」作「改」,魏書卷六五、通志卷一五〇上邢巒傳作「假」。 按 當時出使南朝者,例假或兼通直散騎常侍或侍郎。「改」字是形似致訛,今據改。又「平城」疑當作

「城平」。下文邢祐「賜爵城平男」、「城平」即「成平」,屬瀛州章武郡見魏書地形志上。邢氏瀛州人,當

是以此爲封號。

常參坐席 「自比遷務雖猥,與諸才儁不廢詠綴, 「嘗」字與上下文都不啣接,今據改。 諸本「常」作「嘗」,魏書、通志作「常」。按魏書卷五十六鄭道昭傳稱孝文謂道昭曰: 逐命邢巒總集敍記。」可見邢巒經常 參預 孝文坐席。

且.

梁秦二州行事夏侯道遷以漢中內附 魏書「梁」上有「蕭衍」二字。按夏侯道遷本是梁將, 這

蕭深藻是裙屐少年 魏書「深」作「淵」、北史避唐諱改。

裏應重「梁」字。

鎮,克涪城則進圍成都,故料深藻必走。若作「走涪城」,則成都尚有涪城可恃,深藻何必遽走。 脱軍走涪城深藻何肯城中坐而受困 魏書「走」作「克」。按深藻時在成都,涪城是成都外圍重

魏書作「克」是。

又詔巒率衆會之 諸本無「之」字、魏書有。 通志作「討」。 今從魏書補。

亮奏巒在漢中掠良人爲婢 魏書「婢」上有「奴」字、疑北史脱。

[1五] 龐景仁 魏書「仁」作「民」、北史避唐諱改。

二六 士人必翻然歸順 魏書「人」作「民」,泛指百姓,北史避唐諱改作「士人」,與當時專以指士族之

「士人」相混。

·] 祐從子蚪字神彪 魏書「彪」作「虎」、北史避唐諱改。

[1八] 害親者令不及子 魏書「令」作「今」,疑是。

叉新除尚書令 諸本「除」下行「遷」字,據册府卷八三九九九六一頁、通志卷一五五邢卻傳

多憑卻爲謝章表 北齊書卷三六邵卻傳無「章」字、當是衍文。

及介朱榮入洛 諸本「榮」作「兆」,册府卷九四九一二七〇頁作「榮」。按下文言「卻與弘農楊

是在尒朱榮死後,則此作「兆」誤。又據本書卷四八尒朱榮傳,言莊帝謀殺尒朱榮前,「榮乃暫 悟避地嵩高山」。據本書卷四一楊悟傳,悟與邢印隱於嵩山,在莊帝誅分朱榮前,而 **尒朱兆入洛**

列傳第三十一 校勘記

來向京」、「京師人懷恐懼,中書侍郎邢子才之徒,已避之東出」。知作「榮」是,今據册府改。

敕令恒直內省給御史 李慈銘云:「『御史』當作『御食』。」 按北齊書南北二本及通志邢卻傳作

「御食」。疑李說是。

即請置學事,並不見於有關諸人傳,紀亦不載,有無未可必。今姑從北齊書改「元叉」爲「收」,又 配明堂,故有此奏。其時靈太后臨朝攝政,元叉亦用事,故有靈太后之令也。 高祖大造區夏,道侔姬文,擬祀明堂,式配上帝。』蓋孝明熙平二年,太師、高陽王雍等議以高祖 魏書卷六六李崇傳,此奏實出於崇,與楊愔、邢郃、魏收諸人初不相涉。 後楊愔與魏收及卻請置學奏曰 至『累遷尚書令加侍中』凡六百六十七字皆李崇傳文,錯入此篇耳。」按錢說是。楊愔與魏收、邢 云:「按史敍此事於太昌之後太昌,孝武年號,元叉死已久矣。、北齊書以爲魏收者爲近之。 諸本「收」字作「元叉」二字、北齊書作「收」。 其文云:『伏聞朝議,以 錢氏考異卷三九 竊意自『請置學』 然考之

用圓括號删「奏曰二黌兩學」以下六百六十五字。

諸本「下土」訛作「十二」,據魏書卷六六李崇傳、北齊書卷三六補邢卻傳改。

修此數條 諸本「此」訛「比」、據魏書李崇傳、北齊書邢卻傳改。

宣布下土

文襄在京輔政 錢說是,高澄在鄰「輔政」,見本書卷六文襄紀。 今據改。 諸本「文襄」作「武帝」,通志作「文宣」。錢氏考異云:「『武帝』當作『文襄』。」按

- 全艺 文襄富於春秋 諸本「文襄」作「宣武」,錢氏考異云:「『宣武』亦『文襄』之譌。」按下文言崔暹
- 薦 邢仰事,見本書卷三二崔暹傳。 暹傳正作「文襄」,今據改。下文三處同改。
- 治所。 唯南兗糴粟就濟陽 「濟陽」當爲「濟陰」之訛。 食 之 按魏書地形志中西兗州無濟陽,有濟陰郡。 所屬定陶城,即西兗州
- 二式 自除太常卿兼中書監攝國子祭酒 遜於天保七年受詔校書,請以太常卿邢子才家藏書參校。 文字兀突, 疑此上有脫文。 北齊書「自除」作「累遷」、通志「自」作「後」, 疑是各以意改,未必原 按上文不言卻於何時除太常卿。據北齊書卷四五樊遜傳, 則卻爲太常卿,當在天保年間。
- 幸晉陽 甘露詩、甘露頌) 北齊書上有「世宗」二字, 內容都是歌頌皇帝之語。 通志有「文宣」二字。 高澄世宗未曾爲帝、疑通志作「文宣」是。 按藝文類聚卷九八有北齊邢子才應詔

文

如

此

- 日思 心誤書 北齊書作「且誤書思之」,通志作「且思誤書」。 按「日」當是「且」之訛。
- 及卒人士為之傷心 得 見其死。 據本書卷九○馬嗣明傳,言卻子大寶,少年早喪,則死者當是大寶,非邢恕。 此承上文,似是邢恕卒。 但本卷邢臧傳、言恕仕隋、卒於沂州長史,則卻不

列 孝文初爲 傳 第 Ξ 荆 + 州 刺史 校 勘 按魏書卷六六李崇傳云:「高祖初, 記 爲大使, 巡察冀州。 尋以本官行梁州

上

脱文。

刺史。 之。」蕭 時巴氐擾動,詔崇以本將軍爲荆州刺史。」下文又云:「尋勒邊戍,掠得蕭賾人者,悉令還 賾齊武帝即位在太和六年,時孝文在位已十二年,則此作「孝文初」,非是。 此乃北史删節

圍逼湖陽 通典卷一八七級循蠻傳「湖」作「潁」,魏書卷一〇一蠻傳「湖陽」作「潁川」。

致誤。

呈 從魏書。 號日 訛。」按張說是。 蕃版裝定 臥彪 今從張說、改「它」爲「庀」。 南、北、汲、殿四本及魏書「庀」作「治」。百衲本作「它」。張元濟云:「『它』疑『庀』之 魏書李崇傳「彪」作「虎」、北史避唐諱改。 北史例避「治」字,故改「治」爲「庀」。「庀」音底治也、刻誤作「它」,南本以下遂改

北史通行本崇表已屬入邢卻傳見上文,此處當經後人修補,故不復見痕迹。 州刺史,儀同如故,不行」。 侍中」顯與上文所删最后八字相重複,今不補 尋除中書監驃騎大將軍儀同如故 然後載崇請立明堂表,再接「除中書監、驃騎大將軍,儀同 魏書「尋除」下有「都督冀定瀛三州諸軍事、驃騎大將軍、冀 且下文「遷尚書令加 如故」。 按

「侍中崔光止取兩匹。太后問曰:『侍中何少? 唯長樂公兩手持絹二十匹而出 作「長樂公主」。 通志卷一五〇上李崇傳亦有「主」字。 魏書李崇傳不載此事。 』對曰:『臣有兩手,唯堪兩匹。』」所記與此不同。 按洛陽伽藍記卷四開善寺條記此事云: 魏書卷十三宣武靈皇后傳,「長樂公」

高羅傳。

「宝力」 平字雲定 魏書卷六五、通志卷一五〇上李平傳「雲」作「曇」。疑作「曇」是。

車駕將幸鄴 諸本「駕」訛作「騎」,據魏書、通志改。

履武尾 魏書、通志「武」作「虎」、北史避唐諱改。

除定冀二州刺史 魏書作「除其定冀之勳」。 按魏書意爲削除其平定冀州之勳。 觀下文「尙書

令、任城王澄奏理平定冀之勳」,即知魏書是。 且除刺史,不得同時爲兩州。 北史誤。

及明崔㥄之謗言執侯景之姦使昔人稱孟軻爲勇於文簡公見之 証,卻執無此言。 事,亦不言其諡文簡。 邢子才覺之,掩捕盡獲之,因散檄東方諸州,各爲之備,由是景不能取」。通鑑 又通鑑卷一六〇四九四八頁梁太清元年正月, 據本書卷二四崔㥄傳, 謂崔暹告高澄, 稱侯景「遣軍士二百人載仗入西 言懷護高澄為黃額小兒,引如 按邢仰傳本文無一語及此二 爲

所本,或是三國典略。 兗州 ,欲襲取之。 但北史原文亦當敍及此事,否則此論便是無的放矢。 考那如傳敘如 歷官

事跡,頗多漏略。如即於天保初曾官太子少師,修麟趾格, 見於本書卷三三李渾傳。 修麟 }趾

又見於洛陽伽藍記卷三。 如以李崇表羼入卻傳,以高澄爲「武帝」、「宣武」,以子大寶之死爲姪恕之死等,李延壽 又曾官殿中尚書,見本書卷八一 李鉉傳。 疑傳本北史之那如傳,亦非

列 傅 第 Ξ + 校 勘 記 原貌。

北史卷四十四

列傳第三十二

崔光 子劼 弟子鴻 崔亮 從弟光韶 叔祖道固

南平原貝丘人也。「」父靈延,朱長廣太守,與朱冀州刺史崔道固共拒魏軍。 水。慕容氏滅,仕宋爲樂陵太守。於河南立冀州,置郡縣,即爲東淸河鄃人。縣分易,更爲 三齊,光年十七,隨父徙代。家貧好學,畫耕夜誦,傭書以養父母。 崔光,清河人,本名孝伯,字長仁,孝文賜名焉。祖曠,從慕容德南度河,居青州之時 慕容白曜之平

經述敍古事,因賦詩三十八篇。 拜散騎常侍,著作如故,**兼太子少傅。又以本官兼侍中、使持節爲陝西大使,**巡方省察。 所 文所知待,常曰:「孝伯才浩浩如黃河東注,固今日之文宗也。」以參贊遷都謀,賜爵朝陽子。 太和六年,拜中書博士、著作郎,與祕書丞李彪參撰國書,再遷給事黃門侍郎。 還,仍兼侍中。以謀謨之功,進爵爲伯。 光少有大度,喜怒 甚爲孝

列

傅

容論議,參贊大政而已。孝文每對羣臣曰:「以崔光之高才大量,若無意外咎譴,二十年後 掠爲奴婢,後詣光求哀,光乃以二口贖免。孝文聞而嘉之。雖處機近,未曾留心文案,唯從 不見於色,有毀惡之者,必善言以報,雖見誣謗,終不自申曲直。 皇興初,有同郡二人並被

當作司空。」其見重如是。

官,以彪意在專功,表解侍中、著作以讓處。宣武不許。遷太常卿,領齊州大中正。 尋以罪廢。宣武居諒闇,彪上表求成魏書,詔許之,彪遂以白衣於秘書省著述。 光雖領史 宣武卽位,正除侍中。初,光與李彪共撰國書,太和之末,彪解著作,專以史事任光。彪

正始元年夏,有典事史元顯獻四足四翼雞,詔散騎侍郎趙邕以問光。光表曰:

臣竊推之,頭爲元首,人君之象也。今雞一身已變,未至於頭,而上知之,是將有其事 而不遂成之象也。若政無所改,頭冠或成,爲患滋大。」是後張角作亂,稱黃巾賊,遂破 政事,猶石顯也。一竟寧元年,石顯伏辜,此其效也。一靈帝光和元年,南宮寺雌雞欲化爲 元帝初元中,丞相府史家雌雞伏子,漸化爲雄,冠距鳴將。永光中,有獻雄雞生 劉向 臣謹案漢書五行志宣帝黃龍元年,未央殿路幹中雌雞化為雄,毛變而不鳴不將無 身皆似雄,但頭冠尚未變,四詔以問議郎察邕。邕對曰:「貌之不恭,則有雞禍。 以爲雞者小畜,主司時起居,小臣執事爲政之象也,言小臣將乘君之威,以害

矣。 壞四方,疲於賦役,人多叛者。上不改政,遂至天下大亂。今之雞狀不同,其應頗相類 羣下相扇助之象。 向、邕並博達之士,考物驗事,信而有證,誠可畏也。 雛而未大,脚羽差小,亦其勢尙微,易制御也。 臣以邕言推之,翅足衆多,亦

禍。 瘼。 離。 陽屯師,盛夏未反,荆蠻狡猾,征人淹次。東州轉輸,多往無還,百姓困窮,絞縊以殞。 亦前代君房之匹。比者南境死亡千計,白骨横野,存有酷恨之痛,歿爲怨傷之魂。 弭慶進, 禎祥集 鑒,警天地之意,禮處左右,節其貴越。 戮,君爲之不舉,陛下爲人父母,所宜矜恤。 北 如罕,宴宗或闕,時應親享郊廟,延敬諸父。 方霜降,蠶婦輟事。 陛下縱欲忽天下,豈不仰念太祖取之艱難,先帝經營劬勞也。誠願陛下留聰明之 簡費 詩、書、春秋、秦、漢之事多矣,此皆陛下所觀者。今或有自賤而貴,關預政事,殆 臣 .聞災異之見,皆所以示吉凶。 明君覩之而懼,乃能招福,闇主視之彌慢,所用致 山池,滅撤聲飲,晝存政道,夜以安身。 羣生憔悴, 莫甚於今。 往者鄧通、董賢之盛,愛之正所以害之。 國重戎戰,用兵猶火,內外怨弊,易以亂 此亦賈誼哭歎,谷永切諫之時。 檢訪四方,務加休息,爰發慈旨,撫振 博采芻蕘,進賢黜佞,則兆庶幸甚,妖 司寇行 叉躬 省

帝覽之大悅。 列 後數 日而一站等並以罪失伏法,於是禮光逾重。 光

矣。

大旱跨時,人勞物悴,莫此之甚。承天子育者所宜矜恤。伏願陛下追殷二宗感變之意,側 鵬鳴於宮寢,菌生賓階軒坐之正,準諸往記,信可爲誡。且東南未靜,兵革不息,郊甸之內, 先,國興而妖豫。是故桑穀拱庭,太戊以昌,雊雉集鼎,武丁用熙。自比鴟鵲巢于廟殿,梟 也。 高華之所。今極宇崇麗,壇築工密,糞朽弗加,沾濡不及,而茲菌歘構,厥狀扶疏,誠足異 長,非有根種,柔脆之質,彫殞速易,不延旬月,無擬蕭斧。又多生墟落穢濕之地,罕起殿堂 所謂『蒸成菌』者也。又云『朝菌不終晦朔』。 躬聳誠,惟新聖道,節夜飮之忻,强朝御之膳,養方富之年,保金玉之性,則魏祚可以永隆, 皇壽等於山岳。」 夫野木生朝,野鳥入廟,古人以爲敗亡之象。然懼災修德,咸致休慶,所謂家利而 二年八月,光表曰:「去二十八日,有物出于太極之西序,敕以示臣。 臣案其形,卽莊子 雍門周所稱『磨蕭斧而伐朝菌』,指言蒸氣鬱

臣之愚識,知無不言,乞停李獄,以俟育孕。」帝納之。 巡不作,奏曰:「伏聞當刑元隃妾李,加之屠割。妖惑扇亂,誠合此罪。但外人竊云,李今 舉必書,義無隱諱,酷而乖法,何以示後。陛下春秋已長,未有儲體,皇子襁褓,至有夭失。 懷姙,例待分產。且臣尋諸舊典,兼推近事,戮至刳胎,謂之虐刑,桀、紂之主,乃行斯事。君 四年,除中書舍人。〔三〕永平元年秋,將誅元愉妾李氏,羣官無敢言者。敕光爲詔,光逡

賜坐,詔光曰:「卿是朕西臺大臣,當令爲太子師傅。」光起拜固辭,詔不許。 延昌元年,遷中書監,侍中如故。二年,宣武幸東宮,召光與黃門甄琛、廣陽王深等並 即令明帝出焉,

從者十餘人,敕以光爲傅之意,令明帝拜光。光又拜辭,不當受太子拜,復不蒙許。 詹事王顯啓請從太子拜,於是宮臣畢拜。光北面立,不敢答拜,唯西面拜謝而 明帝遂

出。 於是賜光繡采一百匹,琛、深各有差。尋授太子少傅,遷右光祿大夫,侍中、監如故。 四年正月,宣武夜崩,光與侍中、領軍將軍于忠迎明帝於東宮,安撫內外,光有力焉。帝

崩後二日,廣平王懷扶疾入臨,以母弟之親,徑至太極西廡,哀慟禁內,呼侍中、黃門、領軍、

引漢光武初崩,太尉趙憙横劍當階,推下親王故事,辭色甚厲。聞者莫不稱善,壯光理義有 二衞,云身欲上殿哭大行,又須入見主上。諸人皆愕然相視,無敢抗對者。光獨攘衰振杖, 懷聲淚俱止,云:「侍中以古事裁我,我不敢不服。」於是遂還,頻遣左右致謝。

祭酒、詔乘步挽於雲龍門出入。尋遷車騎大將軍、儀同三司。靈太后臨朝後,光累表遜位。 任城王澄表光宜還史任,於是詔光還領著作。遷特進,以奉迎明帝功,封博平縣公,領國子 有司奏追于忠及光封邑。熙平元年二月,太師、高陽王雍等奏舉光授明帝經。 于忠擅權,光依附之,及忠稍被疏黜,光幷送章綬冠服茅土,表至十餘上,靈太后優答不許。 初,永平四年,以黃門郎孫惠蔚代光領著作。惠蔚首尾五歲,無所厝懷。至是,尙書令、

列

於靈太后,四月,更封光平恩縣侯,以朝陽伯轉授第二子勗。 其月,敕賜羊車

后夫 薦郊廟,止決大政,輔神養和,簡息游幸,則率土屬賴,含生仰悅矣。」 方行,勳貴增遷,祗請遂多,將成彝式。陛下遵酌前王,貽厥後矩,天下爲公,億兆已任。 左右僕侍,衆過千百,扶衞跋涉,袍鉀在身。昔人稱陛下甚樂,臣等至苦,或其事也。 以垂來訓。 **羣臣,示男女之別,國之大節。** 抑,载馳、竹竿所爲作也。 女並爲周王后,無適本國之事。 頻幸王公第宅,光表諫曰:「禮記云:諸侯非問疾弔喪,入諸臣之家,謂之君臣爲謔。不言王 人,明無適臣家之義。夫人父母在,有時歸寧,親沒,使卿大夫聘。 時靈太后臨朝,每於後園親執弓矢,光乃表上中古婦人文章,因以致諫。 昨軒駕頻出,幸馮翊君、任城王第。雖漸中秋,餘熱尙蒸,衡蓋往還,聖躬煩倦。 漢上官皇后將廢昌邑,霍光外祖也,親爲宰輔,后猶御武帷以接 伯姬待姆,安就炎燎,樊姜俟命,四忍赴洪流。 是制深於士大夫。許嫁唁兄,又義不得,衞女思歸,以禮自 春秋紀陳、宋、齊之 是秋,靈太后 但帝族

乃學者之根原,不朽之永格,便可一依公表。」光乃令國子博士李郁與助敎韓神固、劉爕等 刺 (堪任 ·史臨州,多構圖寺,官私顯隱,漸加剝撤,由是經石彌滅,文字增缺。 神龜 幹 事者,專主周視,驅禁田牧,制其踐穢,料閱碑牒所失次第,量厥補綴。」 元年,光表曰:「尋石經之作,起自炎劉,昔來雖屢經戎亂,猶未大崩侵。 今求遣國子博士一 傳皆綴集, 詔曰:「此 如聞往者

勘校石經,其殘缺,計料石功,幷字多少,欲補修之。 後靈太后廢,遂寢。

下 、祗 心圖構,皷爲福善,聖躬玉趾,非所踐陟。臣庶恇惶,竊謂未可。」九月,靈太后幸嵩 年八月,靈太后幸永寧寺,躬登九層佛圖。光表 ,諫曰:「伏見親昇上級,佇蹕表剎之 Щ

佛寺,光上表諫,不從。

年終不肯受。

京兆王繼頻上表 正光 元年冬,賜光几杖衣服。 以位讓光,四月,以光爲司徒,侍中、國子祭酒、領著作如故。 二年春,明帝親釋奠國學,光執經南面,百僚陪列。司徒、 光表固辭,歷

時或 父母,撫之如傷,豈可棄 以曹恭公遠君子,近小人,博求賢俊,太尉華歆由此遜位而讓管寧者也。 也』。貪惡之鳥, 人所獲,方被畜養,晏然不以爲懼。 人以爲不善。 冷啄,一食之費,容過斤鎰。今春夏陽早,穀糴稍貴, 八月,獲禿鶖鳥於宮內,詔以示光。 願遠師 是以張臶惡鴟,賈誼忌鵬。 設宗,近法魏祖,修德進賢,消災集慶,放無用之物,委之川澤, 野澤所育,不應入於殿廷。 人養鳥,留意於醜形惡聲哉 準諸往義,信有殊 鵜鶘暫集 光表曰:「此卽詩所謂『有鶩在梁』,解云『禿鶩 昔魏氏黃初中,有鵜鶘集于靈芝池,文帝 而 ! 矣。 衛侯好鶴,曹伯 去,前王猶爲至誠,況今親 窮窘之家,時有菜色。 饕餮之禽,必資魚肉,菽麥稻粱, 愛雁,身死國滅,可爲 臣聞野物入舍,古 取樂琴書,頤 入宮禁,爲 陛下爲人 下韶,

養神性。」明帝覽表大悅,即棄之池澤。

保,光叉固辭。光年耆多務,病疾稍增,而自强不已,常在著作,疾篤不歸。四年十月,帝親 事、諡文宣。明帝祖喪建春門外,望轜哀感,儒者榮之。 尚書令、驃騎大將軍、開府、冀州刺史,侍中如故。又敕加後部鼓吹、班劍,依太保廣陽王故 **輦還宮,流涕於路,爲滅常膳,言則追傷,每至光坐講讀之處,未曾不改容悽悼。贈太傅,領** 雖微,神明不亂,至第而薨,年七十三。明帝聞而悲泣,中使相尋,詔給東園溫明祕器、朝服 敕子姪等曰:「吾荷先帝厚恩,位至於此,史功不成,歿有遺恨。汝等速可送我還宅。」氣力 臨光疾,詔斷賓客,中使相望,爲止聲樂,罷諸游眺,拜長子勵爲齊州刺史。十一月,疾甚, 一具、衣一襲、錢六十萬、布一千匹、蠟四百斤,大鴻臚監護喪事。 車駕親臨,撫屍慟哭,御 冬, 韶光與安豐王延明議定服章。三年六月, 韶光乘步挽至東西上閤。九月, 進位太

郡國詩以答之,國別爲卷,爲百三卷焉。 初,光太和 中依宮商角徵羽本音而爲五韻詩,以贈李彪,彪爲十二次詩以報光,光又爲

禍,光隨時俛仰,竟不匡救,於是天下譏之。自從貴達,罕所申薦,會啓其女壻彭城劉敬徽, 始領軍于忠,以光舊德,事之,至一元叉於光亦深宗敬。及郭祚、裴植見殺,淸河王懌遇 光寬 和慈善,不忤於物,進退沈浮,自得而已。常慕胡廣、黃瓊爲人,故爲氣概者所不

帝許之。 少傅讓元暉、穆紹、甄琛,爲國子祭酒讓淸河王懌、任城王澄,爲車騎、儀同讓江陽王繼,又 云 敬徽爲荆州五隴戍主,女隨夫行,常慮寇抄,南北分張,乞爲徐州長兼別駕,暫集京師。明 時人比之張禹。 光初爲黃門則讓宋弁,爲中書監讓汝南王悅,爲太常讓劉芳,爲

讓靈太后父胡國珍,皆顧望時情,議者以爲矯飾。

摩、十地經,聽者常數百人。即爲二經義疏三十餘卷,識者知其疏略。 頌表啓數百篇,五十餘卷,別有集。 集膝前,遂入於懷,緣臂上肩,久之乃去。道俗讚詠詩頌者數十人。每爲沙門、朝貴請講維 崇信佛法,禮拜讀誦,老而逾甚。終日怡怡,未會恚忿。曾於門下省晝坐讀經,有鴿飛 凡所為詩賦銘贊誄

葬本鄉,詔遣主書張文伯宣弔。孝昌元年,除太尉長史,襲父爵。 名於世。父光疾甚,拜征虜將軍、齊州刺史。侍父疾,衣不解帶,及薨,孝明每加存慰。光 著作,固辭不拜。後除中書侍郎。領軍將軍元叉爲明堂大將,以勵爲長史。與從兄鴻俱有 中、衞將軍、靑州刺史。勵弟討。 光子勵,字彥德,器學才德,最有父風。舉秀才,中軍彭城王參軍、祕書郎中,以父光爲 建義初,遇害河陰。贈侍

尚字彦玄,少淸虚寡欲,好學有家風。

魏末,累遷中書侍郎。 傳 第 興和三年,兼通直散騎常

勘, 討, 討諫以爲不可, 由是忤意, 出爲 南兗州 刺史。 代還, 重爲度 支尚書、 儀同三司, 食文登縣 書,俄授京省。尋轉五兵尙書,監國史。臺閣之中,見稱簡正。武成之將禪後主,先以問 慎,甚爲齊文宣所知。拜南靑州刺史,有政績。入爲祕書監、齊州大中正,遷,幷省度支尚 侍,使于梁。 尋除中書令,加開府,待詔文林館,監修撰新書。卒,贈齊州刺史、尚書左僕射,諡文 天保初,以議禪代,除給事黃門侍郎,加國子祭酒,直內省,典機密。 淸儉勤

恨魏收書,欲更作編年紀,而才思竟不能就。 藩。」問曰:「立身來,恥以言自達。今若進兒,與身何異」」卒無所求。聞者莫不歎服。問常 供、

撝並爲外任。弟廓之從容謂

問曰:「

拱幸得不凡,

何不在省府中

清華之所,

而並出外 初,和土開擅朝,曲求物譽,諸公因此頗爲子弟干祿。世門之胄,多處京官,而問二子

景明已降,頻歲不登,飢寒請丐者,皆取足而去。又置逆旅於肅然山南大路之北,設食以供 生憂,不拜。敬友精心佛道,晝夜誦經,免喪之後,遂菜食終身。恭寬接下,修身厲節。自 光弟敬友,本州從事。[六] 頗有受納,御史案之,乃與守者俱逃。後除梁郡太守,會遭所

行者。卒于家。子鴻。守

儒學才明者三十人,議定律令於尙書上省,鴻與光俱在其中,時論榮之。後爲三公郎中,加 鴻宇彥鸞,少好讀書,博綜經史,稍遷尙書都兵郎中。詔太師、彭城王勰以下公卿朝士

景明以來考格,三年成一考,一考轉一階。貴賤內外,萬有餘人,自非犯罪,不問賢愚,莫不 器,黜陟幽明,揚淸激濁。故績效能官,才必稱位者,朝昇夕進,豈拘一階半級者哉。二漢 得一分一寸,必爲常流所攀,選曹亦抑爲一概,不曾甄別。琴瑟不調,改而更張,雖明旨已 當遷進者,披卷則人人而是,舉目則朝貴皆然。故能時收多士之譽,國號豐賢之美。竊見 以降,太和以前,苟必官須此人,人稱此職,或超騰昇陟,數歲而至公卿,或長兼、試守稱允 員外散騎常侍。 行,猶宜消息。」宣武不從。「公 上中,才與不肖,比肩同轉。雖有善政如黃、蘪,儒學如汪、鄭,才史如班、馬,文章如脹、蔡, 延昌二年,將大考百僚,鴻以考令於體例不通,乃建議曰:「竊惟昔者爲官求才,使人以

其京兆宅之庭樹。後遷中散大夫、高陽王友,仍領郎中。正光元年,加前將軍,修孝文、宣武 三年,鴻以父憂解任,甘露降其廬前樹。十一月,宣武以本官徵鴻。四年,復有甘露降

起居注。

以待後人。」臨薨,言鳩於孝明。五年,詔鳩以本官修緝國史。 加散騎常侍、齊州大中正。鴻在史甫爾,未有所就。 光 撰魏 史,徒有卷目,初未考正,闕略尤多,每云:「此史會非我世所成,但須記錄時事, 尋卒,贈鎭東將軍、度支尙書、青州刺 孝昌初,拜給事黃門侍郎,尋

典起居,乃妄載其表曰: 送至,股當於機事之暇覽之。」鴻以其書有與國初相涉,言多失體,且旣訖,不奏聞。「亞鴻後 行於外。宣武聞其撰錄,遣散騎常侍趙邕詔鴻曰:「聞卿撰定諸史,甚有條貫,便可隨成者 其舊記,時有增損褒貶焉。鴻二世仕江左,故不錄僭晉、劉、蕭之書,又恐識者責之,未敢出 遜、馮跋等並因世故,跨僭一方,各有國書,未有統一,鴻乃撰爲十六國春秋,勒成百卷,因 健、慕容垂、姚萇、慕容德、赫連屈孑、張軌、李雄、呂光、乞伏國仁、禿髮烏孤、李暠、 沮渠蒙 弱冠便有著述志。 見晉、魏前史,皆成一家,無所措意。以劉元海、石勒、慕容儁、苻

紛 武,始得凉、朔同文,牂、越一軌。於是談、遷感漢德之盛,痛諸史放絕,乃針括舊書,著 成太史,所謂緝茲人事,光彼天時之義也。 臣聞帝王之興也,雖誕應圖錄,然必有驅除,蓋所以翦彼厭政,成此樂推。故戰國 列傳第三十二 崔光

宇一同,百姓始得陶然蘇息,欣於堯、舜之代。 世重光,業隆玄默。世祖雄才叡略,闡曜威靈,農戰兼修,掃淸氛穢。 革,靡所歸控。 趙、燕旣爲長蛇、遼海緬成殊域,中原無主,八十餘年。 者日月相尋。 昔晉惠不競,華戎亂起,三帝受制於姦臣,二皇晏駕於非所,五都蕭條,鞠爲煨燼。 太祖道武皇帝以神武之姿,接金行之運,應天順人,龍飛受命。 皇魏龍潛幽、代,內修德政,外抗諸僞,弁、冀之人,懷寶之士,襁負而至 遺晉僻遠,勢略孤微, 歲垂四紀,而寰 太宗必 人殘兵

子據蜀 備。 美,竊亦輒所庶幾。始自景明之初,搜集諸國舊史,屬遷京甫爾,率多分散,求諸公私, 錄紛謬,繁略失所,宜審正同異,定爲一書。誠知敏謝允南,才非承祚,然國志、史考之 惡興滅之形,用兵乖會之道,亦足以垂之將來,昭明勸戒。但諸史殘缺,體例全虧,編 中國所無,非臣私力所能終得。其起兵僭號,事之始末,乃亦頗有,但不得此書,懼簡 定爲實錄。 驅馳數歲。 謹於吏案之暇,草構此書,區分時事,各繫本錄。稽以長歷,考諸舊志,删正差謬, 自晉永寧以後,雖所在稱兵,競自尊樹,而能建邦命氏,成爲戰國者,十有六家。善 時書,尋訪不獲,所以未及繕成。[10]輟筆私求,七載于今。 叉臣家貧祿微,唯任孤力,至於書寫所資,每不周接。 暨正始元年,寫乃向 商較大略,著春秋百篇。至三年之末,草成九十五卷。唯常璩所撰李雄父 此書本江南撰錄,恐

州大中正趙邕忽宣明旨,敕臣送呈,不悟九皐微志,乃得上聞。奉敕欣惶,慶懼兼至。 略不成。 外思陳奏,**乞敕緣邊求採,但愚賤無因,不敢輕**輒。 散騎常侍、太常少卿、荆

今謹以所訖者附臣

邕呈奏。

慕古人立言美意,文致疏鄙,無一可觀,簡御之日,伏深慚悸。 臣 .又別作序例一卷、年志一卷,自己仰表皇朝統括大義,俯明愚臣著錄微體。

乃頗傳讀。 鴻意如此。 爲滅在元年。如此之失,多不考正。 年,明元永興二年,慕容超禽於廣固,鴻叉以爲在元年,太常二年,姚泓敗於長安,而鴻亦以 自正光以前,不敢顯行其書。自後以其伯光貴重當朝,知時人未能發明其事, 然鴻經綜旣廣,多有違謬。至道武天興二年,姚興改號鴻始,而鴻以爲改在元

代之事,最爲備悉。未曾奏上,弗敢宣流。今繕寫一本,敢以仰呈,乞藏祕閣,以廣異家。」 載,爲之贊序,褒貶評論。先朝之日,草構悉了,唯有字雄圖書,搜索未獲,闕茲一國,遲留 大中正鴻,正始之末,任屬記言,撰緝餘暇,迺刊著趙、燕、秦、夏、西涼、乞伏、西蜀等遺 子子元,祕書郎。後永安中,乃奏其父書,稱:「臣亡考散騎常侍、黃門侍郎、前將軍、齊 子元後謀反,事發逃竄,會赦免,尋爲其叔鵾所殺。 去正光三年,購訪始得,討論適訖,而先臣棄世。凡十六國,名爲春秋,一百二卷,近

光從祖弟長文,字景翰,少亦徙於代都,聰敏有學識。 永安中,累遷平州刺史,以老還

家,專讀佛經,不關世事。卒,贈齊州刺史,諡曰貞。

子懋,字德林,徐州征東府長史。

長文從弟庠,字文序,有幹用。爲東郡太守,元顯寇逼郡界,庠拒不從命,棄郡走還鄉

里。 孝莊還宮,賜爵平原伯,拜潁川太守,頗有政績。 永熙初,除東徐州刺史。二年,爲城

人王早、蘭寶等所害。後贈驃騎將軍、東部尚書、齊州刺史。子罕襲爵,齊受禪,例降。

光族弟榮先,字隆祖,涉歷經史,州辟主簿。子鐸,有文才,位中散大夫。 鐸弟覲,羽林

監。

徙青州,因仕宋爲太山太守。祖脩之,清河太守。父元孫,尚書郎。青州刺史沈文秀之叛, 崔亮字敬儒,清河東武城人,魏中尉琰之後也。 高祖瓊,爲慕容垂車騎屬。 會祖輯,南

宋明帝使元孫討之,爲文秀所害。

亮母房攜亮依其叔祖冀州刺史道固於歷城,及慕容白曜平三齊,內徙桑乾爲平齊人。

列傳第三十二 崔亮

時年十歲,常依季父幼孫。居貧,傭書自業。

博士,轉議郞,尋遷尙書二千石。 能記之不。」亮卽爲誦之,涕淚交零,聲韻不異。沖甚奇之,迎爲館客。沖謂其兄子彥曰: 之於沖,沖召亮與語,因謂曰:「比見卿先人相命論,使人胸中無復怵迫之念。今遂亡本,卿 家饒書,因可得學。」亮曰:「弟妹飢寒,豈容獨飽。自可觀書於市,安能看人眉睫乎」光言 「大崔生寬和篤雅,汝宜友之,小崔生峭整淸徹,汝宜敬之,二人終將大至。」沖薦之爲中書 時隴西李沖當朝任事,亮族兄光往依之,謂亮曰:「安能久事筆硯而不往託李氏也?彼

卿三日假。」又一日,孝文曰:「朕已得之,不煩卿輩也。」驛徵亮兼吏部郎。俄爲太子中舍 野王令。 人,遷中書侍郎,兼尚書左丞。亮雖歷顯任,其妻不発親事春簸,孝文聞之,嘉其清貧,詔帶 孝文在洛,欲創革舊制,選置百官,謂羣臣曰:「與股舉一吏部郎,必使才望兼允者,給

廉愼明決,爲尙書郭祚所委,每云:「非崔郎中選事不辨。」尋除散騎常侍,仍爲黃門。 歲省億計。又議修汴、蔡二渠以通邊運,公私賴焉。 支尚書,領御史中尉。自遷都之後,經略四方,又營洛邑,費用甚廣,亮在度支,別立條格, 宣武親政,日日遷給事黃門侍郎,仍兼吏部郎,領靑州大中正。亮自參選事,垂將十年,

|武曰:「廣平粗疏,向來又醉,卿之所悉,何乃如此也」||遂詔||亮復坐,令懷謝焉。||亮外雖方 因 正,內亦承候時情。宣傳左右郭神安頗被宣武識遇,以弟託亮,亮引爲御史。及神安敗後, 宴集,懷恃親使忿,欲陵突亮。 ·中、廣平王懷以母弟之親,左右不遵憲法,敕·亮推究。

宣武禁懷不通賓客者久之。後 亮乃正色責之,即起於宣武前脫冠請罪,遂拜辭欲出。 宜

馳 |對。轉都官尙書,又轉七兵,領廷尉卿,加散騎常侍。|徐州刺史|元昞撫御失和,口||]詔序 驛安撫。 亮至,劾啊處以大辟,勞賚綏慰,百姓帖然。

除安西將軍、雍州刺史。城北渭水淺不通船,行人艱阻。

亮謂僚佐曰:「昔杜預乃造河

因集禁中,宣武令兼侍中盧昶宣旨責亮曰:「在法官,何故受左右囑請」」亮拜謝而已,無以

之,詔賜衣馬被褥。後納其女爲九嬪,徵爲太常卿,攝吏部事。 百姓利之,至今猶名崔公橋。亮性公淸,敏于斷決,所在並號稱職,三輔服其德政。宣武嘉 梁,況此 無恒,又不可施柱。恐難成立。」亮曰:「昔秦居咸陽,橫橋度渭,以像閣道,此卽以柱爲 今唯慮長柱不可得耳。」會天大雨,山水暴至,浮出長木數百根,籍此爲用,橋遂成立。 有異長河,且魏、晉之日,亦自有橋。 吾今決欲營之。」咸曰:「水淺,不可爲浮橋,汎

鎭東將軍,章武王 孝 明初,出爲定州刺史。梁左游擊將軍趙祖悅率衆據硤石,詔亮假鎭南將軍,齊王蕭 |融安南將軍,並使持節,督諸軍以討之。 靈太后勞遣亮等,賜戎服雜

列

傳

第三

+

崔亮

李崇爲水陸之期,日日進攻,而崇不至。及李平至,崇乃進軍,共平陝石。 亮至硤石,祖悅出城逆戰,大破之。祖悅復於城外置二栅,欲拒軍,亮焚擊破之。

若畏威降首者,自加蠲宥,以仁爲本,任之雅算。」以功進號鎭北將軍。 盪之理,盡彼遺燼也。隨便守禦,及分度掠截,扼其咽喉,防塞走路,期之全獲,無令漏逸。 以立計。禽翦蟻徒,應在旦夕。將軍推轂所馮,親對其事,處分經略,宜共協齊,必令得掃 靈太后賜亮璽書曰:「硤石旣平,大勢全舉,潍堰孤危,自將奔遁。若仍敢游魂,此當易

中,形於聲色。 有小捷,豈免大咎。但吾攝御萬機,庶茲惡殺,可特聽以功補過。」及平至,亮與爭功於禁 還京,失乘勝之機,闕水陸之會,今處亮死,上議。靈太后令曰:「亮去留自擅,違我經略,雖 李平部分諸軍,將水陸無進,以討堰賊。亮違平節度,以疾請還,隨表而發。平表亮輒

皆稱其能。亮外甥司空諮議劉景安書規亮曰:「殷、周以鄉塾貢士,兩漢由州郡薦才,魏、晉 停解日月爲斷,雖復官須此人,停日後者終於不得,庸才下品,年月久者灼然先用。沈滯者 一個,又置中正。諦觀在昔,莫不審舉,雖未盡美,足應十收六七。而朝廷貢才,止求其文, 少,應選者多,前尙書李韶循常擢人,百姓大爲怨。一亮乃奏爲格制,不問士之賢愚,專以 蕁除殿中尚書,遷東部尚書。 時羽林新害張彝之後,靈太后令武官得依資入選。 官員

之途不溥,沙汰之理未精。而舅屬當銓衡,宜須改張易調。如何反爲停年格以限之,天下 不取其理。察孝廉唯論章句,不及治道,立中正不考人才行業,空辨氏姓高下。 至於取士

士子誰復修厲名行哉?」亮答書曰:

者。昔有中正品其才第,上之尚書,尚書據狀,量人授職,此乃與天下羣賢共爵人也。 有由而然。今已爲汝所怪,千載之後,誰知我哉!可靜念吾言,當爲汝論之。 而居帝難之任。常思同升舉直,以報明主之恩;盡忠竭力,不爲貽厥之累。昨爲此格, 吾兼正六為東部郎,三為尚書,銓衡所宜,頗知之矣。 但古今不同,時宜須異。 何 汝所言乃有深致。吾乘時徼幸,得爲吏部尚書。當其壯也,尚不如人,況今朽老,

設令十人共一官,猶無官可授,況一人望一官,何由可不怨哉? 吾近面執,不宜使武人 令垂組乘軒,求其烹鮮之效,未曾操刀,而使專割。 又武人至多,官員至少,不可周溥。 哉!今勳人甚多,又羽林入選,武夫崛起,不解書計,唯可彍弩前驅,指蹤捕噬而已。忽 入選,請賜其爵,厚其祿。旣不見從,是以權立此格,限以停年耳。 人之鑒,照察天下,劉毅所云一吏部、兩郎中而欲究鏡人物,何異以管窺天而求其博 吾謂當爾之時,無遺才、無濫舉矣,而汝猶云十收六七。況今日之選,專歸尙書,以一

昔子產鑄刑壽以救敝,叔向談之以正法,何異汝以古禮難權宜哉。仲尼云:「德我

列

者春秋,罪我者亦春秋。」吾之此指,其由是也。 但令當來君子,知吾意焉

後 |甄琛、元脩義、城陽王徽相繼爲吏部尙書,利其便己,踵而行之。 自是賢愚同貫,涇、渭無

別。魏之失才,從亮始也。

亮上表乞解僕射,詔不許。

年之中,名位隆赫。 歷侍中、太常卿、左光祿大夫、尚書右僕射。時劉騰擅權,亮託妻劉氏,傾身事之,故頻 有識者譏之。 轉尙書僕射,加散騎常侍。 疽發於背,明帝遣舍人問疾,

專卒,詔給東園秘器,贈車騎大將軍、儀同三司,諡曰貞烈。

橋 東 堰 亮 在雍州,讀杜預傳,見其爲八磨,嘉其有濟時用,遂敎人爲碾。 |穀水,造磑磨數十區,其利十倍,國用便之。 | 亮有三子, 士安、士和、士泰, 並强幹, 善 及爲僕射,奏於張方

士安歷尚書比部郎,卒於諫議大夫,贈左將軍、光州刺史。 無子,弟士和以子乾亨繼。

乾亨,武定中,尚書都兵郎中。

於當

詐降,寶夤 和初爲司空主簿。 表士和 無度支尚書爲隴右行臺,令入秦撫慰,爲念生所害。 蕭寶夤之在關中,高選僚佐,以爲都督府長史。 時莫折念生遣使

驤 將軍、征蠻別將。 泰 歷給事中、司空從事 事平,以功賜爵五等男。 中郎、諫議大夫、司空司馬。 建義初,遇害於河陰,贈都督、靑州刺史,諡曰 明帝末,荆蠻 侵斥,以士泰爲龍

文肅。子肇師襲爵。

保初,以參定禪代禮儀,自己封襄城縣男,仍兼中書侍郎,卒。始鄴下有薛生者,能相人,言 問其故,曰:「崔鴻十六國春秋述諸僭僞而不及江東。」左右曰:「肇師與鴻別族。」乃止。天 捨之。仍巡慰**青部而還。肇師以從弟乾亨同居,事伯母甚謹。齊文襄嘗言肇師合誅,左右** 爲慰勞靑州使,至齊州界,爲土賊崔迦葉等拘,欲逼與同事,肇師執志不動,喻以禍福,賊遂 趙彥深當大貴。「三肇師因問己,答曰:「公門望雖高,爵位不及趙。」終如其言。 肇師 少時疏放,長遂變節,更成謹厚。 涉獵經史,頗有文思。 天平初,以通直散騎侍郎

城子,爲冀州別駕。 亮弟敬默,奉朝請,卒於征虜長史,贈南陽太守。子思韶,從亮征硤石,以軍功賜爵武

敬默弟敬遠,以其賤出,殊不經紀,論者譏焉。

品,屬逢皇朝,恥無讓德。」和亦謙退,辭而不當。孝文善之,遂以和爲廣陵王國常侍。 文嘉而許之。太和二十年,以光韶爲司空行參軍,復請讓從叔和,曰:「臣誠微賤,未登讓 光伯學生,操業相侔,特相友愛,遂經吏部尚書李沖,讓官於光伯,辭色懇至。沖爲奏聞,孝 光韶,亮從父弟也。父幼孫,太原太守。光韶事親以孝聞。日己初除奉朝請,光韶與弟

列

解,敕知州事。 常若震厲。 意,朝士屬和者數十人。久之,徵爲司徒諮議,固辭不拜。光韶性嚴,聲韻抗烈,與人平談, 徒戶曹。 尋敕光韶兼祕書郎,Cl+D掌校華林御書。累遷青州中從事。後爲司空騎兵參軍,又衆司 出爲濟州輔國府司馬,刺史高植甚知之,政事多委訪焉。遷靑州平東府長史。府 至於兄弟議論,外聞謂爲忿怒,然孔懷雍睦,人少逮之。 光韶清直明斷,吏人畏愛之。入爲司空從事中郎,以母老解官歸養,賦詩展

長史以鎭之。 仰從。」長史崔景茂、前瀛州刺史張烈、前郢州刺史房叔祖、徵士張僧皓咸云:「軍司議是。」 顥 贼退之後,刺史表<u>光韶</u>忠毅,朝廷嘉之,發使慰勞。 尋爲東道軍司。及元顥入洛,自河以 欣 南,莫不風靡。 乃斬 受制梁國,稱兵本朝,亂臣賊子,曠代少疇。何但大王家事,所宜切齒。等荷朝眷,未敢 孝莊 顥 初,河間邢杲率河北流人十餘萬衆攻逼州郡,刺史元儁憂不自安,州人乞光韶爲 時陽平路回寓居齊土,與杲潛相影響,引賊入郭,光韶臨機處分,在難確然。 刺史廣陵王欣集文武以議所從,在坐之人,莫不失色。光韶獨抗言曰:"元

王徽、 曰:「朝賢執事,於舜之功,未聞其一,如何反爲罪人言乎。」其執意不回如此。」永安擾亂,遂 尋 尚書令臨淮王彧、吏部尚書李神儁、侍中李彧並勢望當時,皆爲瑩求寬。 徴 輔 國將軍,再遷廷尉卿。 秘書監祖瑩以贓罪被劾,光韶必欲致之重法,太尉城陽 光韶正色

於財,而性儉客,衣馬敝瘦,食味粗薄。始光韶在都,同里人王蔓於夜遇盜,害其二子。孝莊 矯嗇。其家資產,皆光伯所營。

光伯亡,悉焚其契。

河間邢子才曾貸錢數萬,後送還之。

光 詔黃門高道穆,令加檢捕,一坊之內,家別搜索。至光韶宅,綾絹錢布匱篋充積。議者譏其 光韶博學强辯,尤好理論,至於人倫名教,得失之間,権而論之,不以一毫假物。 家足

韶曰:「此亡弟相貸,僕不知也。」竟不納。

之,敬而不敢害。尋除征東將軍、金紫光祿大夫,不起。 有成事,何勞往也。」子鵠亦歎尙之。後刺史侯深代下,疑懼,謀爲不軌,夜劫光韶,以兵脅 屈。會樊子鵠爲東道大使,知其見枉,理出之。時人勸令詣樊陳謝,光韶曰:「羊舌大夫已 耿翔反於州界, 弼誣光韶子通與賊連結, 囚其合家, 考掠非理。而光韶與之辨爭, 詞色不 之,責以謀略。光韶曰:「凡起兵須有名義,使君今日舉動,直是作賊耳,知復何計」深雖恨 刺史元弼前妻,是光韶之繼室兄女。弼貪惏不法,光韶以親情亟相非責,弼銜之。時

業,足以遺汝,官閥亦何足言也。吾旣運薄,便經三娶,而汝之兄弟各不同生。合葬非古, 但以祿命有限,無容希世取進。在官以來,不冒一級,官雖不達,經爲九卿。 光韶以世道屯邅,朝廷屢變,閉門却掃,吉凶斷絕。誠子孫曰:「吾自謂立身無慚古烈, 且吾平生素

一六三七

之事,未嘗不先以推弟。 志,如有神靈,不享汝祀。 孝靜初,侍中賈思同申啓,稱述光韶,詔贈散騎常侍、驃騎將軍、靑州刺史。 百年之後,不須合也。 弟頃橫禍,權作松櫬,亦可爲吾作松棺,使吾見之。」卒,年七十一。 然贈諡之及,出自君恩,豈容子孫自求之也。勿須求贈。 吾兄弟自幼及老,衣服飲食未嘗一片不同,至於兒女官婚,榮利 若違吾

伯 祖 愆,謂宜許遂。」靈太后令從之。 尋除北海太守,有司以其更滿,依例奏代。 風 臣諸父、昆弟,封君之子,臣昆弟,不臣諸父,封君之孫,得盡臣。 化。」後 自蒞 ,

尚不得臣,況今刺史旣非世繼,而得行臣吏之節,執笏稱名者乎。檢光伯請解,率禮不 光韶弟光伯。爲靑州別駕,後以族弟休臨州,申牒求解。尚書奏:「案禮:始封之君,不 [海沂,清風遠著,兼其兄光韶復能辭榮侍養,兄弟忠孝,宜有甄錄,可更申三年,以廣 歷太傅諮議參軍。 計始封之君,即是世繼之 明帝詔曰:「光

怕 城。 出城慰勞。 未及曉喻,爲飛矢所中,卒,贈靑州刺史。 節 閔 帝時,崔祖螭、張僧皓起逆,攻東陽,旬日間,衆十餘萬。刺史、東萊王貴平欲令光 兄光韶爭之曰:「以下官觀之,非可慰喻止也。」貴平逼之,不得已,光伯遂出

子滔,武定末殷州別駕。

脩之弟道固。 道固字季堅, 其母卑賤, 嫡母兄攸之、目連等輕侮之。 父輯謂攸之曰:

諸客皆知其兄所作,咸拜其母。母謂道固曰:「我賤,不足以報貴賓,汝宜答拜。」諸客皆歎 固諸兄等逼其所生自致酒炙於客前。 道固驚起接取,謂客曰:「家無人力,老親自執劬勞。」 青州刺史新除,過彭城,孝武謂曰:「崔道固人身如此,豈可爲寒士?而世人以其偏庶侮之, 時宋孝武爲徐、克二州刺史,以道固爲從事。 可爲歎息。」刺史至州,辟爲主簿。後爲宋諸王參軍,被遣靑州募人,長史以下並詣道固。道 「此兒姿識,或能興人門戶,汝等何以輕之。」攸之等遇之彌薄。 道固美形貌,善舉止,習武事,孝武嘉之。 輯乃資給道固,令其南仕。

乃歸魏。獻文帝以爲南冀州刺史、淸河公。宋明帝遣說道固,以爲徐州刺史,復歸宋。 後爲冀州刺史,鎭歷城。 宋明帝立,徐州刺史薛安都與道固等立廢帝子業弟子勛,敗 美道固母子,賤其諸兄。

乃徙齊土望共道固守城者數百家於桑乾,自己立平齊郡於平城西北北新城,以道固爲太守, 皇興初,獻文詔征南大將軍慕容白曜討道固,道固面縛壽罪。白曜送赴都,詔恕其死。

,道固之在客邸,與薛安都、畢衆敬隣館,時以公集相見。本旣同由武達,頗結僚舊。

賜爵臨淄子。尋徙居京城西南二百餘里舊陰館之西。日已延興中卒,子景徽襲爵。

傅

時安都志已衰朽,於道固疏略,而衆敬每盡殷勤。 道固謂劉休賓、房法壽曰:「古人云『非我

族類,其心必異』,安都視人,殊自蕭索,畢固依依也。」

景徽字文叡,卒於平州刺史,諡曰定。子休纂襲爵。

道固兄目連子僧祐、僧深。 僧深坐兄僧祐與沙門法秀謀反,[10]徙薄骨律鎮。後位南

龍、祖螭、祖虬。僧深得還之後,絕房氏,遂與杜氏及四子寓靑州。伯麟、伯驥與母房居冀 青州刺史。元妻房氏生子伯麟、伯驥。後薄房氏,納平原杜氏,與俱徙。 。生四子,伯鳳、祖

門。祖龍剛躁,與兄伯麟訟嫡庶,並以刀劍自衞,苦怨讎焉。祖螭小字社客,普泰初反,亦 |州,雖往來父間,而心存母氏,孝慈之道,頓阻一門。 |僧深卒,伯麟奔赴,不敢入家,寄哭寺

朱仲遠討斬之。祖虬,少好學,不馳競。

脚,字啓則,盜錢百萬,背和亡走。 後至儀同、開府鎧曹參軍,坐貪僞,賜死晉陽。[i]] 僧深從弟和,位平昌太守。家巨富而性吝,埋錢數百斛,其母李春思薑,惜錢不買。

師訓少主,不出宮省,坐致台傳,斯亦近世之所希有。但顧懷大雅,託迹中庸,其於容身之 論曰:崔光風素虛遠,學業深長,孝文歸其才博,許其大至,明主固知臣也。歷事三朝,

譏,斯乃胡廣所不**免也**。 迹,於斷年之選,失之逾遠,救弊未聞,終爲國蠹,無苟而已,其若是乎。 鴻博綜古今,立言爲事,亦才志之士乎。 崔亮旣明達從事,動有名 光韶居雅仗正,有

校勘記

國士之風矣。

[一]崔光淸河人至於河南立冀州置郡縣即爲東淸河鄃人縣分易更爲南平原 地理志中齊那長山、淄川二縣,及太平寰宇記卷一九淄州、長山二條,原屬東清河之鄃縣, 郡 郡名上各加「東」字,以區別於河北原有之淸河、平原見魏書地形志中。 有淸河、平原等郡見朱書州郡志。 之淸河郡。後隨慕容德南渡,居於靑州。 劫 傳 所增。 六七崔光傳,言光爲「東淸河鄃人」,無「更爲南平原貝丘 而 隸於東平原此及北齊書之「南平原」、當爲「東平原」之誤。 縣書之,故稱「東淸河鄃人」。至北齊天保七年,併東淸河、平原、廣川三郡爲東平原郡見隋聲 蓋李延壽以劼爲光子,籍貫應同, 北魏獻文皇興中取青、齊,改此冀州爲齊州,並於淸河、 劉宋滅南燕後,於靑州僑置冀州,並置郡 故移於其父傳首,其實錯誤。 北齊書崔劼傳據天保七年後 人」等語。此乃北史據北齊書卷四二雀 魏書崔光傳據北魏皇興後 貝 丘 崔氏 此時當併入貝丘 人也 本居河 郡縣言之, 新. 故河· 按魏書卷 北冀州 平原 南 故 縣 築 涿

則是以北齊郡縣加於北魏時人,

其

云

更爲

南東

平原貝丘人也。」北史移此語於崔光傳首,

`顯然。又北齊書「河南」上有「宋氏」二字,疑此脫。 「縣分易」上亦應有「郡」字。

- 但頭冠尙未變 諸本「尙」作「上」,據魏書崔光傳及漢書卷二七五行志改。
- 除中書舍人 魏書作「中書令」。按光時官位已高,不得降爲第六品之中書舍人,魏書是。
- 樊姜俟命 各本「俟」作「侯」,南本作「候」,魏書及通志卷一五〇崔光傳作「俟」。按「侯」「候」並

「俟」之訛、今從魏書、通志改。

始領軍于忠以光舊德事之 魏書「舊德」下有「甚信重焉、毎事籌決。光亦傾身」十二字。 北史

ハベン 本州從事 魏書卷六七「從事」作「治中」。按北史避唐諱,例改「治中」爲「中從事」,疑此脫

中」字。

删

去,頗失原意。

ハポン 子鴻 以父憂解任。』據魏書,敬友以延昌三年卒,與鴻傳合。知無『弟』字是。」按張說是,今據魏 諸本「子」上有「弟」字。張森楷云:「魏書作『子鴻』,謂敬友子也。下鴻傳云:『三年,鴻

宣武不從 書删。 文卽見「宣武」,今改正。 諸本「宣武」作「武帝」,魏書作「世宗」,通志卷一五〇下崔光傳作「宣武帝」。 按下

へたし 且旣訖不奏聞 魏書作「且旣未訖、迄不奏聞」。此當脫「未」、「迄」二字。

- [210] 所以未及繕成 諸本「繕」作「善」,據魏書改。
- [11] 年志一卷 魏書「志」作「表」,疑是。
- 宣武親政 諸本「宣武」作「孝明」,魏書卷六六崔亮傳作「世宗」。 按北史例稱元恪世宗爲「宣
- 徐州刺史元昞撫御失和 武」。下文「廣平王懷以母弟之親」,懷爲元恪弟,知作「孝明」誤。今據改,下文六處同改。 錢氏考異卷三九云:「北史避唐諱,改『昞』爲『景』,此『昞』字亦後人 彼處改稱其字,又改名爲「景」,可証北史此
- 輒改。」按此元昞卽卷十五常山王遵傳之元壽興。 處之「昞」,非李延壽原文。 錢說是。
- CIED 以參定禪代禮儀 諸本「禪」訛作「渾」,據北齊書卷二三崔懷傳、通志卷一五四崔肇師傳改。
- (三) 言趙彥深當大貴 諸本「深」作「琛」、通志作「深」。 按本書卷五五趙隱傳,隱字彥深,北齊書卷
- 三八同。今據改。
- 光韶事親以孝聞 指兄弟友愛、「事親以悌」不可通。今據改。 諸本「聞」作「悌」,魏書卷六六、<u>通志卷一五〇下崔光韶傳作「聞」</u>。 按「悌」
- [1七] 尋敕光韶兼秘書郎 諸本脫「兼」字,據魏書補。
- 乃徙齊土望共道固守城者數百家於桑乾 魏書卷二四崔玄伯傳附崔道固傳,「土」作「士」。
- 尋徙居京城西南二百餘里舊陰館之西 諸本「陰」作「除」,魏書卷二四作「陰」。 按水經注卷

列

一三濃水注:「濃水逕陰館縣故城西中略。 魏皇興三年齊平,徙其民於縣,立平齊郡。」今據改。

道固兄目連子僧祐僧深僧深坐兄僧祐與沙門法秀謀反 諸本不疊「僧深」二字,據通志卷一五

坐貪偽賜死晉陽 ○下崔亮傳附崔道固傳補。又魏書卷二四「深」作「淵」、北史避唐諱改。

魏書卷二四「僞」作「汚」,疑是。

